



35945

Mag. St. Dr.

P

THEOLOGIA

N.

493



35945

I

1. 5. 18

*Moscorick*  
1615

S. Artis Poenitentiariæ  
TYROCINIVM.

*Cui elementa ad S. Confessiones,  
aliâs edita, nunc vero accu-  
ratiùs correctâ, sunt in-  
serta.*

*H. W. Fris. Sacer. Wipemborn.*  
Authore

F. N. M. Ordinis Prædi-  
catorum.

*Cum licentia Superiorum.*  
*Bibliotheca Monasterii*  
*Tyrocen.*

CRACOVIAE.

In Officina Andreae Petricouij, Typogr: S. R. M.  
Anno D. M. DC. XXV.



Facultas Superioris.

Fr. Andreas Radawiecki, Sacrae Theologiae  
Magister, & Prior Prouincialis prouinciae Po-  
loniae, Ordinis Prædicatorum, tibi R. P. F. Ni-  
colao Mosciensi, Sacrae Theologiae Magistro, no-  
stri autoritate Officij, ac tenore præsentium,  
facultatem concedimus, vs TYROCINIVM  
Sacrae Pænitentiarie, à te conscriptum, typis  
mandare possis. In nomine Patris, & Filij, &  
Spiritus sancti, Amen. In quorum fidem, his si-  
gillo minori, Officij nostri munitis, manu propria  
subscripsimus. Dat: in nostro Conuentu Crac:  
die 2. Iunij. Anno D. 1625.

Fr. Andreas Prouincialis  
qui supra. m. p.

Rea Fol: 176.

Fr. Valerianus, m. p.



## APPROBATIO.


Ego Sebastianus Nucerinus, S. Theologiae Doctor, Ecclesiae Cathedralis Cracouien: Concionator Ordinarius, fidem praesentibus facio, quia librum intitulum, Artis Pœnitentiarum TYROCINIVM, ab A. R. Patre F. Nicolao Moscicensi, Ordinis Prædicatorum S. Dominici, S. Theol: Doctore, conscriptum vidi, reperi que, quod Confessarijs medullam ipsam Sacramentalis pœnitentiae administrationis, succinctè ac clarè proponat. Propterea tanquam utilem futurum, typo euulgandum esse censeui, & potestatem feci. Crac: 5. Iunij. 1625.

Ego F. Thomas Rozanius Magister, ac Regens Studij Crac. Ex speciali commissione Adm: R. P. F. Andreae Radavviecki, S. Theologiae Magistri, ac Prioris Prouincialis nostri, TYROCINIVM Artis Pœnitentiarum, ab A. R. P. F. Nicolao Moscicensi, S. T. Magistro, eiusdem Ord: conscriptum, cum omni diligentia vidi, & accuratè perlegi; in quo nihil sanè reperi, quod aut Romanae Ecclesiae,

ecclesiae, aut pijs moribus sit dissonum, imò verò omnia ad adipiscendam salutem vtilissima inueni, proindeque dignissima, quæ typis mandentur. Cracouiae, ex nostro Musæolo, 1. Iunij. Anno 1625.

Ego Fr. Iustinus Miechouienfis, S. Theol: Lector, Ord: Præd: Hoc S. Artis Pœnitentiarum TYROCINIVM, quæ potui diligentia perlustravi, nihilq; in eo fidei ac morum integritati contrarium offendi, quinimò cunctis S. huius Artis Professoribus, apprimè necessarium cognoui: quapropter illud posse typis mandari, non tolùm censeo, sed etiam votis omnibus exopto. Crac: ult: Maij. Anno 1625.





*Illustriss: & Reuerendiss:*  
*Domino,*

**D. MARTINO  
SZYSZKOWSKI,**

*Episcopo Cracouiensi, Du-  
ci Seueriensi, &c.*

**A** *Usum Penitentiarij ac Peni-  
tentis, Tractatum de Peniten-  
tia eo studiosius confeci, quò ex-  
ploratus mihi est, vitam Christianam,  
nihil aliud esse debere, quàm perpetuam  
Penitentiam. Sienim totam vim Sapi-  
entiae humanae Plato posuit in meditatio-  
ne mortis, non tam eius, quae est dissolutio  
naturae, quàm quae sit solutio animi à pra-  
uis cupiditatibus, ut mens vitij exuta,  
tota sese in cognitionis studium conferat;  
quantò rectius Christianae Sapientiae pos-  
sessores censendi sunt ij, qui in meditatio-*



Præfatio.

ne & exercitatione Pœnitentia vitam  
consumunt, quæ est corporearum volu-  
ptatum frenum, vitiorum mors, vita spi-  
ritus, hominis cum Deo unionis nodus.  
Hæc in veteri Testamento, omnes Pro-  
phetas habuit præcones, & in nouæ legis  
gratia, Prædicatorem primum nacta est  
Ioannem Baptistam, approbatorem Chri-  
stum Dominum, laudatores Apostolos.  
Sine hac nec ad Ecclesiam ianua, nec ad  
cælum patet aditus. Per hanc & piæ san-  
ctæq; viuatur, & mors feliciter obitur.  
O utinam ita omnibus Pœnitentia fami-  
liaris esset, atq; salutaris ac necessaria est,  
quæ in naufragio salutis, unicatubula  
est, & resipiscientium tutus portus. Ad  
hanc ritè peragendam, hæc mea instru-  
ctio dirigit, quæ cum per se sit humilis,  
quò commendatior esse possit, primum  
se aspectui Illustr: Cel: V. offerre inten-  
dit, non assentatiuncula aliqua aures Il-  
lustr: Cel: V. pulsatura, quæ asperita-  
tis, squalloris, & tristem morum præse-  
fert magisterium: sed ei potissimum se  
probare

Præfatio.

probare expetens, qui salutaria remedia  
contra peccatorum venena, vniuersis pœ-  
nitentibus, sollicitudine ac cura Pastoralis  
prouidit, impetratis initio sui Pontifica-  
tus ex inexhausto Ecclesiæ arario, immen-  
sis opibus, quas in septem Ecclesiis sua Se-  
dēs deposuit: ut quicumq; se oppressos fa-  
nore iniquitatis sentirent, non despera-  
rent saluti, sed ad Pœnitentiæ asyllum per-  
fugientes, animum resumerent, quid-  
quid de suo dissoluere non possent, non de-  
futurum unde satisfaciant, si modo ex  
thesauris Christi inprimis, deinde San-  
ctorum meritis refertis, quantum opus  
sit sumere velint. Quod beneficium  
tanti, à quouis cui cordi sua salus est, æsti-  
mari debet; ut profusa largitio pecuniæ,  
cùm in fame contabescens, & pestilen-  
tia correptos distributa; tum in subleua-  
tionem nonnullorum Monasteriorum in-  
star cuiusdam pensionis destinata, nullo  
modo in comparisonem venire possit.  
Hæc enim pia beneficentia viuus tantum,  
illæctiam & mortuis solatium & auxili-  
um affert.

Præfatio.

um affert. Nec verò tam munifica pietas Illustr: Cels: V. ad viuos solum, aut vita sanctos, verumetiam ad Diuos se extendit. Mirabitur & præsens, & posteræ ætas, Mausæolum inclito Martyri & Patrono Regni, Diuo STANISLAO, magnis impensis Illustr: Cels: V. restauratum, & ad augustiorem formam redactum, nec deerit quod Successores imitentur, & Scriptores Annalium laudibus celebrent. At ne commemoratione illustrium factorum Illustr: Cels: V. oratio, quam in commendatione Pœnitentiæ, horridam & incultam esse conuenit, splendescat, reducam eam ad preces, quibus fauor & patrociniū huic libello concilietur: orans, vt quemadmodum communis utilitatis causâ, multis vigilijs elaboratus est, ita doctissimi Præsulis acris iudicij censuram, temperamento humanitatis sustinere possit, quò maiorem fructum minis eruditis, quibus datur asferre valeat, auidius omnibus legentibus ea, quæ summis viris probari cō-

gnitum

Præfatio.

gnitum fuerit. Deus Opt: Max: seruet Illustr: Cels: V. saluam & incolumem in multos annos, quod ex animo precatur.

Illustr: Cels: Vestræ

deuotus cliens

F. N. M. Ord: Præd.

1612

A 6

Intentio



## *Intentio Authoris*

Est, rudimenta ad forum Pœnitentiæ spectantia, compêdiôsè in gratiam Tyronum, conscribere, & claritatis causâ, in tres partes distribuere, ut

1<sup>a</sup> sit de Pœnitentia:

2<sup>a</sup> de Pœnitente.

3<sup>a</sup> de Pœnitentiario.

Et quoniam aliqua huc pertinentia, in Examine approbandorum ad S. Confessiones à duobus annis impresso, sunt pertractata; idcirco in quibusdam, illuc remittentur Lectores, ne idem bis repetatur: præsertim cum hic libellus, instar appendicis Examine affigi possit.

## SVMMARIVS

### *Prima Partis Tyrocinij.*

#### De Pœnitentia.

Pœnitentia quid significat. n. 1.

Partes eius due: Materia & Forma. 2.

Materia duplex. 3.

#### De Materia proxima.

Contritio in quo consistit. n. 4.

Dolor duplex. 5.

Propositum quale exigitur. 6.

Contritio triplex. 7.

Attritio quid. 8.

Periculum attriti, quando. 9.

Vitiosa contritio que. 10.

#### De Confessione.

Quot modis accipitur, & præsens describitur. n. 11.

Conditiones Confessionis. n. 12. & deinceps.

#### De Satisfactione.

Satisfa.

## Summarius.

Satisfactio quid.

n. 14.

Tres ordines eius.

15.

Conditiones eiusdem.

16.

De permutatione illius. n. 17.

De Materia remota Pœnitentiæ.

Quid sit peccatum.

n. 18.

Quotuplex.

19.

Quomodo veniale à mortali differt in ordine ad

Confessionem.

n. 20.

Quomodo inter se distinguuntur.

21.

Quomodo ex suo genere mortale fiat veniale,  
aut nullum.

22.

De modis peccandi.

23.

De peccatis mentalibus mortalibus.

24.

De circumstantijs peccatorum.

25.

vsq; ad n. 47. inclusiue.

De Forma Pœnitentiæ.

Circa formam 12. animaduersiones.

n. 48.

Prima



2

## PRIMA PARS.

### De Pœnitentia.

1. **P**œnitentia generaliter significat displicentiam eius, quod antea placebat. Describitur autem sic. Pœnitentia est Sacramentum remissionis peccatorum, post Baptismum commissorū.

2. Partes eius duæ: Materia & Forma.

De quibus vide Examen appr: t. 1. q. 9. Et tit: 6. q. 1.

3 Materia proxima, sunt tres actus pœnitentis.

Contritio, Confessio, & Satisfactio.

Remota, sunt peccata.

4. Contritio consistit in displicentia, seu detestatione peccati. Detestatio autem perfecta separat hominem, tam à peccato præterito, per dolorem: quam à futuro, per propositum cauendi ipsum, eiusq; occasiones.

5. Dolor, quem includit vel causat contritio, duplex esse potest. Externus, quando aliquis sensibiliter cruciatur, ita vt & in vul-



in vultu mæstitia, & in oculis lachrymæ appareant. Sanè bonus, vtilis, atq; laudabilis, sed non necessarius.

Alius internus, in sola voluntate existens, neq; se exterius prodens, cum voluntas auersatur, & respuit peccatum. Et iste est omninò necessarius, ac solus sufficit. Quamvis enim non plòres, tamen ante Deum sincerè ita tibi displicet peccatum, quod nolles fecisse, quod fecisti.

6. Propositum quoque emendationis debet esse firmum, efficax, & absolutum, quod significetur per verbum indicatiui modi. Volo Dei auxilio omninò vitam emendare: Nolo amplius peccare: Volo omnes occasiones peccatorum vitare, statum malum deserere, conuersationes periculosas rescindere: ablata quoq; restituere.

Nec sufficit dicere, Vellem, à quo deriuatur apud Theologos, Velleitas, quæ est imperfecta & segnis voluntas.

Viriliter itaq; & fortiter abijciendum fugiendumq; est peccatum.

7. Contritio, posset (facilitatis causa) triplex numerari: scilicet, perfecta, imperfecta, & vitiosa.

Per-

Perfecta est, qua homo detestatur peccata, non propter suum commodum, vel incommodum, damnum, aut pœnam; sed ex sincero puroq; amore, quo afficitur erga Deum, quem omnibus præfert. Seu merè, ex eo quòd offensa Dei; hoc est: Quia Deus, qui bonus, qui nobis beneuolus & beneficus est, peccato offenditur, amicitia eius dissoluitur. Seu, quia peccatum Deo, qui summum bonum est, contrariatur: eiusq; voluntati, tanquam summum malum displicet.

8. Attritio, quæ contritio imperfecta nuncupatur, est dolor de peccato conceptus, vel ex consideratione turpitudinis peccati, aut ex cogitatione ac metu gehennæ, aliarumq; pœnarum à Deo infligendarum, excludens voluntatem peccandi, & includens spem veniæ.

Talis dolor, licet sit imperfectus, non tamen malus, imò secundum Conc: Trident: *sess: 4. c. 4.* Dei donum, impulsus Spiritus sancti mouentis, quamvis nondum inhabitantis: & ad Sacramentum Pœnitentiæ sufficiens, accedenteq; Sacramento peccatū remittitur, quod absq;

Sacra-

Sacramento esse non posset.

9. Hinc colligitur, quod Contritus perfectè, si absq; Confessione in re (quã in voto habet) siue propter defectũ Ministri: siue propter insperatam mortem decesserit, saluus erit. Attritus autem non item; sed si absq; huius vel alterius Sacramenti susceptione moreretur, condemnaretur.

10. Vitiosa Contritio (quæ hoc nomine indigna est, ac potius dolor vitiosus appellari potest) est, quæ includit voluntatem peccandi; videlicet, quando aliquis dolet ob peccata commissa, propter pœnas & mala, quæ incurrit; ita, quod si pœnæ non essent peccato impositæ, nec aliquod malum immineret, in eodem permaneret.

Item, si doleret quidem meliori respectu, sed tamen firmum illud propositum non peccandi, aut spem veniæ, aut fideliter confitendi animum, non haberet, verè impœnitens esset.

Talis autè prætensa Cōtritio, non tantum in se mala est, verumetiam Sacramentum inficit & contaminat, ac propter ea

pterea nouum peccatum Sacrilegij addit, ipsumq; reddit inualidum.

Plura vide in Exam: appr: tit: 3. vbi etiam inuenies, quibus vjs Contritio legitima acquiri possit, & quibus signis cognosci.

11. Confessio sumitur quidem interdum pro laude, pro gratiarum actione, & pro fidei professione: hic verò accipitur pro accusatione peccatorum suorum, in Sacramento Pœnitentiæ.

Describitur autem sic. Confessio Sacramentalis, est legitima accusatio priorum peccatorum coram idoneo Sacerdote, animo absolutionis percipiendæ.

Includit hæc descriptio quatuor: scilicet, materiam, ministrum, formam, & rectam intentionem pœnitentis.

Materia, sunt peccata propria: Minister, Sacerdos: Forma, absolutio: Intentio seu finis, assensio absolutionis: vt ex hac vltima particula excludatur abusus, & simulatio Confessionis. Nam aliqui ad committendum securius secretum, vel ad pertrahendum alterum in conspirationem, fingunt Confessionem, munientes se signo Crucis, & protestantes se di-

cere



cere sub sigillo Confessionis, quam nec faciunt, nec intendunt facere. Neq; absolutio sequitur, prouti nec impendi potest, cum non fuerit Confessio vera.

12. Conditiones Confessionis communiter sedecim numerantur: quarum quædam pertinent ad eius usum, quædam verò ad ipsius actum.

Quoad usum Confessionis, sunt quatuor: scilicet, quod sit accelerata, frequens, libens, & pura.

Accelerata quidem, ut pœnitens quamprimum potest admissio peccato confiteatur. Et quamvis ista conditio non sit de præcepto, seclusa omni necessitate, est tamen de consilio, ad exeundum quam citius ex potestate diaboli, & euadendum periculum moriendi in peccato, siquidem incerta est hora mortis.

Frequens verò, ut pluries ac sæpius fiat. Quæ similiter confessio non est de necessitate, sed utilis valde: tum ne peccata obliuiscamur, si Confessionem diutius protrahamus: tum ne peccati complacentiam contrahamus: tum ut infirmitatem nostram, sæpius curemus, & vires ad resistendum

stendum

stendum tentationibus per Sacramentum acquiramus.

*Libens*, ut non sit coacta, sed voluntaria. Hæc conditio adeo est necessaria, ut si Confessio procedat ex coactione sola, defectus redundaret, etiam in actum Confessionis. Nam solent tales, aut absque debita præparatione & dispositione confiteri, aut non fideliter: aut tandem titubanter loqui, quasi volentes, & similes nolentes se aperire.

*Pura*, hoc est recta intentione fieri debet, ad animæ salutem: propter venturam consequendam, non propter apparentiam.

13. In ipso actu Confessionis, hæc sunt conditiones eius.

*Secreta*, non publica, non per internuntium, aut per literas. Nam si esset publica, facile oriretur scandalum in audientibus, seu inclinatio ad idem peccatum faciendum. Deinde, quia est secretum iudicium de occultis conscientie: & iugum Domini suave est, ac propterea, non obligat hominem ad magnam confusionem.

Per interpretem quoq; confiteri, obligatur nemo: quamvis possit si velit.

Per li-

Per literas etiam absenti confiteri non licet, prout determinatū est per Clem: 8.

Et ita corrigenda est illa antiquata opinio, quæ in aliquibus Doctoribus inuenitur.

*Humilis*, intus se miserum reputando, & extra omnem modestiam, seruando, armis depositis, genibus flexis, capite de recto & inclinato, ad instar illius, qui & reus est, & veniam impetrare conatur.

*Lachrymabilis* seu dolens. Satis autem erit, si in voluntate aderit peccati horror & abominatio, aut displicentia, quæ sunt mentis lachrymæ.

*Accusans*, quia peccata vt accusata subiiciuntur huic Sacramento, suntque eius materia. Quod fortè additur propter abutentes Sacramento, fingentes confiteri, cum hoc minus cogitent, sed magis decipere curantes, vt supra dictum est. Item, sibi imputando peccata, non cælo, non dæmoni, mundo, socijs, complexioni, &c. Adhuc accusans idè dicitur, ne pœnitēs aut virtutes suas prædicet, aut per negationes procedat, dicendo: *Non occidi, &c.*

*Simplex*, hoc est, non elaborata, non exqui-

exquisitis verbis composita. Item simplex, non verbosa nimis, cum præambulis, & solum ipsum peccatum cum necessarijs circumstantijs explicando: quod inferius magis declarabitur. Excusantur tamen scemina, & vir scrupulosus, acidiota, non valentes aliter declarare peccatum, quàm longa oratione. Admiscent enim multa impertinentia, sed cum intentione meliùs declarandi peccatum.

*Nuda*, id est, non vestita, aut inuoluta verborum obscuritate, quæ grauitatem peccati tegeret, & Confessor non intelligeret. Hac enim ratione pœnitens se ipsum seduceret, non Confessorem.

*Verecunda*, vt peccata non proferantur per modum iactantiæ, propter aliquam sæculi vanitatem admixtam, sed inspecta peccati turpitudine, cum aliquo salutaris pudore. Non enim desunt, qui sua adulteria, furta, ac homicidia sine fronte, quasi actus aliàs licitos, aut non multum indecentes, recensent.

*Fortis*, superans verecundiam inordinatam, quæ à confessione fideliter facienda retraheret, & ad omissionem peccati mortalis induceret.

*Inre-*



*Integra*, vt nullum peccatum necessarium manifestandum, quale est omne mortale, nulla circumstantia aut numerus omittatur, secundum doctrinam inferius tradendam: integritas enim in his tribus consistit

*Fidelis*, id est vera, omni falsitate exclusa, ita quod neque dicantur peccata, quæ non sunt facta; neque certò affirmantur, quæ dubia sunt; sed certa pro certis, dubia pro dubijs: & quorum post diligens examen conscius non est, sibi non attribuat

*Discreta* seu *prudens*, vt maiora cum maiori pondere seu compunctione proferrantur, minora non aggrauentur, quod scrupulosi faciliant. *Prudens* item: vt fiat verbis breuissimis, salua tamen veritate & claritate, superfluis reiectis ac impertinentibus. Superflua erunt, si multa generalia dicantur, vt si quis confiteatur: Peccaui 7. capitalibus, & sensibus; omisi 14. opera misericordiæ; Dominum non dilexi ex toto corde: Decalogum transgressus sum. Hæc enim nullam vtilitatem adferunt, nisi quod Confessorem fatigant, tempus

tempus auferunt, alios impediunt, & plerumque falsa continent, quæ pœnitens non fecit. Superflua item sunt, quæ sub conditione dicuntur: vt si iuravi, si neglexi, &c. Nam super has conditionales non cadit absolutio. Superflua item sũt, si narrentur historiae. Nam ex multis actibus concurrentibus ad peccatum, solum principalis est explicandus: & ex toto progressu peccati, substantia eius est exprimenda, non tota series recensenda.

*Prudentia* etiam ac discretio apparebit, in carnalibus vti honestis verbis absque veritatis detrimento. Adhuc, prudentia erit, non enumerare diuissim, quæ simul explicari possunt: vt, fornicatus sum quinquies.

Præterea prudentia etiam in hoc elucescet, quando cautela adhibebitur, ne aliena peccata manifestentur, quibus proximus diffameretur. Deinde, vt in explicatione iudiciose non scrupulose procedatur: de quo inferius.

Obsequens Confessori, in his quæ spectant ad salutem, ad fugienda peccata, eorumque occasiones, ad faciendas restitutiones,

tutiones, deferendum statum malum, &c.  
Versus has conditiones complectētes.

*Sit simplex, humilis confessio, pura, fidelis,  
Atq; frequens, nuda, discreta, libens, verecunda,  
Integra, secreta, lachrymabili, accelerata,  
Fortis, & accusans, & sui parere parata.*

Nota hīc, quod istae conditiones possent ad tres tantum reduci: scilicet ad veritatem, integritatem, ac dolorem: quod fecit *Henriquez lib: 5. c. 4.* Possent etiam plures numerari, & clarius explicari, deferentes tamen antiquitati, & praxi, neque verba mutare, neq; conditiones multiplicare voluimus: sed potius aliquas pluribus clausulis declarare maluimus, seu plures ad vnam conditionē reducere.

*Cetera legantur in Exarn: appr: tit: 4.*

14. Satisfactio (quae est tertia pars Sacramenti Pœnitentiæ) significat actionem, per quam Deo satisfacimus pro peccatis. Potestq; sic describi: Satisfactio est recompensatio offensæ remissæ, per aliqua opera pœnalia, suscepta ex iudicio Confessoris.

15. Tres sunt ordines operum satisfactionis. Nam quoad Deum, sunt illa omnia,

omnia, quæ concernunt submissionem & deuotionem ad Deum: vt est Oratio, Meditatio, Missarum auditio, Sacramentorum Confessionis & Communionis frequentatio. Quoad se, sunt illa, quæ carnem affligunt: vt, Ieiunium, Disciplina, Peregrinatio, Vigilia, Cilicium, &c. Quoad proximum verò illa, quæ ipsum iniurare quoquo modo possunt; tam corporaliter, vt Eleemolyna, & alia auxilia: quàm spiritualiter; vt Instructio, Consilium, Oratio pro viuo aut mortuo, &c.

Hæc autem satisfactoria opera, communiter solent reduci ad Orationem, Ieiunium, & Eleemolynam. Sed cum idem sit sensus, parum aut nihil refert, hocnē aut illo modo quis loquatur: nisi quod clarior videtur esse hic præsens modus.

16. Satisfactionis duplices sunt conditiones. Et quidem respectu Pœnitentis, sunt quatuor. Ex parte quidem Pœnitentiarij, totidem. Est enim Satisfactio, debita, personalis, grata, deuota. Item, imposita, temperata, accommodata, occulta.

Debet itaq; Pœnitens acceptare satisfac-

tionem



ctionem sibi impositam, imò & implere acceptatam, nisi impotentia excuset, grauis infirmitas, vel temporis angustia, si fortè agonizet. Neq; tunc Sacramentum erit inperfectum essentialiter: siquidem satisfactio est pars integralis, non essentialis. Tenetur autem implere absq; dilatione; & si malè distulit aut omisit, debet supplere quamprimum poterit, licet tempus præfixum iam sit elapsum. Neq; potest propria auctoritate redimere alio opere satisfactorio, vt puta, ieiunium, elemosynâ, vel oratione: imò neque cum licentia Confessarij, si ratio medicinæ potius ieiunium exigat, vt quia est impositum ad edomandam petulantem carnem. De commutatione verò, quæ causam requirit, sequenti numero dicitur.

*Personalis*, quia obligatur eâ, ipsemet Pœnitens in persona, nisi Confessarius aliter ob rationabiles causas ordinauerit, vt cõmuniter docent omnes. & ex *D. Th.* 4. d. 20. q. 7. a. 2. colligit *Suar.* t. 4. disp. 38. sect. 9. Et tunc satisfactio habebit quidem vnum effectum, quòd scilicet erit sceleris punitiua, sed non medicatiua, qui est

alter

alter effectus. Quomodo enim caro ad carnalia procliuis, alterius ieiunio domabitur?

*Grata*, hoc est, vt in statu gratiæ impleatur, ita, vt Pœnitens nullius peccati mortalis conscius sit (licet pro eo auferendo ad hunc effectum sufficeret vera & perfecta contritio, & non requireretur noua Confessio.) Aliàs satisfactio in peccato mortali impleta, valebit quidem ad persoluendam obligationem, per Confessionem impositam, imò & ad integritatem Sacramenti conseruandam. *Suar.* in 3. par. t. 4. d. 38. sect. 8. sed nihil proderit ad remissionem pœnæ temporalis relictæ & luendæ, post remissionem peccati. *D. Thom.* 4. d. 15. q. 1. a. 3. q. 3. c. 3. Et *Supp.* q. 45. ar. 3.

*Deuota*, id est animo religioso facta, ad satisfaciendum Deo pro peccatis.

*Imposita*, quæ prima conditio est ex parte Confessoris, monens ipsum, vt pro debito sui officij, imponat satisfactionem: alioquin grauitèr peccabit, nisi penuria temporis, obliuio, aut alia rationabilis causa excusauerit.

B 3

Temperata

*Temperata*, monet, ut Confessarius indiscretas pœnitentias non iniungat, sed neq; leuissimas. Illæ enim onerosum faciunt Sacramentum: hæc verò occasionē præbent recidendi, ac leuipendendi gratitatem offensionis diuinæ. Itaq; consideranda est peccatorum grauitas, peccatoris qualitas, complexio, status, occupationes: & cum hæc omnia perpenderit, adhuc condescendat fragilitati humanæ, ac mitiget eam, quam in rigore imponere deberet.

Habeat autem præcipuè rationem bonæ dispositionis, si pœnitens verè contritus sit, & sincerè vitare peccatum proponat. Expediet quoque insinuare, quòd peccata maiorem pœnitentiam exigant. Licitum autem est, Pœnitenti rogare diminutionem, vel autionem pœnitentiæ.

*Accommodata* quoq; esse debet, tum curationi, tum præseruationi à peccatis: ut ebrioso assignetur parcitas potus: luxurioso ieiunium, & aliæ corporis afflictiones: tenaci & auido, crebrior & largior eleemosyna: negligenti suæ salutis, frequentatio Sacramentorum.

Occulta.

*Occulta*. Nam publica pœnitentia etiam pro peccatis publicis non est imponenda, nisi id exigat publici enormisq; scandali ratio, & Pœnitentis accesserit consensus. Siquidem scandalum alia via auferri potest; videlicet, per peccatoris notabilem emendationem, aut per iuridicā animaduersionem. Addunt aliqui, has publicas pœnitentias reuelationem Confessionis præse ferre; videlicet, si aliqui intelligant eam esse in Confessione, pro tali crimine impositam.

17. Mutare has satisfactiones, seu (ut vulgò vocantur) pœnitentias, extra Confessionem, nemini licitum est, sed tantum in actu Sacramentali: idq; aliter per Confessorem eas imponentem, & aliter per succedentem. Nam qui imposuit, potest eas mitigare & commutare, non repetita confessione, dummodò meminerit causam seu peccata, propter quæ est imposita, & causa rationabilis addit. Alius verò Confessor qui succedit, non nisi iterata confessione: ut docet *Suar: in 3. p. D. T. tom: 4. d. 37. f. 10 n. 4. & seq.* licet *Nau. c. 26. n. 22, in Manual:* non requirat iterationem

B 4

confessi.



confessionis. Crediderim ego iterandam esse, saltem quoad illa peccata, pro quibus est imposita. Quomodo enim remedium adhibere poterit ignorata causa, aut morbo? Quod si ob peccata reservata fuit imposita, ille qui caret facultate ab soluendi à reservatis, etiamsi confessio repeteretur, non poterit id præstare: nisi necessitas & pia utilitas id postularer. Tunc enim liceret benignè interpretari voluntatem Superioris, aut præcedentis Confessoris, quasi intendentis facere commissionem in casu necessitatis. Casus autem esset, si recursus ad Superiorem, qui poenitentiam imposuit, sit difficilis, interim urgente rationabili causa, quam, si Superior sciret, sine dubio facultatem id faciendi concederet.

18. Neq; satis est, ante absolutionem poenitentiam imposuisse, nam requiruntur etiam interdum alia duo; videlicet, cum proximo reconciliatio, & occasionū evitatio. Siquidem dum peccamus, nobis nocemus, proximum aliquando lædimus, Deum autem semper offendimus. Dei itaq; iniuriam resarcimus, tum dolo-

re cor-

re cordis, tum voluntaria castigatione nostra, per opera laboriosa, corporis afflictiva, ac sensui repugnantia. Proximum verò læsum, tam deprecatione supplicii, quam restitutione famæ, aut bonorum placamus. Et sicut nobis peccando obsumus: ita proposito firmo amplius non peccandi, occasionesque vitandi, damna nostra cōpensare strictissimè obligamur.

19. Peccatum à D. August: sic describitur: Peccatum est dictum, vel factum, vel concupitum, contra legem æternam.

Et quoniam affirmatio & negatio, reducuntur ad idem genus, ideò cointelligendum est: peccatum quoq; esse, non dictum, quod secundum Dei legem dici debebat: & non factum, quod fieri oportebat: in corde quoq; omissum, quod desiderari amariq; debebat. *D. Th: 1. 2. q. 71. a. 6. 1<sup>m</sup>. & q. 76. a. 2. 1<sup>m</sup>.* Utrobique enim est denatio, à præscripto seu statuto legis divinæ, quæ ab æterno existit in Deo: estque exemplar & regula agendorum per eos, qui subduntur gubernationi eius.

20. Peccatum duplex: Originale & Actuale. Actuale in idem duplex: Mor-

tales & Veniales. Hæc autem secunda di-  
uifio non est sic intelligenda, quasi homo  
in mortali peccato existens, nunquam  
veniam consequatur, in veniali autem  
consequatur. Sed sic: Quod homo in  
veniali peccato tantum existens, adhuc  
retinet in se gratiam, quæ est principium  
tam vitæ spiritualis, quam veniæ: in mor-  
tali verò non item. Quandoquidem mor-  
tale excludit gratiam. Vnde consecutio  
veniæ pendet ex Deo praueniēte, &  
mouente cor hominis ad penitentiam.  
Propterea D. Thom: peccatum mortale  
comparauit morti, quæ animam omnium  
operationum principium excludit: Ve-  
niale verò ægritudini.

21. Mortale & Veniale in ordine ad  
Confessionem, per hoc distinguuntur;  
quod mortale aliter non dimittitur, nisi  
per confessionem, ideò dicitur materia  
confessionis necessaria. Veniale verò eti-  
am sine confessione remittitur: idcirco  
quamuis peccatum veniale sit sufficiens  
materia confessionis, & absolutio potest  
ferri super illud, nō tamen necessariò ex-  
primi debet in confessione, potestq; vnū  
exprimi,

exprimi, & aliud taceri, & quidem licitè,  
quamuis ex verecundia, & contra suum  
propositum, quod Penitens habuit ac-  
cedens ad Confessionem. Vnde dicitur  
materia libera.

22. Hoc itaq; veniale, mortali non cō-  
iunctum, remitti potest tam per Sacra-  
mentum Penitentia, quam per alia Sa-  
cramenta (dummodò non sit actualis cō-  
placencia in peccato) sed vltra hæc, etiā  
secluso Sacramento per virtutem mora-  
lem penitentia, qua quis detestatur pec-  
catum, explicitè vel implicitè. Explici-  
tè quidem, dolendo se commisisse, quam-  
uis dolor sit imperfectus, qui attritio tan-  
tum dicitur; & proponendo abstinere à  
singulis, imò etiam ab omnibus, si infir-  
mitas huius vitæ pateretur. Implicitè ve-  
rò, cum aliquis tanto feruore atq; affectu  
fertur in Deum, & res diuinas; vt quic-  
quid sibi tunc occurreret, quod eum à tali  
feruore retardaret, displiceret ei, & do-  
leret se commisisse, etiamsi actu de illo  
non cogitaret. Feruor enim charitatis,  
virtualiter seu implicitè, continet dete-  
stationem peccati.



Ex tali verò detestatione, nascitur propositum se præparandi ad peccata venialia minuenda. Alioquin esset periculum deficiendi, si desereretur desiderium proficiendi, seu tollendi impedimenta spiritalis profectus, quæ sunt peccata venialia: vt docet D. Th: 3 p. q. 87. a. 1. m.

Tertiò etiam remittuntur peccata venialia extra Sacramentum, per ea quæ inclinant, seu excitant animam ad poenitentiam, vel detestationem peccatorum, aut Dei diuinorumq; reuerentiam. Ad detestationem quidem communiter numerantur: Confessio generalis, confessio peccatoris, Oratio dominica: quæ apertè inclinant ad peccati dolorem: cetera implicitè, vt oratio in Ecclesia consecrata, aspersio aquæ benedictæ, eleemosyna, Episcopi vel Abbatis consecrati benedictio, sacra Vnctio. Hæc enim dum apertè excitant ad Dei diuinorumq; reuerentiam, inducunt quasi ex consequenti ad abiicienda ea, quæ aliquo modo sunt contra, vel præter reuerentiam.

23. Ad cognoscendū peccatum mortale, & discernendū à veniali, sciendū, quod:

quòd duo requiruntur ad mortale. Nam ex parte peccatoris exigitur deliberatio, ac plenus consensus, ne impræmeditatè ac inconsideratè sit patratum. Ex parte verò peccati seu actus, requiritur grauitas materiæ. Vnde defectu plenæ deliberationis, & in materiali leui erit peccatum veniale. Leuitas autem materiæ poterit inueniri etiam in peccatis, contra dilectionem, seu reuerentiam Dei: vt si quis recitare Officium obligatus omiserit verbum, aut votum exiguum non impleuerit: videlicet, si vult singulis diebus recitare Salutationem Angelicam semel. Similiter in peccatis contra charitatem proximi, potest dari iniuria grauis & leuis. Grauis erit: homicidium, mutilatio, adulterium, furtum notabilis quantitatibus. Levis: percussio modica, ablatio solidi vnius, quod ordinariè veniale peccatum est.

24. Quomodo mortale transeat in veniale, & e contra. Vide Exam: tit: 2. q. 9. & 10. Quomodo autem fieri possit nullū, quod alias etiam mortale esset ex genere suo, hic addendum est. Fit enim hoc pro-

pter sex: Impotentiam, ignorantiam, defectum iudicij, iustam causam, dispensationem, & necessitatem.

Impotentia habet locum in restitutionibus, si facultas deest: in recitatione debiti Officij, tempore magnæ infirmitatis: in ieiunijs, quoad debiles: in auditione Missæ deficiente Sacerdote, vel tempore inundationis, aut pluuiæ: & in alijs statutis humanis.

Ignorantia quoq; inuincibilis, quæ nullo tenus superari potuit, neq; aliquid mouit ad eam excludendam, omnino excusat. Idem de inconsideratione naturali.

Defectus iudicij, vt in infantibus & amentibus, dormientibus, vel etiam aliquando in ebrijs.

Iusta causa habet locum in præceptis, statutis, & legibus humanis. Censetur autem esse tunc, quando illa omnino inclinaret legislatorem, si præsens esset, ad declarandum legem suam, in tali casu non ligare. In dubio autem de valore causæ dispensatio supplebit.

Necessitas in tribus locum habet. 1. In acceptione & detractione rei alienæ. Nam si quis

si quis in extrema necessitate constitutus esset, ita quod vitam conseruare non posset, licite acciperet alienum; quia in casu tali, omnia sunt communia. Similiter, si incideret in miseriam irremediabilem, aut etiam decideret ab honorato statu suo (cùm sit magnæ reputationis) restituendo alienum, licite retinebit alienum, durante tali necessitate.

2. In homicidio. Nam si aliter non posset quis vitam propriam defendere, vel etiam proximi, aut etiam res suas & proximi, nisi occidendo inuasorem iniuriam inferentem, liber est à peccato.

3. In obseruatione Festorum. Nam si quis aliter non posset victum habere pro se aut suis, nisi laboret die festo; nihil peccabit. Similiter, si Missam audire nequiret sine periculo notabili vitæ, vel damni alicuius. Adhuc: si fruges terræ, sinerè & verè ante Deum corrumperebantur, damnumq; sequeretur, nisi die festo colligantur, &c. *Nauar.* Hæc tamen necessitas in alijs peccatorum generibus locum non habet. Neq; enim licet hæreticum esse, peierare, blasphemare, fornicari, falsum



falsum testimonium dicere, quantumcūque magna necessitas vitæ, famæ, damnis, evitandi occurrat, aut violentia inferatur.

25. Modi peccandi multi esse possunt. Nam potest peccari per commissionem, positivè agendo illicita. Et per omissionem, illicitè omittendo actiones debitas.

Item potest peccari per operationem, ipsum scilicet peccatum per se exercendo. Et per cooperationem, alieno peccato communicando, aliquo videlicet ex illis novem modis, contentis in his duobus versiculis:

*Iussio, consilium, consensus, palpo, recursus,*

*Participans, mutus, nō obstant, nō manifestās.*

Quorum declarationem vide in Exam: ut: 3. q. 4. Adhuc adijci possunt gradus peccatorum: Peccari enim potest, corde, ore, opere, & consuetudine.

26. Corde quodlibet peccatum perpetrari potest, ita, vt etiam sit mortale. Primò. Si quis deliberatè proponat seu statuatur, aliquod mortale committere, quamvis propter aliquod impedimētum, aut animi mutationē, ad actum nō perueniat. Vt si determinauerit alium occidere, quam-

re, quam-

re, quamvis postea animo mutato id non perfecerit.

Secundò. Si quis similiter deliberatè desideret aliquod mortale efficere, quāvis non fecerit, eò quòd ad id nec vires, nec opportunitatem, vel possibilitatem habeat: vt si quis adulterium cum insigni ac excellentissima persona optaret committere, cū illa sit honestissima, aut ipse vilis conditionis, &c.

Tertiò. Si quis nolens actum peccati, contentus esset delectatione, quam caperet ex cogitatione de illo peccato. Vel si actu non oblectaretur ea cogitatione, tamen se exponeret periculo consentiendi, & acceptandi illam delectationem, prouenientem ex illo peccato mortali cogitato: vt, si quis nolens vindictam seu homicidium actu committere, tamen cogitaret de occisione, si fieret, & delectaretur illa, quatenus apprehenditur in cogitatione. Hæc melius declarabuntur inferiùs, cū de peccato carnali agetur.

Hic duo sunt notanda. Primum est: Quòd valdè errant simplices, non reputantes peccatum, nisi quod est opere consumma-

summa-

summatur: siquidem peccata cordis, oris, & operis, gradus tantum diuersi sunt, sed omnes naturæ eiusdem. Et quamprimùm vetatur aliquod opus, simul veritū esse censetur, oblectare se eodem opere, siue per cogitationem, siue per locutionem, siue per visum, siue per tactum. Secundo notandum: quod circumstantiæ, quæ in confessione adiunguntur peccatis actualibus, adiungi etiam debet mentalibus. Nam quod aggrauat actuale, aggrauat & mentale, cum sint eiusdē speciei.

27. De Circumstantijs satis dictum est in Exam: appr: tit: 3. q. 3. & seq.

Et quoniam in elementis ad S. Confessiones recensuimus Circumstantias 19. rudi quidem (quod aiunt) Minerva, claritati potius, quam proprietati studentes: ideo in gratiam Tyronum huius artis, inferemus hic, quæ ibi diximus.

Itaq; illæ circumstantiæ (quamuis non omnes secundum proprietatem, possint ita appellari) continentur in his quatuor versibus:

*Quis, quō, quid, quantū, qualis, cū quo, meditando,  
Cur, quoties, per se vel non, vbi, quomodo, quāto,  
Damni-*

*Damnificas, precibus grauis, ad mortale paratus,  
Consciens erroris, contemnens, scandala præbēs.*

28. Prima circumstantia (*Quis*) Monet, vt Pœnitens ignotus Pœnitentiario declaret suum statum, seu conditionem. Quod obseruandum est præcipuè in carnalibus; votis, iuramentis, & bonorum temporalium dispositione.

Quoad peccatum carnale: si est coniugatus, si in Maioribus Ordinibus, si Religiosus. Addunt aliqui; quod si idem & Religiosus, & maioribus Ordinibus initiatus sit; vtrumq; explicandum esse, si vtrumq; Confessori non pateat: quamuis multi doceant, sufficere, dicere, se aut Sacerdotem esse, aut Religiosum: *Lopez c. 31.*

Quoad vota: Religiosus, si furatus sit fl. 10. debet manifestare se esse Religiosum, quia contra votum paupertatis fecit: atq; adeo peccatum, non tantum contra iustitiam est; sed etiam contra religionem. Et qui non ieiunauit Vigiliam alicuius Sancti, cui etiam votum adiunxit, non faceret satis, si confitendo, solius Vigiliæ quam transgressus est, mentionē faceret, nisi etiam votum exprimat. In

*vsuro.*



vfu rerum, seu dispositione; Nam vxor contra voluntatem mariti: filius contra voluntatem parentis: seruus sine scitu domini: Religiosus contra voluntatem sui Superioris, aliquid notabile donans, ex bonis mariti, parentis, domini, communis; peccat mortaliter, cum obligatione restituendi. *De quo clarius infra.*

29. Secunda Circumstantia (*Quem*) admonet, vt Pœnitens manifestet conditionem læsæ personæ. Habet autem locum in 4. generibus peccatorum. 1. In blasphemia, si contra Deum vel Sanctos sit. 2. In percussione, si proximum duntaxat, an verò parentes, consanguineos, clericum, aut etiam Prælatum quis percusserit. 3. In graui odio notabili diffamatione vel calumnia, insigni iniuria, ignominia vel damno, contra parentes, Prælatos, Episcopos, aut Religiosos, cõmunitis, vt suo loco dicitur. 4. Quando offensio afficit plures, vt si quis præiudicium aliquod faceret Præfecto alicuius communis, vel honestæ vxori, ingenio filio, quod cederet & redundaret in ignominiam congregationis, mariti, & patris, &c.

30. Ter-

30. Tertia Circumstantia (*Quid*) Hæc non tam circumstantia est, quàm animaduersio, vt Pœnitens suum peccatum exprimat in particulari, clarè, ita vt Confessor statim intelligat peccati gravitatè. Quod obseruandum est in omnibus, præsertim in blasphemia, ad cognoscendum, vtrum sit hæretica, vel simplex, seu ignominiosa tantum, quæ tunc est, cum aliquis minùs honestè de Deo aut Sanctis loquitur. 2. In iactantia: Nam explicandum erit illud mortale, de quo quis gloriatus est, propter nouam complacentiam in peccato, quam habet dum gloriatur. 3. In percussione: An simplex percussio fuerit, aut vulneratio, vel mutilatio. 4. In concursu plurium illicitorum actuum, tendentium ad vnum principalem. Tunc enim satis est explicare principale peccatum, absq; recitatione historiarum, cogitationum, voluntatum, & aliarum præparationum. Exemplum Sufficit dicere: Occidi hominem, omisiss alijs præambulis, ensis sumptione, equi consensione, comminationibus, &c. Similiter: Fornicatus sum, neque necesse est expli-

explicare tactus, oscula, & alios illicitos actus. Facile enim intelligere poterit Confessor, ipsos præcisse, & consecutos fuisse tale peccatum, nisi consequentes repetiti fuerint via ad futurū peccatū, quod non sit secutum: aut completo primo peccato, de nouo velint solis tactibus vacare absq; respectu ad præcedentē coitum. Nam cum illi actus peccaminosi, non sunt coniuncti cum principali peccato, tunc sunt explicandi seorsum, tanquā peccata distincta & principalia. Similiter quando illa plura illicita concurrunt quidem, sed non ordinantur ad aliquod principale, sicut sunt distincta peccata, ita etiam distincte in confessione explicanda. Vt cum quis in vna contentione plura verba iniuriosa profert, appellādo quēpiam furē, adulterum, proditorē, &c.

*Nota hic.* Quod in turpiloquijs, cogitationibus, delectationibus, veneficijs, sufficit explicare, se habuisse desiderium, aut delectationem, circa cōiugatam, &c. neq; necesse est exprimere ea, quæ cogitabantur. Quæ singularis est consolatio scrupulorum, qui nimis exquisitē solēt histo-

histo-

historicē explicare suas cogitationes, cū magno suo rubore, & absque necessitate Sacramenti, vt *Granaten*: ait.

31. Quarta Circumstantia (*Quantum*) explicanda est in furtis, damnis, vsuris, alienorum inuasionibus: vt tutior opinio docet. Ergo non satis erit dicere, furatus sum; sed addendum est, fl. 10. 20. &c.

32. Quinta Circumstantia (*Qualū*) obseruanda est in percussione, & furto. Nam percussio potest esse levis & grauis. Et quidem Clerici percussio levis, ab Episcopo absoluitur: Grauis verò Papæ reseruatur.

Huc spectat percussio ignominiosa; vt, si quis honoratam personam baculo, aut pulmouibus animalium percuteret. Similiter in furto, si res ablata est profana, vel sacra.

33. Sexta Circumstantia (*Cum quo*) Statum complicitis, id est, socij delicti, insinuat: non vt ex nomine manifestetur, (hoc enim nunquam licet) sed ex sua conditione. Vt puta: 1. In carnali peccato, cū persona religiosa, coniugata, &c. 2. In ludo alearum; si fiat cum illis, qui domini-



dominium non habent rerum ludo amissarum: quales sunt, Religiosus, filiusfamilias, vxor, &c. quia tunc lucrans tenetur restituere. 3. In choreis: si fiant cum Religioso, vel Clerico in Sacris, aut beneficiario. Cùm enim regulariter peccent tales; consequenter peccant, qui eorum peccato consentiunt. 4. In bello inuasio, in quo non licet vti infidelibus contra Christianos: neque hæreticis contra Catholicos. In defensiuo tamen licet.

34. Septima (*Meditando*) vix alijs præter carnalia deseruit. Si videlicet aliquis, in ipso actu, siue naturali, siue contra naturam, aliam personam apprehendat, cū affectu aut desiderio ad eam: quod etiā in vsu matrimonij apud perditos accidere posset. Tunc enim exprimendus est status personæ cogitatæ: Nam potest esse actualis fornicatio, & mentale adulterium, vel etiam sacrilegium.

35. Octaua (*Cur*) finem peccati & motiuium inculcat. Hæc autem circumstantia adeo est virulenta, vt aliquando ex veniali, vel nullo peccato, aut bono opere, mortale faciat: vt, si quis daret mulieri

mulieri eleemotynam, ad alliciendum eam ad peccatum. Et adeo potens, vt ex eo, quod alias esset mortale, facit nullū: vt velsi carnibus in Quadragesima, propter infirmitatem grauem.

36. Nona Circumstantia (*Quoties*) Tam dictum est, quod hîc circumstantiæ non sumuntur propriè, sed communiter, & extenso vocabulo, ad omnia, quæ peccato quocunq; modo coniunguntur. Quofit, vt etiam numerum hîc adnumeremus, cùm tamen ille in rigore non sit circumstantia, sed peccati multiplicatio & repetitio. Itaq; nō est satis in confessione dicere, peccaui aliquoties, multoties, infinities; sed determinatè, decies, tricies, &c. Si certus numerus haberi non possit, tūc sufficiet verisimilis: videlicet, peccaui circiter decies: vel plus, minusue. Talem autem saltem numerum facile colligere poteris, si totum spatium quo peccabas, distinxeris per tempora: scilicet, in annos, menses, hebdomadas, dies: Adiunxerisq; personas, cum quibus conversatus es; loca in quibus habitabas, aut visitabas. Tunc enim deprehendere poteris, quod

quod per annum integrum vigesies peccabas, aut ter vel bis in hebdomada, vel circiter: subiungendo in supplementum, (vt euidam placet) toties quoties Deus scit se esse offensum à me. Et hoc modo satisfacies integritati confessionis. Quod si post accuratum examen, neq; verisimilis numerus sciri posset, vt potè, propter diuturnam & longam peccati continuationem, tunc sufficit manifestare tempus, quo perseuerauit in peccato. Videlicet: Mansi in concubinato tribus annis, vel in meretricio decem annis; parata consentire cuilibet statui ( dummodo grauiora, vt adulteria, sacrilegia, peccata contra naturam, &c. quæ rarius accidere solent seorsim, si fieri potest declarentur. ) Similiter, vno integro anno preces debitas omisi.

*Annotanda sunt hic octo.*

1. Si quis post debitum examen, cum tali verisimili numero confessus fuerit, (decies, plus, minusue) postea rescuerit numerum certum. Tunc si notabiliter excedit numerum verisimile, vt puta.

quina-

quinario; in confessione sequenti hanc allucinationem exprimere debebit. Si non notabiliter, vt puta, binario tantum; quiescat, & nullam amplius mentionem faciat.

2. Qui certum numerum post diligens examen ignorans, maiore proferret, malens se aggrauare ante Deum, quam de vero aliquid detrahere; non peccaret, præsertim mortaliter.

3. In confessione non sunt numeranda personæ, cum quibus peccatum est, sed tantum vices: vt puta, bis fornicatus sum, non adiungendo, cum vna, vel duabus. Similiter, duo adulteria, tres incestus. Ita quod peccata eiusdem generis, cum diuersis personis eiusdem conditionis, simul explicanda sunt, & non diuisim: nisi in aliquo actu adsit noua deformitas, propter diuersam circumstantiam.

4. Qui in hæresi perseuerauit decem annis, retinens, ac legens libros hæreticorum, & sæpius blasphemans; vnum tantum peccatum haberet, ex pluribus compositum. Et in rigore satis est, vnum principale manifestare; videlicet, hære-

C 2

sim-



sim. Nam cetera facile intelligi possunt à Confessore, ex tali statu.

5. Qui vno impetu decies percuteret proximum, vel etiam Clericum; vnum tantum peccatum admittit, & vnam excommunicationem incurrit: sicut & qui in vna contentione, pluries eandem iniuriam repeteret. Secus est, si vno impetu duos percuteret Clericos, duas enim excommunicationes incurret. Sicut & qui vno amplexu duas mulieres stringeret, seu libidinosè rangeret: in vna rixa duas iniurias proferret. Tot enim erunt peccata, quot conuitia.

6. Qui nihil intenderet, quàm vacare tactibus carnalibus, postea mutatus, adderet etiam propositum fornicandi, duo peccata committeret, & vtrumq; explicare deberet.

7. Qui tota nocte captaret occasionem peccandi carnaliter: aut etiam toto anno insequeretur aliquam mulierem, vt ea potiretur: vnum tantum peccatum admisit, tantò grauius, quantò diuturnius. Si tamen malam voluntatem aliquando intermisit per pœnitudinem, tot erunt peccata,

peccata, quot erant interruptiones & renouationes mali propositi.

8. Maledicens Patrifamiliàs, & toti familiæ in communi; duo peccata committit. Nam suæ maledictionis duas tantum partes fecit, licet in familia sint 10. aut 30. personæ.

37. Decima Circumstantia (*Per se, vel alium*) quærit de auxilio seu socio peccati: videlicet, an solus peccauerit, an verò alium quoq; ad peccandum induxerit, vel vsus fuerit, siue tanquam socio. (Vt in mollitie, quæ cum sit in se grauis, grauior tamen redditur, si fiat alterius opes) siue tanquam mediatore. Quod & in alijs peccatorum generibus accidere potest.

38. Vndecima (*Vbi*) quærit de loco peccati, si fortè sit patratum in loco sacro. Nomine autem loci sacri, templum & cæmeterium intelligitur, non rectum templi, neq; hospitale, neq; monasteriū vniuersaliter, nisi in quibusdam casibus, vt statim declarabitur.

Hæc circumstantia locum habet in homicidio, furto, extractione, actu carnali, & cantilenis. Nam interfectio ho-

minis, imò & enormis iniuriosaq; effusio sanguinis, in Ecclesia aut cimiterio; grauius est peccatum, & violatur sacer locus, vt reconciliatione sit opus.

Quòd si effusio sanguinis fuerit in cryptis subterraneis Ecclesiæ, vel in tecto extra Ecclesiam: non violatur. *Lopez c. 33.* Similiter furtum ibidem factum, non est simplex, sed sacrilegium, etiã si res ablata profana fuerit, dummodò spectet ad custodiam Ecclesiæ, & ministrorum eius, vt sunt res accommodatæ & depositæ. *Lopez c. 33.* Tertiò, in extractione à templo eorum, qui confugerunt ad illud, sed tunc tantum, quando confugientibus suffragatur immunitas Ecclesiastica, iuxta terminos Constitutionis Gregor: XIV. Extenditur autem hæc immunitas, & ad Hospitalia, & priuata Oratoria, Episcopi autoritate fundata, & ad palatia Episcoporum, & Religiosorum Monasteria. *Silu. V. Immunitas 3.* Quartò, in actibus carnalibus. Nam si fuerit ibi copula etiam maritalis, aut qualiscunq; emissio seminis, in vigilia, (vt excipiat illa quæ sit in somnis) violaretur Ecclesia, quam primùm

primùm hoc innotuerit. Imò etiam tactus & oscula libidinosà in Ecclesia, vel cimiterio; sunt grauiora peccata, quàm si alibi fiant. Quòd si extra Ecclesiam, vt supra rectum prædicta fierent, non aggrauarent, neq; violarent. Similiter aspectus & delectationes morosæ, sunt quidem peccata mortalia, sed non exigunt huius circumstantiæ explicationem. Itẽ, si prædicta fiant in cameris extra Ecclesiam, quamuis contiguas eidem, non pollueretur Ecclesia. Quintò, in cantilenis lasciuis, siue voce, siue instrumentis Musicis fiant, etiam si textus ex S. Scriptura sit suppositus: erit sine dubio peccatum mortale.

Exciperem ego (saluo meliori iudicio) illas cantilenas, quæ in aliquam regionem sunt introductæ, simul cū textu spiritali, nec vnquam auditæ sunt cum textu profano, nec adsunt, qui id sciant, aut scandalizentur.

Comedere, bibere, & dormire in templo, quia non sunt notabiliter contra reuerentiam templi: sunt peccata venialia, secluso tamen scandalo.



39. Duodecima ( *Quomodo* ) Modus aliquando est explicandus.

1. In furto, si occultè, vel per vim: tunc enim rapina erit.

2. In sacrilegio, si effractis foribus, vel muro: quia tunc esset excommunicatio.

3. In ludo, si candidè aut fraudulenter. Vbi enim dolus interuenerit, præter peccatum mortale: est etiam obligatio restituendi.

4. In carnali actu: nam etiam in Matrimonio modus naturalis seruandus est.

40. Tredecima ( *Quanto* ) monet, vt confitens exprimat tempus, quo in peccato perseuerauit: vt, in odio, rancore, appetitu vindictæ, inimicitijs, in consuetudine iurandi absq; consideratione, an verum aut falsum sit. In carnali peccato, quo & quanto tempore mansit irretitus illo: in hæresi, & in alijs multis.

41. Quatuordecima ( *Damnificans* ) hoc est, si peccatum fuit cum notabili damno proximi, siue animæ, siue corporis, siue bonorum. Habet locum hæc circumstantia. 1. In ebrietate. Si quis aliàs est expertus & solitus magnam turbationem do-

nè domi facere, aut alios inquietare, &c.

2. In ludo. Si ludens solet perdere cum notabili detrimento domesticorum, aut cum appositione aliorum peccatorū: scilicet, blasphemix, execrationis, &c.

3. In homicidio. Si occisus in peccatis occubuit, aut cum inopia derelictæ vxoris ac filiorum, qui absq; occiso vitam sustentare non possunt. Tunc enim satisfactione opus erit.

4. In ablacione rei, quæ uidetur parui momenti. Vt si quis auferret à sartore acum vnam, qua sibi victum comparabat, neq; aliam eius loco habere posset; tunc & mortaliter peccaret, & damnum resarcire teneretur. Similiter, si nobilis habens in horto, excellentissimi generis arborem, cum aliquot pomis, quibus summo perè delectatur, & propter surreptionem vehementer anxietur: tunc qui auferret, peccaret mortaliter, propter hanc turbationem notabilem.

42. Quintadecima ( *Precibus graui* ) id est, magnis & importunis precibus, aliquem inducere ad faciendum aliquid contra suam voluntatem. Locum habet,

præsertim in ludo. Vt, si quis prouocaret aliquem cum molestia & instantia ad ludendum, ipse verò quasi coactus, ad vitandum ignominiam, quæ inde ipsi proueniret, acceptaret conditionem: tunc prouocans tenebitur restituere, si quid lucratus fuerit. Item, in peccato carnali (quamuis hoc ipsum peccatum scandalum sit) vt, si quis grauis esset in alliciendo & pertrahendo aliquam, aliàs honestam, & peccato valde repugnantem ad turpitudinem, crebris munusculis, ac beneuolentiæ signis, deinde verbis virgibus, &c. vnde & numerum talium sollicitationum dicere tenebitur.

43. Decimasexta (*Ad mortale paratus*) hoc est: si quis adeò afficeretur alicui rei aut operi, quòd etiamsi esset mortale, illud aggrediretur.

44. Decimasextima (*Consciens erroris*) id est: quando aliquis facit, quòd non est mortale, nihilominus ipse credit esse mortale, habens conscientiam erroneam, peccat mortaliter: quia iam paratum habet animum committendi mortale. Ergo in talibus scrupulosi debent erroneam consci-

conscientiam deponere, vel ex se, vel ex aliorum consilio, & ita facere liberè, quòd faciunt alij.

45. Decima octaua (*Contemnens*) hoc est, quando aliquis ex contemptu aliquid facit. Ex contemptu autem facere censetur, qui non propterea transgreditur aliquid, quòd leue & paruum esse iudicat, neq; ex passione & odio, sed quia non vult obedire, aut subesse legi, præcepto, regulæ, legislatori, præcipienti, Prælato, &c. ac proinde ex eo, quòd paruipendit legislatorem & legem.

46. Vltima Circumstantia scandalum. Sciendum quòd scandalum potest esse & circumstantia peccati, & ipsum peccatū principale. Circumstantia quidem, quando aliquis in præsentia aliorum mortaliter peccat: vt puta, adulterio, aut concubinato publico, vnde alijs præbetur malum exemplum, siue idem faciendi, siue graues tentationes patiendi; quamuis eius intentio non sit, suo facto corrumpere alios. Similiter apud Religiosos, euidenter paupertatis votum non obseruare, silentia frangere, cæteras obseruanti-



as prætermittere, absq; animo peruerterendi alios. Nam cæteri videntes tam praua antecessorum exempla, facile imitabuntur & amplectentur abusus.

Peccatum verò principale potest esse dupliciter. Primò: Quando quis dicit, aut facit aliquid, vt alter peccet: quod Theologi vocant scandalum per se, hoc est, ex intentione. Intenditur enim ruina spiritualis proximi: vt, si quis induceret alium, & persuaderet homicidium, peccatum carnale, periuriũ, hæresim, &c.

Nec tantum dicto: id fieri potest, verum etiam facto: vt, cum aliquis ad explorandam constantiam alicuius in castitate, introducit vel immittit in alicuius cubiculum mulierem. Idem videtur censendum de eo, qui ad experiendam alicuius fidelitatem, astute in aliquo loco non solito, patenti tamen, per illum transituro, ponit aureum: quamvis liceat non impedire, neq; subtrahere pueris & famulis occasionem furandi, relinquendo pecuniam in loco solito, vt facilius deprehendantur, conuincantur, & emendantur: hoc enim non est positivè cooperari peccato,

peccato, sicut prius; sed negatiuè se habere.

Secundò, potest esse peccatum scandalum per accidens: hoc est, non ex intentione, vt alter peccet, sed sit aut dicitur aliquid, quod speciem seu apparentiam habet malis. Vnde alijs præbetur occasio obloquendi, temerariè iudicandi, aut in alia crimina ruendi: vt, si iuuenis teneat domi mulierem, ex quo oritur inter homines suspicio & infamia, quamvis ipse cogitatione quidè peccet. *Nau: c. 14 n. 31.*

Similiter, quando mulier ornata præsentat se conspectui eius, quem credit exarsurum in eius concupiscentiam; peccat, quamvis non habeat animum inducendi eum ad peccatum. Sanè non habet expressam & directam intentionem ruinæ alterius; habet tamen tacitam & indirectam, si aduertit suum dictum, vel factum esse inordinatum cum periculo ruinæ alterius.

47. Verum circa hoc vltimum scandalum, præter intentionem notanda sunt aliqua. 1. Talia, quæ ex natura sua non sunt peccata, potest aliquis facere, aut ex

necessitate, vel etiam vtilitate: aut absq;  
causa necessaria vel vtili. *Nau: cap: 14. n. 36.*  
2. Acceptio scandali potest oriri, aut ex  
malitia, quod vocatur Pharisaicum: aut  
ex animi infirmitate, ignorantia, quod  
vocatur, pusillorum vel infirmorum.  
Itaq; propter illud, quod ex prauitate a-  
nimorum procedit, neq; bona spiritualia,  
neq; temporalia sunt omittenda.

Propter scandalum pusillorum, non  
sunt omittenda bona, quæ sunt de neces-  
sitate salutis, quæ prætermitti non pos-  
sunt sine peccato mortali, aut etiã veniali.  
*D. Thom: 2. 2. q. 43. a. 6.*

Quæ autem non sunt de necessitate sa-  
lutis, sunt occultanda, aut differenda, si  
periculum non imminet, donec informa-  
tione præmissa scandalum cesset: quod si  
non cessaret, iam ex malitia procederet.  
Porro temporalia, quorum domini su-  
mus, propter pusillorum scandalum, aut  
sunt totaliter dimittenda; sicut & Eccle-  
sia abstinere à decimis exigendis in terris,  
in quibus non est consuetum, decimas  
soluere: vt *D. Thom: ait, 2. 2. q. 43. a. 8. 5<sup>m</sup>.*  
Imò & ipse Christus, ad vitandum aliorū  
scanda-

scandalum, soluit tributum, quod soluere  
minimè tenebatur: aut per admonitio-  
nem, aliumuè modum, scandalum sedan-  
dum. Debemus enim aliqualem iactu-  
ram bonorum temporalium sustinere, ad  
impediendum infirmorum scandalum:  
quamuis iacturam omnium, aut penè o-  
mnium fortunarum pati, ob paucorum  
scandalum, nimis durum esset. *Vide D.*  
*Thom: & Gregorium de Val: copiose differenti.*

48. Pro complemento circumstantia-  
rum, nota quinque. 1. Quod circumstan-  
tia temporis, non est necessariò explican-  
da in confessione, nisi peccatum sit com-  
missum, in contemptum festi, seu animo  
violandi ipsum. Sicut nec loci, præter  
casus expressos.

2. Relapsus quoq; seu recidiuatio re-  
gulariter non est explicanda, nisi sit in-  
diciū non verè pœnitentis.

3. Quando plures circumstantiæ con-  
currunt ad peccatum, omnes sunt expli-  
candæ, vt fractio ieiunij Vigiliæ S. Ma-  
thiæ Apostoli, & 4. Temporum, vno die  
concurrentium. Et ommissio Missæ die  
Dominico, in quo festum celebratur: &  
cū



cum vterque est coniugatus, &c.

4. Qui confitetur peccatum mortale, & circumstantiæ non meminit propter obliuionem, post debitum examen, satisfaceret secundum quosdam, si in sequenti confessione solam circumstantiã manifestaret: vt, qui in prima dixerit, se fornicatum fuisse, in secunda satis erit dicere, se oblitũ fuisse, apponere ad quoddam peccatum mortale quod contra votum suum illud admisit. Sed alij censent oppositum: videlicet, manifestandũ esse, tam peccatum, quã circumstantiã illius, in secunda confessione. Ego crederem, in rigore priorem opinionem veram esse: secundam verò in casu, quo circumstantia non posset conuenienter explicari absq; manifestatione peccati, aut grauitatis eius.

5. Circumstantiæ alleuiantes (vt quod victus magnis precibus consenserit peccato, vel tentatione vehementi victus peccauerit) sicut possunt omitti: ita etiam absque omni peccato possunt manifestari.

S. De

S. De forma Pœnitentia, quæ est Absolutio.

49. Præter ea, quæ in Exam: app: de absolutione dicta sunt, hic nonnulla subiicientur. Cum itaq; forma essentialis in paucis verbis existat; videlicet, (Ego absoluo te.) 1. Sciendum est, quòd inuocatio SS. Trinitatis, non est de necessitate formæ, sed valida est absolutio sine illius expressione.

Extensio quoq; manus Confessoris, supra pœnitentem, aut tactus capitis, necessarius non est.

2. Audita confessione alicuius, nullo impedimento existente; peccatum mortale est, & grauissima iniuria, non absolueri bene dispositum. Imò Confessarius omni conatu curare debet, vt nunquam Pœnitentem absq; absolutione dimittat, quantum permittit facultas eius, & dispositio contentis.

3. Si Pœnitens nullum peccatum exprimit in confessione, nõ potest absolui: quia proijceretur forma, vbi non est materia, ac proinde iniuria esset Sacramẽto.

Benedi.

Benedicendus itaq; talis esset, vt illu-  
mineretur ad cognoscendos suos defectus,  
aut in innocentia conseruetur, non absol-  
uendus: nisi hoc proueniret ex negligen-  
ti discussione consciētiae, aut magna sim-  
plicitate; tunc enim iuuandus esset pœ-  
nitens. Porro suadere pœnitenti, vt de  
præterita confessione aliquod peccatum  
manifestet, regulariter non expedit. Quia  
nec Deus, neq; Ecclesia exigit, vt quis  
confiteatur bis peccatum ritè confessum:  
ipse tamen pœnitens licitè hoc facere po-  
terit, si voluerit.

4. Potest Confessarius diuidere abso-  
lutionem à confessione, ob aliquam cau-  
sam necessariam: vt puta, in fauorem pœ-  
nitentis, vt interim melius examinet, aut  
præparet se. Neq; necessarium erit me-  
morasse peccatorum, tēpore absolutionis.  
5. Absolutio in spem rati habitationis,  
regulariter non est licita, sicut neque sub  
conditione de futuro: vt, si restitues, Ab-  
soluo te. Licitā tamen est sub conditio-  
ne, de præterito, vel præsentī: vt, si dubi-  
tes, an sit materia sufficiens absolutionis,  
dicere poteris, si vera peccata sunt; ego  
absoluo te.

6. Sacri-

6. Sacrilegium est, repetere formam  
absolutionis supra vnam eandemq; con-  
fessionem. Si tamen fuerint diuersæ con-  
fessiones, licet sint eadem peccata, nullū  
est absurdum. Vnde, si vellem hesternā  
cōfessionem ritè factam hodie repetere,  
non ex diffidentia, sed ex humilitate, ad  
delendam aliquam partem pœnæ; licitè  
Sacerdos me absoluet.

7. Potest quoq; & debet proferri ab-  
solutio super aliquod peccatum, in præte-  
rita confessione oblitum, quando illud  
clauibus Ecclesiæ subijcitur, & in confes-  
sione manifestatur, vt directè remittatur.

8. Si quis tempore Iubilei oblitus est  
peccatum reseruatum confiteri, eo trans-  
acto; poterit absolui per quemcunque  
Confessorem.

Idem intelligendum est de peccatis,  
quomodocunq; & vbicunq; reseruatis.  
Nam si aliquando confessio facta est, du-  
rante facultate supra Casus reseruatos, vel  
coram eo, qui habebat autoritatem su-  
per eos: iam sublata est reseruatō, etiam  
ab illo peccato, quod propter solam obli-  
uionem, post sufficiens Examen, erat  
omissum.

9. Si



9. Si quis tempore Iubilei, habens peccata referuata, manifestaret ea omnia in confessione, celaret verò alia mortalia ex industria, ac proinde inualidè absolueretur: is postea posset ab omnibus etiam referuatis absolui. Quia peccatum semel cognitum ab Ecclesia, seu iudice debito, cessat esse referuatum.

Quòd si faceret confessionem, etiam quoad referuatos, non integram voluntariè: iam sibi impedimentum faceret, ne à quocung; absolui posset, sed tantum ab habente facultatem, supra illud omissum peccatum.

10. Cùm Prælatus in religione dat facultatem absoluedi à referuatis, eò ipso aufert referuationem à præteritis peccatis, ita quòd subditus poterit, non tantum tunc, sed etiam postea absolui à quocunque: quia iam referuationem amiserunt, nisi obstat limitatio aliqua facta per Prælatum. Sicut si diceret: *Authoritas durabit vsq; ad finem officij*. Nam his verbis videtur insinuare, quòd peccata, quæ iam cessauerant esse referuata, transacto termino sint reassumptura referuatione, quamuis

quamuis talis clausula apposita, possit habere alium effectum; quòd videlicet, durante facultate, valeat pœnitens absolui à referuatis, sub tempus concessæ auctoritatis perpetratis.

11. In absolutione cauendi sunt quidam duo errores. 1. Malè intelligentium, quæ in elementis tradita sunt: videlicet, occurrente referuato casu, Sacerdos suadeat pœnitenti, vt aliquam confraternitatem amplectatur. Hinc aliqui crediderunt, ingressum confraternitatis habere semper tale priuilegium, quod saluum est. Sed sensus est, quòd eam confraternitatem quærat, quæ talem gratiam, vigore facultatum Apostolicarum habeat, siue in ipso ingressu, siue post ingressum, certis temporibus. Neque absoluat, nisi tunc, cùm facultas durat, neque ab omnibus referuatis, sed ab eis duntaxat, à quibus conceditur. Non enim tanta solet concedi facultas, quanta in Iubileo; sed plures excipiuntur.

2. Error, sacrilegè in hoc negocio progredientium, qui præsumunt absoluerè à non referuatis, & cum referuato consulit expecta-

expectare tempus, quo concedetur facultas supra reſeruatōs : interim autem illi confitentur, & abſoluuntur inualidè, & communicant indignè.

Itaq; occurrente caſu reſeruato, omnino Confefſor debet ſubſiſtere, & pœnitentem ad Superiorem, vel eum, qui poſteſt abſolvere, remittere, aut ipſemet facultatem quærere. Cæterum abſolvere à non reſeruatis ſolis, ordinariè nō licet ei, niſi in caſibus vrgentiſſimæ neceſſitatis, videlicet, vbi Superioris copia non eſt : interim autem ſcandalum aut infamia oriatur, ſi qui confitetur, non communicet : tunc enim liceret quidem, ſed cum obligatione reconfitendi illud, quando Superior adfuerit. Neq; excuſare poteſt metus inordinatus ſuſpicionis, quæ in Præſato hinc ſuboriri poſſet : nam Præſatus, & ſub ſecreto Sacramentali ſigilli confeſſionis hoc audit, & ad exteriorem gubernationem, nullatenus deducere poteſt.

12. Aliquando Sacerdos tenetur denegare abſolutionem : nimirum, quando confitens impœnitens eſt, non habens contri-

contritionem, aut propoſitum non peccandi, vel occaſiones vitandi, iniurias & odia remittendi, officia mala deferendi, vel animum reſtituendi. Vide Exam: tit: 6.

Quaquam ſi deſiderat ex corde cauere peccatum, eiufq; occaſiones; tamen, conſcius propriæ fragilitatis, quam expectus eſt, credit ſe relapſurum, eſt abſolue-  
ndus.

13. Imminente periculo mortis, non expectet Cōfeſſor integram enumerationem omnium peccatorum, ſi periculum eſt in mora; ſed audito vno, vel duobus peccatis, abſoluat. Quamuis poſt abſolutionem pœnitens debeat proſequi ſuam confeſſionem, & iterum abſolui directe, à quibus antea fuit indirec-  
te abſolutus.

14. Notanda quoq; eſt illa doctrina, ex Rituali Romano, Pauli V. iuſſu, ediro. Quòd ſi, inquit, inter confitendum, vel etiam antequam incipiat confiteri, vox & loquella ægrum deficiat, nutibus & ſignis conetur, quoad eius fieri poterit peccata pœnitentis (Confefſor) cognoscere quibus,



quibus utrunq; vel in genere, vel in specie cognitis: vel etiam si confitendi desiderium, siue per se, siue per alios ostenderit: absolueudus est.

15. In reconciliationibus, hoc est, in confessionibus frequentioribus & brevioribus; vide formam absolutionis in Exam: tit: 6. q. 12.

Vrgente verò aliqua graui necessitate in periculo mortis, breuiter dicere poterit: Ego te absoluo ab omnibus censuris & peccatis; In nomine Patris, &c. vt in Rituali Rom: Pauli V. habetur.



S E C V N

## S E C V N D A P A R S.

## De Pœnitente.

## Diuisa in sex Capita.

1. Quomodo inuare se possit ad contritionem.
2. Quomodo se parare ad confessionem debeat.
3. Quod speculum inspicere.
4. Quomodo se in actu Confessionis gerere.
5. Quid per actâ confessione facere.
6. Quomodo circa sumptionem Eucharistie se habere.

## C A P V T I.

*Quomodo se inuare possit ad contritionem.*

**C**ontritio, quia donum Dei est, idcirco per feruentes orationes, & alia pia opera à Deo postulanda. Et quia est actus humanus, ideo cum Dei auxilio concurrere debent aliquæ considerationes, cor emollientes, atque disponentes. Istæ autem considerationes desumi possunt ex

D

sunt ex

sunt ex diuersis circumstantijs: nimirum perpendendo; quis, quid, contra quem, & cum quanta iactura peccauerit. Quis? Qui nihil erat, & non fuisse poterat, & nunc tot donis Dei insignitus; tum naturalibus, quia ad Dei imaginem ex nihilo creatus: tum supernaturalibus, quia ad æternam beatitudinem ordinatus.

Hic inquam, Deum offendit, amicti- am eius spreuit, proditor eius factus, ad hostem illius dæmonem confugit, malēs eius mancipium esse, quàm Dei seruus & amicus: de quo S. Bern: *Ser: 16. in Cant.* Cogita (inquit) in Deo tuo, hæc quatuor concurrere, quòd scilicet sit Creator, quòd sit Benefactor, quòd sit Pater & Dominus. Ad omnia reus es, plange per singula. Ad primum & vltimum respondeat timor tuus; ad duo media, pudor.

Adhuc autem multa mala contra proximos fecit. Nam alios iniquè bonis temporalibus spoliavit; alios in illo exemplo ad peccatū pertraxit, aut etiam ad ipsum induxit; (& ita ob scandala à se data, illi animæ vitæ perdiderūt) alios detraxit, multisq; eos iniurijs affecit. Sed & ipse peccator,

cator, maximam iacturam ob id perpe- sus est: nam gratia & charitate exspoliatus, cœlestem hæreditatem perdidit, perpetuò inferni carceri se obstrinxit, ac perinde mortem primam & secundam, incurrit.

Si itaq; tantum est malum quod perpetravi, quid faciam, vt illud dissoluam? quomodo Creatorem meum placabo? quomodo amico tam benefico reconciliabor? quomodo proximorum damna resarciam? quomodo pœnas inferni æternas euadam? Nullum restat remedium, quàm ad anchoram pœnitentiæ confugere, peccata plangere, atq; detestari. Verè compunctus, & manu Dei tactus, plures considerationes ex pluribus circumstantijs exaggerationibusq; acceptas, adinuenire poterit.

## C A P V T II.

*Quomodo se preparare ad Confessionem debeat?*

**C**onuenienter se ad confessionem parabit, si quatuor obseruabit.



1. Recurrit ad Deum per orationem aliquam, saltem breuissimam, siue vocalem, siue mentalem: emissio ad ipsum ex imo pectore suspirio, vt sibi adiutor esse velit ad reminiscendum, detestandum, & confitendum ritè peccata sua.

2. Recolligat se aliquo tempore sufficiente, ad examinandum diligenter conscientiam suam, & rememorandum omnia peccata: reuocando in memoriam, tum confessiones præteritas, si in eis aliquod peccatum omissum fuerit, aut de necessarijs aliquid defuerit: tum loca, in quibus versatus est, & quid in singulis fecit: tum personas, cum quibus hætenus conuersatus est: tum propensiones, & fragilitatem suam, conditionem, statum, officium, occupationes seu negotia sua: tum discurrendo ordine, per præcepta Dei, Ecclesiæ, peccata capitalia, sensus corporis, cogitationes, verba, opera. Hac enim ratione facilius poterit in memoriâ sibi reducere omnia peccata.

*Hic notandum:*

Quod in recogitatione peccatorum carnalium, odij, & iræ, non multum immorari oportet.

rari oportet, ne ex insidijs diaboli, aut infirmitate carnis, noua exoritur têtatio.

3. Postquam inuestigauerit & collegerit peccata sua, compungantur, & statuat ea omnia, cum debita displicentia, manifestare in confessione. Nec tantum integrè, verumetiam bona intentione, pro salute animæ suæ, non pro consuetudine tantum, non pro iactantia, neque ex aliqua coactione.

4. Eligat sibi peritum Confessorem, qui sciat conscientia suæ difficultates soluere, infirmitates curare, in Dei gratiam reducere, regulam bene viuendi docere. Sæpè enim imperitus Confessor mortificat & non viuificat, inducit in desperationem, & ex peccato non educit: multaq; alia mala pœnitenti adfert.

*Hic etiam sciendum;*

Quod istud vltimum non omnibus quadrare potest: si quidem pauci sunt, qui possent talem electionem facere; neque omnes ita intricatos casus habent: & paucissimi inueniuntur, qui quærant peritos Confessores, quin potius hos subterfugiunt, & malunt eos, qui nesciunt,

D ;

aut non

aut non curant omnes angulos conscientie scrutari. Semper tamen tutius est coram docto & pio confiteri, quam aliter.

### CAPUT III.

*In quo speculum Pœnitentis proponitur?*

**E**T ad contritionem acquirendam, & ad confessionem integrè perficiendam, iuuabit vel maximè enumerare vſitiora peccata, quæ contra Decalogum, præcepta Ecclesiæ, &c. sunt. Hæc autè enumeratio, meritò speculum appellari poterit, eò quòd intuentes illud, se suasq; imperfectiones deprehendent ac cognoscant.

Dicamus itaq; quòd tale speculum duplex est: commune, omnibus pœnitentibus: & particulare, singulis statibus, seu hominum conditionibus. Vtrumque autem proponetur.

*§. I. De Peccatis, contra virtutes Theologicas.*

*1. Inprimis contra fidem.*

An fuerit hæreticus. Vel in fide dubitauerit deliberatè.

Si

Si hæreticis in pertinentibus ad hæresim fauit, aut errori eorum aliquo modo consensit, vel fidè non est confessus, vbi & quando oportebat. In quo Parasiti, adulatores, & politici sæpius peccant. Auriga tamen vehens suum patronum ad conuenticulum Hæreticorum, pro suo munere, & causâ euitandi dura verba, aut etiam verbera, & non affectu cooperationis, nihil peccat.

Si libros hæreticorum, aut aliàs prohibitos legerit, retinuerit, vendiderit, & multò magis impresserit. Simples: si articulos fidei in lege noua ab omnibus sciendos, ignorent.

2. *Contrasperm.* Si non sperauit etiam Dei beneficio, se consecuturum æternam beatitudinem, atq; media ad eam necessaria, quæ sunt Dei auxilium, gratia, peccatorum remissio, vitæ emendatio. Hæc enim desperatio esset, si verba desperationis protulit: vt, Deus oblitus est mei, non miserebitur mei. Quòd si eadem, verba, quæ proferuntur, crederentur; non tantum blasphemia, sed etiam hæresis esset.

D 1

3. Con-



3. *Contra charitatem.* Si proximum in graui necessitate constitutum non iuuuit, eleemosynam denegauit, aut vtrò non obtulit. Si propter commoditates huius vitæ, deliberatè mauult hîc viuere semper, quàm post mortem cum Domino, summo bono vniri, & in cælo delicijs spiritualibus affluere. Signum enim esset defectus amoris Dei. Quòd si vitam præsentem futuræ præponeret, propter dubitationem aliquam de vita ventura: iam ad hæresim pertineret. Parati semper esse debemus, vt vocanti Domino, hilari- ter & promptè occurramus, nihil de eius benignitate hæsitantes.

*§. II. De Peccatis contra Decalogum.*

1. In primo præcepto cernuntur incantationes, veneficia, diuinationes, aliæq; superstitiones, tam in exercendo, quàm in cooperando, consiliū dando, aut accipiēdo, & quouis alio modo consentiēdo.

*Hîc notandum:*

Quòd simplices, quando per ignorantia tale quid

tale quid faciunt, non peccant præsertim mortaliter. At postquam admoniti fuerint de vanitate, peccabunt mortaliter: iam enim incipiet esse voluntaria inuocatio dæmonum, salt. m. tacita.

2. In secundo continentur periuria, quæ quis admisit, siue sciens esse falsum, quod affirmat vel negat: siue re iniquam se facturum cum iuramento promittens: siue rem iustam, sub iuramento promissam, non implens: siue ex praua consuetudine iurans, non curando, neq; considerando, verumne an falsum sit, quod iuramento confirmatur: siue etiam alium ad peierandum inducens (quod benè aduertant Actores causarum, qui absq; vlla necessitate aut vtilitate exigunt iuramentum ab eo, quem sciunt falsò iuraturum.)

*Hic etiam sciendum est,*

Quòd iuramentum duplex est. Assertorium: quando aliquid cum iuramento, esse vel non esse asseritur. Execratoriū: quando execratio, seu mali imprecatio, exprimitur: vt, Deus me priuet gratia vel gloria, vel puniat; si ita non est vt dico, vel si non fecero hoc, vel illud.

D 5

Deinde

Deinde sciendum est. Periurium regulariter mortale esse peccatū, nisi indeliberatio sola excuset. Nam paruitas materiæ adeo non excusat, vt etiam augeat peccatum in periurio.

Tertio. Si quis absq; necessitate iuret verum, non peccat mortaliter. Sola enim falsitas in re, siue sit à iurante cognita, siue non sit curata: facit periurium, atque adeo peccatum mortale.

3. Ad hoc idem præceptum reducuntur blasphemia, & vota. Blasphemia, est dictum, scriptum, aut cogitatum, contra Deum, aut Sanctos. Potest autem esse duplex: Hæretica, & Contumeliosa. Hæretica: vt, dicere Deum esse iniustum, hominis immemorem, &c. Aut maledicere Deum & Sanctos. Contumeliosa: quando ignominiosum & turpe aliquid cogitatur de Deo, & Sanctis. Hūc spectant turpes aut lasciuæ cantilenæ, si diuino cultui admisceantur, etiamsi solo instrumento musico absq; textu fiant. Similiter abusus Sacre Scripturæ, & Ceremoniariū Ecclesiæ. Omnia ista sunt mortalia, si sint scienter & deliberatè facta, atque

atque cum notabili irreuerentia Dei.

### Hic notandum est,

Discrimen inter hæresim & blasphemiam, etiam hæreticalem; quod hæresis consistit in credendo: blasphemia verò etiā hæreticalis, in dicendo tantū verbo, aut mente.

4. Voti natura inprimis est penetranda. Tria ad votum ex necessitate requiruntur: Deliberatio, propositum, & promissio. *D. Thom: 2. 2. q. 88. a. 1.*

Non itaq; solum propositum faciendi aliquid, constituit votum: neq; credendum est, qualemunque promissionem, sufficere ad votum. ( si enim dixeris amico: promitto tibi, &c. promissio hæc non erit votum ) sed promissio, quæ sit Deo explicite vel implicite, ( vt cum sit Sanctis vel Prælatis ) facit votum.

Deinde: Res promissa non debet esse vana, aut indifferens, sed Deo accepta, & ad salutem necessaria: ac proinde de actu virtutis, & quod sit maius bonum, quàm illius oppositum. *D. Thom.*

Deinde sciendum est: quod votum ita factum non implere, aut absque causa ra-



tionabili in longum differre; peccatum mortale est, & obligatio implendi durat.

5. In tertio præcepto, festorum observatio comprehenditur. Hæc autem in duobus consistit: in Missæ auditione, & à servili opere cessatione.

Et quidem nomine auditionis intelligitur interesse Missæ, animo vacandi Deo. Per opera servilia, intelliguntur mechanica: ut arare, fodere, fuere, &c.

Qui itaq; die festo Missam prætermittit, aut laboravit, vel laborari iussit aut permisit per tempus notabile: peccavit mortaliter.

6. In quarto præcepto, honor parentum præcipitur. Hic autem honor in tribus consistit. In corde: ut diligantur, & non odio habeantur, neq; eis mors, vel aliquod malum optetur. In ore: ut reuenter ac modestè cum eis in loquendo procedatur, & non acerbè, aut duriusculè. In opere: ut casu necessitatis eis subueniatur.

7. In quinto, homicidium prohibetur. Mutilatio autem, vulneratio, & percussio, huc reduci possunt.

Expe-

Expedi autem discernere inter homicidium voluntarium in se: hoc est, directè intentum, quia aliquid ideò facio, ut occidam. Et homicidium voluntarium in causa: ut cum aliquid aliud faciens, interficio aliquem, non præmissa diligetia, nimirum, deiiciens regulas ex textu, & non præmonens transeuntes, neq; aspiciens, an aliquis transeat, si occidat, erit homicida voluntarius, non tanquam directè intendens, sed tanquam culpabiliter negligens, ac proinde in causa: & idcirco peccabit mortaliter. Qui autem casu, adhibita ordinaria diligentia occiderit, nihil peccabit: ut qui feram interficere volens, adhibito clamore, aut alia custodia, seu omni circumspectione, hominem ibi latitantem, percusserit.

Hæc distinctio plurimum proderit, ad cognoscendum. An sit casus reservatus, vel non: an sit irregularitas, vel non: dispensabilis per Prælatos, aut non. Similiter ad iudicandum de abortu, quomodo fuerit voluntarius, ex intentione, vel negligentia. Idem erit iudicium de suffocatione infantis detenti in eodem lecto.

D 7

Et quia

Et quia hoc periculosum est; ideo in quibuldam diœcesibus interdicitur talis de-  
rentio.

8. In sexto, adulterium prohibetur, cogitatu, aspectu, & tactu libidinis: hoc est, cum concupiscentia carnali. Mul-  
tò verò magis ipsum adulterium, actu  
perpetratum. Vbi si proles intercesserit,  
tenetur pater verus ei de alimētis proui-  
dere, & curare, ne particeps sit hæredita-  
tis patris putati: nisi paupertas, vel peri-  
culum mortis, aut infamiae, excuset. Si  
tamē aliqua ratione citra tale periculum,  
damnum hoc refarciri posset, fieri debet,  
vt donando aliquid, clam vel palam, au-  
gendo hæreditatem, &c.

9. In septimo, furtum vetatur, tam  
occultum, quàm manifestum, quod rapi-  
na dicitur; cum obligatione restituendi  
domino, aut hæredi. Huc reducuntur:  
damnum notabile inferentes, ab affec-  
tione alicuius boni quempiam impedi-  
entes, si habuit aliquod ius ad illud, sal-  
tim imperfectum, vt per promissionem,  
electionem: Iusta tributa & vectigalia  
defraudantes: Indignos ad aliquod mu-  
nus pro-

nus promouentes, cum damno aliquo  
temporalium. Legata pia detinentes,  
aut reddi impediētes; cum ipsa quàm  
citissime reddi debeant. Furto ablata e-  
mentes, acceprantes, qui tenentur resti-  
tuere, etiam non restituto sibi pretio. In-  
uenta non restituentes, aut pretium in-  
ventionis exigentes: quamuis vltro da-  
tum, quid modicum accipere possint.

10. In octauo, falsum testimonium,  
interdicitur. Hoc potest esse in iudicio,  
& extra iudicium.

In iudicio quidem, quando testis fal-  
sum vel dubium asserit pro vero, aut non  
fateretur verum: aut per amphibologiam,  
scu ambiguum sermonē respondet, sem-  
per est peccatum mortale: tum, quia te-  
stes non admittuntur, nisi iurati, vel præ-  
missio præcepto formali: tum quia est cō-  
tra iustitiam, quæ adimitur proximo; vn-  
de damnum ipsum pati necesse est.

Extra iudicium, dicitur mendacium,  
quod est verbum falsum, cum intentione  
fallendi: ex D. Aug. relato, 2.2 q. 2. C. Beatus.

Porro triplex est mendacium. Perni-  
ciosum, quod alicui nocet, aut quod est  
contra



contra honorem Dei (vt, prædicare falsa) vel cum damno proximi notabili. & tale semper est peccatum mortale. Officium, quod nulli nocet, imò cedit in utilitatem propriam, vel alterius. Iocum, quod causa ioci vel oblectationis suæ, vel alienæ dicitur. Quæ duo mendacia venialia sunt. Eo enim, quòd ad aliquod bonum, siue delectabile, siue utile, vel alicuius mali auersionem, absque alicuius iniuria ordinatur, non magnam in ordinationem habent. *Less.*

11. In nono præcepto, prohibetur concupiscentia vxoris alienæ, ad concubitum, & alios actus venereos, seu libidinosos: quæ si est deliberata, proculdubio est peccatum mortale.

12. In decimo, vetatur concupiscentia rei alienæ ad possessionem. Hæc si fiat contra iustitiam, & cum damno notabili proximi, est mortalis. Hinc alterius famulum allicere, absq; virgæ necessitate, & cū magno alterius damno, est mortale.

Possent hūc multa peccata ad singula præcepta reduci & dilucidari, sed ad vitandam paragraphorum prolixitatem,

& con-

& confusionem, seorsum ponentur, & explicabuntur.

### S. III. De Peccatis contra præcepta Ecclesiæ.

1. Principalia præcepta Ecclesiæ, sunt quinque.

*De Missa audienda die festo.*

*De ieiunando certis diebus.*

*De soluendis decimis.*

*De confitendo semel in anno.*

*De communicando in Paschate.*

2. Præceptis Ecclesiæ tenentur omnes cuiuscunq; ætatis, sexus, aut conditionis, quamprimum ad vsum rationis peruenierint, quod communiter septennio completo accidere solet. Excipitur tamen lex de communione, & de ieiunio in parte; vt infra dicetur. Quamuis pueri ob transgressionem præceptorum Ecclesiæ, non incurrerent pœnas Ecclesiasticas, latas aut ferendas in transgressores; vt est priuatio sepulturæ Ecclesiasticæ, donec ita perfectum assequantur vsum rationis, vt ad communionem obligentur: *Sanch: de præ: lib: 1. C. 12. n. 7.*

Incur-

Incurrerent tamen pueri septennales doli capaces, ob percussionem Clerici, essentq; irregulares, si occidant, & comprehendenter interdicto lato in populū.

Doli autem capaces vocantur illi, qui post septennium non sunt stupidi, aut nimium hebetes, sed potius sagaces.

3. Porro Missa integra audienda est, ita vt non omittatur eius notabilis pars. Notabilis autem omitteretur, si ad eam audiendam post Epistolam accederetur, vel ante Orationem Dominicam recederetur. Neque satisfaceret, qui suppleret omissa, per se recitando, aut legentem audiendo. *S. Anton: Syl: Azor.*

4. Satis autem est vnam audire etiā die Natiuitatis Domini. Similiter, & semel celebrare: & quidem in quocunq; loco.

5. Hæc autem vna & tota Missa, debet ab vno eodemq; Sacrificante audiri, & non à pluribus per partes, nisi propter aliquam rationabilem causam, aliquis à dimidia Missa recedens, reuertatur ad reliquam dimidiam alterius Sacerdotis, Simul tamen vtramq; dimidiam audiēs, (videlicet ab vno, vsq; ad Offertorium, & ab

& ab alio infra idem tempus Missam prosequente, ab Offertorio vsq; ad finem) non satisfaceret.

6. Nomen verò audiendi non ita propriè sumitur, vt idem significet, quòd aure corporis percipere, alioquin surdus nō satisfaceret, neq; sanus, si Sacerdos submisit dicat: imò etiam si sublata voce, in magna populi frequentia, nam tunc valde distantes non audirent. Vnde omnes Doctores passim docēt, neminem ex præcepto teneri sic audire, & minùs intelligere verba Sacerdotis. *Nauar: C. 21. n. 8. Caiet: Sum. & alij.*

Sumitur itaq; hic auditio moraliter, quòd, scilicet, se gerat instar audientis, decenter, piè, ac religiose intersit, surgendo, genua flectendo, cruce se signando, &c. Et exoptando; vt, Sacerdos pro omnibus orans, exaudiat: aut cogitando de Deo, cui Sacrificium offertur: vel Dei beneficijs, quæ per Sacrificium conferuntur: nec impedimentum aliquod tali deuotioni repugnans, præstetur, colloquendo, pingendo, scribendo, dormiendo, mentem à Missa ad alia aduertenter notabiliter distrahendo, &c. 7. Ad.



7. Admonent Doctores, ne Missam audientes suis priuatis orationibus, sibi lo, suspirijs, clamore, & sono impediāt: aut Sacerdotis deuotionem, aut aliorum meliorem orationem; vt S. Bonau: ait. Ne autem hoc temerè docere videar, aliquos ex Doctores, multò antè id docētibz, in medium proferam. *Nau: de Orat: & hor. Can: Cap: 16. n. 2. sic ait:* Vitare debemus causas, non solum nosmetipsos, sed etiam proximos impediētes. Vnde adducit testimonium *Ioan: Cass: de Monachis Aegyptiacis;* qui cū essent innumera multitudo, quando ad orationem conueniebant, tamen silentium eorum tantum erat, vt præter canentes, nullus adesse videretur; non sputum emittebatur; non excreatio obstrepebat; non tussis intersonabat; non oscitatio somnolenta dissutis malis & hiantibus trahebatur, nulli gemitus, nulla suspiria, etiam adstantes impeditura promebantur.

Illum verò qui cū clamore supplicat, dupliciter peccare pronuntiabāt. 1. quòd orationem negligenter offerat Deo.  
2. quòd indisciplinato strepitu, alterius quoque

quoque, qui forsā ardentius orare potuit, intercepit sensum.

Idem, sed breuius docet, *Lud: Pont: Tom: 4. de perf: tract: 2. C. S. 3.* Qui, inquit, Missæ interfunt, debent orare mente, aut voce, ita tamen: vt, si voce orent, id faciāt submissè, ne Sacerdotem ipsum, aut quos propè se habent, impediānt. Nā (vt S. Bonau: ait) minus cauta & imprudens est oratio, quæ cū sit vna, multas impedit: & cū sit ipsa tepida, feruentē retardat. Vnde orans (docente *D Th: 2. 2. q. 83. a. 12. 3<sup>m</sup>.*) nihil nouum facere debet, quod aspiciant homines, vel clamando, vel pectus percutiendo, vel manus expandendo.

Prosequitur *Nauar.* Peccant ij, qui saltem tempore diuini officij, deferunt ad Ecclesias canes, accipitres, & infantes, qui plorant, vel vociferantur: & fatuos, qui tumultus excitant, quoniam sunt causa suæ vel alienæ distractionis. Quod etiam monuit Statutum Ecclesiæ Gallicanæ, & Conc: Lugd.

Præstat itaq; sub tempus Missæ cogitare, illam esse repræsentationem vltimæ Cœ-

mae Coenae, Passionis, & mortis Christi. Deinde desiderare, vt exaudiatur Sacerdos pro omnibus orans, & sacrificans. Tertiò, attendere ad ea, quae Sacerdos dicit & facit: surgere, stare, genua flectere, cum alijs, pro occasione, licet aliquando non audiantur, neq; intelligantur verba, offerendo tamen ea Deo, secundum sensum, quem in Ecclesia literati intelligunt. Quartò, habere animum seruiendi Deo, aut præcepto Ecclesiae satisfaciendi. Quintò; possent infra idem tempus adhiberi meditationes variae; de quibus alias.

8. Quoad alia officia diuina, Vesperas, Conciones, &c. nullum præceptum extat Ecclesiae, quamuis monitio eius non desit, & vtilitas fidelium.

9. Ab hoc præcepto excipiuntur aliqui. In primis, qui sunt impediti graui ac iusto negotio, quod in aliud tempus differri non potest: quales sunt publici ministri, qui ratione sui officij, non possunt deferere suas vigilias, custodias, domos, caltra, portas murorum. Deinde, infirmis inservientes, quos sine periculo relinquere non possunt. Matres quoq; & nutrices,

quae

quae paruulos tuto deferere non possunt. Adhæc, propter pestis periculum: similiter propter coeli intemperiem; vt, pluuiam diuturnam & magnam, niues, turbines, &c. Præterea, valetudinarij, quibus surgere & egredi noceret, ac proinde consilio medici, commodè id facere nequeunt. Adhæc famuli, qui iussu domini coguntur aliquid magni momenti facere. Quod si sint leuia quae præcipiuntur, domini quidem peccant, eò quod salutem eorum negligunt: serui tamen, tunc tantum excusantur, quando obtemperant ad euadendū rixas, vel obiurgationes duras.

Excusantur quoq; pastores ab hoc præcepto, qui focijs carent; cum quibus ita negotium diuiderent, vt vno redeunte alter iret.

Possent etiam alia ratione excusari, si fiat adeò rudes: vt potè, inter pecora nutriti, ac semper versati; vt tale ius, quod alioquin omnibus Christianis debet esse notissimum, bona fide ignorent. Qui adeò pauper est, vt non habeat vestes, aut commodè, pro conditione, domo egredi non audeat, excusatur.

Viduæ



Vidua item, quæ propter obitum mariti, ex consuetudine ad certum tempus, domo exire non solent, modo ad alia non egrediantur: Sicut & alibi puellæ nobiles, per nullam occasionem e domo prodeuntes, eodem modo excusantur, & qui, vel quæ, pro earum custodia remanent.

10. Qui infra Missam confitentur, ut præcepto Ecclesiæ satisfaciant, non valentes commodè in aliud tempus debitam confessionem differre, excusantur. Secus de his, qui ex deuotione id faciunt.

### *I Secundum Præceptum de Jeiunio.*

1. Ieiunium duplex inuenitur: Perfectum, ac imperfectum. Imperfectum, ubi vel sola abstinentia à carnibus obseruatur, lacticiiniorum autem usus conceditur, siue semel, (ut in Italia in quibusdam vigilis extra Quadragesimam) siue bis, (ut in Polonia Feria 4. & Sabbato.) Vel etiam lacticia subtrahuntur, sed bina refectio permittitur; ut in Dominicis Quadragesimæ.

Perfectum verò, ac plenum ieiunium, tria

tria requirit; abstinentiam non solum à carnibus, sed etiam originem ab eis habentibus; ut sunt oua, lac, butyrum, Vnicam comestione. Et circa horam meridianam.

2. Mortale peccatum est, absque legitima causa ieiunium statutum, frangere, etiam citra vllum scandalum, aut contemptum.

3. Sex sunt, quæ non ieiunantes à peccato excusant: Etas, infirmitas, officium, labor, necessitas, paupertas, charitas, & facultas.

4. Etas quidem; nam pueri ante septennium, licite vesci possunt cibis vetitis omnibus. Post septennium verò minime: nihilominus vnica comestione non adstringuntur, vsque ad vigesimum primum annum completum: quia indigent frequenti cibo, & non multo simul sumpto, propter augmentum commodius assequendum. D. Th. Et tamen debent assuescere ieiunare, plus aut minus, pro maiori vel minori eorum ætate, & complexionis qualitate, quamuis absque obligatione. D. Th: 2, 2, q. 147. a. 4.

E

Ætas

Ætas quoq; senilis à ieiunio eximit: nam senes non possunt alimentum pro ieiunio sufficiens digerere ac tolerare, sed potius propter debilitatem, frequentimodicoq; alimento indigent. *Caiet. 2.2.*

Senectus autem secundum communem opinionem in 70. anno obuenire solet; quem qui excedit semper ferè, non solum, imbecillo corpore & viribus esse solet, sed & valetudinem habere incommodam. Verum sciendum est, quod hæc ætas secundum aliquos ex se sola non excipit, si non adsit aliqua senilis ætatis imbecillitas. Hinc senes robusti corporis, & bonæ complexionis, ieiunium seruare debent. *Azor.*

5. Aegritudo & mala valetudo, seu continua debilitas excusat. Vnde qui dolores capitis, vel stomachi, aut oculorum vertiginem patiuntur, sunt excepti. Quod si dubium sit de infirmitate, an tanta sit, quæ à ieiunando excipiat, medicus consulatur, aut ad superiorem recurratur, vt dicetur.

6. Officium debitum idem facit, quod est quadruplex: Coniugum, si aliter quis non pos-

non posset reddere coniugale debitum, nisi corroboratus altera refectione. Prægnantis, & nutrientis, seu lactantis. Si quidem hæc indigent cibo pro se, & fœtu, vel infante: nisi sint adeo robustæ, quod cum ieiunio possent facere satis huic officio. Communiter tamen mulieres non sunt tam validæ complexionis: vnde ratione nocumenti peccarent ieiunantes. *Caiet.* Neq; semper requiritur licentia, vt paulò post dicetur. Quartum officium est actus docentium, Concionatorum, & Lectorum, atq; Cantorum, non quòd hæc officia eis dent libertatem ieiunandi, & non ieiunandi: sed quòd si non possunt suum vtile munus commodè exercere, seruando ieiunium, eo tempore duntaxat, dum illud exequentur, licitè bis refici possunt, & non ordinariè, idq; quantum sufficit ad resumendum vires, & auertendum indispositiones.

7. Labor quoq; grauis, à ieiunio excipit. Talis autem est fabrorum, ram ferariorum, quàm lignariorum, cultorum agri, sculptorum, sutorum, figulorum, argentariorum, aurificum, textorum, pel-



lionum, fullonum, lanionum, camentariorum, muratorum, pictorum, & qui furnariam artem exercent. Non autem sartorum, pictorum, barbitonforum. Et multominus scriptorum, notariorum, advocatorum, scholasticorum. *Vide Azor l. 1 lib. 7. Cap. 17.*

Cursores verò equestres, videant, an circa incommodum possint seruare suum ieiunium. Itinerantes pedibus, an sponte vel necessitate suscipiant iter, ita ut in alium diem commodè differri non possit: si enim iter prorogari nō possit, & triumphum amplius milliarium sit, profectò bis refici possunt. Perpendant hoc benè, qui curru aut equo vehuntur, & quidem cum omni commoditate, interdum autem solius recreationis causa: & iudicent, an legitimam causam habeant soluendi ieiunium. Reuera enim non habent, nisi iter necessarium sit, prolixum, vel incitatum, seu vehemens, quod non compatiatur ieiunium, si conferatur cum complexione itinerantis.

8. Necessitas verò est, quando die ieiunij alius cibus, præter carnes non sup-

petit,

petit, & absq; cibo citra periculum aliquod, vel commodè, illum diem transigere non esset tutum: tunc enim ieiunium non ligat. Neq; enim vult Ecclesia, ut quis propter suum præceptum, talè discrimen incurrat. Similiter, qui apud Hæreticos aut infideles se proderent Catholicos & Christianos, cum periculo carceris, tormentorum, mortis, amissionis bonorum, cum non teneantur tunc, non ligantur ieiunio cum tanto periculo, dummodo absit scandalum, & non sit exploratio religionis autoritate publica.

9. Paupertas non omnium, sed eorum, qui ostiatim victum quærentes, vna portione satiari non possunt. His enim licet protrahere suam refectionem, donec saturarentur. Vel etiam similitum, hoc est, qui non possunt habere simul, quod eis ad victum sufficiat. *D. Thom: 2. 2. q. 147. a. 4. qm.*

10. Charitas aut pietas, interdum causam iustam soluendi ieiunium præbet, nō tamen regulariter. Vnde si quis bona fide, nec in fraudem bis reficeretur cum infirmo, qui non aliter cibum sumeret,

E 3

nisi al-



nisi alter simul ederet. *Azor tit: 1. lib: 7. cap: 18.* Hospitalitas rarissimè excusaret, nisi peregrinus diuertens valde esset lassus, & corporis refectione valde indigēs, neq; bis se reficere auderet, nisi ipse hospes idem faceret.

Hūc quoq; possunt reduci Confessarij, assiduè pœnitentium confessiones audientes, Lectores, & Concionatores, quotidie legentes aut prædicantes, neque untes commodè officium suum facere, & simul ieiunare.

Ad charitatem quoq; pertinet, ieiunium non obseruare, ad vitandam domesticam discordiam, vt si vir alicuius vxoris esset durus, seuerus, imperiosus, aut etiam hæreticus, permittens tamen eam, Catholicè viuere; talis, inquam, vir, si rescierit vxorem ieiunantem, indignaretur, malè tractaret, rixas excitaret, odium contraheret, alienaretur ab ea: hæreticus autem non faceret ex contemptu & iniuria Catholicismi; sed quia dicit ieiunia esse cum detrimento, & incommodo suo & familiæ: tunc vxor vt deuitet talem perturbationem, debet abstinere à ieiunio.

II. Fa.

II. Facultas quoq; à Superiore impetrata, liberat à ieiunio. Vbi sciendum, quod à ieiunio Ecclesiæ solus Papa eximere potest, si nulla subsistat iusta causa.

Quando autem causa est certa & euidens, licitè potest quilibet ieiunium præterire, præsertim consuetudine interueniente, vel in difficili recursum ad Superiorem. *D. Thom.*

Euidens autem causa censetur, quæ à medico, vel aliquo prudenti viro talis indicatur, quâuis ieiunanti dubia videatur. Tales sunt prægnantes, lactantes, & notabiliter debiles.

Quod si fuerit causa dubia & incerta, potest Episcopus de iure dispensare; Parochus autem ex consuetudine. Quia solet in tali euentu recursus fieri ad Parochum, quamuis præsens sit Episcopus, & ad eum facilis pateat aditus. *Azor tit: 7. lib: 7. C. 18.*

Eadem ratione possunt Prælati Religionum, aut locorum Superiores, & in absentia eorum vices gerentes, dispensare alios, imò & seipsos ex iusta causa, (ne deterius conditionis alijs sint) tam in

E 4

qualitate



qualitate ciborum, quam in numero refectionum. Vnde *Calet*: in 2.2. addit:

Minus ergo sapiunt Prælati, qui petentibus subditis in causa dubia, dispensationem eorum; in Ecclesiæ ieiunijs: aut præueniendi horam, remittunt eos ad suam conscientiam. Debent enim compati infirmis, & ad cautelam ieiunium commutare, in Septem Psalmos, vel aliquid huiusmodi. Nam qui hoc bona fide facit, nullo periculo se exponit, siquidem potestate sua utitur. *Idem Azor Grass*

Refertur in Comp: Priuileg: Ord. Mendicant: quod concedente Eugenio 4. licentiam, quam dat Prior, vel in eius absentia Vicarius, alijs Fratribus; possit etiam Priori ac Vicario concedere eorum Confessor, V. Ieiunium.

12. Cui datur facultas comedendi procreata ex carnibus; puta oua, & lac: vel præueniendi horam consuetam, non potest vesci carnibus: sed debet esse contentus eo, quod conceditur tantum; in reliquis autem debet ieiunium observare: quia talis non in totum liber censetur à lege ieiunij. Cui verò permittitur vesci carnibus,

carnibus, videtur esse solutus in totum, ita ut & pluries comedere posset, & meridiem præuenire. Habens quoque licentiam comedendi oua, tuto potest uti caseo, lacte, & butyro, imò & piscibus simul. *Azor*.

Qui tamen haberet facultatem utendi butyro pro condimento, propterea quod non possit uti aliquo oleo, non statim posset vesci ouis, & alijs: sed intentio concedentis exploranda esset, aut forma concessionis.

13. Tempus comedendi die ieiunij, est hora meridiana, vel paulò antè. Nam qui longè ante meridiem absq; legitima causa reficeretur, mortaliter peccaret: ut puta, per duas horas, aut etiam fortè per sesquialteram, & tamen tenebatur abstinere à secunda refectione: quod si denudò comederet, peccaret. Quamvis qui tertio & quarto die ieiunij comedit, non amplius transgrediatur legem ieiunij, in secunda comestione finaliter violatam.

Porro iusta causa præueniendi horam debitam, est iter necessarium, aduentus hospitum, expectare non valentium, ne-



gocitū imminens, lectionis aut doctrinæ.

14. Paterfamilias tenetur ministrare familiæ alimenta commoda, convenientiaq; tempore ieiunij, ita vt sustentari & sufferre ieiunium possint. Non tamen obligatur familiam per vim compellere ad ieiunandum: sed sufficit charitatiuè monere & curare, vt ieiunet. Quod si aliqui transgrediantur, non turbetur: præsertim, si hinc ei immineret magnum incommodum: vt puta, quia nullum famulum sibi necessarium inuenire posset, si tempore ieiunij non propinaret cœnā: vel si ipsi grauius essent offensuri Deum, murmurando, conuitiando, maledicendo, cœnā negatā.

15. Famulus tempore ieiunii, parans domino suo cœnam, mensam instruens, ac ministrans, non peccat, quia hic officium suum præstat. Idem de ancilla Domini hæretici, coquente carnes die ieiunij: quia hoc non potest absq; notabili suo incommodo detrectare.

16. Diebus ieiuniorum exponere cibos vetitos ad emendum, illicitum est, propter multorum occasiones peccatorū.

Priuatim

Priuatim verò ac occultè vèdere liceret, si non animaduertetur, emprorem abuturum. Fundamentum peccati mortalis est. Quia qui ieiunare tenentur, haberent occasionem transgrediendi, quod venditor nihil curare videretur.

17. Inuitans ad cœnandum, etiam vrbauitatis, amicitia causa, aliàs ieiunatorum; peccat mortaliter, si inuitatus cœnat, nisi inuitans credat inuitatum non consensurum, aut si consenserit, existimet, non esse obligatum ad ieiunandum, vel saltem dubitet.

Quòd si inuitatus paratus erat ad cœnandum, nihilominus inuitans peccat, quia inducit eum ad exequendum suum malum propositum: nisi ei constaret, inuitatum decreuisse cum alio, vel alibi cœnare. Vnde non peccant cauponarij inuitantes viatores, vt domi suæ potius quàm alibi cœnent. Ex hoc tamen non deducas, propinantes potum ad ebrietatē, non peccare; eò quod potatores decreuerunt alibi inebriari: quia ebrietas est contra ius naturale; solutio verò ieiunij contra legem positiuam, ac proinde maioris vinculi.

E 6

18. Vi-



18. Viatores non habentes domiciliū, horreum, tabernam, officinam, vel quācūq; possessionem alicubi, neq; moram ibi facientes, sed transeuntes, aut confestim tanquam itinerantes discessuri, non tenentur quidem lege ieiunij loci illius nihilominus ad vitandum scandalum, debent se conformare in cibo habitatoribus illius loci, quamuis in secreto licitè non ieiunarent. In favorabilibus tamen, tales peregrini poterunt se conformare, & vti consuetudine, comedendo carnes, quamuis in patria ieiunetur.

19. Adueniente hæretico, tempore ieiunij: nullatenus licet Catholico propinare cibos veritos, aut cœnam apponere, quamuis si id exigat, nec fieri potest aliter absq; notabili incommodo hospitis Catholici, liceret. Eset notabile incommodum, si propter hoc mormurationes & maledictiones sequerentur, & traduceretur persona excellens, tanquam renax, inhumana, &c. Tunc autem consultum, erit apponere carnes & pisces, quemq; suæ conscientie relinquendo.

Quod si neq; exigit, sed contentus erit quali-

qualicūq; alimento; neque incommoda sperantur, aut non adeo magna; non est hæretico condescendendum. Et multò minus hoc liceret, propter minorem sumptum, qui fit in cibo carniū. *Lege Lestum de iust: lib: 4. c. 4. d. 4.*

20. Tabernarij specialiter, & alij vendentes, aut ministrantes cibos in die ieiunij, ad ientaculum matutinum, aut pomeridianum, cœnam uè, facile excusari possunt à peccato: tum quia non tenentur discutere, an causa adsit non ieiunandi, neq; id commodè possunt: tum quia possunt præsumere de proximo bene: tum quia absque suo damno id facere nequeunt, omittendo vendere suas res, & viatores à se auertendo: tum quia tabernarij sunt parue conditionis, aduenientes plerūq; effrenata lingua, & ita iniurijs & contumelijs afficerentur, ac proinde sine damno, & incommodo, non possent ista denegare, & ideo excusantur, tanquam deseruientes naturæ, non vino. *Vide Sanchez: lib: 1. Op: Mor: c. 7. n. 34.*

21. De vespertina refectiuncula (quæ collatio dici solet) dicendum est aliquid.



Hæc itaq; tali ordine & occasione est introducta. Olim quando ieiunantes, omisso prandio, cœnabant ad nonam, ( hoc est, tribus horis post meridiem ) nullam habebant occasionem sumendi iterum, eomestiunculam aliquam. Postquam, verò tempus cœnæ mutatum est, & à nona ad sextam, hoc est, ad meridiem retrotractum, exorta est occasio collationum, nimirum propter somnum capiendum. Nam aliqui, vt dormire possent, potu indigebant; potus autem, præsertim vini, sine cibo sumptus, obest stomacho, propterea adiungebatur potui modicus cibus, non propter nutritionem, sed propter medicinam, ne potus noceret. Vnde excusabantur tunc ieiunantes, à fractione ieiunij, tum ratione paruitatis, tum præasserta necessitatis; scilicet, ad medendum naturæ. Tandem consuetudine receptum est, vt etiam seculi tali indigentia, collatio sumeretur: neque in hoc scrupulus aliquis esse potest. Nam manifestè videmus in ieiunijs, magnam vim habere consuetudinem, cuius vi ieiunia antiqua sunt sublata: aliqua ex to-

to; vt ieiunium Quinquagesimæ, quoad Clericos: aliqua ex parte; vt quædam ieiunia, quoad abstinentiam vini. Lex humana nisi vsu recipiatur, nullam vim & authoritatem acquirit. Et rursus, ita consuetudine abrogatur, vt vim acquisitam amittat.

22. Materia verò collationis tunc, soli fructus erant. Verum etiam cum & isti soli sumentibus nocerent, adhiberi cœpit modicum panis. Nunc autem summat quilibet, quod vult, nihil refert: dummodò paruitas apud pios recepta non excedatur, & comedatur id, quod non, ad nutriendum potius valet, vt legumina, & pisces ( quamvis etiam hæc in modica quantitate non obstant ieiunio ) ne collatio in cœnam transiret.

23. Hæc autem quantitas non est taxata, sed arbitrio bonæ conscientiæ relicta, attentis circumstantijs, locorum temporum, personarum, occupationum. Communiter autem à quibusdam, conceduntur tres vel quatuor vnciæ panis.

Quod si adhibeantur alia: vt nux, pomum, pyrum, exigua pars piscis; ista simul col-



mul collecta, non debent excedere præfatam quantitatem. Hinc etiam iusculū accipi potest seruata paruitate. *Azor.*

Qui excusat insignes ac delicatos nobiles, si paulò maiori refectiuncula vesperti vtantur, stante tali consuetudine, si est: & quia tales solent esse debilioris valetudinis, assueri delicatioribus & pluribus epulis. Tamen & hi bene considerent, ne fallantur, & hac doctrina aburantur. Non enim conceditur eis, nisi parum quid, comparatione tamen ad suam complexionem.

34. Hanc vespertinam refectiunculam transferre in tempus prandij, dilato prandio in tempus nocturnum, cum iusta causa subest, vt negotiorum multitudo ac magnitudo, & Superioris facultas accedit, licet: nulla autem subsistente causa, non licet: vt *Casus*: probabilis & verius docet, *Azor cap: 8.*

### *J. De Decimis.*

1. Decimas fideliter soluere, secundum consuetudinem legitimam, non violentam, obligantur qui agros possident, sub

sub mortali eoq; sacrilego peccato: neg absolui possunt, nisi restituant. Additū est autem secundum legitimam consuetudinem: quia alieubi non est consuetum soluere decimam, quoad quodam: vt in Italia, Græcia. *Azor l. 1. lib: 7. c. 26.* & in aliquibus partibus Polonia: quamuis soluat quoad substantiam; hoc est, congruam sustentationem Sacerdotis. Nam datur certa pars fructuum, aut taxatur deputaturq; certa summa sufficiens, ad ministros Ecclesiæ alendos ac sustentandos, & ad soluendum operarijs Ecclesiasticis debitum stipendium. *Omnia hæc insequentibus melius dulciscuntur.*

2. Decima constituta est ob multas causas. 1. Ad recognoscendum & profitendum, Deum esse supremum Dominū omnium rerum, cui propterea ista offerimus. 2. Vt ministri Ecclesiæ commodè alantur, seu stipendium eis debitum reddatur ob Ecclesiasticum ministerium. 3. Vt ex his, quæ eis supersunt, fabrica Ecclesiæ, aut reparatio, vel etiam alia necessaria fieri possint. 4. Vt peregrini, aduentæ, pauperes, & quomodocunque egen.







officij Ecclesiastici, quod præstat Parochus.

9. Possunt decimæ laico locari & vendi, auctoritate & facultate Episcopi expressa, vel tacita, iusta de causa, & ad breve tempus: vt ad triennium. Requiritur tamen, vt contractum facientes, sciant rerum pretia, & omnino liberè contrahant, absq; fraudis & coactionis admixtione. *Lessius lib. 2. c. 21. d. 4. n. 37.*

Hinc in periculo versantur illi, qui à Clericis extorquent decimarum venditionem, ita vt ipsi coacti importunitate, vel auctoritate, aut etiam minis vendat. Et multò magis, si celant quantitatem terræ fructuum, ita quòd emens scit quid emat, sed vendens nescit quid vendat: cum vterq; scire debeat valorem, seu iustum pretium rei. Vnde emens decipit Clericum, non integram soluens decimam: & seipsum: quia peccat mortaliter, & semper restituere tenetur, nisi tacita donatio interueniat. Sincere itaq; procedendum est, cum & coram Deo, hoc modo: Parochianus dicat verè numerum manipulorum, &c. vt Parochus possit intel-

intelligere, quid vendat, & pretium iustum arbitrari. Et si ante messem fiat venditio, dicat quantitatem fructuum in confuso: hoc est, enumerando plures annos à decem annis: quòd tali anno talis fructus fuit, altero tantus, & sic deinceps.

10. Remissio decimæ facta ab eo cui debetur, sufficit, vt quis tam à peccato, quàm à poena iuris, sit liber. *Azor & Less.* Nam qui habet proprium ius decimarum, potest alteri donare, e locare, & vendere. *Vide etiam Sylu. 8. Decimæ. q. 5. Et Grassi part. 2. lib. 2. c. 27. n. 28.*

11. Multis modis decimarum solutio tolli potest: Consuetudine, præscriptione, compensatione, transactione, exemptione, seu priuilegio.

12. Nam vbi consuetudo viget, estq; legitimè præscripta, non debetur solutio, tametsi à Clericis petatur. Quia talis consuetudo, vim legis obtinet, dummodo aliquid Deo offeratur, ad recognoscendum supremum eius dominium in omnes res, & aliunde Clericis suppetant bona, ex quibus commodè sustententur. Vnde & illa consuetudo valida est, non deferen-



deferendi decimam in horrea Clericorum, sed soluendi in area, agro, domo. Debet tamen Collector, seu Dominus decimæ, certior reddi. Est autem legitimè præscripta, quando longissimo tempore, cuius initij non extat memoria, seu (quod idem est) quando tempore excedente hominum memoriam, consuevit non solui. Quamvis *Lessi dub: 5. n. 16.* doceat, sufficere consuetudinem quadraginta annorum, neq; ad eam requiri titulum.

13. Eadem ferè ratio est de præscriptione: nam in hoc æqualis conditionis est cum consuetudine. Differunt autem, quod per consuetudinem acquiritur ius communitati, & non priuato alicui: per præscriptionem verò etiam priuatis ius & dominium acquiritur. Porro ad præscribendum sine titulo requiritur, vt ab immemorabili tempore, non consueueris soluere. Cum titulo verò, scilicet donationis, pacti alicuius, &c. sufficiunt 40. anni, sed cum bona fide.

14. Inter compositionem & transactionem, hoc interest, quod compositio est gratis & liberaliter facta: Transactio  
verò

verò est de re dubia, & lite incerta, aliquo dato vel retento. Aliquando tamen vnum pro alio ponitur.

Itaque compositio, qua laicis decima, vel ex toto, vel ex parte in perpetuum remittatur, non potest fieri sola auctoritate Episcopi, sed requiritur Summi Pontificis facultas.

15. Romanus Pontifex, potest aliquos eximere à solutione decimæ; dummodò Ecclesiastici habeant aliunde, quæ ad congruam eorum sustentationem requiruntur: & dummodò aliquid Deo offeratur, in recognitionē eius supremi dominij. *Azor.*

16. De noualibus, hoc est, de terra alias inculta, nuper verò ad culturam redacta, debentur decimæ illi Ecclesiæ, in cuius Parochia sita est. Si verò non sit incerta Parochia, debentur Episcopo Diocesano; qui potest sibi retinere, vel alteri concedere, etiam sine consensu Capituli. *Grass: p. 2. lib: 2. c. 27. n. 37.*

17. Multa bona consequuntur decimarum fidelem solutionem: pluijæ opportuna: benedictionis effusio vsque ad abundantiam: auersio locustarum, & aliorum



altorum corruptum fructus terræ : sterilitatis vineæ cuitationem. *Malach* : 3, Addit *Glos* : in 6. de *Decimis*, cap : 1. corporis satietatem, fructuum ybertatem, & cœleste præmium.

Mala verò, quæ sequuntur denegationem solutionis, sunt expressa, *Malach* : 3. Quod tales configunt Deum, maledicti sunt in penuria, sterilitate, & alijs plagis. *Aug* : lib : 50. *hom* : 48. Maiores, inquit, nostri, ideò omnibus copijs abundabant, quia Deo decimas dabant, & *Cæsari* census reddebant. Modò autem, quia discessit deuotio Dei, accessit indictio fisci. Noluimus cum Deo partiri decimas, modò autem totum tollitur. Hoc tollit fiscus, quod non accipit Christus.

18. Poloni decimas non soluentes, sub prætextu compositionis inter status futura, sunt in statu damnationis : tum quia in præsentī sacrilegè detinēt, id quod est Ecclesiæ : tum quia omne ius decimarū ad iudicem spectat Ecclesiasticū, & nō Politicū. Neq; talis cōpositio attentari, aut valida esse posset, absq; autoritate Summi Pontificis, sine qua totum irritum & inane esset.

De Con-

### ¶ De Confessione annuali.

1. Iure quidem diuino, omnes quicunque peruenerunt ad vsum rationis (quod plerunq; contingit ad finem septennij) & peccauerunt mortaliter, obligati sunt confiteri, præsertim tēpore necessitatis : sed præcepto Ecclesiæ semel in anno. Quod præceptum consuetudine alligatur tempori, circa festum Paschatis.

2. Tenentur autem confiteri coram proprio Sacerdote, vel coram alio de eius facultate. Qui proprius Sacerdos triplex est; scilicet, Parochus in sua Parœcia : Episcopus in sua Diœcesi : & Papa in toto orbe.

3. Cæteri confessiones excipiunt ex cōmissione, vel priuilegio Sedis Apostolicæ. Et quia ius commune permittit cōfiteri, coram habentibus à supradictis tribus facultatem : ideò confitens coram Religioso ab Ordinario approbato, satisfacit præcepto Ecclesiæ, nec requiritur ad hoc licentia Parochi, imò eo renitente & contradicente, potest suo munere fungi. *Confet* : tit : 17. c. 5. & ferè omnes.

F

Cauere

Cauere tamen debent Religiosi, & omnes alij, ne in Ecclesijs Parochorum, aut alienis contra earum rectorum voluntatem excipiant confessiones: sed eis in hoc deferant assensum petendo, tum ciuilitatis causa, tum ad subtrahendam occasionem discordiæ, odij, fouendam charitatem, & scandalum euitandum.

4. Quamuis pueri septennio elapso, sint obligati confiteri semel in anno, tamen si non confiterentur, non propterea incurterent pœnas Ecclesiasticas, unde nec priuarentur sepulturâ, vsq; ad 12. annum in fœmina, & 14. in masculo.

### J De Communione Paschali.

1. Paschalis communio dicebatur, quia ipso die Paschatis perficiebatur: sed postea crescente populo Christiano, hæc obligatio extensa est ad octo dies, ante & post: ita quod dureret à Dominica Palmarum, ad Dominicam in Albis, hæc eadem obligatio, ac propterea nomen etiam Paschalis communionis, toti illi temporori attribuitur.

2. Hæc Communio impleri debet in propria

propria Parochia, secundum ius commune. Ex speciali verò licentia Episcopi, aut Parochi, potest alibi.

3. Priuilegium Nic: 5. confirmatum à Sixto, & tandem à Leone X. concessum Regularibus, ministrare hoc Sacramentum omni tempore, præterquam in die Resurrectionis Domini, videtur esse reuocatum, per declarationem Congregationis Conc: 23. Ianuar. 1586. Vide decis. Rota Rom: Sess: 13. c. 9. §. in Paschate.

Præterea eadem congregatio 29. Maij, 1601. censuit, non satisfacere præcepto Ecclesiæ, qui Sacramentum Eucharistiæ suscipit, ante & post diem Paschatis, non de manu Parochi, sed Regularium habentium à Sede Apostolica priuilegium, de administrando hoc Sacramento, præterquam in die Paschatis. Hoc autem, adeò verum est, vt etiam laici inseruietes in Monasterijs Regularium, debeant Eucharistiâ sumere in propria Parochia. Decis: Rot. vi supra.

4. Pueri quoq; hoc præcepto obligantur, non quidem tunc, quando sunt dolii capaces, & confiteri tenentur; sed tunc, cum il.



cum illud pie, reuerenter, religiose, ac deuote suscipere possunt. Quod quamuis accidere soleat, cum primum perueniunt ad annum 10. vel 11. tamen in eis, non tantum consideranda est ætas, verum etiam industria, ingenium, communis consuetudo, ac iudicium parentum, consanguineorum, confessoriorum, ac virorum discretorum. Deinde vitanda est aliorum offensio, si valde paruulis, quamuis sagacibus, publicè conferatur.

Exploratores verò eorum, debent duo in eis considerare, scientiam & affectum; videlicet, an ipsi cognoscant, quid hoc Sacramento continetur, & discernant à prophanò pane. Deinde, an in affectu, ante sumptionem vehemens desiderium habeant, in vsu verò aliquam suauitatem spiritualem, vel gaudium sentiant.

*§. IV. Circa Sacramenta animaduersiones, & transgressiones.*

1. Sacramenta septem conuentissime sunt instituta: Quia (vt D. Tho: ait, 3. q. 65. a. 1.) ordinantur ad perficiendum hominem, in his, quæ pertinent ad cultum

tum Dei, secundum religionem vitæ Christianæ, seu spiritualis, quæ habet conformitatem ad vitam corporalem. In vita autem corporali homo, primò nascitur. 2. Crescit & roboratur in viribus. 3. Nutritur, ne vita extingatur. 4. Si quando ægrotet, curatur. 5. Post infirmitatē, reliquæ morbi: videlicet, debilitas, ineptitudo, &c. expelluntur, per dietam, deambulationes, recreationes, corroboratiuas confectiones, rotulas, &c. 6. Ad certam ætatem præueniens, potest esse multitudinis per generationem pater. 7. Quoniam multitudo ordinata esse debet, indiget rectoribus, iuxta illud. *Prou: 11.* Vbi non est gubernator, populus corrumpitur. Simili modo, in vita spirituali, homo regeneratur per Baptismum: perficitur & corroboratur per Confirmationem: nutritur per Eucharistiam, ne à calore concupiscentiæ, seu inclinationis amoris proprii, absumatur vita spiritualis, amissa gratia. Per Sacramentum Pœnitentiæ, spiritualis ægrotudo sanatur, dum peccata remittuntur: per extremam Vnctionem conualescentia corroboratur, & vires

F 3 spiritu.

spirituales reparantur, dum reliquæ peccatorum remouentur. Per Sacramentum Matrimonij, propagatio honesta efficitur. Per Sacramentum Ordinis, potestas regendi multitudinem in vita spirituali conceditur.

2. In necessitate potest baptizare quilibet homo, non tantum obstetrix, & parentes absq; amissione iuris petendi debitum (si sint matrimonio legitime iuncti) verum etiam non baptizatus, Paganus, aut Iudæus, dummodo intendant facere, quod alij baptizantes.

3. Materia est, simplex tantum aqua naturalis, non artificialis, siue sit calida, siue frigida, dulcis, amara, turbida, clara, benedicta, non benedicta, foetida aut non. Debet tamen tanta adhiberi, quantum exigitur ad iudicandum, moraliter, quod sit ablutio, quamuis modica, imò & guta vna sufficiat. Nihilominus admonēdos esse censeo illos, qui vix humectatis extremitatibus digitorum, leuiter tangunt verticem.

4. Forma est. Ego te baptizo: In nomine Patris, & Filij, & Spiritus sancti.

Inuo-

Inuocatio autem Trinitatis, per expressiōem distinctam trium personarum, est de necessitate Sacramenti, ita quod si omitteretur, non esset validum: quia sub tali forma à Christo institutum. D. Th: 3. q. 66. a. 6.

5. Concurfus quoq; formæ cum materia fieri debet: hoc est, infusio aquæ, durante prolatione formæ: hoc enim tutius est. Contactus tamen baptizantis & baptizati non exigitur.

6. In difficultate partus nutrix baptizet absolute, si exierit caput. Sub conditione verò, si capax es baptismi: Ego te baptizo, &c. quando alia pars prodierit, aut si totus infans sit in utero cum periculo. Neq; enim desunt authores, qui censent in tali casu, si posset commodè nutrix deferre aquam manu, posset etiam baptizare sub conditione.

7. Peccant, qui baptismum differunt. Baptizandus est puer eodem die: tum quia Deus & Angeli maiorem curam baptizati habent: tum quia tam diu permittere infantem esse in manu diaboli, imprudentiæ est: tum quia posset insperatè

F 4

super-



superuenire mors. Si tamen nullum sit periculum, non crederem esse mortale peccatum.

8. Peccant mortaliter, quia vim inferunt iuri naturali, qui infidelium pueros, inuitis parentibus baptizant: nisi alter parentum conuertatur ad fidem: tunc enim conuersi, vel conuersæ, voluntas sufficit, & nisi puer sit annorum septem, qui baptizari velit.

9. Obstetrix nesciens ritum baptismi hoc est, nesciens proferre verba, & applicare aquam, peccat mortaliter. Peccat quoque, si extra necessitatem baptizat: si tamen baptizaret, debet de hoc certiorē facere Sacerdotem, ne ipse rebaptizet, cum ille baptismus fuerit validus; & non restaret aliud facere, nisi caeremonias superaddere.

10. Peccant mortaliter, qui statim ac moritur prægnans, non extrahunt infantem, sciso cautē ventre mortuæ.

11. Adultus ante suum baptismum, debet verē dolere de præteritis peccatis, & efficaciter proponere vitæ emendationem. Iniuriam autem faceret Sacramen-

to, si

to, si peccata ante baptismum commissa, confiteretur. In actu baptismi per seipsum debet respondere, nō per procuratorem.

12. Patrinus vnus vel vna sufficit, & in necessitate, aut defectu alicuius baptizati, omittendus est. Neque enim non baptizatus potest esse patrinus.

13. Abbas & alij Religiosi, non debent esse patrini.

14. Hæreticus bene baptizatus si conuertatur, non est cogendus ad susceptionem solennitatum, si nolit.

15. Confirmatio, non est quidem omnino ad salutem necessaria, cum multi absque ea saluentur: est tamen valde utilis. Per eam enim homo corroboratur ad spirituales pugnam, fortiusque resistit diaboli insidijs, baptizatus & confirmatus, quam baptizatus tantum. *D. Thom.*

16. Post septennium potest conferri: ultra duodecim verò annos differre, culpabilis negligentia est. Ex contemptu non suscipere, mortale peccatum est. Contemptus autem tunc esse censetur, cum quis habens occasionem commodā suscipiendi, omittit, eo, quia parui facit.

F 5

17. In-

17. Infanti morituro conferre Sacramentum Confirmationis, esset in magnū eius fauorem: tum propter duplicem animæ characterem: tum propter maiorem gratiam ac gloriam.

18. Confirmandus debet præmittere, aut confessionem, aut saltem veram contritionem, hoc est, detestationem peccatorum, merè propter Dei amorem.

19. Eucharistia, de qua dictum est, cū de communione Paschali agebatur, & dicitur inferiūs, quantum hic sufficiet. De Pœnitentia quoq; iam actum est.

20. De extrema Vnctione suscipienda, nullum est affirmatiuum præceptum, vt testatur *D. Th. 4. d. 23. a. 1. q. 3. 1<sup>m</sup>*. quāuis sit Sacramentum vtilissimum, & interdum necessarium, vt dicitur: Erit tamen in duobus tantū casibus mortale peccatum, huius Sacramenti omisso; videlicet, ratione scandalii, & contemptūs.

21. Extrema Vnctio, pueris, & perpetuò amentibus, dari non potest, sed his, qui peruenierunt ad vsum rationis, atq; adeo etiam pueris post septennium; solis tamen infirmis, qui sunt in periculo  
vitæ

vitæ constituti. Porro confecti senio, absq; alia ægritudine, morientes ex ipsius naturæ defectu, censentur infirmi, quoad indigentiam huius Sacramenti, dummodo signa mortis vicinæ appareant. Quod si in eis, status mortis proximæ discerni non possit, subueniatur eis alijs modis, per orationes, confessiones, Eucharistiam, & Sacrificia.

Cauendum etiam est, ne expectetur tempus, in quo iam constet, infirmum non posse naturaliter viuere, aut careat sensu & cognitione: sed debet ministrari tunc, quando adhuc sui compos est, & cognoscere potest, quid circa eum agatur, vt per Sacramentum ad deuotionem & fiduciam, valeat excitari: quamuis si neglectum sit, etiam tunc debeat ministrari, etiamsi loquelâ & sensu sit priuatus.

22. In proluxa infirmitate potest pluries conferri hoc Sacramentum, toties, quoties redire videbitur mortis periculū. Attamen si nulla est in morbo varietas, sed continuum periculum, sufficit semel. Nam efficacia huius Sacramenti est tanta, vt illius effectus toto periculi tempore, iuuare possit.



23. Vtilitas huius Sacramenti magna est: Nam infirmum ad bonam mortem obeundam, iuuat, & ad introitum gloriæ proximè præparat. Qua ratione? Hac. Nam cum infirmus sit fractis seu debilitatis viribus corporis, iudicio etiam aliquo modo obfuscato, propter infirmitatem & dolores: ex altera verò parte occurrunt ei in articulo mortis multæ difficultates: valde indiget speciali Dei auxilio, tum ad recreandum animum, molestijs ægritudinis oppressum, quatenus infirmus morbi incommoda, dolores, tristitias, debilitates, anxietates, cædia, & labores lenius ferat, hisq; à feruore deuotionis, (in articulo mortis maximè necessariæ) non impediatur, neq; retardetur, & ad mentis hilaritatem (quæ etiam tunc valde vtilis est) prouocetur: tum ad delendum peccata, non tantum venialia, sed etiam mortalia; si fortasse casu aliquo accideret mortale non esse remissum: vt si post vltimam confessionem infirmus incidisset in mortale, & post attritionem de illo loquellam amisit, aut oblitus est statim; tunc enim quamuis ad perfectam contri-

contritionem non peruenerit, suscepto hoc Sacramento, iustificabitur, & saluus erit, absq; eo verò condemnaretur: tum ad remittendum reatum pœnæ temporalis, ex peccatis remissis relictum, (ingressum gloriæ retardantem) secundum dispositionem & deuotionem infirmi. Qui quidem reatus pœnæ, inter peccati reliquias numerari potest; tum ad superaddendum vires, contra alias peccatorum reliquias, tam originalis, (qui est fomes) quam actualium, qui sunt prauis habitus, seu assuefactiones, ex quibus prouenit pronitas ad malum, & torpor, difficultasque, aut etiam debilitas ad benè operandum: tum ad excitandam in ægro magnam misericordiæ diuinæ fiduciam: tum ad superandum grauissimas & horridissimas diaboli tentationes, quæ occurrunt in mortis articulo: tum ad constanter perseverandum in Dei gratia, fide, spe, ac charitate, vsq; ad mortem.

Hæc omnia præstat hoc Sacramentum extremæ Vnctionis. Hinc admiranda, benignissimaq; diuina prouidentia commendatur, circa humanam salutem: nam

quia ab illo momento aeternitas pender, & damnum circa salutem nunquam reparabile, ideò huic Sacramento, extremo remedio tantam virtutem tribuit, ad subueniendum, homini, in tanto periculo constituto.

Cæterum disputare de primario & secundario effectu huius Sacramenti, excedit limites propofiti nostri. Satis sit scire nunc primarium eius effectum esse, iuuare ægrotum contra difficultates illi occurrentes in articulo mortis.

24. De Ordinis Sacramento, in hoc Tyrocinio, nihil occurrit dicendum, præter monitionem, ne ante Sacramentum Confirmationis, ante ætatem legitimam, absq; eruditione competenti, absq; prouisione, ( quoad Maiores Ordines ) post morbum caducum, vel semel passū: ante vitæ emendationem, suscipiantur: & quod in susceptione, omnia in quibus imprimitur character, tangantur: post susceptionem Subdiaconatus, statim Officium Ecclesiasticum sub mortali recitetur, ( imò etiam in minoribus Ordinibus constituti, si sint Beneficiarij, recitare tenentur. Pen-

tur. Pensionarij verò ad Officium B. V. M. obligantur. *Nau: c. 25. n. 108. Man.* ) oria vitentur, & studijs incumbatur. Porro ætas pro tribus minoribus Ordinibus est post septennium completum: pro Acolyatu 12 anni requiruntur: pro Subdiaconatu 22. inchoatus: pro Diaconatu 23. inchoatus: pro Sacerdotio 25. similiter inchoatus.

25. De Matrimonio, paulò plura dicentur. Inprimisq; est Sacramentum in noua lege: & non simplex, aut civilis contractus. Confert autem gratiam iustificantem, ad certum quandam effectum efficiendum; videlicet, ad iuuandum coniuges, vt conuenienter viuât in matrimonio, conseruando concordiam, & supporando inuicem, decenter vtantur eo, moderando carnis concupiscentiam, fortiter sustineant onera matrimonij, familiam prudenter gubernando, prolem Christianè educando, & res domesticas diligenter curando, disponendoque, & fideliter dispensando.

26. Sponsalia regulariter debent celebrari, vel contrahi, per verba de futuro,



ro, s. promitto me te accepturum in meū vel meam, &c. Alias per verba de præfenti transibant in matrimonium: modò verò non. Et nisi adsit Parochus cum testibus ad minus duobus, facerent matrimonium clandestinum, ac proinde irritū seu inualidum, adeò vt nec sponsalium vim haberent. *Sanch: de Mat. Quomodo autem dissoluantur: vide Nau: Man: c. 22. n. 25. Sanch: de Matr: suffisimè, & omnes alios.*

27. Sciendum est, quòd religionis ingressum, sponsalia etiam iurata non impediunt, nec requiritur consensus partis: imò neq; matrimonium ratum ante consummationem. Vnde in receptione ad religionem, non interrogatur recipiendus, an alicui promiserit, sed an sit coniugatus, hoc est, in coniugio consummato manserit. *Vide Sanch: lib: 1. disp: 43.*

28. Effectus Sponsalium est duplex.  
1. Obligatio matrimoniū cōtrahendi sub mortali, nisi adsit legitimū impedimētū: vnde qui temerè retrocedit, amittit munera: constans verò non. 2. Inhabilitas contrahēdi cum consanguineis in primo gradu tantū, iam enim intercederet impedimentum.

pedimentum dirimens contractum, quod appellatur impedimentum publicæ honestatis. Conc: Tr. Sess: 24. de Matr. cap: 3.

29. Impedimenta quoq; tam impedientia tantū matrimonium, quàm etiam dirimētia, legi possunt apud alios auctores, quosdam quidem compendiosè, quosdam verò copiosè tractantes. Hic dicentur, quæ magis necessaria sunt, & frequentius occurrere solent. In primis scire debent parentes, quòd non possint cogere filios ad matrimonium, neq; ad tales nuptias, cum ipsi habeant plenam libertatem ad eligendum statum, & tale matrimonium vnde parentes neq; tollere, neque minuere hanc libertatem possunt, neque filius ob hoc exhereditari potest. Possunt tamen parentes medijs suis uibus, imò & increpatione paterna absque vi & metu, quando adest iusta causa, vt quia indignum est matrimonium, impedire tale matrimonium, vel inducere ad aliud.  
30. Tenentur filij sub peccato mortali consilium parentum circa matrimonium petere, non tamen illud sequi & ita possunt licitè ipsis inuitis, prius tamen consul-



sultis, inire matrimonium quod volunt: nisi multum intersit parentum, ut filius tale matrimonium inerat, ut potè, ad componendas graues inimicitias inter parentes, & alios consanguineos; tunc enim sub mortali teneretur obedire præcipienti, si nubere vulerit, aut non habeat iustam causam resistendi. *Sanch.*

31. Domini temporales, magistratus, & alij, iurisdictionem in foro exteriori habentes, excommunicantur, si iniuste impediunt matrimonia. Conc. Tr. sess. 24. c. 9. de Matrim.

32. Clandestinum matrimonium nunc est irritum per Conc. Trid. Ad validum enim matrimonium requiruntur duo: scilicet præsentia Parochi, siue sponsi, siue sponsæ; aut alterius Sacerdotis, de licentia Parochi seu Ordinarij, & præsentia adminis duorum testium. Deficiente ergo aut solo Parocho, ut præfertur, aut solis testibus, clandestinum matrimoniū est, ac inualidum: sed potest rescari per iterationem consensus, secundum formam Ecclesiæ: hoc est, in præsentia Parochi, & testium.

33. Sicut

33. Sicut & raptus. Nam quamdiu rapta manet in potestate raptoris, tam diu validum matrimonium inter eos esse non potest.

34. Adulterium solum non impedit sic, sed in tribus casibus tantum. 1. Si sibi inuicem dederunt fidem de matrimonio contrahendo, post mortem alterius coniugis. 2. Si de facto adulteri contraxerunt, viuente coniuge innocente, dummodo vterque adulter sciat alterum coniugem superstitem. 3. Si vel vnus adulterorum, procuret mortem coniugis innocentis, siue per se, siue per alium, causa contrahendi matrimonium cum adultero, vel adultera, effectu subsecuto. Nam si occisio sit alio fine facta, non impedit.

35. Homicidium solum absque adulterio, in vno tantum casu impedit & dirimit: scilicet, quando vterque, tam vir, quam mulier consentiunt, & conspirant in mortem alterius coniugum. Quod si vnus tantum procuret, altero inscio, & adulterium non præcessit, non dirimitur.

36. Quoad infideles. Quando alter coniugum Iudæorum, siue aliorum infidelium,



delium, ad fidem conuertitur; non potest cohabitare alteri nolenti ad fidem conuer-  
 ti: quantumuis possit esse cohabitatio absq; creatoris contumelia, & ad peccatum pertractione, nisi fortè speraretur breui conuertendum infidelem: propter quod tempore Apostolorum fuit consilium cohabitandi cum infideli. *Sanchez: lib: 7. disp: 73. & 74.* Potestq; transire ad alias nuptias, & tunc dissoluetur vinculum prioris matrimonij.

36. Matrimonium personæ Catholice cum hæretica, est validum, quamuis sit illicitum, & prohibitum propter periculum fidei, imminens consorti & proli. Est autem peccatum mortale, tale matrimonium, inire, etiam si esset spes certa conuersionis. *Sanchez: lib: 7. disp: 72. n. 4.*

*Quin. 5. excipit quædam loca. & Azor tom.*

7. Quod si vnus coniugum incidat in hæresim, matrimonij quidem vinculum non dissoluitur, diuortium tamen temporale celebrari potest: imò tenetur coniux Catholicus diuertere ab hæretico nolente resipiscere, quod potest facere etiam propria autoritate, si quidē iure natura

turæ

turæ obligatur, cauere proprium animæ periculum, quod hîc imminet ex tam vicino hoste. Nam ex nimia familiaritate, cū quibus frequentes sumus, pessimi mores trahuntur. *Sanchez: lib: 10. disp: 15. Henric: lib: 11. c. 14. n. 6.*

Et quamuis diuortium perpetuum esse non possit, nisi ob fornicationem carnalem: tamen temporale potest esse ob crimen triplex; hæresim, inductionem ad peccandum, & sæuitiam alterius coniugis. *Sanchez: ibidem.*

Dato tali casu, ad Sanchez recurrenti esset, atq; ad alios authores: nos enim meminisse debemus Tyrocinij, vt breuitati quàm maximè consulamus.

38. Nonnulla tamen tanguntur. 1. Iusta causa est diuertendi vxori à viro, si is esset eius leno, vel in domum suam admittat procaces, & parum pudicos, sitq; ita incautus, vt aliquo ex illis relicto exeat, ipsa verò sollicitetur ab illo verbis, nutibus, aut tactibus: maritus verò rogatus ab vxore, ne eos admittat, negligat. Non tamen potest discedere à viro, ministrante ei alimenta ex vsura, furto, & acquisi-

acquisitis. Quia quando vxor aliunde alimenta non habet, excusatur, istis par-  
cē vtens, iuxta decentiam sui status, quā-  
uis maritus efficiatur impotens ad re-  
stituenda iniuste parata.

39. Sæuitia quoq; , propter quam ti-  
metur graue aliquod malum, intelligen-  
da est: non verbera leuia; siquidem lici-  
tum est viro vxorem verberare; non pas-  
sim, ex leuiq; causa, nec acriter, quamuis  
grauis causa per vxorem sit data, sed ra-  
rò, vrgenti ex causa, atq; moderatè, quia  
acris verberatio iudici est relinquenda.  
Viro autem incumbit punitio vxoris, fili-  
orum, & familiæ, domestica & modera-  
ta, quæ potius correctionem, quàm pœ-  
nam spectat, & ingenuis infligi potest.

40. Qualis autem sæuitia ista sit, &  
qualis cautio in reddendo consorte, re-  
quiratur. Vide Sanch: ibid. de furore, cum  
gravi periculo.

41. De impedimento cognationis ali-  
quid dicendum est. Cognatio autem tri-  
plex est: Carnalis, quæ est consanguini-  
tas & affinitas: Spiritualis, quæ est ex ba-  
ptismo & confirmatione: Legalis, quæ  
est ex

est ex adoptione. Sed hæc vltima rarissi-  
mè posset accidere.

42. Consanguinitas est cognatio ex na-  
tura, & impedit, & dirimit vsq; ad quar-  
tum gradum inclusiuè. Affinitas autem  
est cognatio aduenticia, orta ex copula.  
Hæc autem si sit ex copula licita, eodem  
modo impedit & dirimit vsq; ad quartum  
gradum inclusiuè. Ex illicita verò tan-  
tum ad secundum inclusiuè: quæ si super-  
uenerit post sponsalia, matrimonium  
cōtrahi nō potest, alioquin inualidū erit.

43. Ad intelligendum hos gradus, sci-  
endum 1. Quòd maritus & vxor, non  
sunt inter se affines, aut consanguinei,  
neque constituunt aliquem gradum, sed  
consanguinitatis & affinitatis principiū,  
vocanturque radix, truncus, seu stipes.

2. Quòd omnes consanguinei vxoris,  
sunt affines mariti eius, & viceuersa con-  
sanguinei mariti, affines vxoris, neq; illi  
transcunt ultra maritum, neque hi ultra  
vxorem: ita quod inter consanguineos  
viri, & consanguineos vxoris, nulla est  
affinitas. Ideò duo fratres germani, pos-  
sunt duas sorores germanas in vxores  
ducere.



ducere. 3. Quoto gradu consanguinitatis distant ab vno consorte, toto etiam gradu affinitatis appropinquant, aut elongantur ab altero.

44. Quando inuestigatur in quo gradu sint duo consanguinei; debent numerari seorsim vtriusq; parentes, donec veniatur ad vnum communem stipitem, hoc est, ad primum immediatumque patrem aut matrem, vtriusq; genealogiæ: & tunc si æqualiter distant à communi stipite, tanto gradu inter se distant, quanto à stipite. Si verò inæqualiter distant, tunc recurrendum est ad regulam in iure, quæ est ista: Quoto gradu remotior distat à stipite, toto gradu distant inter se: imò & à quolibet, per aliam lineam descendentium ex eodem.

45. Ad colligendam autem distantiam à stipite, hæc sit doctrina. Numerentur omnes personæ, infima, suprema, hoc est stipites, & intermediæ: tot itaq; gradibus distabit hæc persona à communi stipite, quot recensentur personæ omnes, vnâ tamen demptâ.

Exemplum

Exemplum,

Pater & Mater.

Petrus, Anna, filij.  
 Agnes, Paulus, nepotes.  
 Martha, Simo, pronepotes.  
 Thomas, Lucia, abnepotes.

Hic itaq; quia quinque personæ sunt, inter Patrem vel Matrem, & Thomam, seclusa vna, remanebunt 4. Tot itaq; gradibus Thomas distat à communi stipite: & consequenter, non tantum à Lucia, sed etiam à Simone, Paulo, & Anna.

46. Cognatio spiritualis contrahitur tantum; inter baptizantem & baptizatum, parentesq; baptizati. Deinde inter paternos & baptizatum, patrêsq; eius. Porro patrinus vnus esse debet, siue vir, siue mulier, aut ad summum vnus & vna: debent autem & designari à baptizante, & tangere baptizatum. Si non sit facta designatio, siue obliuione, siue negligentia, om-

G

tia, omnes tangentes contrahunt cognitionem. Si post designationem alij tetigerint, non contrahent: & si designatus non tetigerit, non contrahit. Quod si plures fuerint designati, omnes contrahent, si omnes tetigerint. Idem per omnia, de Confirmationis Sacramento, per quod similiter contrahitur cognatio spiritualis.

*S. V. De septem peccatis Capitalibus.*

Vocantur Capitalia, eò quòd multa alia peccata generant: non autem debent mortalia vniuersaliter dici, quia non omnia ex genere suo sunt talia, sed aliqua sunt venialia.

*J. De Superbia.*

Superbia, inquit *Nauar.* est multum visitata, & parum nota: vel vt Syluester ait; est vitium bene practicum, & male cognitum. Ergo in affectu cognitionis, aliquo modo desudandum erit.

1. Inprimis itaq; sciendum est, quòd vulgus nomen superbix, valde improprie sumit:

sumit: Nam aliquando inhumanum, seu non affabilem ex complexione naturali, Superbum vocant; aliquando etiã ipsam gratuitatem, appellant superbiam. Et quidem videtur esse similitudo, quoad effectum: tales enim graues, aut non affabiles, idem exterius præ se ferunt, quod superbi proprie. Non enim facile loquuntur, non facile audiunt, in sermone iucundi non sunt, quia natura eis hanc gratiam non contulit: quod superbi ex contemptu faciunt.

2. Secundò sciendum, quòd superbia sumpta proprie, quoad affectum & appetitum excellentiæ, semper pro vitio sumitur: quamuis ipse appetitus excellentiæ, possit esse bonus & licitus; nimirum quando est secundum rectam rationem, hoc est, seruatis debitis, circumstantiis: vt puta, quando quis affectat excellentiam de re vera & bona, iuxta merita sua ob bonum finem.

*Exemplum.*

Est aliquis, qui iactat se bonum Theologum, Medicum, &c. cum non sit; quod



cederet in præiudicium fidei, aut communis: confurget alius solidè eruditus, volens videri multò excellentior eo, in scientijs, arte, aut etiam viribus tempore belli, ad honestum aliquem finem, ut ei utilitas accedat, aut Reip: commodum. Itaq; superbia propriè sumpta, non debet dici appetitus excellentiæ, sed inordinatus; hoc est, peruersus appetitus excellentiæ. Peruersus autem erit, si fuerit contra rationis regulam: ut, quia est aut de re falsa, aut mala, aut non commensurata appetenti, aut ob malum finem.

3. Superbia hoc modo sumpta, commune nomen est ad 4. vitia: Ad superbiam specialissimè sumptam, ad ambitionem, præsumptionem, & vanam gloriã. Nam talis inordinatus appetitus excellentiæ, ad quatuor potest referri: ad personam, dignitatem, celsum opus, & claram hominum opinionem. Et quidem si ita aliquis appetit excellentiam, ut velit suam personam temerè eminere, erit superbia propriissimè sumpta, secundum vsum litteratorum propriissimè loquentium. Si verò appetat propriam excellentiam, in asse-

in assecutione sublimioris, id est, merita sua superantis dignitatis, erit ambitio. Si in aggressionem celsi operis suas vires excedentis, erit præsumptio. Si in comparatione inanis laudis, & æstimationis humanæ, erit vana gloria.

4. Loquamur igitur primò de hac superbia propriissimè sumpta, quam diximus inordinatum appetitum excellentiæ in propria persona; videlicet, cum quis vult excellentior esse, quàm sit, in quacunque materia, ex quacunque occasione, absq; eo, quòd desideret dignitatem, & absque eo quod aggrediatur aliquod præclarum opus, vel affectet laudari. Huius itaq; fundamentum, est consideratio suæ perfectionis, aut alicuius excellentiæ, dissimulatis imperfectionibus, & dependentia à Deo (sicut & humilitatis fundamentum est consideratio vilitatis suæ, & imperfectionum, non consideratis perfectionibus.) Hinc nascitur amor istius excellentiæ apprehensæ, & cogitatæ, quo & ipsa excellentia placet homini, & ipsemet homo complacet sibi, plus quàm oportet. Deinde ex his sequitur æstimationis sui, qua pluris se facit, quàm oportet.



Amor enim accedens apprehensioni, facit excellentiam maiorem videri, & pluris aestimari. Atque hic apparet primo superbia, sed non sistit: progreditur enim ulterius, ut infra dicitur.

5. Hæc superbia propriissime sumpta, non semper est peccatum mortale, frequentius veniale. Nam nisi ad appetitum inordinatum propriæ in persona excellentiæ, accedat aliquid, quod compleat perfectam rationem superbiæ, nunquam erit mortale. Hoc autem complementum provenit ex 4. Quæ sunt: Iniuria Dei, præiudicium proximi, peruersa media, materia perniciofa. Ita quod si in tali elatione appareret iniuria Dei, siue ratione contemptus, siue ratione irreuerentiæ notabilis, esset superbia mortalis. Perueniretur autem ad contemptum Dei tunc, quando aliquis nollit se subijcere legi, seu regulæ diuinæ, quâ omnibus distribuit prout vult, secundum mensuram donat onis suæ.

6. Mensura nitem eius donationis est, ut omnia, quæ habemus, non à nobis esse, sed à Deo dependere & descendere existime-

stimus: quod non omnia omnibus dat, sed diuidit, secundum quod vult: & quidem aliquibus æqualiter, aliquibus cum excessu supra alios: & omnibus merè gratis.

7. Superbus autem completè, hoc est, qui peruenit usque ad contemptum Dei, & subiectionis, videns maioris excellentiæ esse, habere quàm non habere, & habere à se, quàm ab alio: habere quoque ex meritis quàm gratis; supra alios, quàm æqualiter cum alijs; eligit appetitque hanc excellentiam, quasi excutens & fastidians diuinam providentiam, & quasi non contentus dispositione diuina, mensuraque singulis præfixa: ac propterea peccat mortaliter hoc peccato superbiæ.

8. Dicit aliquis: quomodo fieri potest, quod quis talia cogitare possit, & iudicio suo consentire? R. Ad hoc peccatum committendum, non est necessarium sermò & expressè in animo iudicare, se bona habere à seipso, aut meritis suis, non Dei gratia: (nam qui sic iudicaret, non tantum superbus, sed etiam hæreticus esset) sed satis est illa apprehendere, tan-



quam sint sua, & à se dependentia, non considerando, quomodo illa acceperit.

*Exemplum.* Si pauper alienis opibus laute fruens se efferret, non secus, ac si suæ essent, aut sua industria partæ: cum opibus domini seruus procederet, tanquam ab alio non dependeret, aut tanquam hoc expresse non asserat, neq; ita iudicet, neq; neget alienas esse opes: tamen eo ipso quod non meminit, vel certe non aduertit, se in alieno manere, & à quo tale beneficium habet, censetur superbus, quasi in actu ipso exercito, quamuis non in actu signato.

9. Talis autem superbia dicitur, consummata per se, ac directe superbia, & ex natura sua mortalis. Sed raro accidere potest: nam non nisi in diabolo inuenta erat, & aliquando inueniri potest in hominibus perditissimis & sceleratissimis.

10. Qui autem ad talem Dei contemptum, & exclusionem subiectionis eius non peruenit, quantumcumq; se pluris faciat, quam sit, vel quam oporteat, non grauem inordinationem habet: ac proinde nec

de nec perfectam superbiam. Quia ex quo non violat subiectionem ad Deum, habet aliquid humilitatis, volens ei esse subiectus.

11. Irreuerentia quoq; Dei, adiuncta, aut consequens talem appetitum excellentiæ, constitueret peccatum superbiæ mortale: ut, si quis arrogaret sibi scientiam, ob quod committeretur ei negocium cõcionandi, tractandi, disputandiq; de fide inter infideles, cum periculo irrationis, & scandali ob eius imperitiam. Et hæc superbia, sicut & sequentes, à Theologis dicitur mortalis per accidens; hoc est, ratione adiunctæ irreuerentiæ Dei.

12. Præiudicium quoq; proximi notabile, ex alicuius elatione cõsequens, siue sit ratione damni, siue ratione contemptus illius, facit superbiam mortalem: ut, si quis iactet se medicum expertum, vel causidicum peritum, cum talis non sit, hoc autem in graue detrimentum proximi redundaret, in sanitate, vel causa.

13. Si quis efferretur cum notabili contemptu proximi, siue externæ, dedignando eum aspicere, alloqui, aut facta eius



temerè vituperando: siue internè eum in corde vilipendendo, à sua æstimatione deprimendo, propter miserum, abiectū, aut etiam sordidum eius statum.

14. Quoad medium. Si ad excellentiam acquirendam, tuendam, & conferuandam, esset paratus peccare mortaliter, transgrediendo leges & præcepta sub mortali obligantia: hoc enim esset constituere finem in tali excellentia.

15. Si se exaltaret ob materiam illicitam, hoc est, propter peccatum mortale patratum, vel propter quamcunq; aliam rem, ad finem mortalem ordinatam.

16. Hi tantum modi sunt peccandi mortaliter per superbiam: cæteri veniales quidem sunt, sed vitandi; tum quia superbia proximis est odiosa; tum quia valdè periculosa; præsertim religiosis. Nam superbia etiam venialis, impedit vitam spiritualem, & perfectionem eius, bona opera ac merita: & tam fortiter imbibitur, vt difficilè eradicetur. Vnde quod spiritualibus vltimò est relinquendum, est hæc superbiola: tum quia in omnibus radix multorum malorum est, potestq;

potestq; in tantum augeri, vt pertingat ad contemptum Dei.

17. Sic enim aliquando progreditur. Ex eo, quòd quis æstimat se dignum rebus magnis, suamq; mensuram excedentibus, appetit inordinatè dignitates, & alia quæ ad excellentiam pertinent, tanquam sibi congruentia: deinde, vult ab alijs magnifici, honorari, & laudari.

3. Si videat se non obtinere, indignatur, irascitur, dolet. 4. Conferendo se, cum alijs, se præfert eis, censens se meliorem, doctiorem, potentior, nobiliorem, clariorem, magisq; meritum. Hinc alios contemnit, & quæ ab eis sunt, parvipendit: ad suos defectus clausos oculos habet, ad suas perfectiones apertos: Contritio verò modo se gerit in his, quæ sunt proximi. 5. Recusat subijcere se superioribus, persuadens sibi, quòd sit prudentior illis, valens seipsum melius gubernare, quàm ab eis: ac propterea indignum esse, subiacere talibus. 6. Finaliter peruenit ad hoc, vt etiam ipsi Deo nolit esse subiectus, dum eius ordinationi resistit, apprehendens illud, tanquam sit contra



suam dignitatem, & excellentiæ libertatem. Vnde vult suo arbitratu viuere, quasi Deo opus non habeat.

18. Ambitio, quæ est inordinatus appetitus dignitatis, honoris, aut honorificorum titulorum, regulariter est peccatum veniale. Est autem mortale in tribus casibus. 1. Ratione materiæ, in qua appetitur honor, vt si ob admissum lethale crimen, aliquis affectaret honorẽ. 2. Ratione finis, vt, si desideretur dignitas ad habendam occasionem laxè viuendi, vltionem sumendi, &c. 3. Ratione honorificum titulum offenderet, aut paratus esset Deum offendere, quod esset ponere finem vltimũ in futili honore.

19. Præsumptio est, per quam quis ex falsa, aut nimia virium suarum confidentia, aggredi conatur ea, quæ excedunt suam facultatem: similiter in tribus casibus est mortalis. 1. Quando fit cum notabili Dei irreuerentia; vt, si ignarus auderet prædicare, aut de fide disputare. 2. Cum verisimili sui periculo; vt, si vellet per loca alta deambulare, aut vnus

contra.

contra decem. temerè pugnare, &c. 3. Cum graui præiudicio proximi; vt, si ignarus vellet confessiones excipere eorum, qui habent intricatos seu difficiles casus. Idem de imperitis procuratoribus seu aduocatis, consiliarijs, &c. Alias est veniale.

20. Vana gloria, Græcè Cenodoxia, cõmuniter est peccatum veniale, quamuis sit inordinatus appetitus claræ opinionis & laudis apud alios: & quamuis sit defalsis (dummodo non mortiferis) & transitorijs immoderatè: & quamuis sit de bonis operibus, ieiunio, oratione, elemosyna, quæ quis facit consultò propter vanam gloriam: ac propterea amittit meritum. Effet autem mortale in tribus casibus. 1. Si appetatur vana gloria ex facto, quod est mortale; vt, de magia, adulterio, duello, homicidio. 2. Si propter eam acquirendam vel retinendam, negligenterentur necessaria ad salutem, (vt Concionator ne amittat officium, tacet quando ex præcepto dicere tenebatur) aut propter eandem opinionem conseruandam, paratus esset quis mortifere peccare,



care, quod esset in ea finem constituere; ut si mulier, ne infametur, consentiret stupro vel adulterio: quod fecit Lucretia, oppositum verò Susanna. 3. Si desideretur laus ob finem mortalem, ut, propter habendam occasionē fornicationis.

21. Germina superbiæ communis, ex-tendentis se ad supradicta quatuor, sunt varia vitia: nos frequentiora recensebimus. Hæc autem sunt: Iactantia, Hypocrisis, Contentio, Discordia, Pertinacia, Nouitatum inuentio, Curiositas, Inobedientia, Ingratitudo. Omnia ista breuissimè dilucidabuntur.

22. *Iactantia.* Qui se collaudat de re vera, propter bonum finem nihil peccat. Qui verò id facit de re falsa, aut minore laude digna, quàm sit in re; iactantiæ vitio peccare dicitur. Communiter est peccatū veniale. Mortale verò in 4. casibus. 1. Si sit de peccato mortali vero, aut conficto. 2. Si sit cum notabili contemptu proximi. 3. Vel cum notabili damno eiusdem proximi. 4. Si se iactat ob aliquem finem, qui est mortale peccatum.

23. *Hypocrisis*, est simulatio virtutis aut sancti-

sanctitatis, quam homo non habet, etiam si id faciat bono fine, ne alios scandalizet, quia reuera est reale mendacium. Est autem mortalis in tribus casibus. 1. Quando est coniuncta cum voluntate peccandi mortaliter; ut, cum quis vult fornicari, & simul apparere castus. 2. Si sit ob finem mortalem; sicut cum quis fingit se castum, ut ei committatur custodia sceminarum. 3. Si fiat propter consecutionem gradus vel dignitatis, quæ indignis non datur; sicut, si quis fingeret se doctum & sanctum, ut consequatur Episcopatum, vel beneficium.

24. *Contentio*, est sermo contrarius alterius, veritatem impugnans, non animo disputandi, sed animo contradicendi. Hæc semper est peccatum, & frequenter veniale, etiam si sit cum quadam excedentia & perturbatione, non seruatō modo, pro loco, & persona. Mortale autem efficitur in quatuor casibus. 1. Si illa veritas oppugnata erat in Dei honorem: ut, si impugnarentur res fidei: vel ad proximi notabilem vtilitatem; ut, si virtutes morales, & opera bona, aut aliæ doctrinæ.



doctrinæ, quæ redundant in proximorum utilitatem, impugnarentur. 2. Si ex contentione infamaretur proximus. 3. Si in ea admiscerentur iniuriæ graves. 4. Si modus quoque ipse scandalum actiuum præbet: ut, si duo Ecclesiastici, ita inter se contenderent, quod seculares intelligerent, eos se prosequi odio.

25. *Discordia*, est voluntatum contrarietas circa aliquod vnum, dum vnum alicui placet, alteri verò displicet. Quod si ideo fiat, quia vtrique ratio ita dicat: probabiliter; nullum est peccatum. Si animo contradicendi contra Dei honorem, ut in materia fidei, aut in graue proximi detrimentum; erit mortale. alias: veniale, etiam si sit animo contradicendi. *D. Th. 2. 2. q. 37.*

26. *Pertinacia*, est persistencia in suo iudicio, & asseueratione, plus quam oportet. Tunc tantum mortale est, quando id sit in rebus contra Dei honorem, aut in graue detrimentum proximi, quod contingere potest in rebus fidei, morum, & circa medicationes.

27. *Inuentio nouitatum*, importat exco-  
gitati-

gitationem, atque exhibitionem inusitatorum admirationem parientium, in sustinendis nouis opinionibus, in usu insolite formæ vestiendi se, aut conuiuandi; sed veniale tantum peccatum est, nisi accedat aliqua circumstantia, quæ malitiam augeat: videlicet, si propterea, quæ sunt de præcepto, omittantur, aut proximi notabiliter offendantur & scandalizentur, aut damnum patiantur, vel in finem mortalem talis nouitas dirigatur, &c.

28. *Curiositas*, est inordinatum desiderium sciendi, siue per intellectum, siue per sensum, ea quæ ad se non pertinent; vel si pertinent, maior tamen cura adhibetur in illis cognoscendis, quam par sit. Est autem communiter veniale, modo necessaria non negligantur. Potest tamen esse mortale in 6. casibus. 1. Vbi est magna improportio inter inuestigationem, & scientiam inuestigandam: ut, si quis scrutari & examinare velit mysteria fidei suo ingenio, quæ captum hominis superant. 2. Ratione mediij illiciti; ut, si scire velit, consilio vel auxilio dæmonis. 3. Ratione modi annexi: ut, si cum transgres-

transgressionem legis ad mortale obligantis id attentaret: vt si vellet scire defectus aliorum, cum diffamatione eorum: & multò magis, si inducit alios ad reuelandum, quæ celari debent, siue propter promissionem, vel iuramentum de secreto tenendo, siue propter naturam ipsam rei occultæ, atq; ideo celandæ. 4. Ratione finis mortalis: vt, si inquirantur vitia aliorum, animo infamandi eos. 5. Augeretur magis peccatum curiositatis, si interueniret iniuria Sacramenti: vt, si quis vellet scire peccata aliena, per viam confessionis alteri factam. 6. Ratione notabilis damni, sui, vel proximi, siue animæ, siue corporis, honoris, aut fortunarum, aut etiam periculi, cui se exponit: vt, legere libros inhonestos, velle videre nudum corpus, aut partes secretiores (vt inferius declarabitur) animalia coeuntia, præsertim sciens se esse fragilem, procliuem ad libidinem, atque ad cogitandum turpia inducendum (quod tamen absq; tali periculo esset solum veniale) semper tamen mortale est, velle nosse relatione, vel imaginatione, quanta sit co-

sit copulæ carnalis delectatio, quamuis eam experiri nollet. Multò verò magis si vellet experiri aliquâ arte & modo, quanta sit præfata foeda delectatio.

29. *Inobedientia*, est vitium, quo quis renuit facere, quod iubetur. Renuit autem non propter iram, seu indignationem, auaritiam, aut aliam causam, quæ inobedientiam non efficit, sed eò principaliter, quia iubetur. Et talis inobedientia, ex natura sua est peccatum mortale, si sit deliberata, & in materia graui, seu de re, quam exequi, magni refert. Hæc autem inobedientia nascitur ex contemptu præcepti, vel præcipientis.

30. Pro maiori declaratione inobedientia, scienda sunt octo. 1. Nullus obligatur obedire superiori in actibus interioribus puris, & nullo modo coniunctis cum exterioribus; vt, credere hanc vel illam opinionem: cogitare hoc vel illud: nisi etiam ad talem obedientiam se astrinxerit; vt quia in professione promisit se constitutiones seruaturum, in quibus designatur tempus meditationis, ideo ratione huius obligationis, & superior potest medi-



meditationem præcipere, & subditus tenebitur parere. 2. Neq; obligatur in his, quæ pertinent ad proprij status electionem: vt nubere, aut religionem ingredi. 3. Neq; in his, quæ sunt contra præceptum Dei, Ecclesiæ, Superioris, contra Regulam, aut constitutiones. 4. Neque debet obedire præcipienti aliquod peccatum etiam veniale: quamuis in dubijs posît, & debeat. 5. Neq; obediendum est præcepto, ex quo sequitur scandalum, vel notabile detrimentum. 6. Neque aliquis potest obligari ad impertinentia seu indifferentia; vt, aspicere aues volantes. 7. Sed obediendum est ex obligatione, videlicet, in his tantum, in quibus aliquis est superior.

Sicut Religiosus tenetur in tribus obedire Prælato. 1. in his, quæ in Regula & constitutionibus continentur. 2. in illis, sine quibus contenta in regula commodè impleri non possunt. 3. in pœnis inflictis propter transgressionem prædictorum duorum.

Vnde si superior vellet alia exigere, quæ ad maiorem austeritatem vel perfectionem

tionem pertinent: vt, ieiunia, disciplinas, &c. quæ non sunt in statutis religionis, non tenetur Religiosus obedire: quia votum non extenditur ad hæc. Potest tamen etiam in his obedire ex perfectione, ad quam tendere tenetur: nihil tamen peccabit, si bonis modis, secluso contemptu, scandalo seu offensione, & strepitu, non parebit.

Ecclesiasticus verò tenetur obedire Episcopo, quoad ea, quæ spectant ad suum statum, Sacramenta, & Ecclesiam.

Seculares Magistratui, quoad ciuilem conuersationem, communem pacem, & debitum ordinem in Rep. conseruandum.

Idem, seculares spiritualibus obedire tenentur in his, quæ ad diuinum cultum, & salutem eorum pertinent.

Filij parentibus, quoad res domesticas, & bonos mores. Vnde in re grauè nolle acquiescere præcepto, mortale est: sicut & in re leui, si accesserit contemptus.

Serui dominis, quoad obsequia, & quod ad bonam dispositionem domus pertinet. Discipuli magistris, quoad studia, non tantum litteralia, sed etiã pietatis, si

tis, si vtriusq; præceptores sint. Vxores maritis, quoad domesticâ gubernationē.

8. Leges humanæ etiam ciuiles, dummodo sint iustæ, obligant ad peccatum: Et si sint in materia graui, etiam ad mortale, quamuis non adsit scandalum vel contemptus. Sunt tamen aliquæ leges, quæ ad peccatum non obligant, eò quòd legislatores non habuerint obligandi intentionem, licet aliqua leuis pœna transgressoribus sit appolita. *Vide exempla in azor tom: 1. lib: 1. c. 6. q. 4.* (Sed perpende in exemplis, syluam communem, flumen commune, pascua communia: in his enim lex non obligat ad peccatum. Nam quoad syluam alicui propriam, &c. secus est dicendum.)

Nihilominus vbi grauis pœna constituitur, vt est pœna capitis, perpetui carceris, confiscationis bonorum, infamia, officij amissio, amputatio membri, &c. proculdubio mortale incurritur, quamuis id in lege non exprimitur.

31. *Ingratitudo*, peccatum mortale est in his casibus. 1. Quando quis ex contemptu beneficij aut benefactoris, non reco-

recognosceret, non laudaret insigne beneficium, vel non retribueret vices pro magno beneficio accepto, sed ita se erga benefactorem gereret, ac si non accepisset, aut beneficium non esset. 2. Quando id quod benefactori subtrahitur ex necessitate, deberur ei. 3. Quando quis retribuit mala pro bonis, aut beneficium vituperat, & quasi maleficium reputat. Aliàs veniale tantum.

### g De Auaritia.

1. Auaritia est immoderata cupiditas habendi. Tunc autem est mortalis. 1. Quando est contra iustitiam, vel charitatem, nisi leuitas materiæ, vel defectus deliberationis excuset. Contra iustitiam verò est, quando cum iniuria proximi quis intendit acquirere, (videlicet modis, vijs, vel contractibus illicitis) aut aliena detinere. Contra charitatem etiam, quando in extrema aut graui necessitate proximi, detinet propria, & non ei succurrit. 2. Si adeò afficiatur habendis, vt sit paratus peccare mortaliter, transgrediendo præceptum diuinum, aut Ecclesia-

clesia-



cleſtaſticum: vel etiam in præſenti optet alicui mortem, aliudue infortunium, dummodo potiri valeat re, quam deſiderat. Quando verò avaritia non eſt contra iuſtitiam, & charitatem in graui neceſſitate, ſed eſt contra ſolam liberalitatem; veniale tantum eſt peccatum.

2. Habet locum vitium hoc in multis. In negociationibus, vbi admisceſtur avaritia ex multis partibus: videlicet ſi pluriſ vendatur creditò, quàm ſi venderetur numeratò propter ſolam expectationem ſolutionis: & e contra, ſi ematur minoris propter anticipatam ſolutionem, quàm ſi emeretur expectatà. Si materia ſit vitioſa, meſura fallax, ſtatera doloſa, pretiũ iniuſtum, moneta adulterina ſeu falſa: ſi monopolia exerceantur. In mutatione pecuniæ, quando ſit propter lucrum. In oppignoracionibus, ſi fructus pignoris fructiferi percipiantur, ſalua ſumma capitali. In locationibus, ſi propter caſus occurrenteſſv.g. peſtis, aut hoſtis, (quãdo res locata in vſu eſſe non potuit) pretium locationis non minuitur. In ludo, ſi fraudulẽtia adhibeatur. In acquisitione rerũ, per fur-

per furtum, rapinam, vſuram, alioſue contractus illicitos, per ſimoniam, per iuriũ, litisue iniquæ attentacionẽ; vectigalium iniuſtorum exactionem, aut iuſtorum defraudationem. In retentione piorum legatorum, & debitorum, cùm poſſit reddere & debeat. In non reſtitutione rerum inuentarum & alienarum. In diſpenſatione bonorum pupilli, aut orphani: & alienorum, ſi aliqua infidelitas interceſſerit.

3. Prodigalitas oppoſita avaritiæ, tantum aliud extremum, tunc tantum eſt mortalis, quando eſt contra iuſtitiam, & in materia notabili, vel cum notabili ſcandalo. Eſt autem contra iuſtitiam, quando per eam quis ſe reddit impotentem ad ſoluenda debita, aut ſuis providendum: aut aliena bona prodigẽ diſſipat, quæ tamen diſpenſare cum iudicio poterat.

Scandalum quoq; non modicum eſſet, ſi Eccleſiaſticus prodigẽ viuendo, non ſuccurreret indigenti in graui neceſſitate. Hæc ſuccincte pertractantes, ad alios authores, lectores in Tyrocinio exer-

citatos remittimus. Hic enim adest occasio discutiendi omnes contractus illicitos, si quos penitens inierit, & modos quibus acquirit, aut etiam retinet res suas aut alienas. In vno autem paruo libello, omnia explicare, possibile non est.

4. Germina auaritiæ quàm plurima sunt, nos aliquot enumerabimus, quæ sunt: *Obduratio, Inquietatio, Fraus, Periurium, Violentia, Proditio, Mendacium.*

5. *Obduratio* (supple) cordis ad miserendum, quando, & cui misereri oportet: videlicet, in graui necessitate constituto. vocaturq; immisericordia.

6. *Inquietudo mentis*, seu sollicitudo vehemens circa temporalia, quæ semper cum quodam timore est coniuncta: communiter veniale peccatum est, quamuis præ sollicitudine non oriet, aut non exerceat diuina officia attentè, vt decet: nisi quis ita temporalibus sit affectus, vt potius mortaliter peccare malit, siue commissione siue omissione, quàm ipsa, aut affectum nimium dimittere.

7. *Fraus*, est deceptio alterius in aliquo facto. Nam si deceptio sit in verbis, vocatur

catur dolus seu fallacia. Duo autem requiruntur ad mortale peccatum. 1. Vt sit intentio defraudandi vel decipiendi. 2. quòd sit in materia notabili & non leui.

8. *Periurium* etiã in minimo (vt in mendacio iocoso, vel officioso) est mortale. *Violentia* habet locũ in capiendo aliena.

9. *Proditio* est manifestatio alicuius occulti, illatiua nocuenti: regulatiterq; est mortalis. Est autem proditio quadruplex: Circa personas quæ produntur: Circa bona stabilia, dum via capiendi ciuitatem hosti aperitur: Circa mobilia, si pecunia vel res abscondita, latroni manifestetur: Circa secreta commissa, si cum alicuius præiudicio reuelentur. Hũc reducitur apertio literarum, quæ etiam ex se est mortalis, cùm antequam legantur, nescitur, an contineant grauem vel leuem materiam. Nisi aperiens sit superior, aut amicus facies in spem rati habitio- nis, vel verisimiliter sciatur literas esse conscriptas in damnum communitatis, vel tertij, aut etiam in malũ iniuriosum aperiens.

10. De mendacio dictum est in octauo præcepto.



præcepto. Hic duo adnotantur. 1. Quod ad mendaciū perniciosum, spectat omne falsum circa sacram Scripturam, & in prædicatione, si falsæ authoritates, consulto contra veritatem allegentur, aut falsa miracula, vel indulgentiæ publicentur. Similiter. Si Iudex falsum aliquod in functione sua, cum alterius præiudicio protulerit. 2. Quia S. Augustinus docet veniale mendacium non esse admitendum, etiam propter vitandam mortem suam vel alterius: ex altera verò parte difficultas est propter multa inconuenientia, quæ interuenirent, si verè & sincerè loqueremur vel responderemus proximo: ideò communis doctrina inuexit quandam artem, per quam, nec mendacium dicimus, nec veritatem occultandam propalamus. Ista verò ars dicitur, *Amphibologia*, id est ambiguus sermo; eò quod non totum voce exprimitur, sed partim ore, partim verò mente, qua residuum intus suppletur, aut subintelligitur. *Ex: gr:* Est amicus petens mutuum, qui non solet stare promissis: huic poteris ore dicere, te non habere pecuniam:

niam: & cogitatione retinere: pro te. Similiter, est tyrānus, qui Confessarium interrogat, An iste occiderit: Confessarius non tantum negare debebit, sed etiam iurare poterit, se nescire quicquam, subintellecto, ad tibi reuelandum, vel, se nescire, vt hominem. Imò ipse Christus tali modo vsus est: Ipse enim eum sit constitutus iudex viuorum & mortuorum, proculdubio, diem scit sui officij ac iudicij: Et tamen discipulis dixit, neq; filium hominis id scire (subintellecto hoc) ad reuelandum alijs. Sciendū tamen est. 1. Hac arte non esse licitum regulariter vti, sed tantum propter rationabilem causam. Siquidem talis modus, humanæ conuersationi, & communioni aduersatur, & qui in eò frequentes sunt, odibiles esse solent. 2. Quod etiam in necessitate, tunc tantum est licitum, sic loqui, quando non tenemur respondere alicui, iuxta intentionem eius. Verum si obligamur respondere clarè, vt iudici interroganti legitime, etiam cum periculo vitæ, respondere debet reus absq; huiusmodi involucris sub peccato mortali. Similiter

cum amicis sincerè loquentibus, illicitum est, tali modo uti: sicut, & cum tu ipse prouocas alium ad sincerè loquendum.

11. Eleemosynæ denegatio, potest ad auaritiā pertinere, sed de ea, in operibus misericordiæ, mentio fiet.

### § De Luxuria.

1. Quoniam hoc peccatum magis infestat homines, atq; adeò frequentius accidit, & suas difficultates habet, ideò paulò fusiùs de eo agemus. Et quia materia est turpis, idcirco ita cautè procedendum, erit, ut doctrina necessaria non obscuretur. Sint ergo omnia munda mundis.

2. Peccatum luxuriæ seu libidinis, suapte natura est mortale peccatum, in quo nulla ignorantia, quæpiam excusare potest, cum sit iuris naturalis adeò clari, ut nullus sanæ mentis dubitare valeat.

3. Habet hoc peccatum multas species & gradus. Species quidem secundum naturam sunt. 6. Fornicatio, Stuprum, Adulterium, Raptus, Incessus, Sacrilegium. Contra naturam verò tres: Mollities, Sodomia, tam in summo, quam citra, Bestialitas. Gradus

Gradus verò secundum cogitationem, locutionem, auditum, visum, tactum, gustum, & actum. Omnia ista dilucidare per necessarium est.

4. Quamuis fornicatio aliquando sumatur genericè, pro omni illicita copula, quomodocunq; tamen hic sumitur specificè & propriissimè, pro copulâ soluta cum soluta: diciturq; simplex fornicatio.

5. Stuprum quoq; aliquando sumitur genericè, pro omni illicita copula: sed hic sumitur pro defloratione seu violatione virginis, per quam auferitur signaculum virginalē. Habet autem Stuprum duos modos aut gradus. Nam aliquando fit de consensu, absq; vis illatione: aliquando vi illata, quod est multò grauius. Quamuis non desint, qui doceant, quod si id esset de consensu puellæ & parentum, (aut suo tantum si sit iuris, & non sub alicuius potestate) non esse plùs quàm fornicationem, cum nulli irrogaretur specialis iniuria. Verùm dicere alij: non iniuriam, sed ruptionem sigilli virginalis efficere stuprum. Oppressio tamen, per quam vis pudicitie mulieri inferitur,



fertur, est circumstantia communis in omni specie aggrauans.

6. *Adulterium*, quando alter vel uterq; est alterius coniunx. Huc reducitur conditio sponsi & sponsæ.

7. *Raptus* propriè dicitur, quando talis vis infertur, ut puella abducatur à domo sua vel parentum, causa libidinis, vel causa matrimonij, contra voluntatem raptæ: & non prius facto tractatu de matrimonio. Imò etiam vidua, coniugata, & quævis corrupta, si causa libidinis raperetur, idem peccatum esset. Hæc enim species, rapinam & violentiam supra alias species addit. Quæ violentia aliquando fit ipsi scæminæ, aliquando parenti, aliquando utriq; simul. Tales autem raptores cum suis complicibus, sunt excommunicati & infames. *Conc. Trident. Sess. 24. c. 6.* Oportet tamen ut ista abductio causa libidinis, non tantum sit propter maiorem commoditatem exercendæ turpitudinis, sed etiam ad effectum abducendi. *Tolet. lib. 1. c. 42. n. 7.*

8. *Incestus* est peccatum carnale inter cognatos vsq; ad quartum gradum, prout

declara-

declaratum est in impedimentis matrimonij supra f. 129.

Huc reducitur peccatum Confessarij cum filia confessionis. Quamvis non propriè, metaphoricè tamen, incestus dici potest: cum etiam Confessarius pater spiritualis appelletur. *D. Tho. 4. d. 42.*

9. *Sacrilegium* est, quando fit cum persona Deo dicata per votum castitatis, (etiam simplex *Azor.*) aut religionis: vel copula fit in loco sacro. Hic notandum: quòd si persona Deo dicata cum libera peccet, nihilominus sacrilegium committit *Tolet. lib. 5. c. 12.* Cum novitio novitiae peccare, quamvis non mutetur species, notabiliter tamen aggrauatur, ideò explicandum in confessione. *Lamas.*

Huc reducitur copula cum Iudæo vel Iudæa, quia talis coniunctio prohibita est ab Ecclesia, in honorem Christianissimi. *Les. lib. 4. c. 3. d. 6. n. 45.* Qui reliquias gestans peccat, non est reus sacrilegij. *Azor.*

10. *Mollities*, est pollutio seu emissio seminis, extra vas, procurata à se, vel cooperante tactu alieno, absq; concubitu

H s;

tamen.

tamen. Et quamvis vtraq; sit eiusdem speciei, *Lopez. Nauar.* grauior tamen est secunda, & in confessione exprimenda. *Lam. p. 3. c. 8. § 21.* Et præterea, si reseruaretur, peccatum carnale in secunda persona patratum, caderet talis mollities sub reservationem.

*Hic nota 1.* Quod quando mollities committeretur tactibus religiosi, vel in maioribus ordinibus constituti: tunc si qui patitur, sæcularis est, non tenetur amplius dicere, nisi sic: Passus sum voluntariè pollui tactibus alienis. Et viceuersa, Deo dicatus, satisfaciet dicendo: Tangebam alium impudicè usq; ad pollutionem eius. Neq; tenetur explicare se esse Deo dicatum per professionem vel ordinationem, nisi ratione scandali, vel nisi etiam illi interuenerit pollutio, siue voluntaria indirectè, videlicet in causa: (quo casu solus Deo dicatus explicare debeat se esse talem) siue propter mutuum tactum, quo casu etiam sæcularis addere debeat circumstantiam complicitis: quia ibi persona sacra violata est. *Lam.* Nec tantum hanc sed & alias circumstantias complicitis,

plicitis, vt dicitur de Sodomia. 2. *Nota*, quod potest variari mollities, sicut & alia species, si dum exercetur, acciderit de alio vel alia, cogitatio, desiderium, delectatio morosa, seu imaginatio, ac si cum tali vel tali sit. Cæterum modi obscæni non necessarij ad explicationem peccati, tacendi sunt: sufficit n. cognitio distincta peccati.

11. *Sodomia* nomine paulò latius sumptæ, importatur omnis pollutio, extra ordinarium vas, habita, per concubitum siue fœminæ cum fœmina, siuè (& præcipuè) maris cum mari, in quacunq; parte corporis. Licet in rigore, & quo ad pœnas non censeatur Sodomia, nisi sit in vase stercorario, quamvis seminatio extra ob aliquod impedimentum esset. *Lam.* Congressus tamè masculorum, specie distinguitur à congressu contra naturam cum muliere: & mulierum inter se.

Hic notandum, quòd si talis congressus fuerit, cum persona voto consecrata, erit sacrilegium, & quidem propriè. Poterit quoq; esse, sed reductiuè, non propriè, tam adulterium, quàm incestus, ad



secundum gradum duntaxat consanguinitatis, & affinitatis: quia vltiores gradus solum sunt instituti iure positio humano ad impediendum matrimonium. *Azor.* Similiter, si abducatur puer à domo paterna ad abusum: vel eo quis abutitur vim inferendo, erit & raptus reductiue, & violenta oppressio.

Circumstantia cognationis spiritualis & legalis, non mutat speciem in peccatis contra naturam. *Azor: 1. 3. lib: 3. c. 18.* Aggrauat tamen meo iudicio vehementer sic peccare cum baptisato à se, aut ex baptismo leuato: ideo explicandum in confessione.

12. *Bestialitas*: est congressus cum aliena specie quacunque: siquidem speciei & sexus in bestiis varietas non diuersificat bestialitatem.

Huc reducitur coitus cum dæmone. Estque peccatum grauissimum inter peccata luxuriæ: & præterea contra religionem, tum ratione sacrilegij, tum ratione superstitionis. *Caier: 2. 2. q. 154. a. 11.*

13. *Quo ad gradus.* Hi quoniam incipiunt à corde, & perueniunt ad actum: ideo à primo

à primo inchoantes, quod antea breuiter attigimus, dilucidius prosequemur. In cogitationibus itaque dupliciter quis potest peccare mortaliter. Primo respectu exteriori actus. secundo, respectu solius actus interni. Et quidem respectu actus exterioris, si adsit voluntas perueniendi ad opus, altero horum duorum modorum, videlicet, desiderando, aut proponendo illud peccatum exterius perpetrare. Discrimen autem inter desiderium & propositum est. Quia qui proponit aliquid facere, apprehendit, se posse id exequi. Verum desiderium potest esse etiam in ordine ad rem, quæ moraliter non est possibilis: vt, si rusticus ignauus vellet esse Rex, aut habere filiam Regis in uxorem. Hic enim posset desiderare, sed non proponere propriè. Idem intellige de peccato carnali, imò & de alijs. Posset enim quis proponere, aut desiderare, occidere, vlcisci, furari, &c.

Respectu verò solius actus intrinseci, quando cogitas non intendit peccatū carnale (seu quoduis aliud) actu perpetrare, sed solum cōtēnatur illa voluntate, quæ

nascitur ex imaginatione operis veneri, quam consequuntur commotiones libidinosæ in carne. Porro hæc cogitationes, vocantur morosæ delectationes, eo quod mora in eis contrahitur. Nam quamprimum ratio animaduertit illam cogitationem, illicò eam excutere debet, & nec per momentum detinere. Quod si detinet, iam mora censetur, quantumvis breuissima: quia inter animaduersionem rationis, & voluntatem detinendi, interuenit tempus, ac proinde mora.

Duobus autem modis peccatur hac morosa delectatione, videlicet per expressum consensum, & per implicitum seu interpretatiuum.

Per expressum quidem; quando cogitans ex imaginatione rei illicitæ, non tantum apprehendit, & percipit delectationem, sed etiam sensibiliter, actuq; fruitor ipsa: Et ita consentit in venerem non extrinsecam sed intrinsecam, phantasticam seu imaginariam. Talis est similis ei, qui quamuis non bibat in caupona, oblectatur tamen manere in ea, vide-

req; po-

req; potatores bibentes, &c. ita & ipse non curat peccare actu, sed versans in mente actus turpes, & rumigans exercitium illorum, complacet sibi in eis.

Per implicitum autem consensum, quando voluntas neq; consentit explicitè, neq; dissentit expressè, sed negatiuè se habet, vel potius negligenter, permitrens durare talem cogitationem illicitam & delectationem insurgentem, cum possit & teneatur eam remouere. Potest; quia animaduertit: debet; quia ex retentione periculum ei imminet: neq; subest aliqua rationabilis causa, quæ eum à tali detentione, periculosa alias occasione, excuset: tunc enim ita se gerit, & ita intelligi potest, ac si ex complacentia delectationis, daret ei locum in animo, atq; secum morari permetteret, quod est interpretatiuè consentire: iuxta illud, qui tacet, consentire videtur. Et præterea cum talis delectatio sit illicita, & contra castitatem, tenetur expressè dissentire, & conari eam expellere. Quod quia non facit, censetur ex complacentia illam retinere, ac proinde interpretatiuè consen-



consentire. Si enim nullā iustā causā eam retinendi habet, quorsum spontē retinet scintillam adeò periculofam, & consentit vt secum moretur? Præsertim cūm fidere viribus suis non sit tutum. Illa enim obscœna delectatio allicit sollicitatq; animum, & sapissimè seducit, ita quod vix vllus sit tam fortis, cui illa, si retineatur, non afferat grauē periculum consentiendi. Ergo aliter interpretari non possumus, nisi quod propter complacentiam fouetur. Secus autem esset, si aliqua iusta causa adsit insistenti tali cogitationi, quam libidinosa titillatio sequitur. Talis autem, est, lectio faciendæ, consilium dandum, concio habenda, confessio excipiendæ: tunc enim quamuis delectatio seu commotio in corpore præter intentionem consurgat & sentiatur, dummodò tamen non adsit periculum consentiendi, licitè retinetur. Alas enim si imminet periculum consensus, etiam sanctissimum opus deferendum est. Itaq; absq; tali causa, retentio talis delectationis, erit culpabilis negligentia, quamuis re ipsa non consentiretur, appellabiturq; delectatio.

delectatio morosa implicita, vt dictū est.

14. Sciendum autem est, has morosas delectationes, quoad vtrumq; modum, non tantum tunc esse peccaminosas mortiferè, cūm circa illicitum actum versantur, sed etiam quando consurgunt, ex actu præterito aut futuro licito, quales sunt in viduis, & sponsis. Nam quamuis ille actus prout est in re, hoc est dum exercetur, licitus sit: & quamuis ipsum præteritum meminisse & approbare, futurum quoq; sperare & desiderare simplici affectu, licitum sit: tamen eundem conjugalem actum, præteritum aut futurum, in præsentī per imaginationem apprehendere, & inde corporis commotionem seu carnis concupiscentiam sentire, est actu coniugali præsentī ficto delectari, occasionato ex cogitatione præteriti aut futuri, quod nullatenus viduis ac sponsis licet. De coniugatis alia ratio esse videtur. Nam dum ambo sunt præsentēs, ac facilè, quod apprehendunt, exequi possunt, licitum est. Nam qui in eo statu est, vt ei opus externum sit permissum, imaginarium quoq; vñ phantasia estin-

fiat effingendum, licitum erit, omnibus tamen inconuenientibus seclusis. Verum quando alter eorum absens est, non est tutum, cogitationibus huiusmodi immorari, propter periculū illicitæ pollutionis, quæ interuenire posset: atq; adeo peccatum mortale esset.

15. *Turpilouium*, si fiat animo prouocandi se, vel alios, ad libidinem, peccatum mortale est. Quod si non sit talis intentio, adest tamen semper periculum excitandi in se, aut in alijs commotiones carnales, vel imaginationes, delectationes, atq; tentationes. Vnde animo casto nunquam placebunt ioci circa venerea, quamuis hi secluso scandalo & periculo non essent mortales. Huc spectat, colloqui cum aliqua persona, etiam honesta, & de honestis, sed cum voluptate libidinosa.

16. *Auditus turpium sermonum*, cum oblectatione, concupiscentia, aut horum periculo, mortale.

Idem censendum de lectione obscenorum. Quoad gustum, rarissime accideret, præsertim apud timoratas conscientias,

tias, quod aliquis comedat & bibat calida, ea intentione, vt eueniat pollutio, vel se ad libidinem prouocet, hoc enim mortale esset. Quando autem quis facit, vt gulæ suæ satisfaciat, & non præfigit sibi illum finem mortiferum, veniale est tantum.

17. *Aspectus*, si versetur circa partes secretas, aut inhonestas, vel etiam his vicinas, semper est peccatum mortale. Siquidem talis naturam concitat, libidinem excitat, carnalem voluptatem attrahit. Idem dicendum de aspectu in personam nudam, & in animalia coeuntia.

18. *Aspectus* verò qui fertur in partes honestas, vt faciei, manuum, quæ non operiri, sed in aperto esse solent, ex se non est peccaminosus, sed ex aliquo adiuncto tantum. Nam si delectatio visui coniugantur, tunc aut illa delectatio est honesta, nimirum ex consideratione coloris, proportionis, gratiæ, dispositionis corporis, incessus, gestus &c. sistendo in illa visus complacentia, qua delectatur in creatura pulchrè formata, & eleganti gestu, aut sermone prædita: non cognita.



cogitando ulterius, nec transeundo ad actus libidinosos. Et talis aspectus absq; iusta causa, peccatum veniale est curiositatis: quamvis ratione periculi vel scādali posset esse mortale. Ratione quidem periculi, si aspectus sit diuturnus: ex tali enim facile insurgeret motus carnalis. Ratione verò scandali, si quis, præsertim Ecclesiasticus figeret oculum in pulchram mulierem, animaduertentibus alijs. Quod si illa coniuncta delectatio sit inhonesta, libidinosa, seu venerca, videlicet, ex parte aspicientis ordinata ad libidinem, seu concernens concupiscentiam copulæ, tactuum, aut admittens delectationem circa actus luxuriæ, proculdubio erit mortalis aspectus. Hoc autem ideo est: quia aspectus facit, ut phantasia apprehendat rem visam, non solum ut delectabilem visui, sed etiam ut delectabilem tactui & carni. Ex tali autem imaginatione sequitur in affectu carnali complacentia, exæstuatio, & inardescencia, in spiritibus & sanguine commotio, ac subinde in membris rebellio.

19. Animaduertendum est hic ex D. Th: Opus: 64. § de fluxu libidinis. Quod quibusdam propter solam præsentiam & allocutionem alicuius personæ, in cuius conspectu habent complacentiam sensualem & vanam, seu ad quam inordinato amore afficiuntur, egreditur humor quidam per membrum secretum. Duo itaq; hic sunt declaranda. 1. quando hoc sit cum peccato mortali. 2. quid facto talibus opus sit. Quoad iudicium de peccato mortali, hoc tunc incurritur, quando hoc provenit ex tactu aliquo impudico etiam levi, aut ex concupiscentia vel imaginatione forti, & morosa de actibus impudicis, aut ex inordinato affectu voluntario ad talem personam. Tunc enim consequuntur calefactiones & commotiones carnis libidinosæ, dictusq; humor emittitur. Veniale autem est, si oriatur ex delectatione quidem sensuali, sed vana, hoc est, non ordinata ad obscæna supradicta, & secluso periculo. Nullum autem peccatum erit, si occasio vitari aut non potest, aut non deber, & consensus non adest. Similiter, si colloquendo cum tali per-

tali persona, casu superuenerit tentatio: & delectationi resisteretur.

Consilium verò huiusmodi est: vitare tales occasiones, & relinquere amicitias ac familiaritates personarum, ad quas affectus inordinatus sentitur: fugiendo allocationes & aspectus earum, & omnem opportunitatem loci & temporis, maxime, qui sentit in hoc se passionatum, seu ad hoc naturaliter inclinatum, siue ex vitio mentis, siue ex debilitate naturæ. Qui autem pro posse tales occasiones non euitauerit, grauiter peccat, & magno peccati mortalis periculo se exponit, & multò magis, si studiosè non euitat. Itaq; quilibet sibi in hoc violentiam faciat, fugiendo personas. Et quamuis ad aliquod tēpus cruciatus corporis perferatur, aderit tamen tandē dominus cū suo auxilio, concedens tranquillitatem, & faciens cum tentatione prouentum.

20. Sciendum quoq; ex eodem D. Th. Quod aliquando talis humor aliquibus vigilantibus, absq; omni occasione, etiam cogitationis immundæ, & sine commotione carnis, & absq; delectatione, ac quasi

quasi insensibiliter accidit, ita vt mulier non aduertant, nisi cum pannos sentiunt madefactos. Cuius causam ignorantes, turbantur, & errant, putantes se pollutos esse. Isti bono animo esse debent: siquidem humoris effusio non est pollutio, quæ (vt Medici dicunt) sine libidinosa delectatione, & carnis commotione in vigilia esse non potest. Sed naturalis conditio, aut cōplexionis dispositio, huius rei causa est.

21. Tactus omnis causā voluptatis carnalis, est peccatum mortale, etiam si desit alia intentio, vel lasciuia imaginatio, quia accendit libidinem, & proximè disponit ad seminis resolutionem, secundum conditionem partium, & vicinitatem ad partes verendas. Siquidem magis inflammat contactus partium secretarum, quæ operiri solent, & maxime verendarum: plusq; aggrauat, quam tactus manus.

22. Oscula eodē modo illicita sunt, adeo vt neq; sponis concedi possunt, causa voluptatis. si essent cum periculo irritandæ libidinis, & resoluendi seminis. Nihilò.



Nihilominus fufiant caufa amicitiae, fecundum confuetudinem patriae, feruata honeftate, & feclufo scandalo, atq; periculo, licita erunt. Non vitaretur autem scandalum, fi Ecclefiasticus, praefertim Religiofus, hoc modo vellet teftari amicitiam erga faminas etiam fanguine iunctas.

23. Oſculari puerum vel puellam in aetate minori, ex fe non eft mortale, quia hi propter aetatem, non funt materia libidinoſa: tamen ex accefforio poteft eſſe mortale, videlicet, fi id fiat cum aliqua delectatione ſenſuali, cogitando tunc aliqua ſupplementa obſcena.

24. Famina, aduertens ſe tangi, fecundum partes inhoneſtas, omnino obligatur ſub mortali, refugere ac impedire. Nam iſta excitant libidinem, tam in agente, quam in patiente. Secundum vero partes honeſtas, ſed affectu libidinoſo, ſi id fiat in priuato, nemine vidente, ſimiliter tenetur proximi peccatum deuitare. Verum ſi id fiat in publico, non tenetur impedire lege virtutis temperantiae: poteſt enim pati bona intentione,

praetextu.

praetextu confuetudinis, patriae, conſanguinitatis, vel amicitiae; ſed tamen lege charitatis, ne alter peccet, obligatur, (ſi tamen commodè poteſt) impedire. Nam ſi ex hac detractione ſequeretur graue incommodum, videlicet, mortis, infamiae, amiſſionis bonorum, poſſet permittere: dummodò ipſi faminae, non immineret aliquod periculum delectationis & conſenſus in turpia. Tunc enim ſub-eunda eſſent potiùs omnia incommoda, quam tale periculum peccati. Quod ſi opprimeretur, quamvis non teneatur ad ſui deſenſionem, oppreſſorem laedere: tenetur tamen turpi facinori non ſeſe accommodare, & clamare, atq; reſiſtere, quantum poteſt ſine periculo vitae: & tandem nullo modo contentire. Licet tamen occidere inuaſorem, pro deſenſione pudicitiae.

25. Si tactus non ſit caufa voluptatis, ſed caufa medicandi, eſt licitus, etiam ſi interim aliqua delectatio vel motus turpis ſuboriatur, quia id eſt inuoluntarium: niſi etiam ipſi chyrurgo adſit periculum conſenſus.

I.

Mulie.

Mulieres tamen, præsertim virginines, non tenentur medicationes in locis secretioribus à viris admittere: tum propter horrorem, tum propter periculum turpis motus. seclusis tamen periculis, sicut non tenentur, ita etiam permittere possent, si vellent. *Less: lib: 4. cap: 3. dub: 8. n. 60.*

26. Choreæ sunt licitæ. Vitiantur autem ex circumstantijs, præsertim modi, si fiant impudicè: finis, si animo libidinoso: personarum, si exerceantur à Clericis. Ex iure communi, renouato per Conc: Trident: *Sess: 24. cap: 12.*

### g De Ira.

1. Ira dupliciter sumi solet: Communiter seu vulgariter, & propriè. Vulgariter pro quadam perturbatione animi, cum actuali impatientia: & nihil aliud. Propriè, pro appetitu vindictæ. Quòd vt melius intelligatur, notandum est, quod in ira quatuor reperiuntur. 1. perceptio mali illati vel proximè inferendi. 2. sanguinis ebullitio, & feruor circa cor, tunc enim congregantur spiri-

tus vi-

tus vitales in corde, ad adiutorium ipsius animalis, contra malum illatum, & sanguis in aduentu spirituum calidum feruet & ebullit. 3. Postea consequitur alteratio, tam interior, quam exterior, scilicet concitatio cordis, tremor in membris, rubor aut pallor in facie, impedimentum in lingua, verborum confusio, clamor impetuusus cum exaggeratione, aliquando taciturnitas, toruus aspectus, &c. 4. Tandem accedit appetitus vindictæ, hoc est voluntas inferendi malum ei, à quo quis passus est iniuriam, ad recompensandam illatam. Et hoc quantum constituit iram propriè dictam. Nam sola apprehensio iniuriæ, excandescencia, &c. absq; appetitu vindictæ, vulgò quidem dicitur ira, non tamen propriè, neq; mortalis est. Prouenire autem solet, aut ex naturali complexione iracunda vel melancholica, propter quam etiam mulieres his passionibus subiectæ sunt, aut indispositione aliqua corporali, quæ infirmos ac senes premere solet; aut ex feruore sanguinis, quo pueri & iuuenes abundant; aut ex accidenti, vt cū



occupati rebus serijs, ex improviso distrahuntur. In duobus tamen casibus hæc vulgaris ira posset esse peccatum mortale. 1. Primò propter scandalum, vt si prælatus, & qui occupantur in conuersione infidelibus, deliberatè talem passionem per signa nimium aspera, seu furiosa prodiderint. 2. Si ob perturbationem deliberatam paratus sit aliquid facere, quòd sine mortali non esset.

2. Itaq; talis ira, quæ ad vindictam peruenit, duplex esse potest: Licita & Illicita. Licita vocatur per zelum: Illicita per vitium.

3. Zelus est appetitus intensus puniendi malum, secundum rationis ordinem, & legis dispositionem atq; intentionem. Nimirum, vt iustitia seruetur, peccator emendetur, mali terrore coercantur, boni defendantur, pax Reipubl. custodiatur: non verò vt peruersus animus mali irrogatione exsatiatur. Hoc fine etiam à Deo expetere vindictam, sub aliqua ratione boni, licet. Pari modo, desiderare malum, etiam mortem malis, Turcis, & alijs hostibus Ecclesiæ, etiam sciatur,

sciatur eos perpetuò damnandos, ne Ecclesia, aut boni iniquè opprimantur, ne iustitia aut diuinus cultus conculcetur, non erit vitium, sed zelus. Hoc enim, non est optare malum, vt malum est; sed vt ordinatur ad bonum, ac proinde est optare maius bonum. Similiter optare alicui morbum vel infortunium, vt ad Deum hoc medio conuertatur, vel propter utilitatem Reipubl. aut gloriam Dei. Neq; est peccatum, la tari de morte alicuius, propter bonum & utilitatem, quæ mortem eius sequitur: dummodò delectatio non feratur supra mortem. ipsam directè, sed super bonum, quòd inde oritur. *sa. V. Charitas. n. 8. Less. lib: 4. c. 2. d. 3. Nau: c. 15.*

4. Ira vitiosa dicitur esse inordinatus appetitus vindictæ: hoc est, odio personæ, vel eo solo, quod aliquis iniuria nos affecit, atq; adeò, vt animus satiatur, & conquiescat. Et talis ira ex genere suo est mortalis, quando est ex plena deliberatione, & malum, quod infertur, est notabile.

5. Hæc inordinatio potest ex 4. par-

ribus oriri. 1. Ex parte agentis, si mali illatio fiat priuata auctoritate. 2. Ex parte patientis, si sit innocens, aut non tantum commiserit nocumentum. 3. Ex parte modi, si iudex contra iuris ordinem, seu non seruata forma iustitiæ, puniat: vel cum graui exandescencia exterius apparente cum scandalo. 4. Ex parte finis, si non bono fine, nec zelo iustitiæ fiat, vt dictum est.

6. Potest esse ira peccatum veniale, aut defectu plenæ deliberationis, in primo motu præueniente iudicium rationis: aut defectu grauis materiæ, vt si quis leuiter traheret puerum per capillos, vel aurem.

7. Germina iræ sunt in tres classes distributa. Nam in corde nascitur indignatio, tumor mentis atq; odium: quia ira solet crescere in odium. Aug. In ore, Clamor, maledictio, contumelia, blasphemia, rimæ. In facto: pugna, seditio, factiones.

8. Indignatio est, qua homo indignum reputat illum, à quo malum accepit, sua affabilitate, familiaritate, & colloquio, auertens ab eo faciem, aut oculos suos,  
nolens

nolens de eo audire vllū verbum bonū, ac detestans, quod ei aliquando amicus fuerit, seruiuerit, defenderit, aut benefecerit.

Hæc indignatio, mortalis est in tribus casibus. 1. Si iratus decreuerit, paratūse sit non iuuare offendentem, etiam in graui necessitate, quando obligaretur. 2. Si accedat notabilis interior contemptus, quo nihili æstimaretur, tanquam vilis & indignus: ac proinde hic interueniret superbia: qua iratus se extolleret, alteriq; præferret. 3. Quando ex tali auersione animi, & subtractione signorum amicitie ciuilis, notabile scandalum sequeretur. Aliàs erit veniale, aut nullum, si sit ex iusto rationis iudicio, absq; inordinato affectu, vt puta propter correctionem, ad tempus non prolixum, secluso scandalo. &c.

9. Tumor mentis, quo in corde iniuria versatur, ruminatur atque exaggeratur, cum repetitione causæ, interiori aspera responsione, excogitatione mediorum ad exercendam vindictam: ac proinde quasi tumescit mens, tali amaritudine repleta, vbi facile est peccatum mortale depre.



le deprehendere, si propter tales cogitationes accedat consensus in vindictam, faciendam: quod ad iram propriè spectat.

10. Odium est, quo quis optat alicui malum. Differt autem ab ira, quod iratus non intendit nocere, nisi ei qui sibi vel suis nocuit, vt vindicta sit quasi quædam recompensatio. Per odium autem intenditur malū, absq; tali respectu, sed absolutè, eò tantum fine, vt alicui male sit, propterea, quod vel nequam est, vel nobis contrarius, aut infensus: vel quia eius persona est odiosa, nobisq; displicet, aut quia eius dispositio contrariatur affectui nostro. Estq; hoc odium ex genere suo mortale: nisi indeliberatione excusetur, aut paruitate mali.

11. *Clamor*, est confusa, tumultuosa, sublatā voce locutio. Regulariter veniale est ex se, nisi scandalum, aut præcepti transgressio, in re, vel in animi præparatione accesserit.

12. *Maledictio*, est imprecatio alicuius mali, sibi, vel alteri. Ad hoc, quod maledictio sit peccatum mortale, duo requiruntur, 1. quod sit deliberatum desiderium, vt

rium, vt illud malum eueniat. 2. quod illud malum sit notabile. Defectu horū erit veniale. 1. Vt si deliberatio nulla præcessit, sed ex lapsu linguæ accidit, seu ex surreptione: vt quando ex ira aut alia passione ante rationis aduersionem & consensum, 2. vel si imperfecta deliberatio fuit, vt fieri solet ex malo vsu (*Caiet: Sum: V. Maledictio*) dummodò malus vsus displiceat, & deponi curetur. 3. quando illud malum est exiguum: vt si desideretur, amissio solidi vel grossi, vbi adest pecuniæ sufficientia. 4. vel quāuis malum sit magnum, non tamen ex corde desideratur, sed ore tantum, vt communiter solent parentes filijs vel familiæ, & rustici suis iumentis maledicere. Quamuis talis consuetudo (inquit *Sot: lib: 5. de iust.*) sit pessima, nec ad correctionem aliquid confert, & aliquando mutato animo conuertitur in odium, & mali verum desiderium. Sciendum enim est, quod aliquando passio iræ posset præualere, & flectere voluntatem ad consensum. Consensus quoq; & deliberatio, possent accidere in momen-

to neq; exigunt longum tempus. Neq; semper sufficiens signum est venialis peccati, aut quod non ex intentione sit maledictum statim transacta passione, dolere vel pœnitere dicti aut facti; sed solummodo signum est, quod non perfeueratur in malo animo.

13. *Contumelia, conuitium, opprobrium, improprium*, aliquando propriè sumuntur, vide *D. Th: 2. 2. q. 72. a. 3.* Et *Nau: c. 18. a. 10.* aliquando confunduntur, & pro eodem vsurpantur, vt hic. Sumitur itaq; hic contumelia pro obiectione cuius defectus, in detrimentum honoris, siue sit defectus culpæ tantum, vt dicendo aliquem furem. &c. siue defectus pœnæ, aut defectus naturæ, vt dicendo fatuum, cæcum. &c. vel exprobrando beneficium tempore necessitatis collatum.

14. Est autem peccatum mortale. 1. si notabiliter lædit honorem, quamuis non esset intentio dehonorandi aliquem. 2. si proferatur in graui impetu iræ, iudicium rationis non omnino auferente, quia quanto maior exandescencia, tanto magis lædit alium prolata contumelia. 3. si valde

valde confunditur aut cruciatur is, qui afficitur tali contumelia. Vnde etiam illi, qui causa correctionis aliquid tale proferunt, discretè & moderate talibus verbis vti debent: quia potest esse ita graue conuitium per incautelam prolatum, quod auferet honorem eius, contra quem proferitur: & tunc esset peccatum mortale. *D. Th: 2. 2. q. 72. a. 2.* Similiter, si cum nimia amaritudine patientis talia dicerentur: præsertim quando procedunt ex vehementi furore. Non itaq; debent putare domini, parentes, prælati, magistri, patres & matres familias, sibi licere effutire, quicquid passio suaserit: obiurgationes enim superiorum, metas excedere non debent.

15. De blasphemia dictum est. Rixa verò potest esse tam verbis, quam factis. Et verbalis quidem est contentio seu altercatio aliquorum sibi contradicentium cum affectu & clamore. Hæc si sit cum obiectione defectuum, lædentium, notabiliter famam aut honorem, aut cū aliorum scandalo, erit mortalis. Realis autem rixa (ex Glossa allegata à *D. Th: 2.*



2. q. 41. ) est, quando aliqui ex ira inuicem se percutiunt: & idè dicitur priuatum bellum, vbi inuasor semper peccat, pro grauitate percussionis: Inuasus verò, si moderatè se defendit, neq; intendit deliberatè grauitè offendere inuadentem, non peccat mortaliter, sed aut nil, aut venialiter tantum, videlicet, quando se immiscet levis motus odij vel vindictæ, aut parum exceditur moderata defensio.

16. *Seditio, & factiones* sunt ex se peccata mortalia: quia sunt contra iustitiam & bonum commune, quod perturbatur per tales.

### ¶ De Gula.

1. *Gula*, est cibi & potus appetitus inordinatus: hoc est, non ordinatus, neq; necessarius ad corporis sustentationem, aut non obseruatis debitis circumstantijs.

2. Communiter est peccatum veniale, siue sit propter ciborum multitudinem siue propter nimiam, auidam, frequentem, acceleratamq; sumptionem.

3. Potest tamen contingere, vt sit mortale, ratione alicuius annexi. 1. Si

ira est

ira est deditus nimio cibo & potui, vt malit quomodocunq; peccare, quàm abstinerè.

2. Si ob pretiosum atq; lautum victum, reddat se impotentem ad soluendum debita, prouidendum domesticis, & graui necessitati proximi. 3. Si ob esum ac potum aduerteretur secuturum notabile nocumentum in corpore.

4. Si ob nimium potum voluntariumq; incideretur in ebrietatem, quæ sit cum priuatione iudicij. 5. Si ex tali excessu proximus valdè scandalizaretur: quod fieri posset ratione personæ perfectione profitentis, vt sunt Episcopi & Religiosi.

6. Si cibus sit contra naturam, qualis est caro humana, quamuis exigente aliqua infirmitate, vel graui necessitate, liceret vesci paratis, & iustè interfectis, tamen ad hunc finem occidere nullatenus liceret. 7. Si propterea aliquis se exponeret periculo peccandi mortaliter, siue per luxuriam, siue per rixas, percussiones, & alia: dummodò hæc prauiderit. 8. Qui diebus ieiunij aliter quàm concessum sit vel pluries comedit, aut etiam alijs ministrat vetita: nisi necessitas cui-

tas euidens, ciborum licitorum defectus, superioris uero coeſſio excuſet; aut etiam id fiat ad uitandum magnum aliquod incommodum, ut dictum eſt ſupra in § de Præceptis Eccleſiæ ¶ de ieiunio. 9. Si ex propinatione aut prouocatione ad nimium potum, aliquis inebriaretur. Hinc caupones miniſtrantes potum ei quem credunt inebriandum, peccant mortaliter. Neq; poſſunt lucrum reportare aut expectare ex peccato alterius, niſi ex denegatione potus, magnum eis periculum vel detrimentum immineret. Quod quidem excuſaret in aliquibus caſibus ueris, non tamen poſſet trahi in conſuetudinem, propter caſus, qui fingi vel ſperari poſſent.

4. Sciendum autem eſt, quod ebrietas eſt in potando uoluntarius exceſſus, cauſa uoluptatis, cum uolenta rationis priuatione. Huius declarationem uide in Leſſio lib: 4. cap: 3. Et Azor: 1.1. lib: 7. c. 2. 2. q. 5.

5. Porro peccatum in ebrietate culpabili commiſſa, ſi non fuerunt præuiſa, non ſunt noua peccata, ſed tantum aggrauant

grauant ebrietatem: eo quod dans operam rei illicitæ incidit in ea. Si autem fuerant affectata, aut aliquo modo præuiſa, ut quia expertus eſt quis ſe in talia incidere ob ebrietatem, non tantum aggrauant, ſed etiam tanquam diſtincta peccata imputantur.

6. Vomitus poſt ſuperfluum potum accideſ, non efficit ex ſe mortale, ſi alias uſus rationis non eſt amiſſus.

7. De quinq; filiabus gulæ, nihil ſpeciale occurrit dicendum: Nam quorum notitia ad confeſſionem eſt neceſſaria, alibi declarantur.

### J De Inuidia.

1. Inuidia, eſt dolor conceptus ex aliena proſperitate, ſeu: Eſt triſtitia de alieno bono, eo quod impedit aut diminuit, ſeu obſcurat inuidentis excellentiam.

2. Magni refert naturam inuidiæ plenè cognoscere, ideò hæc deſcriptio accuratè eſt declaranda. Sciendum eſt itaq; quod inuidia inter eos inuenitur, qui quaſi æquales reputantur: ideò quotieſcunq; æqualis excedit alterum, ille alter dolet, eo quod



eò quòd inferior viderur, & sua excellen-  
tia per bonum alterius minuitur. Secun-  
dò, sciendum est, quod bona hominis sūt,  
*Scientia, honor, fama, reputatio, diuitia, fauor,*  
*veneratio, dignitates, &c.* Tertiò scien-  
dum est,

3. Quod trīstari de bono alterius, po-  
test contingere propter septē respectus.  
Primò, quia sūt bona eius, cui malum  
optamus. Et hoc pertinet ad odium:  
quando enim alicui desideramus malum,  
displicet nobis bonum eius, cuius priua-  
tio est ipsius malum. Secundò, quia muis  
in se bona sint, tamen præbent habenti  
occasionem mali, vt insolentiæ & mul-  
torum scelerum, idè vellemus illos tali  
prosperitate carere, propter eorum bo-  
num spirituale. Et hoc spectat ad chari-  
tatem. Tertiò, Quia bonum alicuius est  
nocuum alijs, vtpotè, quia sūt scanda-  
losi, corruptores, oppressores, vt hære-  
siarchæ, Tyranni, Turcæ, Tartari, pro-  
pterea licitum est eis optare mortem, ne  
alios inficiant, vel malum inferant, quod  
est compassionis. Quartò, quia bonum  
illud ipsi dolenti est formidolosum, spe-  
ranti ex

ranti ex alicuius officio, dignitate, diui-  
tijs, sibi aliquid iniuste prouenturum;  
quod pertinet ad timorem. Quintò, quia  
illo bono est indignus. Et hoc pertinet  
ad nemefim, quam aliqui quandam indi-  
gnationem dicunt. Vide *Calet. Sum. V. Ne-  
mesis*. Vbi posset interuenire peccatum  
mortale, si accesserit Dei reprehensio,  
quasi malè distribuat. si non: erit ve-  
niale. Ex quo enim Deus ita vult, imanis  
est talis dolor. Quod si dolor sit de ini-  
ustitia in distributione per homines vio-  
lata, nullum peccatum erit, sed ad zelum  
pertinebit.

Sextò, vel aliquis contrīstatur de ali-  
eno bono, eò quòd ipse dolens eo caret;  
quod ad æmulationem spectat. Sed hic  
respectus vt intelligatur, sciendum est,  
quod illa bona, ob quorum absentiam  
trīstamur, aut sūt spiritualia, aut tem-  
poralia. Si spiritualia, & ad animæ salu-  
tem pertinentia, talis æmulatio est san-  
cta, vt quia video hominem pœnitentē,  
deuotum, religiosum, trīstor ex tali bo-  
no, non quia in illo est, sed quia in me  
non est. Quod si illa bona spiritualia  
sunt

sunt, sed ad salutem non necessaria, aut etiam sunt bona temporalia: tunc si sunt proportionata dolenti, licet tristari & desiderare, vt qui non habet eruditionem, aut congruam sustentationem, videns, æquales in hoc feliciores, tristatur, quia necessarijs caret, nō quòd alij habēt.

Si verò talia bona sunt improporcionata, & personæ dolentis minùs conuenientia, peccatum est in dolente, sed veniale; vt si mediocris fortunæ homò tristetur, eò quòd non sit Rex, Papa, Episcopus, nisi velit talia habere ad malum lethaleriter finem: tunc enim esset mortale, vel ad finem honestum, tunc nullum esset peccatum.

Septimò, potest quis tristari de bono alterius, quatenus illud bonum proximi, malum dolentis est; hoc est, redundat in aliquod eius gloriæ incommodum, vt dictum est. & hæc tristitia propriè est inuidia.

4. Inuidia verò ex se est peccatum mortale, nisi desit vsus rationis, vt in pueris: vel sit de re minima, vt in iunioribus aliquando contingit, qui solent socijs leui-

cijs leuiuscula inuidere: vel primus seu imperfectus motus, seu imperfecta rationis delibatio excuset. Sæpè enim in parte sensitiua, aut etiam in ipsa voluntate confurgit motus quidam subitus, & ferè naturalis, propter quem homo absq; plena animaduersione intellectus, tristatur de bono æqualis.

5. Inuidiæ germina sunt, Odium, susurratio, detractio, lætitia de aduersis proximi, Afflictio in prosperis eius. de odio dictum est iam

6. *Susurratio*, est manifestatio alicuius defectus facta alteri, per quam seritur maleuolentia in audiente, seu discordia inter eum, & alium.

7. Est peccatum mortale grauissimum ex se, quamuis sit absq; intentione lædendi amicitiam, nisi paruitas rei narratæ aut iocus excuset.

8. Gaudium in aduersis proximi, & cruciatus ex prosperitate, si tam bonum quàm malum sint alicuius momenti, & cum deliberato consensu fiant, sunt mortalia.

9. *Detractio* est denigratio, seu violatio alienæ



alienæ famæ per verba in occulto dicta: hoc est insinuatio alicuius defectus proximi, qui sit contra bonos mores, seu honestatem vitæ, ac proinde contra famam vel honorem eius, in absentia tamen illius. Nam si esset in præsentia, ad contumeliam quoque pertineret.

10. Est autem differentia inter obiectionem defectus in præsentia, (quod fit per contumeliam) & obiectionem in absentia vel occulto, (quod fit per detraktionem.) Nam interdum de absente dicere aliquid leue, vt puta, cum esse mentitum, non est mortale: in faciem autem ei dicere ex furore, *Mentiris*, esset mortale secundum conditionem personæ: quoniam in præsentia dictum, cedit in magnam confusionem eius & turbationem, non verò in occulto.

11. Sciendum autem est, quod non tantum detractio est, quando aliquod falsum confingitur, quod ad calumniam spectat, sed etiam quamuis verum sit, secretum, tamen est peccatum: Similiter quando verus defectus amplificatur, aut alterius factum sinistre torquetur, imò etiam

etiam (quod est indirectè detrahere) quando dotes aut rectè facta alicuius negantur vel extenuantur, aut tacentur, quando manifestari deberent, & silentium pro vituperatione acciperetur, aut frigide & simulate laudaretur, ita vt audientes hæsitent, vel nihil, quod laude dignum sit, existiment.

12. *Detractio* est peccatum mortale.

1. quando intenditur læsio famæ: tunc enim etiam si non succederet talis affectus, eò quod non adhibetur ei fides, vel quia vitium omnibus notum est, aut leue, nihilominus propter intentionem lædendi grauiter famam, est mortale.
2. Quando non est quidem animus denigrandi famam, forte se enim ex leuitate aut loquacitate id fit, sed tamen ob manifestationem talis criminis, de facto notabile detrimentum famæ aliquis patitur.
3. quando honesta persona valde confunditur, turbatur, & iniuria afficitur propter talem narrationem, dum modò non sit adeò morosa, vt leuissimum verbum eam offendar, quod communiter alij non curarent.
4. Si ob id magnum

damnum

damnum subiret, vel amicum amitteret: Tunc enim etiam si levis defectus sit narratus, ratione annexi damni notabilis, esset mortale.

Aggrauatur autem peccatum detractionis, si sit contra parentes, sacerdotes, superiores. &c. Vnde & in confessione exprimenda est hæc circumstantia. *Burgundus in prax: pœnit.*

13. Excusatur à mortali. 1. qui ex lingue lapsu, & impræmeditatè aliquid graue euulgaret: teneretur tamen ad restitutionem, sicut alij. 2. quando illud dictum est leuè, nec grauitè famam lædit. Quod idcirco additum est, quoniam potest esse in se leue, sed propter aliquas circumstantias, erit graue, & ideo notabiliter lædet famam. Vt, mentiri iocosè, est in se leue, sed propter circumstantiam temporis, potest grauitè lædere famam: vnde dicendo de aliquo, quòd sit mendax, per quod importatur ipsum solitum mentiri, & vitium in habitu seu vfu frequenti habere, peccatum est mortale. Similiter propter circumstantiam personæ. Nam si de persona in statu perfectionis

sefectionis existente, quædam leuia narrentur notabiliter reputationem minuentia, peccatum posset esse mortale: vt de Episcopo; aut Religioso, quòd sint commessatores, auari, iracundi, ambitiosi, sæminas sæpius alloquentes, vanitati dediti. 3. Quandoq; peccatum in se est mortale, sed in reputatione peccantis, quasi pro nihilo habetur: & tunc tale peccatum de eo dicere, non erit mortale, vt de milite quod prouocauerit ad duelum, aut seduxerit virginem, vel quod habeat concubinam. De iuvene quòd sit mundanus, dans operam amoribus. De aulico, quòd habuerit vel habeat morbum Gallicum. Quoniam enim tales non solent curare huiusmodi infamiam, & interdum gloriantur, quamuis non fecerint, ideo hæc narrans non peccat mortaliter. 4. Adhuc non est mortale) obloquendo dicere generalia peccata, quæ possunt intelligi tam de mortalibus, quam de venialibus, vt dicere aliquem esse superbum, auarum, iracundum, &c. quia talia potius important inclinationem naturalem ad extollentiam, iram, &c. quam



quàm peccatum mortale: nisi audientes intelligant superbiam aut iram lethalem: & nisi conditio personæ etiam talium peccatorum generalium nota grauius dehonestetur: vt qui dixerit de principe tam Ecclesiastico quàm seculari, quòd sit pertinax, cum eius notabili infamia. 5. Defectus manifestos tam infacti euidencia, quàm in iudicio propagare, non est regulariter mortale. vnde de conuictio, confesso, condemnato, referre delicta, pro quibus puniri debet, & quæ sunt nota toti ciuitati, vel dimidia parti regni, ciuitatis, vicinæ, non est mortale, si absit intentio infamandi, Sayro. Sed neq; est mortale, per literas vicinæ ciuitati, ad quam breui aut facili talis notitia perueniret, significare Quòd si locus distans esset, non liceret, præsertim, si emendatio est secuta. Sayro. Quæ tamen in vna tantum domo nota sint, ea diuulgare non licet. Lessius.

14. Excusantur quoq; ab omni peccato. 1. qui bono animo denunciat excessus alicuius, iudici, parentibus, magistro, patri familias. 2. qui reuelat eodem alicui

alicui ad obuiandum eius periculo, damno, vel infamiæ, infectioni: quia nemo habet ius conseruandi famam suam cum magno damno proximi. Vnde si tu scias (extra tamen Sacramentum pœnitentiæ) aliquem innocentem capite plectendum, debes prodere nocentem, si aliter innocentem nequeas liberare. Similiter, si scias in familia furem, nec prodesset monitio secreta, potes herum certiozem reddere, vt vel cautior sit, vel si nondum seruit, non acceptet ipsum. Pari modo, si flagitiosus velit religionē ingredi, Matrimonium contrahere, Ordines suscipere: potest qui scit eius inepititudinem bonā conscientiam significare. Et in hunc finem tantum inquirere defectus proximi licet, sicut & propter electionem, officium, &c. Vide Lessium, Nauar. Prax. Leonard. 3. ad consilium capiendum, vt euitetur aliquod malum, adhibita cautela, ne plus quàm necesse sit manifestetur, & secretum quantum fieri potest teneatur. 4. Parentes quoq; propterea licite loquuntur de defectibus liberorum suorum, secluso omni incommodo.

15. Pro maiori dilucidatione & intelligentia detractionis, annectentur alij casus. 1. Defectus ad intellectum, vel corpus, aut fortunam, vel originem spectantes, propalare, non est mortale, si sit absq; graui sublatione, aut irrisione, vt quod sit ignarus, indiscretus, podagricus, castratus, nascutus, strabo, gibolus, pauper, plebeius, Scythia, Turca, Iudæus baptisatus: nisi hinc aliquod damnum, vel impedimentum incurrat. Sunt tamen inter naturales defectus aliqui propius ad infamiam accedentes, vt esse illegitimum: quod si dicatur coram nescientibus, de persona optimæ conuersationis ac reputationis, aut etiam autoritatis, præsertim in quibusdam regionibus, vbi tales contemptui habere solent, profecto peccatum mortale esset. Et nihilo minus, qui equid sit de detractione: si tales defectus intellectus, corporis, fortunæ, & originis, præsentī obijcerentur ex furore, peccatum mortale esset: maxime qui grauius honorem lædunt, confundunt, nimioq; pudore & mæstitia afficiunt. vnde ad contumeliam spectant.

2. Dum

2. Dum scientes alicuius defectum grauem, aliquando licite secum de eo tractant, si ad bonum aliquem finem, talis sermo referatur: aliquando peccant venialiter, si ex leuitate ac curiositate id faciant: aliquando mortaliter, si aut congaudendo proximi malo, aut animo infamandi hoc fiat. 3. Reuelare alicui graui & bono viro in secretis, malum, occultum de proximo, omnino est peccatum, & sæpè mortale. Nam quamuis & hic vir secretus, nec alteri manifestaturus sit: pluris tamen æstimatur ab alijs, infamari, apud vnum talem, quàm ex vulgo apud plures. Idem tenendum est de amicis & coniugibus. Neq; enim licite vir vxori, & viceversa, narrabit secreta crimina proximi, per quæ læditur fama notabiliter. 4. Non excusat detractionem narratio dubia, vel relatio auditorum ab alijs, vt, si quis addat, se non asserere pro certo, aut se ab alijs audiuisse. Sunt enim quædam nefanda, quorum etiam suspicio cadens in personam honestam, valde contaminat vitam ipsius, & famam minuit. 5. Diffamatum

K 2

in vno



in vno genere peccati, vt puta, furti, non licet infamare in alio peccato secreto, vt puta homicidij. 6. Mortuis quoq; detrahere non licet: tum quia ipsi viuunt in memoria hominum: tum quia posteritas confusionem pati solet. Hinc neq; historici sunt immunes à peccato detracti-  
onis, si peccata occulta scribant. Publica tamen licet, bono zelo, ad aliorum ex-  
plum, vtilitatemq; communem; non ve-  
rò ex odio, inuidia, vindicta, aut animo infamandi: aliàs esset mortale etiam in manifestis. 7. *Detractio*, est dicere de aliqua religione, quòd in ea non est ob-  
seruantia, vel quod malè viuunt, &c. ni-  
si id aliàs esset manifestum. *Sayro lib: n. 6. 6. n. 20. & alij ibidem citati.*

Similiter, si aliquod scelus religiosi manifestaretur, quamuis persona non nominaretur, dummodò exprimat locus, aut specificetur religio, & in religi-  
onem vel Monasterium redundet infamia. 8. Iniuste diffamatus, licite obijcere poterit diffamatori crimen occultum ve-  
rum, non quoduis, sed per cuius manife-  
stationem detraheretur ei fides in dictis,  
vt, dicen-

vt, dicendo, ipsum solitum mentiri, esse periurum, calumniatorem, &c. *Less. Azor. Sayro. 9.* Hominem fingentem se Me-  
dicum peritum, Theologum doctum, quem scio esse ignarum, aut falsum doce-  
re, possum & debeo, quando id bono communi necessariū est, detegere. Quan-  
do autem hoc nemini nocet, vt, si pau-  
per fingeret se sanctum, & ideo sibi ele-  
mosynas compararet, quamuis eius oc-  
cultis peccata sciam, tacere debeo. Et  
idem de omni alio, qui in Rep: bonum  
nomen fraude, aut per falsas fictasq; vir-  
tutes, est assecutus. 10. Qui vitrò citroq;  
seipsum infamant, non mortaliter peccāt,  
sed venialiter: quia quilibet est dominus  
famæ suæ, nisi accedat scandalum, aut  
redunder infamia in communitatem vel  
posteritatem.

Qui etiam ob tormenta graui, se absq;  
periurio infamant mendaciter, veniali-  
ter quoq; non mortaliter peccant: quia  
in tali casu, mendacium est officiosum,  
& nemo tenetur tueri vitam cum tot do-  
loribus. Verum qui ob leues torturas si-  
bi falsa imponunt, peccant mortaliter,

& si ob suam falsam confessionem capite plectuntur, sunt sui homicidæ. *Less: lib: 2. c. 11. d. 7.*

16. *Restitutio fame* necessaria est ad salutem: quia aliter peccatum non dimittitur. Facienda autem est coram iisdem, qui detractionem audierunt, neq; insinuanda est læso, nisi ipse quoq; resciverit: tunc enim etiã ab eo venia petenda esset.

Et quoniam diffamatio potest esse de crimine, tam verò, quàm falso: idè non vnus modus est restitutionis fame. Nam si falsum crimen narratum sit, in restitutione fatendum est expresse, falsum se dixisse. Quòd si verum sit, tunc difficilius & varius est modus restituendi. Mihi talis placet, vt suppresso peccato, per aliquam occasionem, honesta mentio fiat de offenso, & virtutes, si quæ possent verè in eo inueniri, recenseantur, præsertim, quæ aliquo modo infamiam purgent, & bonam reputationem ingenerent. Et si in toto ex illa parte non possit resarciri fama, saltem ex altera recompenferor.

Verùm apud simplices, facilius restitueretur,

tueretur, dicendo: Quamuis dixerim de hoc talia, tamen pessimè feci. Neq; omnibus fides potest adhiberi quæ dicuntur, cum sepius falsus rumor, etiam contra honestos spargi soleat. Non est ita de eo sentiendum. Cauendum tamen est, ne in solertem incidas, apud quem talia dicere, esset detractionem confirmare.

17. Decem sunt, quæ à restitutione fame excusant. 1. Læsi condonatio, siue gratis, siue ob acceptum munus, nisi eius fama in alios redundet. 2. Si ambo se diffamauerint, vnde nolente vno compensare, alter non obligatur, donec & ille quoq; idipsum velit. 3. Si fama, alio modo iam est recuperata. 4. Si infamia creditur verè iam obliuioni esse tradita. 5. Si illud peccatum occultum per aliam viam est diuulgatum & publicatum. 6. Si restitutio est impossibilis, vt, quia nescitur, vbi sint illi, coram quibus diffamatio est facta. 7. Si non posset fieri absq; vitæ periculo. Si tamen ex detractione falsa, alicui periculum vitæ immineat, vel mala administratio Reipub. vel aliud grande malum, teneatur detractor cum-



vitzæ periculo reparare. 8. Si non possit fieri sine amissione famæ diffamatoris, qui est longè maioris conditionis, quàm diffamatus: vt si prælatus vel Illustris infamauit hominem vilis cōditionis. Tunc enim sufficit, vt illum laudet in eo genere virtutis, vbi infamauit: aut remissionem humanitate & muneribus pecuniarijs impetret. 9. Si credens esse verum & publicum narrauit, neq; posset salua sua reputatione aut fama recompensare. 10. Si nulla est infamia ex narratione secuta: aut quia omnibus vel auditoribus illud crimen erat notum, aut quia diffamatori non est fides adhibita.

18. Audiens detractorem, tunc peccat mortaliter. 1. Quando præbet causam detractori ad infamandum, teneaturq; ad restitutionem. 2. Quando laudat detractorem ob diffamationem. 3. Quando consentit detractori, vel delectatur detractone mortali, siue propter odium latens, vel expressum, siue ob curiositatem, aliamuè causam. 4. Qui cum sit tantæ autoritatis, vt possit detractorem reprimere, contradicendo, aut prohibendo,

hibendo, & non facit. Nam Superior, herus, paterfamilias, id ex officio & possunt & debent facere. Cæterum homo priuatus, tunc obligatur, resistere diffamatori, quando absq; suo magno incommodo id efficere potest.

19. Nihilominus si diffamator sit perditissimus, qui coercentem aut iniuriā afficeret, aut peior ex admonitione euaderet, dimittendus est. Eodem modo dicendum est de superiore, aut persona altioris conditionis, quam monere, difficile est subdito, aut famulo, nisi alicuius reputationis sit inferior, & cum magnis obseruationibus faciat.

20. Resistendo verò satis erit modeste monere, ne talia faciat: aut etiam prudenter diuertere sermonē ad alia: aut recedere ab eo: aut rugando faciem, demonstrare sibi ingratam esse detractionem.

### De Acedia.

1. Per Acediam ego intelligo negligentiam propriæ salutis, seu actionum piarum vel salutarium, ad salutem ordinatarum.

natarum. Nam Græcè *Κηδος*, Latine labor vel cura dicitur, vnde & *κηδία*, quasi absq; cura seu labore. Porro hæc negligentia importat hic habitum & consuetudinem non adhibendi curam circa salutem & pertinentiâ ad eam, hoc est circa finem & mediâ, per quâ obtinetur finis. Vnde tam generalis negligentia ex natura sua est peccatum mortale: quia affert præsentissimum periculum damnationis æternæ.

Et quoniam acedia varij variè (quod etiam obscuritatem parit) explicant, ideo curandum est nobis omnes expositiones ad filias reducere.

2. Septem filiæ acediæ assignantur: *Pigritia seu torpor*, *Tedium seu fastidium*, *Euagatio mentis*, *Pusillanimitas*, *Auersio à bono diuino*, *Exasperatio contra bonè monentes*, & *Desperatio*.

3. *Pigritia seu torpor* est, quando homo negligit & omittit facere, quæ ex præcepto tenetur, vt est, Communio Paschalis, annua Confessio, hora Ecclesiasticâ, Missa in festo. Et quamuis sit peccatum mortale, non tamen inducit circumstantiam

stantiam necessario confitendam: Sufficit enim fateri, id, quod est omissum, non addendo: hoc esse factum per acediam.

4. *Tedium* est, propter quod aliquis inchoans bonum opus, nauseat super illo, tanquam insuauis, & desererere proponit. Estq; mortale tunc tantum, quando ex debito erat perficiendum.

5. *Euagatio mentis* est, quando quis refugiens sancta, diuertit ad impertinentia, quæ in cogitatione sua versat, & deserens attentionem debitam, distractionem voluntariè admittit. Quæ quidem spontanea diuagatio in horis, & Missa, ex præcepto, pro magna parte illius diuini officij admissa, peccatum mortale est: & sic orans præcepto non satisfacit.

6. *Pusillanimitas* est, quæ homo nõ audee diuina consilia, quæ perfectionis sunt aggredi. Sed hæc ex se veniale peccatum est.

7. *Auersio à bono diuino*, quæ à D. Gregorio per Antomasiâ malitia dicitur, peccatum mortalissimum, quod secundum Theologorum declarationem constituit septimum peccatum inter capita-



lia, *Acedia*, dictum, & nos ad hanc filiam facilitatis causa reduximus.

*Explicatur autem sic:* Quod est tristitia aggrauans hominem propter bonum seu beneficium à Deo nobis exhibitum. Vt, si quis in tantum auersus & elongatus esset ab amore cælestis patris & patriæ, quòd audiens vel cogitans, statutum sibi à Deo, quod sit futurus ciuis Sactorum, & domesticus Dei, per gratiam & gloriam, tristaretur ac fastidiret, quasi nolens hoc esse: Aut displicerent ei bona spiritualia in se, vellentq; ea non habuisse: ac pœniteret eum benè fecisse, & quod tenebatur impleuisse: aut contemneret Dei beneficia, desiderando se non fuisse natum, non esse ad beatitudinem ordinatum, nò cognouisse Christum, detestaretur, quod sint ei prouisa ad beatitudinem media, vt Sacramenta, præcepta, doctrina fidei, virtutes Theologicæ, &c. Talis inquam completè esset auersus à bono diuino, & propriè secundum Theologos peccaret grauissimo peccato *acediæ*.

8. Rarò adeò perditit inuenirentur, qui id expressè cogitent, & vtinam non inueni-

inueni-

inueniantur. Inueniuntur tamen. Hùc enim spectant illi, qui propter nimium affectum ad res temporales, ac mundi huius immundi commoditates & voluptates, amisso gustu spiritualium, desiderant in mundo perpetui esse, non curantes cælestem patriam, eiusq; gaudia iucundissima, & interdum corde & ore beatitudini renuntiantes, præponentes hæc visibilia inuisibilibus.

9. Hinc colligi potest, vulgum nec benè nec propriè intelligere hoc peccatum *acediæ*, pro segnitie aut pigriria ad Dei obsequium: aut pro tristitia de ieiunio, incidente tali tempore, vel concione audienda in tali loco, oratione tali hora: & alio bono opere, in quantum est laboriosum, animo & corpori molestum, vel impeditiuum delectationum mundanarum: talis enim tristitia ex repugnanti sensualitatis suboritur, & regulariter etiam consensu rationis accedente, veniale peccatum est. Peccatum verò *acediæ* mortalissimum est, contra charitatem sui ipsius, quando aliquis tristatur de bono diuino, non quatenus est arduum

K 7

& diffi-



& difficile, sed quatenus ad nos pertinet, nobis est vtile, & nostrum beneficium, ducens ad finem, vel consistens in fine excellentissimo.

10. Exasperatio in benè monentes, quæ ab alijs *Rancor* dicitur, importat hic quandam animi commotionem contra benè monentes, & ad spiritualia inducentes quales sunt Concionatores, Confessarii, superiores, viri pii, parentes, &c. Est autem peccatum hoc veniale, nisi cum odio vel contemptu coniungatur.

11. *Desperatio* est, qua homo diffidit se salutem æternam consecuturum, & idèò quasi eam à se respuit. De hac paulò inferius.

### S VI.

De peccatis quinq; sensuum exteriorum nihil occurrit dicendum. Siquidem superius diuersis in locis enucleata sunt, præter peccatum per os factum, quod ex se veniale est, nisi ordinetur ad finem mortalem.

Itaq; dicemus aliquid de peccatis contra Spiritum sanctum.

1. Ex peccatis quæ diuersis virtutibus aduersan-

aduersantur, sunt quædam grauiora, quæ nuncupantur peccata contra Spiritum S. eò quòd specialiter militant contra honorem Spiritus sancti: Nam huic appropriatur bonitas, ex qua profluunt dona Dei in nos, & dicuntur effectus Spiritus sancti in nobis. Hæc autem dona Dei retrahunt nos à peccato. Igitur qui abutitur, aut contemnit ea, per quæ retrahi deberet à peccato, iniurius est specialiter Spiritui S. Et eatenus dicuntur peccata ex certa malitia, & peccata blasphemie contra Spiritum sanctum.

2. Talia peccata numerat lex: *Desperatio*, per quam abiicitur misericordia Dei, quæ potius peccatori speranda erat, & à per seuerantia in peccato retrahere debebat. 1. *Presumptio*, per quam rejicitur iustitia Dei, quæ timenda erat, utpote deterrens hominem à peccato.

*Impugnatio agnita veritatis*, per quam spernitur veræ fidei cognitio, docens peccatum deserendum.

*Inuidenta fraternæ gratiæ*, per quæ oppugnat communicatio diuinæ gratiæ in alijs

*Impenitentia*, per quam nihil æstimatur in-



tur inordinatio & turpido peccati, quæ abominabile reddit peccatum.

*Obsinatio*, per quam non perpenditur vilitas & breuitas voluptatis, aut commoditatis in peccato.

3. *Desperatio* inquam est, quando quis abiicit spem, de sui emendatione, peccatorum remissione, gratiæ & gloriæ consecutione. Estq; peccatum mortale grauissimum, nisi indeliberatio sola excuset: nam in eo paruitas materiæ non datur. Potest autem aliquando coniungi cum hæresi, aliquando absq; hæresi esse. Nam si quis exprimat saltem corde tale iudicium, quod Deus non potest sibi parcere aut non parceret, si se debito modo disposuerit: aut quod impossibile sit ei in hoc statu consequi gratiam & gloriam, reuera est contra fidem. Siquidem omnibus in Ecclesia per diuinam misericordiam est possibile, etiam criminosis, obtinere peccatorum remissionem atq; salutem. Absq; hæresi verò si quis tale & tam falsum iudicium de Dei potentia non faceret, sed secum ita deliberaret, Ego nunquam me disponam, nunquam be-

quam benè agam, nunquam mihi Deus parceret, ac proinde condemnabor. Quia ad simplicem, absque hæresi desperationem non est opus hoc iudicio. Deus mihi non potest parcere aut non parceret, si me debitè disposuero, sed satis est illud decretum vt dictum est. *Sanch: lib: Mor: 2. 33. n. 6.*

4. *Presumptio* est quædam immoderantia spei, quæ expectat quis, per virtutem & misericordiam Dei id quod secundum legem eius ordinariâ non est possibile: vt remissionem peccatorum absq; pœnitentia, aditus gloriâ sine meritis proprijs, aut solis viribus suis, absq; Dei gratia. Et potest coniungi cum hæresi, si quis ita crederet: & absq; hæresi, si ita quidem non iudicaret, sed ita gereret ac tenderet in æternâ beatitudinē suâ voluntate, ac si posset absq; operibus, aut illis solis, seclusa Dei gratia obtineri peccatū est mortale.

5. *Impugnatio agnitæ veritatis seu fidei*, tunc est, quando quis post propositos sibi sufficienter fidei articulos, ac intellectos, impugnat eos, volens persuadere illos esse falsos. Tales videntur esse Hæresiarchæ, & præ-

& prædicatores eorum, seu errores contra scientiam spargentes, defendentes falsam doctrinam in fide vel moribus, propter necessaria vitæ corporalis.

6. *Inuidia fraterna gratiæ*, dum quis tristatur ex hoc, quod gratia Dei crescit in mundo, vel multiplicatur in fratribus. Hinc si quis videns fratrem suum in Dei seruitio proficere, peccatores pœnitentiam agere, Euangelij prædicationem dilatarı, & numerum fidelium augeri, doleat super hoc: peccaret contra Spiritum sanctum, quasi contemnens interioris gratiæ auxilium, & non congaudens de bono progressu illius.

7. *Impœnitentia* hic non significat permanentiam in peccato vsq; ad mortem, sed importat propositum nō pœnitendi.

8. *Obstinatio* verò est firmitas, hoc est est firmum propositum, inhærendi peccato, propter aliquam delectationem vel vtilitatem, quamvis breuem, leuem, seu paruam, impediens maiora bona spiritualia.

9. Hæc peccata grauissima sunt, sed rara. Dicuntur autem irremissibilia, non quod

quod nullatenus remitti possint, sed quia difficile, & rarò dimittuntur, eo quod habeant in se repugnantiam ad remissionem, & Dei dona, quæ contemni videntur.

## § VII.

*De peccatis in cælum clamantibus.*

1. Cum quatuor sint peccata in cælum clamantia, *Homicidium voluntarium*, hoc est directè intentum, *Sodomia*, *Oppressio pauperum*, ac *merces operariorum defraudata*: Et de primis duobus satis dictum est, nunc de reliquis duobus breuiter dicetur.

2: *Oppressio pauperum*. nomine pauperis intelligitur, non tantum miserabilis persona, vt est aduena, vidua, pupillus, subditus, seruus, debitor, sed etiam quicumq; est inferioris conditionis; respectu excellentioris. Nomine verò oppressio- nis, intelligi debet afflictio, exacerbatio, contristatio, iniusta exactio, & quælibet læsio. Videant nobiles & potentes, si huius criminis non sunt rei. Reuera multi sunt vel maximè obnoxij, plebeios, rurales



rales nihili habentes, conculcantes, percutientes, vulnerantes, interficientes, spoliantes, & multas alias iniurias irrogantes. Insuper canes suos pluris facientes, quàm inferiores secundum externam faciem, quos tamen ex eadem massa, ex qua excellentiores creauit Altissimus, & Christus suo pretiosissimo sanguine redemit: quibus fortasse maius præmium præparauit in cœlis, his verò aut minus, aut æternum supplicium.

3. Propter hoc execrandum facinus (inquit Canisius) ciuitates & prouinciæ, in summum sæpè discrimen adducuntur.

4. Porro mercedem operariorum defraudare, est eam laboratori, eodem die non reddere, sed aut denegare, retinere, imminuere, aut falsam monetam supponere.

5. Est autem mortale peccatum: si merces reddenda, operario est valde necessaria, vel negata aut dilata cum magno eius incommodo, cum debitor possit absque maiori suo incommodo statim soluere.

## § VIII.

## De peccatis contra opera misericordiae.

1. Opera misericordiae sunt duplicia, Corporalia & Spiritalia. Vtraq; septem. Corporalia sunt, *pascere esurientem, potare sitientem, vestire nudum, itinerantem recolligere, visitare infirmum, redimere captiuum, & sepelire mortuum.* Vnde versus:

*Visito, poto, cibo, redimo, tego, colligo, condo.*

Spiritualia verò sunt, *docere ignorantem, consulere dubitanti, consolari tristem, corrigere peccantem, remittere offendentem, supportare defectus proximi onerosos, & pro omnibus orare.* Vnde versus:

*Consule, carpe, doce, solare, remitte, ser, ora.*

2. Ad hoc quòd ommissio actuum misericordiae sit mortalis, duo requiruntur.

1. Facultas seu posse ex parte facientis.

2. magna necessitas ex parte indigentis.

3. Nam constat inprimis neminem teneri ad faciendum eleemosynam, nisi de superfluo, hoc est, de eo quod super est alicui. Sed tale superfluum potest esse duplex, naturæ seu vitæ: & personæ seu status.

Superfluum naturæ dicitur id, quod aliquis habet ultra necessaria ad vitam suam & suorum sustentandam. Superfluum status est id, sine quo personæ dignitas seu decencia status convenienter transigi potest, habita ratione sui & suorum, nec tantum conditionis præsentis, verum etiam casuum futurorum, non qui possent accidere, sed qui verisimiliter euenient, & rationabiliter timentur, expectantur: imò habita ratione propositorum ad emendum dominium, & mutandum suum statum in alium maiorem, ad quem idoneus est.

4. Deinde triplex potest esse necessitas ex parte indigentis, Extrema vel quasi extrema, Grauis, & Communis. Extrema est respectu eorum, quæ requiruntur ad naturæ seu vitæ sustentationem, & tamen desunt.

Grauis est, respectu pertinentium ad conseruationem status. Communis necessitas est, respectu aliqualis difficultatis, non tamen magnæ in comparando sibi victum.

*Declarantur adhuc hæc melius.*

**Extrema**

Extrema necessitas est, non tantum tunc, quando aliquis ob defectum cibi, potus, vestitus, aut cuiuscunque auxilij moritur, aut iam efflat animam: fortè enim tunc nullum iuuabit remedium aut subsidium. Sed etiam tunc, quando imminet alicui tale periculum, in quod verisimiliter incidet, si ei non subuenietur. Et propterea hoc membrum à Doctoribus dicitur, extrema aut quasi extrema necessitas. Tales autem sunt, qui nec mendicare valent (fortè enim morbo aliquo detinentur in lecto) nec victum, labore suo querere possunt (fortè enim nullam industriam habent, nec artem, callent, aut viribus debiles sunt) neque possessiones aliquas obtinent, sed nec sperant.

Grauis necessitas similiter est, non tantum tunc, quando aliquis habet quidem vitæ necessaria, at patitur necessitatem eorum, quibus sui & suorum decens conditio conseruetur: Verum etiam quando aliquis excideret miserabiliter ex suo gradu, vel statu, & incurreret in grauem aliquam calamitatem, quæ solet homines con-



nes conficere ( vt est captiuitas, diuturnus ac horribilis carcer ) nisi ei succurratur.

Præterea grauis necessitas est, quando aliquis ita opprimitur debitis, vt non sit soluendo, & propterea versatur in periculo vitæ. Item, si aliquis ob inopiam est in periculo amittendi honorem aut pudorem, reuera graui necessitate premittitur, & charitatem S. Nicolai exigit.

Ordinaria seu communis necessitas est, vbi non deest quidem id quo vita sustentari posset, sed cum aliqua difficultate: Talis est pauperum ostiatim mendicantium, vel mendicatorum viuientium, qui quamuis indigent cibo, potu, ac vestitu, non tamē propterea de vita perciliantur: neq; grauem patiuntur necessitatem, eò quod non desint pij eleemosynam largientes.

5. Itaq; combinantes superflua habentis, cum necessitate indigentis, dicimus.

1. Indigenti extremè, aut quasi extremè, tenetur quilibet subuenire, non ex necessarijs vitæ suæ aut suorum; sed ex superfluis naturæ: ita vt etiam necessaria ad decenti-

decentiam sui status exponere sit obligatus. 2. Indigenti grauitè, tenetur quilibet ex superfluis statûs tribuere. Vnde & Medicus & Causidicus & Pharmacopola, & alij tenentur subuenire indigenti taliter, & non habenti, quo soluat. Sufficit tamen præsentì subuenire, nec exigitur, quod succurratur longè absenti, quamuis de alicuius etiam extrema necessitate constet. 3. In necessitatibus communibus dispensatio superfluum commissa est arbitrio vniuscuiusq;: videlicet, cui, quando, quantum iudicauerit, dummodò non prætermittatur ex toto. Peccarent autem diuites seu superflua habentes, si nullam vnquam eleemosynam ullis pauperibus tribuant in his ordinarijs necessitatibus. Quamuis enim leuis necessitas eorum sit, non tamen est leue, omnem eleemosynam denegare, nulli subuenire. Quod si non omnibus occurrentibus, vel modicam dant, excusantur à mortali. *D. Th: quodl: 8. q. 6. a. 12. Azor, Val. & alij.*

6. Personæ Ecclesiasticæ habentes beneficia, arctius quàm sæculares obligantur

gantur ad dandam eleemosynam: tum quia sunt in statu perfectiori, ac proinde magis charitati adstricti: tum quia in statu remotiori à tot necessitatibus, siquidem non habent uxores, filios aut filias, victus quoque ac vestitus requirit modestiam secundum Conc. Trid. Tum quia sunt velut pauperum parentes: Tum quia piorum fundatorum talis videtur fuisse intentio, saltem implicita & secundaria. Tum quia per Ecclesiam ista bona Ecclesiastica sunt onerata & obligata, ad erogandum pauperibus, ea quæ supersunt honestæ sustentationi Clerici, & prouisioni pro casibus euenturis.

7. Dare eleemosynam, soli illi possunt, qui habent proprium (vnde religiosi non possunt) & rerum liberam dispensationem. Vnde uxor non potest dare de bonis mariti, filius de bonis patris, famulus de bonis heri, nisi habeant aliquid proprium, non subditum illi: ut uxor ex acquisitis sua industria, opera & labore, vel donatis ab aliquo: vel de licentia mariti: vel si hic profectus est peregrè: vel si sit amens, aut in bonum eius ad impetrandum

trandum ei à Deo auxilium: vel si est valde tenax & negligens in eleemosynis dandis, cum sit alias diues. Vnde commendatur Abigail, quæ dedit victualia Dauid in necessitate constituto, viro suo nesciente. Si uxori maritus determinauit certam summam quotannis, potest illa parcius viuendo, dare eleemosynam ex his quæ supererunt. Potest etiam modicam facere eleemosynam de re communis marito & sibi, propter qualem non incidet in inopiam, scilicet, parum panis, vini, olei, salis. Insuper, si mos patriæ habet, quod uxores id faciant: Aut insperem rationabilis: Omnis enim pro sua conditione præsumitur indulgere filio minutiones sumptus, & multò magis uxori. Lege *Bannes 2. 2. q. 32. a. 8.* ubi docet, uxores posse eleemosynas communes facere, in quibus nihil damnificatur familia. Similiter filij, si habeant aliquid diuisum à bonis patris, siue per donationem ab aliquo, absque intuitu patris, siue propter aliquod officium, obsequium, industriam, & parsimoniâ propriam. Serui quoque ex eo quod sibi subtrahunt parèc viuendo,



Quòd si fuerint dispensatores, intentioni domini debent se accommodare, quam ex moribus illius assequi possunt. Raro tamen (absq; expressa commissione) & modicum quid, pauperibus dare possunt, vt puta, frustulum panis, casei: dummodo hoc ordinariè non faciant.

8. De infirmo & incarcerato visitando, itinerate excipiendo, mortuo sepeliendo, siue per associationem funeris, siue per executionem actus per alium, vel in casu per se, nihil aliud occurrit dicere, nisi quod in graui proximi necessitate, ista omittere, est mortale: vt puta, si cadauer in publico expositum in periculo esset, ne à bestiis deuoretur, aut dilaceretur. Citra talem autem necessitatē, à talibus pijs operibus abstinere, vel abhorrere, videlicet, nullū vnquam sine rationabili causa hospitari velle, ad nullū vnquam funus accedere, periculosū crediderim, quamuis non ausim asserere, esse mortale. Deinde illud omnes meminisse debent, quod S. August: *Ser: 45.* ad fratres in Eremito dicit: *Non memini me legisse, aliquem malè mortuum fuisse, qui viuens opera pietatis benè exercuerit.*

9. Actus

9. Actus quoq; eleemosynæ spiritualis, tūc obligat sub mortali, quādo quis potest facere, & proximus valde indiget: Specialiter tamen de correctione fraterna, & de remissione iniuriæ dicēdū est aliquid.

10. Toto cælo errāt, qui credunt, correctionem fraternā ad solos prælatos pertinere. Contrarium enim docet S. *Th: 1. 2. q. 33. a. 3.* Ad hanc igitur faciendā omnes tenentur adeo, vt sit de iure naturæ & diuino. *Matt: 18.* Et de iure Ecclesiastico, quod D. *Th.* allegat in argumento. Sed contr.

11. Itaq; quinque conditiones requiruntur ad hoc, quod quis teneatur sub mortali corrigere. 1. Ex parte materiæ, Quod sit peccatum mortale, aut veniale periculosum siue peccanti, siue proximo; quod nondum sit emendatum aut relictum, sed in futurum propendens: hoc est quod creditur continuandum. 2. Ex parte corripientis, requiritur certa notitia, neq; enim sufficit suspicio vel dubitatio, ne fortè proximus temerè confundatur. 3. Ex parte peccantis indigentia, siue propter ignorantiam, aut naturalem inaduertentiam, siue propter propositum ite-

L 3

tum ite-

tum iterandi, & non putatur ab aliquo alio corrigendus. 4. Ex parte finis, qui est emendatio fratris, quæ si non speraretur, frustra correctio adhiberetur. Ad opus autem vanum, obligatur nemo. Et multò minus obligaretur, qui crederet peccatorem peiorem euasurum, aut agrè admonitionem laturum. Non tamen facile debet homo de proximi emendatione sibi malè persuadere: cum sæpiùs experiamur emendatos, de quibus nihil minùs sperabamus. 5. Ex parte opportunitatis, siue temporis, siue loci, siue personarū, ut si tunc peccator excanduit, nihil efficeret monitio, si in aliorū præsentia magis exacerbaretur aut cōfunderetur, differenda est monitio: vel si expectaretur alia persona magis idonea ad hoc officiū. &c.

12. Qui læsit, tenetur prima occasione procurare reconciliationem, quia hoc præcipitur. *Matt. 8. Si offers munus tuum &c.* Læsus verò tenetur offendentis petitionem admittere, iniuriam remittere, benignum se præbere, pacemq; cum eo componere. Porro signa proxima rancoris, qualia sunt, diuertere ab obuiante, toruo

oculo aspicere, non respondere, nunquā loqui velle, etiam antequam rogatus sit, illicitum est ei exterius demonstrare, si-cut & odium, appetitumq; vindictæ in his vnquam admittere: Satisfactionem verò pro damno, & famæ restitutionem, etiam post veniæ petitionem remittere non tenetur.

Et quoniam ex illata iniuria sex nasci solent. 1. in persona læsa, offensa, & quasi vulnus internum, quo amicitia violatur. 2. tristitia de vulnere accepto, seu mæror vel amaritudo. 3. alienatio animi. 4. in corde titillatio odij seu vindictæ. 5. in facie subtractio signorum beneuolentiæ, & signa rancoris. 6. In foro exteriori, actio seu accusatio de iniuria illata. Tria prima non tenetur remittere, nisi rogatus: quarto tenetur nunquam, consentire: vltimum, etiam rogatus non tenetur dimittere. Porro signa beneuolentiæ communia, quæ cunctis debentur, aut communiter exhiberi solent, tenetur demonstrare: ut est serenitas & non rugatus vultus, aspectus rectus non toruus, sermo pacificus, non ira-



cundus. &c. quamvis specialis amicitiae signa, quae non praefereunt rancorem, exhibere non nisi in praeparatione animi tenetur, cum videlicet necessitas exposculauerit, ut sunt familiaritas, beneficia conferre, auxiliari. &c. verum in communitatibus difficile est denegare etiam specialia signa: absque aliorum animaduersione & scandalo, & proinde peccato.

13. Quando duo inuicem se laeserunt, & utrinque est aequalis iniuria, ac utriusque par conditio, qui prius offendit, petere veniam debet. Quod si iniuria posterius illata fuerit grauior, secundus offendens praeuire debet alterum, quamvis illi prior occasionem offensionis praebuerit: sicut licet iniuria sit aequalis, tamen qui prius laesit & prouocauit, si est longè maioris conditionis, tenetur secundus, qui inferior est, veniam petere.

14. In occurso laesus salutatus ab eo qui laesit, tenetur resalutare seu respondere; praeuire tamen non obligatur, nisi ratione scandali, si inde sequeretur: aut ratione conditionis personae quae laesit, ut quia est princeps, praelatus, vir primarius,

marius, & laesus est inferior, solitus salutatione praeuire.

Præterea, si tali prauectione, laedentis animus placaretur, & ad meliorem frugem se reciperet: cum alias sit obstinatus, & mori in prauo affectu, vel diu perseuerare in eo, sit paratus. Tunc enim ad lucrandum fratrem, absque graui tuo incommodo obligaris.

15. Secluso scandalo aliorum, ipsius quoque laedentis, ut potè prudentis, sententisque se grauius excessisse contra proximum, denegare signa amicitiae specialia, aut etiam ipsam sermocinationem, semel aut bis, non erit mortale; esset autem, si hoc frequenter fieret. *Roder. c. 17. n. 2.*

16. Ea quae debentur speciali aliquo titulo, scilicet, superioritatis, viciniae, conuictus, doctrinae, senectutis, debent exhiberi, non obstante inimicitia: ut superiori inimico, fratri, concui, patri, filio, ea officia praestanda, quae communiter talibus solita sunt exhiberi. Fundamentum est: Quia concordia & pax tantoperè à Christo commendata, in quacunque communitate, est apprimè necessa-

ria, quæ nullatenus consistere posset, si propter quascunq; offensiones, auersio animorum fieret.

17. Quamuis autem parentes, superiores, & magistri, possint propter correctionem filiorum, aut etiam pœnam, exemplumq; aliorum, per breue tempus proportionaliter, secundum exigentiam delicti subtrahere benevolentiam & sermocinationem suam ab eis, sicut & Dauid fecit. 2. Reg: 14. non tamen ad longũ tempus, & plus quàm exigit mensura delicti: neq; si hinc oriatur scandalum; videretur enim hoc procedere ab animo nimis irato, & non ordinato ad pœnam filij pro eius emendatione. Vnde tales nisi talia deponant, non sunt absoluedi. Superiores quoq; non existiment licere sibi odio habere subditos delinquentes, & pœnas tantum extendere, quantum eis placuerit, ex magnaq; seueritate multo spatio temporis eos nõ alloqui, aut in infirmitate, vel infortunio non visitare, ita vt aliqui faciliẽ intelligant, ipsorum contra subditos odium. peccant enim sic facientes mortaliter, neque absolui possunt,

possunt, nisi talem affectum mortificent.

18. Si lædens statim post illatam iniuriam veniam petat, tunc læsus non cogitur statim veniam illi dare. Azor. Quia vulnera recentia, non statim sanantur. Et difficile est ferẽq; violentum, statim. noxam lædenti remittere, ac durũ esset, ad id obligari, cum nondum sic animi perturbatio sedata: recens quoq; iniuria & vulnus acceptum pungit. Quinimò, si maiora & plura inde mala probabiliter timeantur oritura, veniam dare non tenetur. Dummodò nullum in corde rancorem foueat, neq; vindictam expetat, quæ vt dictum est, etiam antequam rogetur, non concipere obligatur. Semper etiam quantum fieri potest, in omni casu, scandali ratio habenda est.

19. Pro quiete piarum mentium sciendum est, quod in sensualitate remanent quædam reliquæ, quæ esse possunt semina odij, ita vt conspecto aut memorato inimico, renouetur dolor ob iniuriam illatam, insurguntq; passionες aut tentationes vindictæ: imò & voluntas his passionibus obnubilata, nonnihil sentit



& finit se flecti: nihilominus, si non pro-  
greditur ulterius, scilicet ad malum alte-  
ri, ea de causa optandum deliberatè &  
pleno consensu, à mortali excusatur.  
Imò si secluso omni scandalo, debitæ  
benevolentia denegetur lædenti, ex qua-  
dam animi alienatione, non verò ex gra-  
ui odio, quo ei optetur aliquod graue  
malum, non statim iudicandum est, de  
peccato mortali: sicut neq; odium circa  
minimū malum est mortale. Nihilomi-  
nūs talia sunt vitanda, quia sunt pericu-  
losa, & scandalosa, saltem ipsimet læ-  
denti.

20. Confessarij quoq; non facilè cre-  
dere debent pœnitentibus, asserentibus  
se odium non retinere, quamvis talia si-  
gna specialia subtrahant: sed debent di-  
ligenter examinare & scrutari conscien-  
tiam, vt possint cognoscere distinctè sta-  
tum illius, & deprehendere odium mor-  
tale, aut leue. Sanè in superioribus, &  
parentibus, facilius admitti posset talis  
asseueratio, in priuatis difficilè.

21. Si notorium sit, quod neuter ve-  
lit reconciliationem inire; hic eam pro-  
curando

curando sincerè, & ex animo dolendo,  
quod offenderit, alter non remittendo;  
ab Ecclesiæ Sacramentis, tanquam pu-  
blici peccatores sunt repellendi. Imò e-  
tiam si id non sit manifestum multis, Cō-  
fessor tamen eos absolueri non debet;  
ambo enim contra præceptum Christi  
faciunt. Ille quidem contra præceptum  
de petendo. Matth: 5. *Si offers munus tu-  
um ante altare. &c.* Iste verò contra il-  
lud. Luc: 17. *Si reuersus fuerit ad te dicens,  
pœnitet me, dimitte illi.* Et ambo in pecca-  
to mortali perseverant. Neq; verè dice-  
re possunt, se nullum intus gerere odi-  
um: talis enim dispositio illius indicium  
est. Et dato, quod odium actu non ha-  
beant, periculo tamen illius se exponunt,  
dum prauum affectum, qui scintilla se-  
minariumq; illius est, fouent. Et præ-  
terea res hæc, scandali magni occasio est.

22. Quando inter aliquos ex neutra  
parte, in veritate, est inimicitia, sed quia  
præcessit odium vel offensa, neuter se  
vult flectere, vt loquatur alteri: Aut al-  
ter tantum recusat alteri loqui: neutri  
debet negari absolutio, si huic facto ni-

hil aliud coniungatur: quia neuter facit contra præceptum charitatis, cum homo non teneatur ad allocutionē & alia particularia beneuolentiæ signa, respectu omnium hominum, nisi secundum animi præparationem casu necessitatis: Verum si adsit scandalum, tenentur sub mortali se alloqui, quantum necesse est, ad demonstrandum libertatem animi ab omni malo affectu.

23. Iniuriarum actionem in iudicio prosequi licet, bona intentione, ob commune bonum, exemplum cæterorum, emendationem proximi, securitatem proximorum. &c. sed non prauo affectu, ad exsatiandum animum, vel vlciscendum: alioquin talis non esset absol- uendus.

*Speculum Particulare, secundum condi-  
tionum diuersitatem.*

1. Ecclesiastici examinent se, si & quatenus necessarium est, de ordinum susce-  
ptione, secundum Ecclesiæ statuta.

*De horarum recitatione.*

*De modo, quo adepti sunt beneficia.*

*De resi-*

*De residentia in beneficio.*

*De diligentia in instructione, & Sacramento-  
rum administratione.*

*De competenti eruditione ad tale munus.*

*De beneficiorū pluralitate.* si enim absq; necessitate sit & legitima dispensatione, requirente iustam causam, quæ debet redundare in vtilitatem Ecclesiarum, non esset tuta.

*De prouentibus,* si ex eis prouidet (vt debet) consanguineis, non vt ditiores fiant, sed vt non egeant, vt docet. D. Th: Si ea quæ suæ & suorum necessitati supersunt, pauperibus erogat. Si bonis, eruditis, ac peritis Coadiutoribus vititur, præsertim ad Sacramentum pœnitentiæ: ignaros enim ac ineptos retinere, periculum ac piaculum est. Si negotiationi ex professio incumbit, vel rebus sæcularibus se imiscet. Si comestationibus, ludis, ac ho-  
reis, quæ non sine scandalo sunt, ope-  
ram dat: præsertim, cum sit in maiori-  
bus ordinibus, aut beneficiarius.

Plura in alijs libris, & in proprijs con-  
scientijs Ecclesiastici, vt potè iudicioſi  
intelligere poterunt. Vide Nauar: & alios.

Huc re-



Huc reduci possunt, habentes ius patronatus, qui solent interdum indignis conferre, aliquando simoniace, pacto aliquo interueniente: & nonnunquam in damnum Ecclesiæ: videlicet, ut bona Ecclesiastica usurpata non recuperentur, vel decima manipularis non exigatur, aut non integrè soluatur.

2. Religiosi, de observatione suorum votorum obedientie, castitatis, & paupertatis. Et quoniam paupertas, quæ fundamentum religionis est, sæpius violari solet, ideo debent perpendere

An retineant contra statum suum, superflua, & curiosa.

An more sæculari viuant, ac disponant bona, tanquam si essent domini eorum.

An prauos mores introducant cum aliorum scandalo.

An aliquid recipiant, teneant, alienentq; sine licentia superiorum.

An prouentus aliquos annuos habeant, contra Conc: Trident.

An in visitationibus omnia manifestent, quæ debent.

An in

An in electionibus, practicis vsi sint.

An conspirationes factionesue secuti sint.

3. Nobiles, de decimarum fidei solutione, aut fundi Ecclesiastici occupatione.

De subditorum aggrauatione, vel etiam oppressione, quo ad labores, census, itinera, emptiones cariores, & aliquando grani immundi & corrupti.

De vectigalium defraudatione, sub prætextu necessitatum propriarum, emendo, re ipsa verò negociando.

De comessationibus, ebrietatibus, iniurijs illatis inferioribus, æqualibus, vel etiam superioribus.

De usurpatione fundi alieni.

De laboribus die festo.

De itineris aggrèssione, non prius Mis-  
sa audita, à se, & familia, seu comita-  
tu toto. Constitutio pœnarum pecunia-  
riarum propter priuatum commodum.

4. Milites, de rapinis, furtis, extorsio-  
nibus, stupris, adulterijs, violentijs,  
percussionibus, homicidijs, crudelita-  
tibus, ebrietatibus, de stationibus coa-  
ctis, &

ctis, & nullo iure debitis. De acceptis muneribus ab his qui redimendo vexationem, obtulerunt. De iniusto bello. De duellis.

5. *Cives* & in communitate habitantes. De inuidijs, odijs, detractionibus, suffurationibus.

6. *Mercatores*, de fraude in materia, pondere, mensura, pretio, & moneta adulterina. De periurijs. De monopolis, videlicet, an inter se conuenerint de rebus non vendendis, aut emendis iusto pretio, sed pro suo libito in damnum proximorum, præter superiorum auctoritatem, & non consideratis circumstantijs mercium, scilicet copia vel inopia: imò aliquando coemptis omnibus mercibus abscondunt, ut appareat inopia, & pretium augeatur.

De negotiatione die festo, Missa non auditâ, aut contra præceptum, vel cum scandalo.

De usuris palliatis, quales sunt venditiones supra iustum pretium etiam rigorosum, ob expectatam solutionem; & emptiones minoris multò, quàm exigat rei va-

rei valor etiam infimus, ob solutionis in præsentem numerationem. De qua relege *Less: iust: lib. 2. cap. 21. dub: 7.* Famuli quoque mercatorum videant, si in his non sunt coöperati, quia peccarent: & aliquando ipsi quoque tenerentur ad restitutionem.

7. *Medici*, si absq; sufficienti eruditione proxim aggrediuntur cum periculo proximi. Si peccatum propter sanitatem consulunt. Si ad Sacramentorum usum, & testamenti confectionem, moribundum non inducunt. Si absq; iusta causa ieiunium Ecclesiæ relaxant. Si pauperem in graui necessitate constitutum curare nolunt. Si primas partes sibi vendicare illicitis modis quærunt, videlicet alijs detrahendo.

8. *Pharmacopole*, si materias corruptas, aut alias præter ordinatas à medico ponunt vel mutant. Si res plus quàm valeant, cum notabili excessu vendunt.

9. *Chirurgi* seipsos explorent, an debitam peritiam in sua arte habeant. An supra professionem suam aliquos curare præsumserint, cum notabili detrimento sani-



to sanitatis, vt puta, ingredientes se medicationi Physicæ. An in medicando fraudem aliquam fecerint, lucri causa, aut cum præiudicio alicuius.

10. *Testamentorum Executores & Tutores.*

De redditione statim facienda eorum, quæ sunt alicui legata, debita, & secundum vltimam voluntatem mortui destinata

De educatione puerillorum ac pupillorum.

De autione bonorum pupillarium, pro virili, non tamen per contractus usurarios: si quidem usuram committere etiam pro redemptione captiuorum non licet.

De fidelitate in dispensando, & integritate in reddendo residui.

11. *Xenodochiorum præfecti, seu hospitalarij.*

De prouentibus in utilitatem duntaxat loci & pauperum conuertendis, & non aliter, nisi fortè ratione suorum laborum, propter quos aliquod detrimentum subirent, ex illis quotam sibi debitam lege, vel consuetudine approbatam, vel in-

vel intentione fundatoris munitam, detrahere licitè possint.

De diligentia circa ædificia, victum, amictumq; pauperum, & recuperationem bonorum iniuste detentorum.

12. *Artifices.* Si fideliter ac diligenter in arte sua & labore segeßerunt. Si materias sibi traditas, & relictas, patronis earum non reddiderunt, sed in notabili quantitate sibi reliquerunt. Si muratores aut fabri lignarij, Iudeorum synagogas hæreticorum ac schismaticorum sana, (quod non licet) ædificauerunt, aut resece-  
runt. Et multò magis, si idola sculperunt.

13. *Iudices.* Si iura, secundum quæ procedere debent, norunt. vel saltem pios, & peritos consulunt. An aliquid propter fauorem, munera, vel odium, contra iustitiam commiserunt: vel non, secundum iusti iuris dispositionem in causis processerunt.

Si dilationes non debitas admiserunt cum damno proximi: Vel etiam iudicare (cum deberent, & possent) renuerunt. Si reum, parte contradicente, liberum pronuntiauerunt. Si de complicibus, quando

quando non potuerunt licite, interrogauerunt. Nam in criminibus priuatis non licet interrogare, vt in simplici furto, homicidio, adulterio, sed tantum in peccatis contra bonum commune, vt est prodictio, hæresis, conspiratio in necem principis, falsificatio monetæ, maleficium, Jatrocinium, quæ bonum commune destruant, idq; tunc, quando indicia, vel fama, aut semiplena probatio, complures adfuisse innuit. Eodem modo, si iudex interrogat, de quibus iuridicè interrogare non potest. Si dona suscepit. Quamuis enim comestibilia & potabilia moderata, ex mera liberalitate donantis oblata suscipere valeat: tutius tamen est, neq; talia acceptare, vt liberius possit in iudicando procedere. Si poenam statuto apposuit principaliter propter suam utilitatem. Si testes minus idoneos admisit. Si innocentem condemnauit, vel etiam nocentem, sed sine sufficiente probatione, aut inauditum vel indefensum. Si delicta lege diuinâ vel naturali damnata, sine iusta causa condonauit. Si lites, aut debitorum solutiones, absq; legitima

gitima causa suspendit. Si erga peregrinos, viduas, pupillos, & alias miserabiles personas, inhumaniter processit, videlicet, non prouidendo eis patronum, aut causam quamprimùm non expediendo, cum notabili detrimento earum. Si processit contra aliquem per viam inquisitionis, absq; præcedenti infamia de eo, vel indicijs, aut semiplena probatione. Si damnato ad mortem, non concessit tempus suscipiendi Sacramentum pœnitentiæ & Eucharistiæ: cum potius ad hoc inducere debuisset. Si reum quæstionibus subiecit, absq; semiplena probatione, aut crudeliter præter iuris dispositionem, torqueri iussit.

14. *Causidici*, seu procuratores. Si absq; sufficienti eruditione, munus tale susceperunt cum iactura proximi. Si causam iniustam susceperunt quocunq; respectu, etiam si non habuerint intentionem vincendi: si quis in principio nesciens conditionem causæ, & in prosecutione iniustam deprehendens, partem non admonuit, vt desisteret à progressu ulteriori: quamuis aduersario id indicare non de-



non debeat, neq; alijs præter suum patronum. Quod si causa dubia fuerit, & pars de hoc certior facta voluerit, poterit continuare. Si in sua procuratione, cū notabili partis damno negligens fuit, cū obligatione restituendi. Si aduersario secreta suæ partis, alteri verò vitia detexit. Si causam pauperis constituti in graui necessitate sui auxiliij, vel oppressi, aut iniuste tractati, suscipere noluit, siue ob defectum solutionis, siue propter quemcunq; alium respectum. Si fraudulenter in iudicio se gessit, falsa scilicet allegando, vel inferendo, & vera supprimendo. &c. propter quod causam perdidit, qui iustam habuit. Si dilationes superfluas atq; iniurias extorsit. Si stipendiū pro patrocinio maius quam par erat exegit. Si conuentionem fecit de stipendio in medio cursu causæ; vel de quota parte litis, puta dimidia vel tertia; aut paciscatur, vt post victoriam, tanta summa soluatur. Est enim suspicio & occasio volendi vincere per fas & nefas. Est autem Iuristis, Litigatoribus, & alijs habentibus intricatos casus, animaduertend-

uertendum vt ipsi secum extra confessionem, rationem ineant, aut consilium piorum ac peritorum adhibeant, adprehendendā aliquam iniustitiā in suis actibus: & ita in confessione breuiter se expedire possunt, non recensendo omnes iuris progressus historicē ac proinde superflue: dummodò sincerē ante Deum pro salute animæ suæ id faciant, & amici, absq; blanditijs liberē veritatem illis manifestent.

15. *Notarij*, si confecerunt aliquod instrumentum vsurarium. Si dolum aliquem in scribendo fecerunt. Si quis rogatus recusauit tradere instrumentum, cū deberet. Si partem imperitam renunciaturam alicui iuri, non instruxit. Si pauperibus eò quod non essent soluendo, scripturas conficere, vel confectas tradere, (vnde passi sunt notabile damnum), renuerunt. Si habentes publicum stipendium, aut à lege taxatū, maius accepit, etiā à sponte offerentibus. Si instrumentū die festo absq; aliqua necessitate confecit. Similiter, si confecit ad instantiam, carentis iudicio, cum obligatio-

M resti-

ne restituendi successori legitimo.

16. *Testes.* Si se absentarunt aut absconderunt, aut aliquid finxerunt, ne testificentur. Scire enim hi debent, quod interdum non vocati, tenentur se offerre in testes, quando id necessarium esse sciunt, ad impediendum aliquod damnum notabile, tam publicum, quam priuatum: Aut quando animaduertunt aliquem esse in graui necessitate sui testimonij. Si sciens per consultationem (vr aduocati, medici, consiliarij) aliquod peccatum secretum, & detegit illud, cum cognitio eius non sit necessaria ad mala notabilia ac damna impedienda. Si accepit aliquid, vt verè testetur, cum obligatione restituendi. Si quis sciens, iudici aut superiori præcipienti, non denunciavit, talia crimina notoria, famosa, nisi sint valde occulta, nemini in posterum nocitura: aut peccator sit emēdatus, vel sola correctione fraterna monitus, se emēdauerit: Nam si adhuc penderent in futurum, deberent manifestari; sicut & in visitationibus.

17. Accusatores possunt peccare, tam  
omitten-

omittendo, quando accusare necesse est, (vt cū excessus cedunt in magnum damnum spirituale, aut temporale, & per fraternam correctionem non cessabunt;) quàm committendo, vt si falsum obijciant.

18. *Rei seu accusati.* Si non confitentur crimen, quamuis cum periculo mortis, quando interrogantur à competenti iudice, secundum ordinem iuris, videlicet, quando delictum est notorium, famosum, aut semiprobatum: quod accidit, quando præter accusatorem adest vnus testis oculatus, & omni ex parte fide dignus, ita vt nihil ei obijci possit: aut vnum indicium vel plura æquipollentia semiplenæ probationi. Vnde & Confessores in confessione debent eos ad veritatem fatendum inducere, nec absolueri proponentes non fateri.

19. *Simples.* Si sciunt necessaria ad salutem, tam credenda, quæ sunt in Symbolo Apostolorum, quàm speranda, quæ sunt in Oratione Dominica: quàm implenda, quæ sunt in præceptis Dei & Ecclesiæ, quàm quæ sunt vitanda, vt peccata capi-



alia, & alia. Item suscipienda, vt sunt Sacramenta.

Multi enim sunt, etiam seniculi & vetulae, quæ nec signare se signo S. Crucis, imò neq; quid Dei nomine intelligatur, sciunt: Aliqui enim existimant B. V. alij S. Annam tertiam esse diuinam Trinitatē. Tales instruendi sunt de his & alijs, in concionibus quidem regulariter, sed tamen etiam in confessionibus specialiter.

20. *Diuites*, de iniqua acquisitione possessionum, pecuniarum.

De v. furis apertis & palliatis.

De largitione elemosynarum, præsertim in necessitate.

De cura salutis, aut incuria.

An malint omittere temporalia propter æterna, vel contrā.

21. *Rustici*. De fidelitate in laborando & reddendo debito.

De vsu alienorum fundorum ob mutuatam pecuniam.

De furtis in alienis syluis, piscinis. &c.

De ebrietatibus, imprecationibus malorum, falsis attestacionibus. De adulationibus,

tionibus. De aleis cum præiudicio vxoris ac domus.

22. *Puella, virgines, ac iuuenes*. Si antea integrè sunt confessi, vel aliqua reticuerunt ob pudorem, timorem, aut etiam negligentem conscientia discutionem.

Examinent autem se ipsimet serio ante Deum, de turpi cogitatione aut sermone, de inhonesto ludo, contactu: furtis, ac mendacijs perniciosiss, de rixis, verberibus, Missis die festo omissis. Aliquando est eis necessarium, scire, quomodo amittatur, virginitas, & conseruetur integritas. Consulant itaq; *Azort. 3. lib: 3. c. 2. & Lef. iust: lib: 4. c. 2.* Et *sa. verbo*, Virginitas, Et *cap: Pueris, de delictis puerorum*.

Expediit autem eis ad hunc effectum, omne consortium vitare. Vnde S. Laurentius Iustin: gaudebat, gratias Deo agens, quod in iuuentute maluerit esse melancholicus, & inurbanus, quàm exponere se periculo amittendi virtutem & Dei gratiam.

23. *Vidua & vidui*, specialiter sciant sibi non licere admittere in presenti delectationes carnales, propter cogitatum

actum matrimonij præteritum. Nam ut supra dictum est: illo tunc cum in actu erat frui, seu delectari licebat, verum, nunc ficto in imaginatione oblectari non licet.

24. *Vetula.* De internuncijs indiscretis, quæ ad malum finem dirigi possunt. De lenocinijs & superstitionibus.

25. *Quo ad statum matrimonij.* Multi existimant in tali statu, sibi omnia licere; quod tamen falsum est. Itaq; debent se examinare de adulterio mentali, cogitando de non suo, de non sua: in vel extra actum. De tactu cum periculo effusionis seminis, extra vas naturale: Nam sine tali periculo, licitus est in coniugio, in quantum deseruit præparationi ad actum.

De redditione debiti, aut de negatione, præsertim cum alterius periculo. Nā negare, debitum est contra iustitiam: ac proinde mortale; nisi excuset notabile detrimentum propriæ salutis. Vnde febri laborans, aut vulneratus, non tenetur. In balneis, vel statim post balneum, similiter, & statim post prandium, non tenetur. Dolor tamen dentium, aut capitis,

pitis, absq; feбри non excusat. Adhuc non tenetur reddere alteri immoderate, ac sepius quàm par est, petenti. Quia notabiliter vires extenuat, & salutem lædit frequentia copulæ. *Vide Sanch: Matr: lib: 9. dub: 24.* ubi discas, quomodo interdum sit mortale. In morbis quoq; diuturnis, & quasi habitualibus, ut est lepra, vel morbus Gallicus, si sanus voluerit, non tantum licite, sed etiam meritorie, ad vitandum periculum incontinentiæ, reddet, quamvis non teneatur cum periculo infectionis notabilis.

Adhuc de abusu contra naturam, quod fortè rarò accidit. De impedimentis conceptionis, siue per sumptionem alicuius ad hoc ordinati medicamenti, siue per retractionem sui ab actu, aut defraudationem seminis (ne recipiatur:) siue per eiectionem recepti, quacunq; arte. Et multò magis de abortu procurato.

De pacifica cohabitatione, vel rixis cum aliorum offendiculo: siquidem alter alterius imperfectiones debet supportare. Hic obiter reprehendendi sunt viri (ait *Bannes 2. 2. q. 32. a. 8.*) qui uxores



suas velut ancillas tractant, cum sint cō-  
sortes & sociæ eorum. Reprehendendæ  
quôq; multo magis vxores, quæ domina-  
ri præsumunt in viros, cum ipsi sint capi-  
ta earum. Nam inde multa absurda na-  
scuntur, & verbera illicita, de quibus su-  
prâ: & denegatio rerum necessariorum,  
ex parte virorum.

Quamuis autem vxor non possit libe-  
rè disponere in bonis mariti, secundum  
libitum suum: quoad res tamen necessa-  
rias sibi, liberis, domui, vel familiæ, ve  
conuenienter & honorificè sustentetur,  
ad quod tenetur maritus, potest. Et si  
ipse, prout tenetur, non prouider, lici-  
tum est vxori clanculum accipere à de-  
posito mariti, necessaria omnia, quibus  
possit filijs & familiæ succurrere. Neq;  
iudicium est ferendum, iuxta arbitrium  
viri duri, & tenacis, sed secundum de-  
centiam status. *Ban: ibidem.*

Debent etiam in eo statu se examina-  
re de auxilijs mutuis. nimirum. si ob su-  
as priuatas deuotiones, actiones sui sta-  
tus, & muneris debiti, deserunt vel negli-  
gunt, præsertim, cum offenculo seu tur-  
batione

batione alterius coniugis. *Aluar: l. 3. l. 2.  
6. 10. & multi alij.*

26. *Filij familias.* Si ex bonis parentum  
aliquid notabile, aut contra eorum vo-  
luntatem, aut sine scitu acceperunt, cum  
obligatione restituendi cohæredibus, vel  
computandi pro parte sortis suæ. *Vnde  
Prou: 28 Qui subtrahit aliquid à patre suo, &  
à matre, & dicit, hoc non esse peccatum,  
particeps homicidæ est.*

Idem intelligendum est de illo, qui  
patre viuente, consumpsit aliqua bona  
paterna, in ludis, vsibusq; vanis, aut pa-  
ter soluit in pœnam delicti eius: Eodem  
enim modo restituere tenetur.

Sumptus tamen, quos studij causa patre  
viuente fecit, computare non tenetur.  
Imò fratres eius post mortē patris, tenentur  
ante omnē diuisionē soluere debita, quæ  
ob studia patre viuente contraxit: licet cō-  
tracta post patris obitum, non teneantur.

*Famuli* quoq; de fidelitate in dispen-  
sando, custodiendo, exequendo. De pra-  
uis consilijs, adulationibus, inuidijs, ini-  
quis accusationibus consuorum, execu-  
tionibus iniquè iussorum.

27. *Patresfamilias.* De cura, circa familiam, quo ad spiritualia: vt fidem, & doctrinam Christianam, Sacramentorum vsum, & festorum cultum, Missæ auditionem, ieiuniorum obseruationem, vitam honestatem. Et quamuis cum magno suo incommodo, non teneantur importunè & acerrimè instare, tenentur tamen seriò monere, & discretè obiurgare. Et quo ad temporalia, vt victus decens, & in die ieiunij sufficiens detur prandium.

Cura quoq; in infirmitate, quo ad animã & corpus, siue domi, siue in hospitali.

De mercede soluta vel retenta.

29. *Parentes.* De bona educatione & ædificatione proli data, tam quo ad doctrinam Christianam, quam quo ad mores. Si inhonesta, iniuriosa, dicere aut facere permiserunt. Si lasciuia vel mala alia audiendo aut videndo non corripuerunt. Si familiaritates perniciosas permiserunt, & non potius prohibuerunt & retraxerunt. Prudenter faciunt, qui singulis suum cubile parant, & nunquam sociatos esse in lecto pariuntur, quò securiores in sua innocentia permancant.

Si libe-

Si liberos ad studia, vel artes, iam aptos, in otio derinuerunt, & non potius erudiendos alijs tradiderunt. Si eos ad ingressum religionis coegerunt, vel etiam prohibuerunt.

29. *Magistri,* examinent se de diligentia & fidelitate in docendo, quo ad doctrinam fidei, mores, ac literas. Nam si cum notabili detrimento talis negligentia esset, peccatum mortale efficeret. De exemplo aut scandalo. De castigatione crudeli: quia solum leuis eis permissa est. De simulatione seu conniuentia cum graui alicuius præiudicio.

30. *Studentes,* de dissolutione cum aliorum notabili iniuria. De conuersatione turpi aut periculosa. De expensis vanis seu inutilibus, & negligentia in studio cum alicuius damno. De lectione librorum prohibitorum.

31. *Telonarij,* & custodes confinium. Si sauiunt in transeuntes verbis aut verberibus. Si augent pretia, & sic vltra debitum extorquent. Si propter donaria, permittunt exportare vel importare vetita: aut etiam dissimulant solutiones de-

M 6

bitas:



bitas: tunc enim non tantum peccant, sed & restituere tenentur.

32. *Caupones seu tabernarii*, si ministraverunt vitios cibos, vel cœnam tempore ieiunij indiscriminatim, etiam aperte non indigentibus. Si propinauerunt potum ad ebrietatem, vel nullam rationem habentes sobrietatis, propter lucrum, parati erant suppeditare cum ad voluntatem potatorum, etiam cum periculo ebrietatis. Si aleatores, qui iniuriose ludere solent, aut quorum professio hæc solum est, recipiunt ac fouent. si meretrices retinent, subordinant, aut permittunt.

### *Animaduersio.*

Speculo communi & speciali proposito, admonitionem subiiciendam censui: ne scrupulosi nimium laborent in colligendis ex eo peccatis: hoc siquidem eis periculosum est, ut experientia testatur in illis qui conscriptis confessionalibus vtuntur, in quibus plura venialia, & possibilia enumerantur: pauciora verò communiter accidentia. Vnde legentes cum

summa

summa animi anxietate eruunt peccata, nec minori sollicitudine conscribunt in charta, ac in confessione interdum, quæ non intelligunt, nec fecerunt, recentent, detinentes confessorem cum eius tædio, ac aliorum impedimento, absq; sua utilitate, & Sacramenti necessitate. Itaq; hoc speculum propositum est in gratiam eorum, qui sunt pacatæ conscientiae, & raro confitentur: aut præteritas confessiones repetere volunt, siue propter aliquem defectum in eis admissum, siue propter aliam rationabilem causam sibi proficuum. *Scrupulosos* itaq; remitto ad legendum infra tractationem de scrupulis.

## C A P V T IV.

*Quomodo pœnitens in actu confessionis se gerere debeat.*

**D**istinguenta sunt tempora. Alia enim sunt ei facienda in principio: Alia in medio: Alia in fine. *In principio* Tria i. Reuerentia humilis in armorum depositione, capitis detractione, genuflexione, corporis inclinatione, &

compositione, seu modestia. Et quoniam totum hoc procedit ex corde: ideo cogitare pœnitens debet, se esse prostratum ante pedes cœlestis iudicis, misericordisq; Patris, humilitatem eius intuentis, & magnificientis: Sacerdotem autem Sacramenti ministrum esse. qui vices Christi gerit, & in eius persona absoluit. 2. Excitatio confidentiæ, muniendo se signo sanctæ Crucis, expresso actu viuz fidei, animosæ spei, & affectuosa imploratione Diuini auxilij. Sunt qui etiam benedictionem petant dicentes: benedic Pater; & Sacerdos subiungit: Dominus sit in corde tuo & in labijs tuis, vt rectè confitearis omnia peccata tua.

3. Confessio quoq; generalis præmitti solet, sed brevis. E. G. Confiteor Deo & Beatæ Mariæ, & omnibus Sanctis, quia peccaui nimis cogitatione, locutione, opere & omissione, mea culpa, (vbi tunditur pectus) & nihil aliud.

*In medio septem seruanda sunt.*

1. Breuitas in verbis, absq; detrimendo tamē veritatis & claritatis. Vnde tria superflua reiicienda sunt, scilicet generalia, con-

lia, conditionalia, & historiæ. Et generalia quidem nullum alium fructum afferunt, præter quòd fatigant confessarium, & vt plurimum falsa inuoluunt. Conditionalia, non sunt materia absolutionis, quæ super tales conditionales nullam potest efficaciam habere. Historia quoq; seu narratio omnium cōcurrentium ad vnum actum principalem, non est necessaria, vt dictum est in prima parte.

2. *Integritas*, quo ad peccata mortalia. Nam venialia quis dinumerabit? Sciendum est autem integritatē requiri formale, hoc est, vt intētio sit, omnia mortalia post diligentem conscientię discussionem, manifestare. Et præterea, quatenus homini est moraliter possibile: Homo autem subiacer distractionibus, propter quas naturaliter incurrit inaduerentiā & obliuionē. Quæ tamen integritati formali (quæ requiritur) non officit.

3. *Claritas*, quo ad enucleationem & expressionem peccati, ita vt in particulari intelligatur.

4. *Sufficiencia*, quo ad circumstantias peccati ac numerum.



5. *Honestas*, in peccatis carnalibus, ne nimis obscenis verbis explicetur, neque superflue, sed quantum satis est ad exprimendum peccati naturam.

6. *Euitatio diffamationis*, ne videlicet alterius crimen detegatur: adeo ut neque in complicitis notitiam deueniri possit. Hæc superius quoque declarata sunt.

7. *Supplementum*, post enumerationem enim peccatorum quæ memoriæ occurrebant, accusat se de omnibus alijs, etiam quorum conscientiam & memoriam non habet: paratum se asserendo confiteri, si quid tale recordabitur. Item de insufficiētia præparationis, si levis negligentia præcessit: vel etiam grauis, si nunc ei serio displicet. Et de imperfectione ac impuritate doloris: fortè enim ex aliquo bono & honesto motiuo processit, sed non omnino ex Dei amore; dummodò efficax voluntas sit vitam emendandi.

*In fine Triæ.*

1. *Monitio* attente audienda, & executioni mandanda: consilia à confessore proposita, non leuipendenda: restitutio iniuncta, ut pote ad salutem necessaria, memo-

memoriæ comendanda.

2. *Pœnitentia acceptanda*, cum animo implendi.

3. *Dum absolutio datur*, cor ad Deum per deuotionem internam eleuetur, caput inclinetur, manus iungantur.

## C A P V T V.

*Pœnitentia confessione quid faciendum.*

1. **P**œnitens se conferat ad locum commodum, in quo gratias agat Deo, pro beneficio remissionis peccatorum.

2. Impleat quicquid mandauerat confessarius, nihil differendo, siue pœnitentiam, (quæ in gratia implere curet,) siue restitutionem famæ, bonorum, &c.

3. In posterum cautè incedat, & uiuat, omnes occasiones serio vitando, quæ ei erant causa Deum offendendi. Societates aut familiaritates periculosas deserat, loca lapsui accommodata non uisitet. Expediet assuescere sine creaturis uiuere.

## C A P V T VI.

*Quomodo circa sumptionem sanctissimæ Eucharistiæ se debeat habere?*

Sanè

**S**anè quibus cordi est, sanctissimum Eucharistiæ Sacramentū deuotè ac reuerenter sumere, multa obseruare debent. Quorum quædam sumptionem antecedunt, quædam comittantur, quædam consequuntur.

Antecedunt Tria.

1. *Preparatio corporalis*, tum per ieiunium præmissum, si & quatenus est præceptum, alias per moderatam cænam: tum per continentiam, quo ad coniungatos: tum per oris abluionem, quæ potius vesperi præcedenti est faciēda, quam mane, propter periculum deglutiendi aquam, quamuis in casu infirmitatis, exigentis sumptionem Eucharistiæ, nihil referat etiam cibus aut potus, paulò ante sumptus: tum etiam per ablationem pilorum regentium labia, & impediendum intromissionē Sacramenti, cū irreuerentia eius, & aliquando cum periculo.

2. *Ponderatio multorum*, videlicet, quis ad hoc Sacramentum accedit, quid sumit, & cur.

*Quis?* Homo, non Angelus; peccator non iustus; terra indignus ne dum cibo Angelico

gelico; gehennæ pœnas promeritus, non cœlestes fauores: imparatus, in bono proposito debilis & inconstans. Hic statim actum humilitatis exerceat.

*Quid?* Sumenda sunt in summa quinque, Corpus Iesu Christi Domini nostri, preciosus Sanguis, Anima sanctissima, merita eiusdem infinita, & satisfactiones: insuper æterni verbi Persona cum tota sua Diuinitate, idq; in quantumcunq; paruula particula, & in vnaquacunq; specie. Fundamentum huius est, quia Christus dixit: *Accipite & manducate: hoc est Corpus meum.* Et quoniam Christus resurgens ex mortuis iam non moritur: ideo vbi corpus Christi neq; mortuum neq; exangue est, sed viuum & cum sanguine: ac proinde, ibidem est Christi anima & sanguis. Iuxta verò Regulam à S. Damasceno celebratam, Quod Deus semel assumpsit, nunquam dimisit: sequitur, personam Filij Dei, atq; Diuinitatem adesse. In quibus rebus apparet infinita huius Domini charitas & liberalitas. Hic erit excitandus actus charitatis & reuerentiæ. Ob quas causas



causas communicet: ob multas: nam & propter obedientiam Christo & Ecclesiæ præstandam: deinde in commemorati-  
onem Christi vitæ, passionis, & mortis eius, in gratiarum actionem pro benefi-  
cio redemptionis, in signum & memo-  
riale summæ charitatis Christi, quia re-  
uersurus ad Patrem, seipsum totum no-  
bis reliquit: in cibum animæ nostræ, &  
remedium infirmitatis eius, in auxilium  
in omni conflictu spirituali, ad conse-  
quendam perfectam vnionem cum Chri-  
sto, per intimum amorem, ex tali vnio-  
ne prouenientem, & imitationem virtu-  
tum eius: & tandem in pignus futuræ  
gloriæ. Hic actus admirationis super-  
uenire merito possit, cum gratitudine

3. *Oratio deuota*, per quam impetratur  
auxilium ad dignè accedendum, & fru-  
ctuose percipiendum.

Concomitantur ipsam sumptionē Tria.

1. *Reassumptio humilitatū*, sibi attribu-  
endo maximam indignitatem, & dicen-  
do cum Centurione: Domine non sum  
dignus.

2. *Fidei vincta subita & quasi momentanea ex-  
citatio,*

*citatio*, per quam firmissimè credantur il-  
la quinq; hic adesse, Panis substantiam  
omnino abesse, sola accidentia illius re-  
manere, quæ dicuntur eius species: sunt  
autem albedo, rotunditas, sapor. Por-  
rò hæc admiranda transsubstantiatio facta  
est virtute Diuina, & ministerio Sacer-  
dotis, verba Christi proferentis.

3. *Deuotio seruensissima*, ita vt totus ex-  
ardescas in Deum contendens transfor-  
mari in eum; ipsi cor & omnia tua in e-  
ius obsequium tradas & deuou eas.

Consequuntur septem.

1. *Gratiarum actio*, pro tali ac tanta  
dignatione atq; beneficio.

2. *Cautio*, ne credat vinum esse con-  
secratum in calice dum bibit: est enim  
simplex vinum, vnde nullam reuerenti-  
am ei exhibeat. Deinde ne citò spuat,  
sed concedat aliquid temporis, donec  
particulæ omnes sint intra ex toto demis-  
sæ.

3. Interim accedat condigna tanti ho-  
spitis æstimatio atq; tractatio.

4. Propositum conseruandi tam pre-  
tiosum thesaurū in corde mundo quam  
diutissi-

diutissimè : curando , ne quid cogitetur , dicatur , & fiat , quod ei displiceat , & ex corde expellat.

5. *Petitio* , vt effectus seu fructus huius Sacramenti , conferatur : qui sunt augmentio fidei & spei , desiderium virtutum , feruor in bonis operibus , consecutio perfectionis , fortitudo contra tentationes omnium peccatorum , trasformatio in Christum , & similitudo ad ipsum per imitationem virtutum eius : perseverantia in bono. Perendum autem est non tantum pro se , sed etiam pro alijs , suis consanguineis , benefactoribus , in necessitate constitutis , tam viuis , quàm defunctis.

6. *Grauitas in sermone* , abstinendo semper quidem , sed tunc præcipuè à verbis otiosis , risu dissoluto , leuitate , in omnibus quoq; actionibus , vt nihil fiat , quod non præferat sanctitatem. Et similiter domesticos , subditos , & alios inferiores , qui eiusdem mensæ conuiuæ fuerunt , in honore habeat.

7. In prandio , sermones ad ædificationem proximi pertinentes habeat. Et à pran-

à prandijs , loca sacra , Tempia , & Altaria visitet , comendans se intercessioni Sanctorum tutelariũ & omnium. Nam & Christus in Parasceue tempore passionis , in cuius memoriam hæc fecimus , propter nostram salutem , pluries , hinc inde , huc & illuc ductus est : quia ipse voluit , & nobis exemplum humilitatis , patientiæ , atq; deuotionis præbuit.





# TERTIA PARS TYROCINII.

## De Pœnitentiariorio.

In qua tria præambula proponen-  
tur.

Deinde partes Confessarij declara-  
buntur.

Tandem de eodem Confessario, quâ  
Iudex & Medicus est, aliqua adnota-  
buntur.

Hæc autem omnia in sex Capitula di-  
stribuentur.

1. Cur Sacerdotum alij prompti, alij difficiles  
ad excipiendas confessiones.
2. Stante diuersitate opinionum, in casibus  
scientiæ, quæ eligenda?
3. De dubio.
4. De conditionibus Confessarij.
5. De munere Confessarij, ante, in, & post  
confessionem.
6. De Confessario, quatenus est iudex.
7. De eodem, quatenus pater & medicus.

CAPVT

## CAPVT I.

*Vnde proueniat, quod aliqui libenter,  
aliqui grauâtè confessionis officium  
exercent.*

**V**trumq; potest prouenire, ex ani-  
mo culpabili, & laudabili. Nam,  
qui alacriter exequuntur, faciunt, vel ex  
zelo salutis proximi, vel ex præsumptio-  
ne ignorante aut non ponderante negotij  
conditionem atq; periculum, vel (quod  
vix credo) ob quæstum sacrilegum. Et  
similiter, qui subterfugiunt faciunt hoc,  
aut propter insufficientiam scientiæ sibi  
benè notâ, aut propter suam conscienti-  
am irresolutam & scrupulosam, aut ad  
cuitandum tentationes, quas ibi patiun-  
tur: aut etiam propter suam desidiam,  
quâ laborem refugiunt, ac proinde zelo  
salutis proximi carent: vel tandem quia  
metuunt aut incidere in pœnitentes mo-  
rofos, intractabiles, impenitentes, aut  
committere aliquem errorem, qui eos  
perpetuò cruciaret.

Expedit sanè hæc omnia impedin-  
ta bre-

N

ta bre-

ta breuiter remouere, & Confessores animare, propensosq; ad hunc sanctum actum reddere.

Præsumptio itaq; semper cauenda est, præsertim, quæ cum ignorantia (vti solet) coniuncta est. Penfanda enim est negotij grauitas, periculi (cui se audaculi exponunt) præsentia. *Quæstus non est habenda ratio, sed potius premium à Deo expectandum.* Imperitia nota, inhabilem reddit ad hoc munus, ignorantem: adeo vt sine peccato nec prælatus præcipere, nec subditus obedire possit. Si tamen Sacerdos nimis rudis non sit, potest superare incertitiam diligenti studio.

Perplexæ conscientia, ope periti confessorij, aut fidelis consiliarij deponenda est. Ea enim durante, confessiones excipere est periculosum, tam Confessori, quàm confitenti, imò ob eam reddi solet Sacramentum pœnitentiæ onerosum.

Carnis titillationes, non multùm sunt curandæ, consensu non accedente. Quibus facile resistet vir pius, præ oculis habens Deum, pœnamq; æternam contaminatori Sacramenti debitam.

Ignauia

Ignauia excutienda est, metu rationis reddendæ de talentis sibi concreditis, & negociationi seu vsui non expositis. Timendum quoq; est, ne iusto Dei iudicio, in casu propriæ necessitatis, desit copia Confessorij, in pœnam denegatæ operæ pro salute proximi.

Zelus etiam excitandus est, tum quia Deo plùs quàm alia sacrificia, placet vt *D. Gregorius ait*: tum quia ad salutem pernecessarius est, in qua renumerationem copiosam habet.

Contra pusillanimitatem, fortitudo assumenda est, & officij dignitas opponenda. Nam quoniam Confessarius, Dei locum tenet, mundo superior est, cœli ianitor: nulla alia excellentia aut prærogatiua ei comparari potest, nulla duritia frangere. Ergo mundanorum hominum offensiones non curet, fauores nihili faciat, lucra non speret, solum Deum & cœlestia aspiciens.

Lapsus quoq; in confessione non pertimescet, si prudenter se geret. Prudentiæ erit, in dubijs vel his quorum peritiam non habet, humiliare se, & peritiores consule-



consulere. Occurrente autem circa aliquam materiam opinionum diuersitate, tutam eligere.

## C A P V T II.

*Quomodo se Confessor gerat dissidentibus auctoribus.*

**O**ccasione nuper dictorum, declarandum est, quid facto opus sit, cum auctores diuersa sentiunt: & cui tunc opinioni adhaerendum.

1. Notandum itaq; est in primis, opinionem quadruplicem esse. *Improbabilem, Probabilem, Probabiliorem, & Communem.*

*Improbabilis* est, quæ communiter reputatur continere errorem: aut est antiquata, hoc est, à qua omnes Neotherici rationabiliter recesserunt, propterea quod antiqui eam proferentes, non attenderunt aliquam legem vel rationem suæ assertioni contrariam: aut quia post illorum antiquorum obitum aliqua decreta edita sunt. Multa huius rei exempla afferri possent: aliquot nunc adducentur. 1. Antiquorum opinio fuit ad Eucharistiam sumendam sufficere contritionem, nec requi-

requiri confessionem actualem, etiam habitacopia Confessoris, quamuis hoc salutare sit. Tamen post determinationem S. Conc. Trident: non potest sustineri. 2. De confessione facienda coram & in præsentia Confessarij: ita quod inuvalida esset absolutio à peccatis facta pœnitenti absenti. 3. De suspensione lata contra ordinatos ante legitimam aetate. 4. Quod non efficitur iam irregularis, interficiens inualorem, ad saluandum vitam propriam, obseruato modamine inculpatae tutelæ.

Probabilis opinio est, quæ non leuibus nititur fundamentis, sed solidis, quamuis non euidentibus, neq; oppositam opinionem omnino conuincit. Porro talia fundamenta duplicia sunt. Propria seu intrinseca, vt sunt causæ, effectus, definitio, proprietates, quibus opinio valde confirmatur. Communia & extrinseca, vt sunt auctoritates, seu testimonia virorum piorum, ac peritorum, coniecturæ, & signa efficacia.

Demum auctoritas vnius etiâ Doctoris probi docti, & in illa materia versati, facit opini-

cit opinionē probabilē. Præsumitur enim ipsū solidis rationibus niti, & non velle decipere.

Vbi duplices authores aduertere possumus, Classicos, & Protelarios.

Classici censentur, qui doctissimi habentur, prudentes, timorata conscientia, multū in arte versati: in tali materia periti, discurrentes egregiē, atq; suas sententias fortissimis rationibus communiētes. Et tales probabilē efficiūt opinionē.

Protelarij sunt inferiores, prædictis conditionibus carentes, qui non reddunt opinionem probabilem.

Probabilior est, quæ validioribus fundamentis innititur, quàm altera, quæ licet valida fundamenta habeat, tamen illius rationes magis vrgent.

Hic quoq; notandum, quod non est idem esse opinionem probabiliorē & tutiorē. Potest enim esse minus probabilis, & tamen tutior, quàm illa quæ est probabilior. Nam tutior est, quæ amplexa, nullum est periculum peccati. Minus tuta in qua potest subesse peccati periculum, vt in controuersia, an aliquis sit obligatus

obligatus ingredi religionem, seu an votum eius sit validum: affirmatiua opinio, proculdubio erit tutior, & tamen potest debiliori fundamento niti. Et vniuersaliter opinio, quæ censet id de quo est quæstio, esse peccatum, tutior est: minus autem tuta, quæ negat esse peccatum, & tamen aliquando non habebit solidiora argumenta.

Communis opinio non est illa, quam multitudo scriptorum, vnius Doctoris auctoritatem, instar ouium & auium, priorum vestigia, sine iudicio sequentium (vt contingit in his, qui sunt eiusdē factionis) tenet. Hi enim nō faciunt opinionem communiorē, quamuis sint numero plures: sed illa communior est dicenda, quā sex aut plures authores Classici proferunt, materiam non obiter sed ex professo tractantes, solida fundamenta iacentes, & contraria dissoluentes. Talis inquam opinio sex Doctorum, verissimilior est ea, quam 50. asserunt, sola ferē auctoritate priorum ducti: Quia communis opinio non ex numero opinantium: sed ex pōdere auctoritatis pensatur.



Quòd si duæ opiniones essent, ambæ habentes Doctores graues, & rationes pares, vtraq; poterit dici communis, vt docet Nau: *Manu: c. 27. n. 389.*

Dicerem ego hic posse dari latitudinem, vt dicatur opinio communis, quam multi grauissimi Doctores asserunt: Communior, quam plures: Communissima, quam omnes aut ferè omnes.

2. Sciendum est, licere vnicuiq; bona conscientia sequi opinionem probabilem, etiam relictâ probabiliore, dummodò id fiat bona fide, id est, credendo eam esse veram, & non animo malitioso aut doloso. Reuera enim intolerabile onus esset, & multis scrupulis expositum, si teneremur inuestigare opiniones probabiliore. Imò licitum est relictâ suâ opinione, quam putat quis & probabiliorem & tutiorem esse, sequi aliorum opinionem minùs probabilem, minùsq; tutam (licet rationes contrarias soluere nō valeat) dūmodò credat eā esse verā certitudine morali & probabili, quamuis non Mathematica, seu omnimoda contra quam opinari non licet.

3. Qui in

3. Qui in rebus moralibus (inquit Salon) parum versati sunt, non possunt tutâ conscientia sequi id quod in vno vel altero Doctore inuenierint, præsertim (vt Sanchez ait) si is esset Doctor antiquus, de cuius doctrina timeretur, ne sit antiquata. Quod vir in moralibus non peritus ignoraret, & posset ei opinio illa videri probabilis, cum tamen alijs peritis talis non haberetur. Imò atiam si esset ex Neothericis, isq; grauis Doctor, adhuc imperito posset subesse periculum, ne fortè eius opinionem non intelligat, aut casui particulari applicare nesciat.

Tutiùs itaq; est (idam Salon monet) Confessoribus minùs exercitatis, consulere viros peritos, in illa materia versatos, & quos timorata cōscientiæ esse nōrunt vt ab ipsis discât, quæ opinio sit probabilis, tutâ, ac sequeda (Nam virorū doctorū est expèdere vtriusq; partis rationes) & qui aliter agunt, fidentes suis ingenijs & sumillis, non sunt tuti in conscientia, nec prudenter & rationabiliter, in rebus magni momenti, operari censentur.

Delectus quoq; magnus faciendus est

N s

inter

inter Doctores, à quibus petendum sit consilium: neq; enim satis est, quod in Theologia & Iure sit graduatus, cum aliquando accidar, nonnullos ex his esse imperitos, *vt testatur Sayro*: sed tales querendi sunt, qui cum peritia pietatem coniungant.

4. Consiliatori non licet consulentem remittere ad Doctorem, cuius opinio creditur falsa, licet tamen ad eum, qui eam tenet, non ex ignorantia legis, & aliorum argumentorum in contrarium: sed ductus alijs rationibus, quæ ipsi & alijs viris probabiles videntur, quamuis consiliario opinio non placeat.

Qui plenius hanc materiam scire cupit, legat *Sanchez Moral: lib: 1. cap: 9. Salon 2.2. q. 63. a. 3. & alios ibidem allegatos.*

### C A P V T III.

#### De Dubio.

**Q**uoniam dictum est superius, posse secura conscientia eligi partem tutam, relicta magis tuta, hoc autem videtur esse contra iuris Regulam C. Iuuenis, de sponsal. qua docetur, quod tutior pars

tior pars est eligenda: ideo hoc quoq; hic declarandum est.

1. Sciendum itaq; est, hanc regulam verissimam esse, & habere locum in vero dubio, seu propriè dicto dubio, videlicet, quando intellectus, neq; assensum habet, neq; dissensum, sed est anceps, non habens maiorem propensionem ad vnam, quam alteram partem. Et per hoc differt ab opinione, quæ semper est cum assensu vnius partis, quam existimat veram, quamuis cum formidine de contraria. Quæ formido non excludit assensum determinatum circa aliam, sed consistit tantum in hoc, quod aliquis per actum reflexum, iudicat rationes illius partis, cui adhæret, non esse euidentes, sed tantum verissimiles, atq; ita posse accidere, vt contraria opinio fortè sit vera.

2. Itaq; stante vero dubio, nihil tutò agere licet: Quamcumq; enim partem amplexus fueris, peccandi periculo te committes. Vt autem libere agere valeas, debes diligentiam adhibere ad inquirendum veritatem, & tandem deposito



dubio, & metu conscientia, vni parti adherere, atq; ita bona fide operari: Quod si tanti non fueris, bonorum ac prudentum consilio vtere, quales sunt Prælari, Confessarij, cæteri q; amici, pij tamen & discreti. In horum defectu recurre ad Deum per orationem ferventem ac humilem, & tandem elige vnam partem tutiorem, aut minus periculosa.

### C A P V T III.

#### *De conditionibus Confessarii.*

**E**xpediret quidem hic à conditionibus Confessarii initium sumere, sed quoniam in *Examine tit. 2.* sunt enumerata & explicata, ideo illuc legentem remittimus: Vltimæ tamen subobscuræ declarationem, subijcere censuimus

Cum itaq; sex sint conditiones Confessoris, scilicet, potestas, scientia, prudentia, bonitas, sigillum, atq; fortitudo: hæc quid propriè importet, breuiter exponendum est.

Fortitudo non importat audaciam vniuersæ, quia sic sumpta, quandoq; in bonum,

bonum, quandoq; in malum trahitur, vt docet D. Th. 3. d. 26. nisi intelligatur audacia, secundum quod est moderata ratione: sic enim pertinet ad virtutem fortitudinis, teste D. Th. 22. q. 127. Sumitur itaq; hic, prout est virtus resistens, superans ac expellens omnes difficultates quæ Confessori occurrere possent, & impedire, ne officio suo ritè fungatur. Porro iste difficultates in Sacramenti functione multæ sunt. Est enim inprimis, ignauia, & horor retrahens Confessorem à labore subeundo, vt superius dictum est. Deinde onus decidendi seu resoluendi casus perplexos & intricatos, sæpè in confessione interuenientes. Item pœnitentium qualitas, authoritas, amicitia, beneuolentia, beneficentia, quæ iudicium Confessoris interdum obnubilant: Diuersa quoq; ingenia personarum impatientium, cholericarum, obstinatarum. Has & alias difficultates frangere & superare Confessarius debet, viriliter ac generoso animo exequendo, quod officium exigit pro Dei gloria, proximi salute, ac suæ conscientia securitate.

## CAPVT V.

## De partibus Confessoris.

Quid agere ipsum oporteat, ante administrationem Sacramenti.

Quid in ipso actu Confessionis, & quid post datam absolutionem.

## § I.

Ante confessionem tria facienda.

*Ars discenda, potestas acquirenda, & preparatio pramittenda.*

## 1. Quare ars discenda.

Quia difficillima, eiusque ignorantia periculosissima. Et tamen à pluribus floccipenditur: aut quia facilis creditur: aut quia pericula non considerantur, & proprio ingenio confiditur.

## 2. Hæc ars in duobus consistit.

*In iudicando & medendo.*

Est enim ista ars & Medicinalis & Iudicialis, quamvis paterna, cuius subiectum est anima: initium morbi, seu peccati cognitio: medium, de cognitis peccatis

peccatis iudicatio: finis, sanitatis spiritualis introductio. Ergo Confessoris, qui medicus simul & iudex est, munus erit, scire mederi & iudicare. Ut bene iudicare valeat, varietates delictorum, iudicandorum, eum nosse oportet: ut efficaciter medeatur, necesse est cognoscere causas, qualitatesq; morborum, spiritualium, & remedia conuenientia, quæ prudenter applicanda sunt.

3. Porro varietas peccatorum multiplex est.

Nam inprimis quædam peccata sunt simplicia, (ut homicidiū, furtum, fornicatio) nullā circumstantiā affecta. Quædam autem sunt circumstantionata, hoc est, per aliquam circumstantiam adiunctam aggrauata, ut interfectio Sacerdotis, copula cum consanguinea, furtum in loco sacro.

Deinde. Alia sunt annexam restitutionem habentia, ut vlura, diffamatio, &c. Alia verò à restitutione libera, ut transgressio ieiunij, &c. Tertio. Alia sunt reservata, aliqua non. Quarto. Alia sunt sola, alia cum censura Ecclesiastica,



fiastica, pœna aut impedimento Canonico coniuncta.

4. Curatio quoq; duplex adhiberi solet, aut potest.

Vna dicitur per se, & Sacramento pœnitentiæ essentialis: & hæc est absolutio Sacramentalis, per quam pœnitens recuperat sanitatem animæ: ac proinde gratiæ amicitiamq; Dei consequitur. Altera per accidēs, id est, in casu talis dispositionis vel indispositionis pœnitentis, ut quia est scrupulosus, vel præsumptuosus, durus ad dolendū, obstinatus ad peccatū deferendū, difficilis ad alienum restituendum. Vnde medicamentum adhibendum est, ad erigendum pusillanimum, molliendum cordis duritiam, momendo, suadendo, & persuadendo sinceram pœnitentiam, ac proinde disponendo ad introductionem gratiæ.

### De Potestate.

5. Potestas, quæ in confessario requiritur, est duplex.

*Ordinis & iurisdictionis.* Ordinis quidem, quæ accipit Sacerdos in sui ordinatione.

*Iuridic-*

Iurisdictionis autem, quam acquirit per officij Pastoralis assumptionem aut delegationem, ut *fusus declaratum est in Exa: Approb.* Vtraq; igitur potestas, adeo est necessaria ad confessiones audiendas, ut si altera desit, absolutio sequens omnino inualida sit. Nam qui Sacerdos non est, in nullo casu absolueret potest: cum sacerdotium sit fundamentum exercendæ iurisdictionis in foro pœnitentiæ. Similiter, quamvis sacerdotium adsit, desit autem iurdictio, ratione officij aut commissionis absolutio regulariter nulla erit, secluso mortis articulo ut statim dicitur.

Nec te moueat vetus illa narratio, de confessione facienda coram Laico, deficiente Sacerdote, in articulo mortis: quoniam secundum determinationem Ecclesiæ, nemo ad talem confessionem etiam tunc obligatur, neque Laicus à peccatis vnquam absolueret potest: sed in tali casu ad contritionis præsidium confugiendum est. Secus esset, si adesset Sacerdos simplex, non expositus. Nam in tali casu licet & valide absolueret,

ueret, concedente ei tunc facultatem, Ecclesia, & approbante hanc generalem consuetudinem.

6. Tres autem sunt, qui habent iurisdictionem ex officio.

Papa in toto orbe, hoc est respectu rotius Christianitatis. Episcopus in sua Diœcesi: Et Parochus in sua Parœcia, Ceteri habent ex commissione.

7. Prædicti itaq; Tres, & quartus Episcopi Vicarius, possunt hanc iurisdictionem, delegare, ac propterea ab ipsis quaerenda est. Nam Vicarius non solum ad vtendum, verumetiã ad communicandum alijs, hanc facultatem habet.

In religione verò tres: Superior legitimus loci, (sed non ab eo institutus Vicarius aut Præsident) Superior seu Prælatus Prouinciæ, qui Prouincialis dicitur, Et Prælatus totius Ordinis, qui Generalis, vulgo appellatur.

Porro Parochi, quamuis iure antiquo hanc potestatem conferre potuerint, tamen propter abusum, & pericula, sublata est eistalis autoritas, nouoq; iure Conc. Trid: solis Ordinarijs relicta.

Nihilò.

Nihilominus ipsis quoq; Parochis licitum est, committere audientiam Confessorum, sed approbatis duntaxat ab Ordinarijs, seu alicubi in Diœcesi eadem expositis absq; aliqua limitatione. *Suarez in 3. par. 2. 4. disp: 28 sect: n. 13. prætereà n. 19.* asserit hanc consuetudinem esse, vt Parochi sese mutuo iuuent, ex solo suo consensu, non tantum intra eandem Diœcesim, sed etiam in confinio distictarum Diœcesum, quod tamen non debet (*inquit*) regulariter fieri neq; extendi præsertim ad illos, qui non ex officio sed ex sola delegatione sūt Confessores, nisi accedat consensus saltem implicitus Ordinarij. vt pote, quia scit & non prohibet. *De qua re, lege Suar: ibidem Sect: 7. n. 5.*

8. Sciendum quoq; est hic ex communi doctrina Ecclesiæ, non posse Parochum prohibere Parochianum suum, quominus confiteatur religioso, vel alteri Sacerdoti, ab Episcopo exposito. Et Sacerdos talem facultatem habens ab Episcopo, potest ea semper vti absq; alia facultate Parochi, imò etiam ipso invito, nihilominus si adeò contradiceret, vt pro-



ut propterea timeretur scandalum; facilius esset in publico ab audientia confessionis abstinere, præsertim in eius Ecclesia.

9. Si quis semel est approbatus, & ad confessiones audiendas admissus, simpliciter, absq; vlla limitatione loci, temporis, personarum, &c. & præterea prauo examine, nunquam deinceps ab eodem Episcopo examinari potest, sed semper manet approbatus, & admissus, in illa dumtaxat Diœcesi, pro qua est expositus, nisi fortè magna aliqua causa, vel mutatio accadat. Quod si absq; examine aut limitate fuit admissus, non habet perpetuam facultatem. Et tunc nihil valet illa propositio. Semel præsentatus vel admissus semper talis manet, *Suar: ibidem & omnes alij.*

10. Talem habens facultatem potest suum Parochianum vel Diœcesanum, ubique audire & absoluere, tam in propria Diœcesi, quàm extra Diœcesim, & semper, Paschatis quoq; tempore.

11. Religiosi ex priuilegio, possunt in sua Diœcesi, pro qua sint expositi,

omnes

omnes absoluere, etiam ex alijs Diœcesibus causa confessionis faciendæ confluentes. Sæculares verò Confessarij non nisi cum consensu Parochorum, id agere possunt. Consensus autem esse potest, explicitus, aut implicitus; cum videlicet Parochus dat ipsis benedictionem, aut facultatem iter aggrediendi.

12. Talis potestas durat, aut donec tempus assignatum terminetur ( si est temporalis ) aut perpetuò ( si est absoluta, & non reuocata, ) nec finitur aut expirat morte vel amorione concedentis: nec absentia Confessarij, si post aliquot annos, ad illam diœcesim reuersus fuerit, & facultas ob aliquam causam rationabilem reuocata non sit.

13. Sacerdos eo ipso, quod exponitur per ordinarium, quocunq; id fiat modo, vna & eadem opera approbatur. *Suar.*

14. Quando in confessione accideret peccatum reservatum, Confessor à nullo potest regulariter absoluere, sed debet, vel pœnitentem ad eum, qui potest, remittere, vel ipse talem facultatem procurare ac obtinere: & interim ab omni absoluti-

absolutione supersedere.

15. Quando in concessione soli casus reservati exprimuntur: is cui talis facultas delegatur, potest etiam à non reservatis absolvi, quia in eo omnia non reservata includuntur, atq; in concessione maiori subintelliguntur.

### De Preparatione.

Preparatio ista potest esse remota seu generalis: & hæc est vitæ Confessoris continua integritas, quæ quamvis ad valorem Sacramenti non requiritur, necessaria tamen est ad efficaciorum peccatoris conversionem, quam facilius ac potentius persuadebit, qui à Deo per vitæ improbitatem auersus non est: & calefaciet citius qui in se calidus est.

Preparatio verò proxima consistit in quatuor. In carētia peccati mortalis, in rectitudine intentionis, in virtute fortitudinis, & imploratione divini auxilij. Hæc enim exiguntur ad licitè vel benè exequendum munus Confessoris, quamvis aliàs possit non esse inualida confessio. Debet inquam in primis Confessor ante

confes-

confessionem recolligere se, num sit conscius alicuius mortalis, vel non. Nam si conscius sit, debet statim excitare in se veram & perfectam contritionem: nisi malit ipse quoq; prius confiteri.

Intentio bona in eo sita est, ut quistale ac tantum negotium non aggrediatur, spe lucri vel commodi temporalis, aut amicitia contrahendæ, vel aliqua curiositate illectus; sed merè ex charitate, & zelo salutis proximi: quatenus Deo placeat, & sibi merita apud eum comparet: hostisq; Dei & generis humani de damnatione fratris non triumphet. Fortitudo etiam concipienda & assumenda est, ut minister Sacramenti liberè, absq; ullo respectu personarum, vel statuum, procedat in confessione, siue monendo, siue reprehendendo, remedium adhibendo, absolutionem denegando, vel differendo, restitutionem præcipiendo, occasionem interdicens, ceteraq; necessaria respectuè præstado, ut superius dictum est.

Rekursus ad Deum per orationem brevem, apprimè est necessarius, ad obtinendum auxilium, quo Confessor adiu-

rus, hoc



tus, hoc tam sanctum & arduum opus, sanctè ac vtiliter exerceat, & omni tentationi fortiter resistat. Nimirum sunt in hoc ministerio plures occasiones impingendi, præsertim in quinque genera peccatorum. 1. Contra castitatem: nam audiendo inhonesta (sine quibus vix transigitur confessio) facile caro ex se ad malum propensa tentatur, ac deficiente Dei auxilio, & forticustodia, succumbit. 2. Contra patientiam, eò quòd innumera sunt molestiæ, prouenientes ex varijs ingenijs pœnitentium. Aliqui enim sunt valde rudes, alij importuni, alij scrupulosi, melancholici, alij nimium laxi, paruipendentes omnia, alij superbi, sibi aut suæ doctrinæ fidentes, duri corde, pertinaces, impœnitentes, restitueret detrectantes, &c.

Quòd si ipse quoque Sacerdos sit ex se Cholericus, aut valde zelosus, aut etiam scrupulosus vel morosus, præsertim cum corpus sentiat defatigationem, facile in eo hæc omnia excitabunt impatientiam, iram, ac tædium, quæ interdum verbis produntur, & ex zelo proficisci asseruntur, cum

tur, cum reuera vitia sint. 3. Contra humilitatem: Nam aliquando superbia se ingerit, dum ad suam conscientiam pœnitentem comparat, quem facile contemnet, seq; ei præferet, sentiens se immunem à similibus. 4. Contra puritatem confessionis. Si plura scire desiderat, quàm sit opus ad integritatem confessionis, & ad finem absolutionis: siue propter oblectationem carnalem habendam, siue suspicionem de aliquo concipiendam. 5. Contra fortitudinem. Sunt enim alij pusillanimes, ne dicam ignari, & ignari, qui aut nesciunt os aperire, aut non audent vllum verbum proferre necessarium ad salutem pœnitentis, seipsos & proximos seducentes.

## § II.

*In actu Confessionis quæ faciendæ?*

Confessor in actu Confessionis, aliqua in principio, aliqua in medio, aliqua in fine præstare debet.

*In principio.*

1. Pœnitentem affabiliter excipere, vt intelligat bonum Confessarij affectum er-

ctum erga se, atq; ita fidentiùs & fidentiùs confiteatur: Nam & Christus Magdalenam aliòsq; peccatores benignè excipere solebat. *Vnde D. Th: 4. d. 17.* inducit ad hoc duos antiquos vericulos explicantes Confessoris qualiter.

*Confessor dulcis, affabilis, atq; suavis*

*Prudēs, discretus, mitis, pius, atq; benignus.*

2. Appropinquante ad se pœnitente, Confessor non consideret vultum eius, sed illico faciem suam tegat, vt ipse liberiùs confiteatur. Imprudenter imò & illicitè faciunt aliqui Confessores, qui per totam ferè confessionem intuentur vultum pœnitentis.

3. Audiant patienter. Hæc autem patientia in tribus consistit. 1. In permittendo pœnitentem suo modo, quamuis rudi, explicare sua peccata, in quantum fieri potest citra Sacramenti iniuriam, & alicuius infamiam vel præiudicium. 2. Quod ex hoc sequitur, non interrumpendo sermonem, absq; graui causa. Nam sunt aliqui pœnitentes adeò meticulosi, vt audito vel vno verbo, obliuiscantur eorum, quæ dicturi erant. 3.

In absti-

In abstinendo à quibusdam signis paucis, admirationis, quamuis grauissima & turpissima peccata recenscantur: solent enim imprudentes ad tales occasiones se commouere, spueri, se cruce signare, quod cedit in magnum pœnitentis præiudicium, & Sacramenti contaminationē.

4. Aduertendum hic. Quod licebit Confessori, statim à principio, benignè interrogare pœnitentem: An possint absq; eius molestia, & periculo obliuionis, aliquando fieri interrogationes in ipso cursu confessionis. Hoc enim vtile esse poterit: tum, ne ipse Confessor volens, examen ad finem confessionis differre, obliuiscatur: tum, ne fortè pœnitens ex imperitia, vel vndecunq; prosequatur narrationem impertinentium, inhonestorum, aut famæ alterius præiudicantium. Poterit quoq; hortari & animare ad confessionem integrè faciendam, tanta charitate, zelo, & efficacia: vt si aliàs integrè non sit confessus, nunc deposito omni respectu seu pudore, sincere confiteatur.

5. Cæterum præambulæ interrogati-

O 2

ones raro



ones rarò vtilis sunt: multoties autem frustra tempus consumunt.

*In medio.*

6. In tota narratione pœnitentis tria diligenter obseruet. 1. Pœnitentis dispositionem, non tantum animæ sed & corporis: proderit enim hoc tum ad inquirendum, tum ad iudicandum, & ad ad remedium applicandum. 2. Modum confitendi, quò vtitur, vel vti solet. 3. Peccati grauitatem & annexa, videlicet reseruationem, restitutionem, censuram, & alia, si fortè inueniantur.

7. Propter factam in principio præoccupationem, liberiùs monere poterit pœnitentem, quamuis modestè, si quid in confessione occurrerit, quòd dissimulari & ad finem reseruari non possit, vt cum pœnitens creditur infamaturus aliquem, temerè. &c.

8. Audita confessione, & data occasione, inquirat, non minus fideliter, quàm prudenter. Fideliter quidem, gerens se in hoc negotio, non secus, ac proprio, considerando quoq; suum meritum ac magnum præmium. Prudenter verò, præsertim

sertim in carnalibus, ne quid cum Sacramenti profanatione, proximi scandalo, & sui tentatione percontetur, tam quo ad rem, quàm quo ad modum.

9. Instruat diligenter (si necesse est) præsertim simplices in articulis fidei, præceptis Dei implendis.

10. Medeatür conuenienter. Et quoniam in confessione sæpiùs accidunt scrupuli, item negligentia circa salutem: pertinacia ad vitæ emendationem, occasio numer deserriionem: & difficultas ad restitutionem: propterea prouidus Confessor debet operam dare, vt pro talibus euentibus remedia in promptu semper habeat; nunc rationibus persuadendo, nunc exemplis confirmando.

11. Porro, si pœnitens sit bonæ scientiæ & conscientiæ, nec immineat aliquod periculum in posterum: circa præterita quoq; nulla sit monendi necessitas, debet eum Confessor absoluerè, nullo sermone onerando.

Similiter quamuis simplex sit, nullas tricas habet in conscientia, estq; optimè dispositus: nisi fortè huic ex aliqua occa-

sione, brevis instructio pertinens ad perfectum & conseruationem vitæ bonæ adhibeatur: Imò etiam si quis acciderit, oneratus quidem multis difficultatibus, sed tamen benè dispositus, scilicet, verè dolens, emendari firmiter proponens, in omnibus Confessori obtemperare volens: talis quoq; diutius detineri non debet, ne aut ipse sine causa molesteretur, aut Confessor inaniter fatigetur, aut tempus inutiliter conteratur. Circa indispositos labor Confessori suscipiendus est, vt dictū est, vel vt verus dolor concipiatur, vel efficax propositum omnino amplius non peccandi assumatur.

12. Præmissa monitione de amplius non peccando, occasiones fugiendo, restituendo (si & quatenus necesse erat) accedente quoq; pœnitentis acceptatione seu consensu super his; pœnitentiam benignam quidem, sed non nimis paruatam, sicut neq; valdè magnam imponat, sed cum iudicio id faciat.

Vt autem proportionatam taxet, consideret inprimis peccatorum grauitatem deinde doloris quantitatem: Pœnitentis quoq;

ris quoq; qualitatem: & conditionem, tam naturalem, quò ad facultatem, complexionem, quàm moralem, quoad occupationes. &c.

Tandem circumstantias alias, peregrinationem, indulgentias. &c. Et tunc tēperet eam: Multi enim sunt, qui æqualem & eandem pœnitentiā, abiq; iudicio imponunt pro magnis & paruis peccatis, personis occupatis & vacantibus: interdum pro magnis paruam, ex favore; aliquando verò temerè etiam pro paruis magnam.

13. Finaliter absoluat, si & quatenus facultas se extendit, & pœnitens est dispositus: Nam negare absolutionem disposito, est graue præiudicium eius, & Sacramenti iniuria, eò quod redditur odiosum. Inabsolubilem etiam absoluerè, est Sacrilegium. Absolutio verò voce submissa dicenda est, neq; necessaria est manus super caput pœnitentis impositio.

### S. III. Post Confessionem.

Peracta confessione, siue sit data absolutio,



olutio, siue non; Confessor ad duo obligatur: Ad secretum seu sigillum seruandum: & pœnitentē non obseruandum.

1. Tam arctum est secretū confessionis, vt in nullo casu, quantumcūq; periculoso, liceat illud aperire, seu manifestare. Nam neq; pro innocentis vita defendenda aut seruanda, neque (quod maius est) pro totius mundi salute, siue corporis, siue animæ, siue vtriusque. Propterea Sacerdotes perperam agerēt, si res auditas in confessione, quamuis peccata non sint, nec persona detegatur, propalarent. Illis enim periculosum esset, ne talia narrare assuefacti, in fractionem sigilli prolabantur, quod facilimum esset: audientibus quoq; scandalosum: multi enim credunt talibus narrationibus confessionem violari, aut contaminari. Porro Prælati, non tantum non possunt in exteriori gubernatione, notitiā per viam confessionis acquisita. vti, sed neq; in communi quidpiam dicere, adeo vt neq; sic loqui liceat: Hac hebdomada nullus Confessorum petiit facultatem à reseruatis. Toto cœlo errarent Con-

rent Confessores, qui crederent se posse in communi monere Prælatos, vt inuigilent in his vel illis casibus. Alto silentio inuoluenda sunt omnia audita, ac si nunquam essent audita.

2. Dimisso pœnitente, cogitet se iam functum officio suo, & susceptam curam compleuisse: neq; amplius potest actus pœnitentis obseruare, & multo minus peccata in memoriam reuocare, etiam secretò, siue vt paternè admoneat, siue vt consoletur: neque interrogare, an tentationes sint auctæ, diminutæ, vel sopitæ. Et quamuis viderit eum contrarium agere his, quæ illi sunt in confessione iniuncta, non moueatur, non curet, sed dissimulet, & vultum suum nunquam, erga eum mutet, imò eundem, quem antea præferat.

In summa: sic cum ipso se gerat, ac si nihil omnino mali vel boni de eo intellexerit: & ac si nunquam eius confessionem audiisset.

3. Poterit, si voluerit & vacauerit, orationem breuem facere, vel suspirium saltem, pro pœnitente, vt in bono per-

seueret, & pro seipso, vt Deus acceptet hunc laborem in peccatorum remissionem, & vitæ æternæ meritum: quamuis hoc sit consilij, non necessitatis. Satis enim oratur pro pœnitente, dum dicitur: *miseretur tui. Et Passio Domini nostri Iesu Christi. &c.*

## CAPVT VI.

*De Pœnitentiaro, quâ index.*

x. **I**udicis est inquirere, post inquisitionē iudicare, & tandē sententiā proferre. Idem confessorem par est facere in confessione, scilicet interrogando inuestigare, & quantum fieri potest, iudicare, hoc esse mortale, illud non: hoc reservatum, restitutioni obnoxium, censura affectum, vel non: hic pœnitens est capax absolutionis (quæ est sententia in ipsius fauorem) ille incapax: hoc permitendum est pœnitenti, illud (vt pote, quod via sit ad peccatum) interdicens: hæc confessio valida fuit vel inualida, ac proinde repetenda.

2. Inquisitio seu examen duplex est. *Commune*, quod ad omnes contentes extendi-

extenditur. *Et particulare*, secundum statum diuersitatem, vt in *Speculo pœnitentium* in secunda parte dictum est.

3. Errant valde illi, qui credunt, confessarium debere esse contentum, sola auditione & narratione pœnitentis. Tenetur enim interrogare, quotiescunq; verissimiliter credit aliquid omitti in confessione, quod explicandum erat, prout in *exa. Approb: dictum est*, quamuis ille nullam fecerit mentionem, dummodo pœnitentiaro certò constet, illud esse peccatum mortale, & à confitente perpetratum, neque per aliquam priorem confessionem expiatum.

Dices, pœnitens non habet in eo conscientiam, ex aliorum informatione. Esto: Sed vrgebo. Illa informatio provenitne ex rationabili diuersitate opinionum: an verò ex temeraria contradictione in gratiam alicuius facta, contra euentem legem, textum, gratiam, priuilegium, seu contra manifestam per verba expressionem. Certè si informatio processit ex diuersitate opinionum, bene est, quia tenetur Cōfessor absolueret



pœnitentē contra suam opinionē, etiam probabiliore, si pœnitēs adhæreat cōtrariæ opinionī, probabili tamen. Quod si ex violenta extorsione verborum, legis, gratiæ, &c. non tenetur idem sentire Confessor, neq; se conformare errori informantium & informati: Vnde S. Anton: 1. tit: 3. c. 10. § 10. Et Palud: dicit. Si Confessor esset certus de opposito scilicet, quod aliquid sit mortale, quod confitens non manifestat, neque eum pœniter, non tenetur se illius iudicio conformare, quamuis pœnitens dicat se consilio peritorum facere.

## CAPUT VII.

*De eodem Pœnitentiario, quā Medicus.*

1. **M**edicorum est, morbi qualitatem cognoscere, causas eius inuestigare, & postea medicinā exhibere. Idē Confessorem facere conuenit, grauitatem, periculumq; peccatorum perpendere; vnde proueniant deprehendere: ex fragilitatē an aliorum inductione, vel cōuersatione, aut alijs occasionibus: an verò ex diaboli suggestionē. Nam

si ex

si ex fragilitate reciduum timeretur, variæ mortificationes imponendæ, & auxilia suppeditanda essent per Sacramentorū frequentationem, eleemosynarum largitiones, orationes, ieiunia, disciplinas, &c. Si ex cōuersatione, aut locorum, inuisione, hæc interdicenda essent: si ex deceptione diabolica, tunc magna cautela adhibenda esset, & in nullo hosti condescendendum.

2. Verū vt hæc ars medicatiua commodius exerceri possit, enumerandæ sunt variæ pœnitentium qualitates, & singulis remedia præscribenda.

Sciendum itaq; est quod inter accedentes ad confessionem, aliqui pariuntur defectum contritionis, videlicet, dolore aut firmo proposito peccata deferendi, & vitam emendandi carentes: alij pœnitentiam differunt; multi facili recidunt, propter habitus prauos relictos, omnes autem ferè ad proficiendum in bono, iuuantur sunt. Demum alij sunt pij & simul pacatæ conscientia: alij morigerati, sed scrupulosi: non nulli mixti, videlicet, sceleribus & scrupulis pleni: non desunt

O 7

etiam qui

etiam qui ad desperationem sunt proni.

3. Qui duro corde sunt, ac pœnitentes, iuandi sunt, vt admittant & concipiant contritionem.

Ad hoc autem efficiendum proponenda sunt terribilia, præterita, præsentia, & futura. Præterita quidem, quàm seuerè Deus punierit peccata in Angelis & hominibus in Paradiso, & extra. Præsentia verò: inprimis iniuria Dei aspicientis, & summum ac infinitum bonum cum sit, infinito modo odio habet peccatum: nos autem sine mensura ac termino diligit, vocat ad se, paratus quantumcunq; maxima peccata condonare. Talis ac tantus benefactor, vt non qualicumq; modo nos creauerit, sed ad imaginem & similitudinem suam, quam nos per peccatum, delemus, & dæmonis, Dei & nostri inimici imaginē induimus: imò amicitiam eius dissoluimus, & cum hoste, qui ad interitū nostrū inuigilat, cōtrahimus. Facultatibus & sensibus ornauit nos, vt ei seruiamus: nos verò non quomodo cunq; eis abutimur, sed ad eum offendendum conuertimus. Mundum hunc pro.

hunc propter nos creauit, nos autem factorē eius deferentes, quasi in illius contemptum, mundo, ac si finis noster esset, fruimur. Filius Dei redemit nos, tam acerba passione & ignominiosa morte: nos autem iterum propinamus ei fel & acerrum (dum gulæ vacamus) caput iterum spinis coronamus (dum superbum) lancea iterum latus eius aperimus (dum voluptatibus carnis, ob nostri amorem inordinatum, indulgemus) vestibus eum spoliamus (dum furtis, rapinis, & oppressiōibus fratres eius vexamus) dorsum eius flagellis laceraamus (dum concupiscentijs prauisq; desiderijs habenas laxamus) pedes & manus eius clauis transfigimus (dum actionibus iniuriōsis Dei patientiam pungimus) ac proinde peccatis nostris, iterum filium Dei crucifigimus.

Adhuc ad præsentia mala spectat, quod Angelum custodem nostrum, peccatis affligimus, ceteros Angelos, Dei honoris zelosos, contristamus, Ecclesiam matrem nostram maculamur ac turbamus.

In præsentī quoq; consideranda est peccati tur-



cati turpitudō, brevis voluptas aut commoditas, periculum ingens. &c. Quo ad futura: mors incerta, iudicium seuerum, sententiā irreuocabilis: separatio à tam bono amico, sanctisq; eius, amissio cœlestis beatitudinis: gehenna insuperabilis, cui poenæ huius mundi simul collectæ, si comparentur, sunt quasi pictæ: societas dæmonum maleuolorum, sæuitia eorum & insultatio, horror, tenebræ, in æternum & vltra.

Verūmenim verò istæ considerationes, non simpliciter sunt proponendæ, sed cum aliqua amplificatione & exaggeratione. Nam & ignis quamuis maximè actius sit, si tamen ad momentum corpori applicetur, parū aut nihil sentietur.

Præter has etiam suasiones, iniungenda sunt pia opera, vt eleemosynæ, ieiunia, & orationes, quibus Dei auxilium impetratur, & duritia cordis emollitur.

4. Quod autem poenitentia differenda non sit, multa suadent. 1. Indignum est Christum Saluatorem nostrum tam diu stare ante ostium nostrum, & expectare, vt misereatur nostri: Nos quoq; miseros

miseros dedecet tantam dignationem contemnere. 2. Quam stultum est, ensē minantem, tormentum bellicum accensum, non statim declinare, ignemq; in te cadentem non velociter excutere? Eccl̃s: 5. *Ne tardes coruerti ad Dominum, & ne differas de die in diem, subitō enim veniet ira illius. Ne dicas, misratio Domini magna est, multitudinis peccatorum meorum miserebitur, misericordia enim & ira ab illo citō proximant, & in peccatores respicit ira illius.* 3. Quia quantō diutius hæret quis in peccato, tantō difficilior est conuersio: nam & consuetudo magis firmatur, & diabolus potentiùs obsidet, & homo longius à Deo recedit. 4. Si miserabile est diutius persistere in offensa regis terreni, grauissima tormenta inferre paranti; & nihil curare de illo placando, oblata commoditate: nonne multo magis miserabilius est, Deum habere sic iratum, qui decreuit impœnites punire æternis supplicijs, suprā quàm cogitari possit grauissimis, & tamen negligere præsentem occasionem, & reiicere in futuram incertam?

5. Con-

5. Contra reciduum quoq; multa sũt remedia: Nam inprimis meditationis studium, est efficacissimum remedium: In eo enim facile deprehenditur peccati vilitas atq; turpitudò, de qua Ierem: 2. *Quàm vilis facta es nimis iterans vias tuas.* Peccantis periculum, quia talis hominis *no- uissima sunt peiora prioribus.* Matth: 12. & Luc: 11. Beneficio meditationis prouitas sensualitatis cohibetur, & efficax propositum vitam emendandi roboratur. 2. Auxilij diuini imploratio, præsertim per preces alicuius Sancti, qui virtute contraria tali vicio enituit, vt S. Thomas Aquinas, & cæteræ Virgines, castitate: Ioannes Eleemosynarius, & S. Antoninus Archiepiscopus Florentinus liberalitate in pauperes. 3. Frequens confessio, & deuota communio. 4. Carnis maceratio, per ieiunia, disciplinas &c. 5. Periculosa familiaritatis, omnisq; occasionis deuotio, sensum verò diligens custodia. 6. Sua sponte statuere, vt si quando relabi contigerit, hoc vel illo modo de se vendictam sumere. v. g. sequenti die ieiunare, vel abstinere, certum numerum Psalmo.

Psalmorum, Litanias, vel Rosarium recitare, notabilem eleemosynam largiri, rem sibi charam in vsus pauperum erogare: aut statim post relapsum genua flectere, terram osculari, à qua sustineri, indignos nos per peccatum reddidimus: vel saltem manu ad pectus admota, dolere, & ad diuinam misericordiam consequendam aliqua pia exercere. Aliquando posset recidens vouere, saltem ad tempus, se talem pœnitentiam assumpturum, si adhuc relabatur, cum discretione tamen, præsertim si sit scrupulosus. Nec voueat, se nunquam tale peccatum admissurum, aut si admiserit, religionem ingressurum. 7. Missas celebrare, aut celebrari facere, vt per Sacramenta & sacrificia obtineatur gratia resurrectionis à peccato. 8. Sanctorum & piorum exempla intueri oportet. Non enim deerant, qui temptationibus non caruerunt, & illis aliquando consenserunt, sed per Dei gratiam, seriam pœnitentiam, vitæ austeritatem, atq; cautelam, ad meliorem frugem se receperunt. Qualis erat S. Bonifacius Martyr, & alij.



6. Contingit aliquando ad confessionem venire eos, qui considerantes diuini iudicii seueritatem, peccatorumq; suorum grauitatem ac multitudinem, de remissione eorum atq; salute sua addubitant, ac proinde ad desperationem procliues sunt. His commemorandæ sunt Dei miserationes, quas solitus est in peccatores exercere. Propter peccatores enim de sinu Patris in terrâ descendit, ut quæreret & saluaret qui perierant: venit non iustos vocare sed peccatores. 2. Pro his multa passus & mortem acerbissimâ pertulit. 3. Quam benignè cum nobiscum versaretur reuertentes ad se recipiebat, Zachæum, Magdalenam, mulierem in adulterio deprehensam, Matthæum in thelonio, Latronem in cruce, pro crucifixoribus rogauit: non reiecit discipulum periurum se negantem: nec postea Saulum se persequentem: Antea verò David, quamprimum dixit, *Peccauit*, statim a Deo per Prophetam audiuit: *Transiulit Dominus peccatum tuum.* 2. Reg: 12. *Facinorosissimi Reges; Manassen.* 2. Par: 33. & *Nabuchodonosor,* Dan: 4. *Conuersi ad Do-*

*minum*

*minum statim sunt misericordiam consecuti.* 4. Ipse expectat ut misereatur nostri. Isa: 3. *Stat ad ostium & pulsas, ut ei aperiat.* Apo: 3. *Inuitat dicens: Conuertimini ad me & salui eritis.* Isa: 45. *Protestatur se nolle mortem peccatoris, sed ut magis conuertatur & uiuat.* Ezech: 18. *Lamentatur quando punire vult.* Isa: 1. *Heu consolabor de inimicis meis.* 5. Sciens nostras abominaciones, nos non detestatur. Ier: 3. *Tu fornicata es cum amatoribus tuis, tamen reuertere ad me, & suscipiam te.* Non est scelus tam graue, quod ipse non dimitteret, si pœnitentia accederet. Matt: 4. *Pœnitentiam agite: appropinquabit vobis regnum Dei.* *Si fuerint peccata vestra ut coccinum, quasi nix dealbabitur.* Isa: 1. 6. Non aufert, sed continuat beneficia sua in nos, tam communia, quam particularia: quod signum non repudiantis peccatores sed inuitantis & allicientis. 7. Hæc autem omnia procedunt ex eo, quod Deus ex natura sua infinicè ineffabiliterque bonus est, amans nos magis quam intelligere valeamus.

7. Iuuare etiam debet pœnitente in Confessor, quatenus medicus est, ut naturales

turales inclinationes ad malum, refrere, consuetudines prauas extirpare, passiones prædominantes moderari, addiscat & conetur, per aliqua exercitia pia, & præsertim mortificationes. Quod quidē magna cum prudentia facere conuenit: Confessarius enim quamuis in Sacramento pœnitentiæ, vna opera totam animā sanct, quod ad remissionē omnium peccatorū mortaliū attinet: reliquias tamen vitiorum & passionum, simul curare non potest, sed sensim, & quasi per gradus, vnum post aliud sumpto initio à facilioribus. Radices enim omnium peccatorum passiones sunt, & præsertim, quatuor, amor, timor, gaudium, & tristitia. Securis itaq; ad radicem applicanda est, ne curatio sit in superficie. Vnde D. Ber: Vide, quid diligas, quid moruas, vnde gaudeas, aut contristeris. Hæc autem securis applicanda est, quando bonus exitus speratur, non cum affectus feruet, sed cum deseruet: deserbuisse autem debet in actu confessionis.

8. Promotio quoq; ad bonum cum, prudentia facienda est. Pigris enim seu negligenti-

negligentibus calcar adhibendum, est, feruentibus frenum, & omnes dirigendi sunt in profectu spirituali, inducendi ad viam perfectionis, secundum status conditionem, atq; instruendi in ratione acquirendi omnes virtutes: non quidem festinando, & ex zelo indiscreto vrgendo pœnitentem, vt vno quasi volatu ascendat ad culmen perfectionis, sed pedetentim & pro capacitate eius.

Quanta eruditio & simul dexteritas in confessario requiritur!

9. De flagitiolis, pijs, & mixtis, in tractatu de scrupulis dicitur.

De quibus decem explicanda sunt.

1. Quid nomine scrupuli intelligatur.
2. Scrupulus quanta mala operatur.
3. Vnde generatur.
4. Quomodo he cause auferri possunt.
5. Generalia remedia pro scrupulosis proponuntur.
6. Specialia quoq; pro scrupulorū varietate.
7. Quomodo Confessarius cum scrupulosis procedere debeat.
8. De libertinis, seu dissolutis.
9. De mixtis,
10. De pacata conscientia.



*Quid in nomine scrupuli intelligatur.*

Scrupulus hic significat formidinem, de peccato aut consensu, vbi reuera nec peccatum, nec consensus adfuit, idq; ex leuissimo, incerto, ac interdum nullo fundamento. Dicitur autem talis animi fluctuatio, scrupulus, id est lapillus Meta phoricè, hoc est similitudine sumpta à minutissimo lapillo. Qui cum in calceum ingreditur, ibiq; latet, pedem premit, vexat, & lædit. Ita & hæc leuiscula existimatio, cum alicuius mentem occupat, eam pungit, torquet, ac mirum in modum excruciat. Vnde habere scrupulum, est habere leuissimum motuum, ac planè puerile terribilamentum, & non verum periculum, quo conscientia turbatur, & animus sollicitatur ad recedendum à veritate. Et scrupulosus dicitur ille, qui propter aliquam apparentiam deserit veritatem, non valens discernere inter sentire & consentire, inter cogitationem & complacentiam: sed quamprimum caro corrupta vel phan-

thantasia mēti aliquid obtulerit aut suggesterit, credit se acceptasse, cum reuera illud ipsi non placuerit. Hinc facile dignoscipotest scrupulosus à prudente: quod ille in vna materia vel pluribus sæpius dubitet, absq; solida ratione, aut saltem verissimili, aut contra omnes rectè sentientes ob aliquam leuem suspicionem vacillat, cum magno suo cruciatu: hic verò benè iudicat.

*Quanta mala operatur scrupulus.*

1. quietem internam tollit, loco eius turbationem inducit, & tanquam, fœuissimus carnifex animum torquet, cruciatq;.
2. intellectum obnubilat, vt neq; res apprehendere neq; de apprehensis liberè iudicare valeat.
3. Fingit peccata vbi non sunt, imò & multiplicat: nam vel interdum contra conscientiam (vt sibi videbitur) ager: vel ex fastidio assensum præbebit, malens certus esse de peccato, quàm anxius dubiusq; de innocentia.

4. Ad desperationem disponit.

5. Inducit tædium ac tristitiam aggrauantem animum, vt nil boni agere libeat.

6. Hominem inconstantem facit: nūc enim susceptam actionem ob aliquem scrupulum intermittit, postea ob superuenientem contrariam dubitationem resumit.

7. Alacritatem ac promptitudinem seruienti Deo eripit; legentem, orantem, meditantem distrahit: quia vix potest aliquid aliud in sua mente præter scrupulos voluere.

8. Pusillanimis effectus, ita manus remissas in bono habet, vt si concionandum, docendum, consulendum, confessiones excipiendum, vel quidpiam agendum sit, ad Dei gloriam & proximi utilitatem, statim ei tot difficultates, hæsitaciones, trepidaciones, occurrunt, vt in conspectum hominum venire non audeat; aut si veniat, loqui subterfugit, ne occasionem alicuius peccati, vt puta vanæ gloriæ, vel aspectus inordinati, & alterius cuiuscunq; formidinis habeat. Et ita qui multa præclara facere posset, &

fortasse

fortasse donis naturalibus plurimis, ac bonis qualitatibus instructus, ignauus redditur & abiectus.

9. Vires tam corporis quam animi destruit, sensus interiores lædit, ita vt ad omnia ineptus sit.

10. Non raro, eò quod suas ineptias interdum exterius prodit, se ludibrio exponit, & tanquam fatuus vel insensatus ab alijs reputatur. Scrupuli enim ad amētiā quoq; iter parant. Hinc & homines cæteri eius consortium refugiunt & contemnunt: Confessores quoq; talium confessiones subterfugunt.

### § III.

*Ex quibus causis proueniunt scrupuli.*

*Ex varijs.*

1. Ex mala constitutione corporis. Nā si humor vel complexio sit naturaliter timida, frigida, melancholica: phantasia quoq; dispositionem ad æstimationem, confusam seu turbidam faciliè contrahet, vt deducit egregiè D. Anton: p. 1. 2. 3. c. 10. § 9.

2. Ex infirmitate, præsertim capitis, per quam etiam læditur imaginatio: ratio quoq; detrimentum patitur.

3. Ex tristitia diuturna, per quam ac-



quiritur melancholia, & perturbantur phantasmata.

4. Ex vehementi & intensa cogitatione circa studia.

5. Ex indiscretis macerationibus, ieiunijs, vigilijs, ac recitationibus seu decantationibus Psalmorum, vel officiorum, per quas (vt D. Hieron: insinuat) amentia, melancholia seu tristitia nota incurritur, & rationalis hominis dignitas amittitur.

6. Ex conuersatione cum scrupulosis: vnus enim scrupulosus facit alium scrupulosum, vt dicit S. Anton.

7. Ex ignorantia, quia hæc facit timere, vbi securum esse oportet. Et reuera magna pars scrupulorum propterea torquetur scrupulis, quia nec sciunt, nec discernunt, ideo ex imperitia omnia suspecta habent, ac proinde sæpè trepidant.

8. Ex superbia & nimia confidentia sui, cum quis suum iudicium, aliorum iudicio præfert.

9. Ex inconstantia: quia tali vitio infectus, ob leuem causam mutatur, & recedit à solido iudicio.

10. Ex

10. Ex frequenti repetitione peccatorum, vel confessionis generalis. Quia in rimido exinde faciliè generatur diffidentia, dubietas, &c. vt inferius dicitur.

11. Ex nimia sollicitudine cauendi malum etiam minimum, seu ex indiscreto puritatis studio, aut inordinato Dei timore.

12. Ex diaboli suggestionem. Qui Deo permittente potest mouere melancholicos humores in homine, per quos imaginatio vel errare potest, vel turbari, vel ad timorem inordinatum induci.

13. Aliquando Deus ipse vult aliquibus talem crucem seu cruciatum imponere, ob pœnam alicuius peccati, præsertim superbiæ, confidentiæ sui, contemptus aliorum, &c. vel ad exercitium, probationemq; ac proinde ob salutem & maius bonum eorum.

### S. IV.

*Quomodo causæ scrupulorum sint auferende.*

1. Inprimis per pharmaca à Medicis præscripta, tolli possunt mali humores in corpore,

corpore, melancholia naturalis & acquisita, siue ex infirmitate, siue ex nimia tristitia, aut vehementi cogitatione, Et præterea occupatione circa læta, vsu honestarum ac moderatarum recreationum, & auersione cogitationis à tristibus.

2. Studia sunt temperanda.

3. Vigiliæ, ac ieiunia, non nisi ex piorum ac peritorum, præsertim Confessorum, consilio sunt assumenda atq; exercenda.

4. Consortia scrupulorum deferenda, & cum iucundis, honestis tamen contrahenda.

5. Ignorantia, assiduo studio depellenda.

6. Elatus animus submissione proprii iudicij ad consilia aliorum, deprimatur.

7. Vt autem in rebus agendis constantia seruetur, & leuitas mutabilitatq; euitetur, assuescendum est id, quod semel rectè deliberatum fuerit, viriliter ac perseveranter exequi, neq; ob leues coniecturas, aut terrores apparentes in contrarium à cæpto desistere.

8. Peccatorum aut confessionum iteratio nunquam fiat temerè, præsertim à timidis

à timidis, sed ob vrgentem duntaxat necessitatem, (quo ad scrupulosos,) quamvis quoad pacatos, etiam propter aliquam spiritualementem vtilitatem.

9. Contra dæmonem, eiusq; tentationes, ac laqueos, oratio victrix præualebit: humilitas quoq; & obedientia, cum frequenti Sacramentorum vsu.

10. Porro voluntati diuinæ quis resistet? Ergo tolerandum est libenter, quicquid Dominus imponit, & voluntas nostra eius subijciatur, cum plena ac sincera sui ipsius resignatione: Dominus mortificat & viuificat, ad inferos deducit & reducit; mille modos habet ipse, quibus sic afflictos consolari poterit.

11. Quo ad nimium desiderium puritatis: Considerandum est, nos esse in statu naturæ corruptæ, non integræ, neque posse absq; speciali Dei auxilio benè memoriterq; operari.

Cauendum quoq; est, ne iste conatus nascatur ex proprio amore, qui velit omnem quantumcunq; minimam imperfectiunculam excludere, vt ex toto fruatur quiete, & ex nimia confidentia propriarum



priarum virium, vt Nauar: monet, quasi ad tantam puritatem per naturæ facultatem peruenire possimus: sed de hoc iterum redibit sermo. Interim obseruandum est illud sanum sapientis consilium. Eccl: 7. *Noli esse iustus multum.*

Narrat Vincentius Beluacen: de quodam Monacho Ord: Cisterciens: quod is ex indiscreto feruore spiritus, conabatur assequi eam puritatem & innocentiam, quā Adam habuit in paradiso, antequam peccasset. Et hanc ob causam magnum laborem suscepit, macerando corpus suum ieiunijs & abstinentijs, vigilijsq; multis, addens feruentissimas orationes. Volebat ille cibum ita sumere, vt nullam inter edendum sentiret delectationem: primos motus conabatur non tantum reprimere, sed etiam penitus extinguere, vt ne sentiri quidem possint. Contendebat absq; vilo peccato etiam veniali, imperfecta puritate viuere. Profecto magna fuit tentatio ista diabolica, ad impossibilia instigans. Etcum cerneret se eo peruenire non posse, in desperationem lapsus est, existimans, se non posse vilo modo

modo in hoc corruptionis statu saluari: vnde venialia peccata, arbitrabatur esse mortalia, ad sacram Communionem etiam cum ex regula tenebatur, accedere nolebat. atq; ita iugum obedientiæ perfregit. Talem fratris morbum pius & prudens Abbas vbi cognouit, pro eo cum multis alijs Deum deprecatus est, sed nihil propter dæmonis astutias effecit. Tandem ad piam quandam, Deo valde deuotam, Christi ancillam confugit, vt ipsa feruenter pro eo oraret: cuius orationis efficaciam etiam in se expertus erat. Ipse ad celebrandum se parans, fratrem accersiri, sibiq; in Missa respondere iubet. De more frater, Confiteor (illa s. Virgine instanter cum lacrimis & suspirijs orante) dicit: & ecce ad singula verba, atri quidam lapilli ex ore Monachi decidere videbantur. Tunc illa animaduertens in hac visione, obstinationem desperationis, & tristitiæ nigredinem, à Monacho recessisse, Domino gratias egit. Monachus verò quasi ad se reuersus, peracto sacrificio, sacrā Communionē accepit: atq; hac salutari medicina perfecte curatus est.

*Remedia generalia contra omnia  
genera scrupulorum.*

1. Vitare diligenter omnia peccata, nō solum actualia, sed & mentalia, nec tantum mortalia, verumetiam venialia, & præterea omnes occasiones peccatorum; atq; adeo firmiter statuere se velle bene vivere, omnia negocia cum deliberatione bona intentione & circumspectione aggredi: nulli malo consentire, fœdas cogitationes non secus ac scintillam in manum incidentem, statim excutere atque eijcere. Et in hoc sincerè protestari, coram Deo, S. Angelo Custode ac Omnibus Sanctis. Tali itaq; proposito stabilito, curandum est, vt in omni euentu diligenter ac constanter custodiatur, obserueturq;: imò interdū renouetur, absque tamen nimio conatu & animi intensio-  
ne: hæc enim si supra omnes actiones reflecteretur, citius scrupulum iniiceret: sed breuiter tali proposito in memoriam reuocato, procedendum est liberè in negotijs,

gotijs, non curando, si impertinentia vltro se ingerant, vrgeant, & sentiantur.

2. Orationem quoq; frequentem ad sedandos & sanandos scrupulos esse efficacissimum antidotum, magistri spiritualles docent omnes, quæ fieri potest, tam per se, quàm per alios. Nam cum ignoremus, quid agere debeamus, hoc solum residui habemus, vt oculos nostros dirigamus ad Deum, sicut docuit nos exemplo suo Iosaphat Rex, 2. Paralip: 20. Et D. Petrus Martyr, oratione liberatus est à scrupulo infidelitatis, vt testatur S. Anton: 1 tit: 3. cap. 10. § 10.

3. Obedire superioribus: præcepto, ac determinationi eorū acquiescere, singulare medicamentum est. Quidam discipulus S. Bernardi, adeo præmebatur scrupulis, vt Missam celebrare non auderet. Sanctus autem dixit ei: vade frater, & in mea fide ( hoc est mea conscientia, vel mihi fidens ) celebra. Obediuit ille, & omnis scrupulus perpetuò recessit. Sed dicit scrupulosus. Vtinam talis esset prælatus, qualis erat Bernardus ( qui Sanctus & doctus fuit ) cre-



derem facile imperanti, & acquiescerem consulenti: Nunc autem cum superioris mei parvam peritiam, & modicam aut nullam pietatem videam, non audeo meam conscientiam, suæ fidei committere. Respondet Gerson: Quisquis ita dicis & sapiſ; erras & deciperis: debes enim ei obedire non vt homini, sed vt Deo iubenti, cuius vicem gerit, nisi præcipiat ea, quæ apertè sunt contra Deum, aut præcepta regulæ.

Dices, quod si ille errauerit? R. Aut non errabit, Deo ipsum dirigente: aut si ille errauerit, Deus non imputabit tibi peccatum: atq; adeò excusatum te habebit.

Similiter obtèperandum est Confessori, nam quando hic est insigniter pius, & egregiè eruditus, scrupulosus tenetur ei credere, imò nec alios consulere: aliàs peccaret saltè venialiter (vt Nauar: in Cōsil: docet) & si is quoq; errauerit, penitēs excusabitur à peccato: imò & ab excommunicatione, si qua irretitus esset, nec teneretur quærere absolutionem: ac proinde esset in bono statu salutis futuræ

tur, ægratiæ præsentis, & participationis suffragiorum, seu bonorum spiritualium omnium, quæ sunt in tota Ecclesia. Nau: lib: 5. Consil: 2. de pœn: & remis. Standum etiam est consilio virorum bonorum peritorumq; submittendo se iudicio eorum. Vnde narratur in historijs Ord: Præd: quod cum quidam defunctus apparuisset cuidam fratri eiusdem ordinis, interroganti de suis scrupulis, respondit: Consule discretos, acquiesce eis. Quod si hi quoq; errarent, consilium capiens excusaretur.

4. Ipse quoque scrupulosus, potest & debet sibi consulere, recurrendo ad iudicium suum, maximè, si doctus sit: imò verò antequam alios adeat, seipsum prius recolligat, & assuescat seipsum iuuare explorans suum opus, ac intentionem, perpendens an deliberatè fecerit, vel subreptio consensum subitum extorserit: perpendat firmitatem, quam in bono proposito habeat: consideret circumstantias omnes, aduertat se scrupulosum, & ita conscientiam deponat, hoc est pro peccato non reputet id quod ei

peccatum esse videtur, & quamuis hæsitatiorem sentiat, non curet.

5. Multum quoq; proderit, auertere animum à cogitatione scrupulorum, rerum tristem, & aliorum ex quibus ipsi nasci possent: & occupare eum circa res iucundas, honestas, & vtilis.

6. Præterea contemnendi sunt scrupuli, ita vt contra ipsos sapius factitetur, non curando eorum murmur, & contradictionem. Neque enim hoc scrupulosus temerè faciet, sed cum ratione probabili, credens se esse scrupulosum, eò quod experiatur se frequenter leui ex causa, & absq; solido fundamento dubitare, ac propterea turbari: aut sciens se ab alijs pro scrupuloso haberi. Nec refert quod euidenter, & certò non sciat esse scrupulum, quia sola credulitas scrupulosa, quando est in fauorem eius, habenda est pro certitudine: quia in pacata conscientia esset absq; vlla vacillatione.

Itaque si frequenter contra scrupulos ager, tandem metum deponet, & tranquillam conscientiam acquireret: Non secus ac ille, qui navigare non audet. hic enim,

enim, si aliquoties conscensa naui, maria tranauerit, nauigationis pericula amplius non tantum non timebit, sed etiam lætus iter suscipiet. Et equus, qui pontem vel saxum pertimescit, si aliquoties calcaribus coactus, ipsum conscenderit, tandem aliquando metum, deponet: ita & qui scrupulis grauatur, si argumenta ex scrupulis confluentia vilipendet audacter in contrarium aliquoties agēs, tandem scrupulorum obliuiscetur, & in actionibus liberè procedet. Sicut per oppositum, si quis eis vel semel auditum præbebit, iterum atque iterum obtemperare assuescet: pluribus sensim insurgentibus, in magnam perturbationis mentem incider, & pace interna nunquam fruetur.

Docet bene Valentia 12. disp. 2. q. 14. pun. 4. q. vlt: quem sequitur Sanchez, quod interdum præceptum est agendi contra scrupulos videlicet, quando quis graue ex scrupulis & anxietatibus detrimentum patitur.

7. Plurimum scrupuloso conducet (Nauar. ait) statuere ob oculos, per imaginationem, Vultum illum speciosissimum &



num & benignissimum Christi, qualem olim contemplabantur homines, dum conuersaretur cum eis, doceret simplices, sanaret infirmos, peccatores hilariter ac beneuolè susceperet, amanter tractaret, liberaliter peccata remitteret, salutem promitteret, errantes moneret, mæstos solaretur, lapsos defenderet. Magni peccatores affectum & vultum beneuolum, auxilium quoq; promptum experiebantur: quanto magis decet, pias ac morigeratas, quamuis scrupulis agitatas, mentes, sibi polliceri de benignitate amantissimi Patris? certè displicet ei hæc anxietas, & parua de eius bonitate persuasio, ac si crudelis Tyranus, ne dicam carnifex esset, & hostis diligenter obseruans minimos nostros lapsus, nesciens nec volens compati infirmitatibus nostris. Equidem talibus imaginationibus grauis ei iniuria irrogatur: multoq; magis illis Deus irritatur, quàm grauissimis excessibus fiduciam in Deum non excludentibus, & veram pœnitentiam includentibus.

8. In perplexitate scrupulorum, vita bo-

vita bonorum debet eis esse viuendi regulâ, quam intrepidè imitari debebunt: & tantò magis, quantò aut meliores fuerint, aut prudentiam eruditionemque cum bona vita coniunxerint, quia semper creditur, eos habere bonum iudicium & affectum, seu intellectum & voluntatem. Neq; fas est scrupulosos habere malam persuasionem de eis, credendo ipsos habere laxam conscientiam, suam verò meliorem, hoc enim superbiæ nota esset, melioribus se præferre.

9. Non debet scrupulosus confiteri dubia & scrupulos, sed ea solùm, quæ manifestè cognoscit esse peccata, absq; vlla hæsitazione: aliàs si voluerit omnia sua dubia semper confiteri, perpetuò manebit causa, occasio, & origo scrupulorū. Imò posset inueniri quispiam adeò scrupulosus, vt ipsi & suadere & facere expediat, vt non existimet aliquid esse mortale, nisi ita manifestum sit, quod posset iurare, illud esse mortale; neque confiteatur nisi quæ iuramento confirmare valeat, quod fuerint peccata mortalia ( vt ait Sa, colaudatus à Sanchez ) & quod

quod nunquam ea fuerit confessus: similiter, non putet se in mortale consensisse, nisi ita certus sit ut id iurare audeat. Hoc autē ex qualitate scrupulosi iudicādū est.

Fundamentum huius est: quia (*ut inquit Sanch: Mor: tib: 1. cap: 1. Num: 20.* Si dubitans est vir bonis moribus imbutus, timidæque conscientia, credendum est, cum non perfectè consensisse: quia cum mortale ingenti odio prosequatur, si ipsum omnino admisisset, faciliè discerneret. Secus de viro pravo ac perditæ conscientia: nam cum illud paruipendat, si non consensisset, nullam dubitationem haberet. Idem de alijs expressis intellige. *Medina quoq; 1. 2. q. 74. a. 8. fin: idem dicit his verbis:* Si qui dubitat, sit vir probus, qui non cognoscit se affectum ad res turpes, inclinet in partem meliorem, & credat se non consensisse: si verò sit homo desidiosus, & conflictatur quotidie cum suis passionibus, & sæpè numero cadit, declinandum est in partem deteriore, & existimandum quòd consenserit.

10. Quando occurrunt diuersæ opinionones Do-

ones Doctōrum probatorum, licebit benigniorem eligere bona conscientia, quamvis sit minùs probabilis, & minùs tuta: dummodò deposita conscientia ipsi adhæreas, & sic bona fide agas.

11. Utendum etiam est insigni illa virtute Epikia siue æquitatis (*de qua D. Th: 2. 2. q. 120. D. Anto: hic, &c.*) præsertim in intelligendis præceptis superiorum, statutis & legibus, persuadendo sibi, non peccare cum, qui implet legem secundum mentem legislatoris, licet verba offendant vel transgrediatur. *Exemplū.* Lex instituit deposita reddi. Hoc autem aliquando solet esse nocivum, ut si gladius redderetur furioso, & thesaurus impugnanti patriam. Similiter, si lex patitur duos sensus: qui in benigniore servaret, non peccaret, quamvis in duriori violaret. Hinc licitum est præcepta Dei, Ecclesiæ, Prælatorum, & Iudicum in foro conscientia benignè interpretari, dummodò id rationabiliter fiat, & vis non inferatur intentioni eorū, neq; verba legis aut mandati detorqueantur, vel corrūpantur, sed in proprietate serventur.

Ratio



Ratio est. Quia præcepta Dei & Ecclesiæ, non sunt ad tollendam omnem spirituales dulcedinem, qualis certè tollitur, quando nimis scrupulosè & timidè interpretantur. *S. Anton:* Adhuc propter eandem virtutem, non peccat, qui in dubio observat legem, secundum consuetudinem inter bonos & prudentes. Consuetudo namq; radicata & aucta, aliquando etiam ipsam legem tollit & abolet: Nimirum in his, quæ non sunt intrinsecè mala, sed tantum extrinsecè, (cò quod verantur:) in his enim præualet communis usus & iuri derogat: (non autè in his quæ sunt còtra legem naturalem & Divinã.) Illa prima prohibita vel præcepta qui non servat, ubi & quando est impossibile, aut valde difficile, non peccat. Aut qui non servat, quia pro stulto haberetur. Et qui contra legem facit, non ex contemptu, sed ratione alicuius periculi considerati, bona fide, credens sibi hoc licere. *D. Anton: Syl: For.* Ratio est, quia nec Deus, nec Ecclesia, per sua præcepta intendit obligare ad vix possibile, si quidem onus eius leve est, *Math: 11.*

est, *Math: 11.* Et neque Deus, neque Ecclesia, intendit aliquem obligare, cuius executio fieret ridiculosa, & observans ludibrio exponeretur, saltem apud discretos & probos viros: aut si præceptum implens, fatuus reputaretur. *S. Antoninus.* Vnde non accipit (*inquit*) Deus vota indiscreta & stulta, sed detestatur: displicet enim ei stulta promissio; Porro virtutis huius munus est, considerare omnes circumstantias legis, scilicet, intentionem authoris, tempus, loca, causas, præsentem necessitatè, vel periculũ, &c.

12. Scrupulosus non debet moveri quibusdam dictis quæ in speciem videntur esse in fauorem & fomentum scrupulorum, in conturbationem verò ac terrorem scrupulorum.

Primum est. In dubijs tutior pars eligenda est: propter hanc enim propositionem, scrupulosus eligit viam rigidior, quia ei tutior esse videtur. Sed hæc propositio benè intelligenda est. 1. Quod eligere viam tutiorem consilij est, non præcepti: aliàs oportet ingredi omnes religionem, in qua tutius vivitur, quàm in sæculo.

Satis

Satis ergo est eligere tutam. Sicut diuersis vijs itur ad vnam eandemq; ciuitatem, licet vna sit tutior quàm alia: sic ad ciuitatem cœlestem alius sic, alius aliter vadit, & quidem tutò, licet aliquis tutiori modo & via.

Præterea hæc propositio intelligenda est, in vero dubio, in quo quis se habet, tanquam in æquilibrio, hoc est æqualiter, non magis propendens ad vnam partem quàm aliam. Scrupulosus autem adhereret vni parti, à qua per leuem rationem dimouetur.

Secundum dictum est S. Greg: relatum dist. 5. cap: *Ad eiu.* Bonarum mentium est, ibi etiam culpas suas agnoscere, vbi culpa non est. Idcirco scrupulosi hac propositione moti, trepidant timore, vbi non est timor.

Hæc quoq; propositio benè intelligenda est, & prudenter interpretanda. Verissimum enim est, talem dispositionem mentis esse bonum signum, mentis scilicet timorata, Deum præ oculis habentis, etiam ei in minimo displicere vitantis: nihilominus talis mens dirigenda & corri-

& corrigenda est, ne denegeret & aberret. Quamuis enim ista propensio in bonum sit bona, secundum se considerata, tamen ratione annexi potest esse inordinata, ac proinde non bona ratione iudicij, in quantum malè iudicat, dicens, aliquid esse tale, cum non sit, quod ex defectu scientiæ ac iudicij prouenit. Itaq; hæc mens ex parte, bona censenda est, non ex toto: vt autem sit ex toto bona, regulis prudentiæ moderanda est.

Tertium dictum. Tene certum, dimitte incertum. Scrupulosi autem certior esse viderur durior sententia, quàm benignior. *¶* In moralibus quæ tantam varietatē habent, nullibi potest esse certitudo euidentiæ (quam dicunt *Mathe-maticam*) sola civilis, moralis inuenitur, quæ est per humanas coniecturas, rationesq; probabiles, hoc est, quæ omnibus aut pluribus maximè sapientibus veræ videntur.

Colligitur autem certitudo moralis ex vno trium modorum: Ex peritorum auctoritate, quod pertinet ad incipientes.

Ex propria eruditione, quod congruit proficientibus.

Ex cir-



Ex circumstantiarum circumspectione, quo ad perfectos.

Et cum talis tantum certitudo inueniatur, tam in rigida, quam in benigna sententia: illa, quæ rigidior est, non debet prevalere contra benignam suam asperitatem incertitudine, aut probabilitate: imò viceversa benignior potest esse certior, & Deo acceptior.

Quartum, quod opponitur, est: Qui adhæret opinioni laxiori, videtur se exponere periculo peccati mortalis: Nam si illa sit (sicut esse potest) falsa (& quidem facilius, eo ipso quod laxa est) contraria verò, quæ durior, est, vera: nonne operas secundum laxam peccabit? Et sic, qui amat periculum, peribit in eo. Eccl: 3.

¶ Qui sequitur opinionem laxam, probabilem tamen, neque contra conscientiam agit, etiam si minus sit probabilis, neque se exponit periculo mortaliter peccandi, formaliter, id est, ex intentione, & quod illud peccatum ei imputetur, quia non remere sed prudenter operatur, ductus videlicet ratione probabili: quamvis interdum id quod fit, ex parte sua sit peccatum, quod

tum, quod potest dici, exponere se periculo peccandi, materialiter. Sed hoc nihil nocet: quia operatio non requirit omnimodam certitudinem. Alias vix alicui operari liceret, cum res practica difficilimè cognitu, & varijs opinionibus subiecta sint. Sufficit itaque sola probabilitas, quæ non excludit de opposita opinione formidinem. Non enim Deus nos obligat ad habendam scientiam, hoc est notitiam certam & evidentem, (quæ non potest haberi à nobis,) nec requirit illam in moralibus: sed est contentus, ut operemur bene, secundum probabilem credulitatem, quæ hinc inuenitur. Nau: Conf: 2. lib: 5. de Pœnitent: & remis.

Quintum dictum ex Prou: 24. Septies in die cadit iustus. Hoc quoque solet torqueri scrupulosum: si quando in præparatione ad confessionem peccata recordari non potest. ¶ Casus iusti frequens in die, non est mortalis, ut declarat D. Th. sed venialis. Et præterea, ut Gran: addit, spectat ad peccata omissionis non commissionis. Numerus autem certus pro incerto ponitur, plus minusuè. Itaque non

Q

eximit

eximitur etiam scrupulosus à tam frequēti lapsu, sed animatur, ne propterea sit anxius, tum quia tales casus sunt veniales, qui non necessariò subduntur clauibus Ecclesiæ in confessione, tum quia sunt difficiles cognitu, & multò difficiliōres numeratu; tum quia misericordiæ Domini numerari non possunt, quibus potius niti debemus, quàm nostris conatibus.

Sextum, planè apparens terriculum. Si in articulo mortis esses, non auderes, cum hoc scrupulo non expiato, mori.

*Respondet in primis Sylu.* In articulo mortis multa facienda sunt, quæ extra ipsum facere non conuenit, nec expedit. Alioquin facilè in amentiam vel desperationem incideretur.

2. Corduba. Etiam in illo articulo scrupuloso consultius esset contemnere scrupulos, ex Confessoris aut docti viri iudicio.

3. Sicut licitum est in vita, ita licitum etiam erit in morte sequi opinionem probabilem, quamuis laxiorem: & sicut in vita non imputatur sic operanti prudenti

prudenter, ad peccatum, ita & in morte: Imò tunc vel maximè expedit conscientiam tranquillare, pijs ac doctis obedire, quàm maximam fiduciam de Deo concipere: ipsum non tanquam Tyrannum crudelem aut hostem suspicere, sed tanquam Patrem benignissimum, & infinitè, ineffabiliterq; bonum, in despectum diaboli turbantis conscientiam bonam.

## § VI.

*Nunc de specialibus tam scrupulis, quàm remediis agendum est.*

Scrupuli varij sunt, & possunt reduci ad nouem Capita. 1. Ad cogitationes. 2. Ad subitos motus. 3. Ad gesta & gerenda. 4. Ad Confessiones. 5. Ad Comunione. 6. Ad deuotiones. 7. Ad curiositatem sciendi de sua salute. 8. Ad putatam carentiam scrupulorum. 9. Circa baptismum. Sed in particulari numerabuntur viginti genera scrupulorum.

In cogitationibus scrupulus triplex. Turpitudinis, infidelitatis, & fada blasphemia.

1. Inprimis itaq; turpes cogitationes,

Q 2

etiam



etiam resistentibus, importunè se ingerere solent: & ideò dum incidunt in timidam conscientiam, eam conturbant, propter dubitationem, aut potiùs suspicionem consensus.

### Remedia.

*Primum.* Nosse oportet, nunquam esse peccatum mortale in talibus cogitationibus, nisi cum voluntas deliberatè ac plenè consentit, hoc est, spontaneè oblectatur illis voluptatibus internis, gaudens quod adsint, easq; detinet eò quod illi placent: vel saltem cum periculo cõplacendi sibi in ipsis, vt superiùs declaratum est.

Verùm, quando displicent excruciantq; signum est, quod eis non consentitur, sed resistitur, atq; ideò cedunt in meritum propter illam molestiam toleratam. Sed quod tales seducit, est, quia ob ab animi pusillanimitatem, aut phantasie perturbationem, nequeunt discernere, inter cogitare, seu tentationem sentire, & consentire. Cùm tamen ista plurimùm distent, neq; semper statim ac senti-

sentimus, consentimus: Sentimus autem sæpiùs, etiam cùm nolumus, suppeditante nobis talia, carne corrupta: quæ etiam D. Paulo Apostolo satis molesta fuit.

Alios quoq; Sanctissimos viros, turpes cogitationes infestabant: quia fomes, qui est procliuvas appetitus sensitiui ad bona sensibilia rectæ rationi contraria, nobis nolentibus parit inordinata desideria, seu insurgentes motus subitos & indeliberatos circa varia genera peccatorum, quos cohibere, non est in nostra aut vllius hominis potestate, propter corruptionem, naturæ per peccatum originale. Est tamen in potestate nostra, cum Dei auxilio erumpentibus non consentire. Ponit quidam appositum huius rei simile: Cultro quamuis accidat rubigo, non tamen imputatur cultrario, quia non provenit ex intentione eius, sed ex conditione & necessitate materiæ, in qua ipse operatur: ita & turpes cogitationes quæ accidunt alicui, quia sunt præter intentionem hominis, & pullulant ex conditione & miseria naturæ corruptæ, absq;

cooperatione & consensu eius, nullatenus imputantur ei.

*Secundum remedium.* Tales cogitationes sine nobis ortas contemnere, eis non respondere, non moueri, neq; iramoriari, examinando de consensu. Nam si hoc feceris, statim nouæ difficultates, imò & vacillationes de consensu exoritur, te multò magis turbantes.

*Tertium.* Nihilominus tollendæ sunt omnes occasiones, quæ possunt tentationes & tales scrupulos inducere, vt est otium, negligentia, curiositas, familiaritas, quamuis honesta, si sit periculosa, præsertim cum altero sexu, aspiciendo, alloquendo, audiendo. &c. Tales enim occasiones solent non rarò causare, non tantum scrupulos, sed etiam lapsus. Præcipue verò turpes cogitationes, nullo prætextu admittantur, sed statim abijciantur.

*Quartum.* Occurrente occasione loquendi, videndi, antea recollige, & bono proposito arma te. Si deliberatè quodlibet opus aggressus fueris, & te tali armaueris fortitudine, non facili succumbes tentationibus, neq; scrupulis agitaberis.

*Quintum.*

*Quintum.* Auersio faciēda est à turpi cogitatione, & subroganda aliqua honesta.

*Sextum.* Difficulate crescente ad Christum suspirandum, signum crucis in petore imprimendum, B. Virgo, S. Angelus Custos, & alij sancti implorandi: & alia quoq; secundum loci opportunitatē sunt faciēda, absq; nimio tamen conatu, ne fortè magis inualecant & urgeant. Quòd si hæc non profint, inferat sibi dolorem aliquem sensibilem, leuem, tamen & discretum, vt puta, pungendo corpus acicula, vel ad modicum tempus subiiciendo manui ignem papiraceum. Durantibus verò adhuc, consensum non præbeat, Deo se commendet, confidens in Dei misericordia, ei tales tentationes non nocituras, sed ad insignem coronam profuturas.

*Septimum.* Tales cogitationes de Confessarij periti consilio non confiteatur, nisi certò constet de consensu.

2. In cogitationibus scrupulus est circa fidem: Nam quibusdam solent in mentem venire cogitationes infidelitatis, quas dæmon, vt plurimum suppeditat, ita

Q 4

vt eis



ut eis videatur, aliquem sibi loquentem ad aurem audire, vel etiam seiplos intus dicentes: *Ego nego Deum, demoni me trado, Christus non est verè in Sacramento: Impossibile est in natura diuina esse tres personas, Deus non est iustus.* Videntur inquam ista sibi dicere vel dici, imò etiam consentire, atq; se esse hæreticos.

### Remedia.

*Primum.* Scire debent isti ex omnium Theologorum & Canonistarum doctrina, quod ad hæresim duo requiruntur, *Error* scilicet & *pertinacia*. *Error* quidem, qui sit contra fidem: *Pertinacia* verò consistit in eo, quod quis sciens & volens tenet aliquid contra Ecclesiam Catholicam.

Porro: qui inuitus patitur tales errores, vel in fide dubietates, non est pertinax, ac proinde non tantum non hæreticus, sed neq; alicuius culpæ reus, quamuis sibi videatur consentire. *Sanch: Moral: lib: 2. c. 7. n. 13.*

*Nauarius autem Conf: 5. lib: 1.* Non desinunt, inquit, habere fidem, qui scrupulis angun-

anguntur, etiam si eos omnino expellere nequeant. *Conf: verò 9. lib: 3. n. 4.* Non dicitur, inquit, dubius in fide, qui habet scrupulum, hoc est aliquid motuum contra fidem, modo credat eam: sed qui deliberata mente ita dubitat, ut nullam partem credat. Idem docet cap. *si quis.* de pœnit.

*Et in Manual: c. n. n. 22.* Subreptitia dubietas & non deliberata, maxime illa, quæ renitente voluntate euenire solet, & contra voluntatem illam habentis, perdurat: vel non est peccatum, aut solum leue. Et multo minus scrupuli, qui contra fidem exoriri solent, & contra voluntatem, habiti moleste perdurant.

*Graff: lib: 2. Decif: c. 8. n. 9.* Nullus est quin aliquando ex carnis stimulo, & scrupulo conscientie, non dubitet in fide: sed quia dubitationi, ex scrupulo conscientie & ex primis moribus provenienti, non insistitur, sed resistitur, conformando se fidei Ecclesie, ideo non inducitur hæresis. Et potius est pœna, quam culpa. Vnde & meretur, sicut & is qui inuitus polluitur prauis cogitationibus.

*Secundum.* R. Perpendendo rem deprehendemus, vel ex hoc, consensum defuisse:

desuisse, quod has tentationes patiens credit se Hæreticum; ac proinde, illud quod cogitat, iudicat esse falsum & hæreticum. Qui autem sic iudicat, non potest esse aut dici Hæreticus: Hæreticus enim contrarium potius reputaret, falsū, & quod in animo versat, verum.

Est quoq; aliud signum, dissensus, moraliter certissimum. Quia sic vexati, ingenti pœna afficiuntur, quasi odio habentes errorem, tanquā veritatis Catholicæ amantiissimi.

Addunt Theologi & tertium signum. Quod non tantum, cum illa tentatio durat, affliguntur, sed etiam cum primum transijt, tristitia afficiuntur, signum itaq; est, quod deest pertinacia, requisita ad hæresim: qui enim pertinax esset, non tam faciliè resipisceret.

Tertium ꝑ. Meminisse oportet tales infidelitatis cogitationes, multoties ex dæmonis suggestionem provenire, ad impediendā tranquillitatem bonarū conscientiarum, ut à Christi via talibus difficultatibus ac molestiis deterritæ retrocedant: vnde flagitiosus, rarò hæc accidunt, quia eos victos, & quasi suos dæmon possidet

fidet (suar) sinitq; eas in quibusdam quietos esse, ad decipiendum.

Quartum. Aliquando etiam si dæmon non suggerat, ipsa natura suppedabit, nec tamen fides amittitur. Nam hæc eadem fides compatitur motus dubitationis, ob tres causas. 1. Quia dogmata sūt supra naturam, ad quæ intellectus ex se suaq; naturali virtute pertingere non potest, sed tantum fide adiutus. 2. Quia quamvis hæc sint reuelata à veritate infallibili, in se tamen euidenter non cognoscuntur, sicut cognoscētur in patria; sed tanquam per nebulam & ænigmata, obscurè apprehenduntur. 3. Vnde, quia intellectus ea credit ex imperio voluntatis & non ex se est assecutus, ideo non quiescit. D. Th. de verit. q. 10. 12. 2. Vide alia loca in tabula, ꝑ. Fides 143. Propterea autem omnibus, aut ferè omnibus tales cogitationes contra fidem exoriri subreptitiè solent, ut inferiis ex Bonau: dicemus, & supra ex Graff: diximus.

Quintum remed. Optimum consilium est, tales cogitationes scrupulosum vexantes, prorsus contemnere, atq; ita se gerere, ac si nihil menti occurreret, in



illis non occupari vel morari, sed animum ad alia diuertere. Nam ( *ut dicitur Sap: 9.* ) difficile æstimamus, quæ in terra sunt, & quæ in prospectu sunt, inuenimus cum labore: quæ in cælis sunt, quis inuestigabit?

Dogmata fidei, cum tempore, & sensim Ecclesiæ reuelabantur, & nec dum omnia ei nota sunt, quamuis Sanctum Spiritum, omnem habentem scientiam, magistrum habeat: tu autem qui membrum Ecclesiæ es, & quidem satis hæbes, vis omnia in præsentī statu comprehendere, & penetrare? In simili tentatione satis est tibi credere, & profiteri, quod credit & confitetur Ecclesia: scrutari verò, cur, & quomodo, non iuberis imò prohiberis, ne erres & à gloria opprimaris.

*Sextum.* In reuerentiam mysterij, contra quod quis tentatur, exerceat aliquod signum pietatis, ut genu flexionem, aut actum fidei, tentationi contrarium: vel dicat: Omnes errores damno, suggestionibus non consentio, doctrinam Ecclesiæ in omnibus & per omnia teneo.

3. Tertius in cogitationibus scrupulus, ra-

lus, rarissimus quidem, sed molestissimus est scædærum blasphemiarum, circa Deum, aut Sanctos eius. Ita, quod aliqui quicquid de Deo, aut Sanctis cogitauerint, vel imaginem sacram aspexerint, legerint, audiuerintq; statim insurgunt turpitudines carnales, interdum autem videntur sibi quasi figuras quasdam lasciuas, circa spiritualia aspiciere, &c.

### Remediâs.

*Primum remedium est.* Scire ista phantasmata, diaboli operâ, ut plurimum fieri, ut nos à bono auertat, cor distrahat, & in desperationem inducat. Dæmon est, qui non tantum suggerit, sed etiam agit, homo patitur. Est iste latratus canum infernalium: est tanquam hominum perditorum, obscænus sermo circa ostium & fenestras honestissimæ puellæ, fugere inde non valentis, & cum afflictione sua magna audientis. Non itaq; censerī debent ista peccatâ, sed potius afflictiones pro corona cælesti comparanda: *Sicut respondit Greg: 7. S. Hugoni Episcopo.*

*Secundum.* Optimus modus vincendi

cas per

cas, per contemptum, nihili faciendo eas, quia reuera sunt potius inanes terrores, quam vera pericula. Ita docet S. Bon: Opus: de profectu relig: cap: 3. Tentationes, inquit, contra fidem, & à spiritu blasphemix, neq; euadere possumus, neq; vincere resistendo. Nam quantò magis eis indignamur, & cum eis disputamus, aut sermones habemus; tantò magis virus earum diffunditur & accenditur.

*Tertium.* Consolandi sunt tales exemplis similibus. Multi eximix sanctitatis idem sunt passi, & tamen neque fidem neque sanctitatem amiserunt. Sanctus Hugo Episcopus, per totam serè vitam passus est spiritum blasphemix, sustinens turpes cogitationes de Deo & rebus Diuinis, noctu diuq; cum summa amaritudine. *Lege in Vitis Sanctorum editis, per bonam memoriam Petrum Skarga 3. Aprilis. Idem accidit S. Euagrio, vide 14. Decemb. Sancta Catharina Senen: virgo innocentissima, (30. Aprilis.) superauit humilitate, oratione, & taciturnitate, non respondens, neque curans eas. Gregorio 9. datus*

datus est digitus S. Mariæ Egniensis, ad restituendum tali spiritui blasphemix. vide totam vitam eius 23. Iunij. *Lege & alias medicinas apud Skargam. April: 3. in Appen.*

*Quantum.* Bono animo sint, qui hæc patiuntur oportet, & ne vel modicum contristari debent. 1. Adeò enim non consentiunt (quamuis fortè sibi consentire videantur) vt etiam propterea affligantur. 2. Ne super eos gaudeat inimicus: ad hunc enim finem efficit talia diabolus, vt turbet eos. Cùm itaq; viderit conturbatos, lætatur; sed cùm viderit aliquos talia negligere, confusus recedit. 3. Quia corona pro afflictione manet.

4. Occasione quoq; subitorum mortuum, impatientix, iræ, inuidix, odij, scrupuli oriuntur. Qui si peruenerint ad verba conuitij aut iuramenti, vel etiam ad verbera, absque plena deliberatione, turbant conscientiam, non distinguunt inter voluntatem subreptitiam & deliberatam, aut scrupulosè credentem secum bona deliberatione ista admisse.



Sanè perpendendum est rationabiliter opus, & animi præsentia seu libertas, quæ pertales primos seu subitos motus præuenitur & præpeditur. Neq; credendum est, eos esse vitia moris, sed naturæ tantum, non culpæ, sed pænæ Et Sāctissimi quiq; viri (excepta B. V. ex singulari priuilegio) ab eis immunes non fuerunt, quamuis per Dei gratiam quàm plurimi resistebant, nonnulli ex fragilitate humana succumbebant, sed postea Deo auxiliante resurgebant. Prouenit hoc ex corruptione naturæ humanæ per peccatum originale: ob quod appetitus sensitiuus rebellis factus est rationi, tendens in exteriora inordinatè, & subministrās talia desideria, vltionis, &c.

5. Scrupuli, qui vexant circa res gestas, dum aliqui ob leues coniecturas suspiciantur actiones suas præteritas, fuisse peccata moralia, vnde communicaturi, aut celebraturi, sæpius reuertuntur ad Confessorem, & postquam recesserint à confessario, statim suboritur nouus scrupulus,

scrupulus, qui eos æquè ac prior inquietos facit, stimulatq; vt iterum ad Confessarium redeant, cum magna eius molestia, aliorum offendiculo, & nullo suo fructu, vt inferius plenius dicetur.

## Remedia.

*Primum.* Tales scrupulosi perpendant suam conditionem, & ad quid obligentur sub peccato mortali, siue quatenus homines sunt ex lege naturæ, siue quatenus Christiani ex lege Euangelica, siue ratione sui status & muneris: Et cum hoc cognouerint, considerent, an omiserint facienda, vel commiserint vitanda.

*Secundum.* Deliberent secum, & actionem examinent, an fuerit peccatū. Nam multa excusant à peccato, vt obliuio, inaduertentia, &c. Deinde an fuerint mortalia vel venialia. Et an possint iurare, quod peccatum per obliuionem omissum fuerit mortale. Nam si veniale, non current: si certū mortale, videant si oportunitas sit redeundi ad Confessorē, absq; eius molestia, & aspiciētū admiratione, si Confessor occupatus, aut alij malè interpretarentur: vel iam vnā cum alijs sumptu.

sumpturus est Eucharistiam, sumat cum lætitia cordis, in commodius tēpus reijciens illius peccati confessionem, à quo iam indirectè absolutus est.

6. Scrupulus circa gerenda. Aliqui enim de his quæ sunt æturi, turbantur, & trepidant, nec liberè agunt, quia omnia suspecta habent hærentes, an sit agendum necne, sitnè peccatum, vel licitum. Quod non tantum simplicibus, verum etiam doctis solet interdum accidere, qui sciunt quidem in genere iudicare, quid sit vel non sit peccatum, quid mortale, & quid veniale: imò & in particulari tale iudicium in aliorum causa proferre sciunt, sed in suis actionibus eadem libertate uti non valent. Sanè *Navarrus* vir doctissimus, pariter pietissimus, sedecim (ni fallor) annis, scrupulis angebatur & detinebatur, ut ipsemet quodam in loco fateatur. Et qui alios efficaciter iuvabat, seipsum iuvare tunc nequibat. Alij ut supra dictum est, multa eximia patrare possent, sed metuentes scrupulos occursum, non audent.

Reme-

### Remedia.

Superiùs exposita, his quoq; convenienter aptantur. Nimirum, ut prudenter ac deliberatè procedat in qualibet actione, consideratis negotij gerendi conditionibus, excitata & præmissa recta intentione: exempla quoq; piorum ac sententiarum aspiciendo. Quod si exempla defuerint, consilia petantur; & ita bona fide negotium intrepidè peragatur, nihil curando internas scrupulorum contradictiones vel distractiones. Qui enim tali cum diligentia actiones aggreditur, facit, quod ex se est, & à peccato si quod esset excusatur. Magni autem refert, scire discernere inter mortale & veniale, aut nullum peccatum.

7. Scrupulus circa possibilia. Aliqui discruciantur secum cogitantes hæc. Quid si comprehenderer ob fidem, & conijcerer in carcerem terribilissimum, arctissimū, fœtidum, &c. Quid si tormenta acerbissima adhiberentur, & mors crudelissima & prolixa excogitaretur, hæc vel illa. Quid tunc facerem? Retineremne constan-



constanter fidem, an verò ob exquisitissimos, terribilissimosq; cruciatus desere-  
rem, cum multò grauiori damnatione?

### Remedia.

*Ex Gersone.* Non sunt faciendæ tales propositiones vel comparationes, quæ possent quidem euenire, fortè tamen nunquam accident. Quòd si in mentem irreperint, illis non est respondendum, determinando se ad aliquam partem (cùm non adsit de præsentì casus quo quis teneatur facere electionem) ne se exponat periculo peccandi ex vtraq; parte; siue in proponendo recessum à fide, vt euitentur immania tormenta: siue in præsumendo de se, quasi valeat suis viribus tolerare illa tormenta. Itaq; talis cogitatio excutienda est ex animo, & alia honesta assumenda.

*Secundum.* Dicendum est humillimè coram Deo, si talis casus se offerret: scio quidem nunc, quomodo etiam tunc me gerere debeam, quidq; agere: imò & in hac dispositione præsentì conseruari cupio. Verùm quid eligerem tunc, prorsus ignoro;

ignoro; nunc autem Deum, (adiuuante eodem) offendere nolo. Et nihilominus quamuis meæ fragilitatis cōscius, non audeam ob periculū arrogantia, certò promittere, me fortiter cum tormentis pugnaturum: tamen confido in Domino, quod non me pateretur tentari supra id quod possem suffere: Psal: 138 *quia oculi eius imperfectum meum vident; & cuius instructione audeo dicere, Ne nos inducas in tentationem.*

*Tertium.* Tota fiducia in Deo est collocanda, quòd ipse tunc potentissimè auxiliabitur, suppeditando patientiam: Psal: 9. *Ipse enim est adiutor in opportunitatibus, in tribulatione:* Præsertim cùm non ram nostra, quàm eius causa tunc ageretur. Habemus huius rei præclarum exemplum sanctæ Felicitatis in Baronio, Anno Christi. 205. quæ ob fidem, comprehensa, & incarcerata fuit. Et quoniam prægnas fuit, tempus partus expectabatur. aduenit tandem pridie martyrij. Et cū in doloribus partus vociferaretur, audiens Notarius Tyranni, subsannabat ei dicens: Quomodo cras acerbam mortem

mortem æquanimiter suffere poteris, quæ pariens, tantam impatientiam demonstret? Respondit. Doleo & ploro, naturæ debitum hac ratione exoluens: verum cruciatus per impios Tyrannos inferendos, gratia Dei in me superabit. Quod & rei probauit euentus. Nam in crastino ignominias & crudelem mortem, alacriter pro Christi fide pertulit.

*Poteris legere in Vita Sanctorum Petri Skar- ga 13. Februarij. de illis Martyribus. qui annis 30. à diuersis Tyrannis, diuersa & acerbissima tormenta passi sunt. Quomodo hi suffere potuerunt? Deus suo auxilio eis præsto fuit & iuuuit: idem nobis quoque in tali casu succurreret, & pro sua bonitate non desereret.*

*Quartum.* Satis est nunc habere firmum propositum, cum Dei auxilio patienter tolerandi quamcunque tribulationem, generaliter, non descendendo ad particulares, hanc vel illam, summittendo se voluntati diuinæ, in omni casu ab eo permissio.

*Quintum.* Benignissimus Dominus noster, adeo bonus est, quod non imputat nobis peccata, quæ fortè faceremus, si in

tali vel

tali vel tali occasione essemus, sed tantum quæ fecimus, facimus, aut facere deliberet statuimus. Actum esset de nobis. De illis innocentibus pro Christo ab Herode occisis, Doctores quidam asserunt, quod, si superstites fuissent, plures cum ceteris contra Christum fuissent, & eis, qui crucifige clamitabant, se adiunxissent: aliqui etiam in pueritia mortui si ad eam peruenissent, damnari potuissent. Quod verum est absolute, & in sensu diuino, hoc est, seclusa Dei ordinatione. Egregie loquitur D. Augustinus: in hac materia contra Semipelagianos: Non imputat inquit nobis Deus quæ faceremus si hoc vel illud nobis occurreret: sed quæ facimus circa illud quod occurrit. Quod si non occurrat nec se offerat memoriæ aut scientiæ cum qua peccaremus, gratiæ Dei imputandum est. *Lege Suarez de Religione t. 2. lib. 3. cap. 6. N. 6. & 7. N. 5.*

*Sextum.* Porro si talis casus eueniret, tunc imprimis ad Deum adiutorem confugiendum esset, ut scuto patientiæ armet nos: perpendendo quod deficiente patientia, dolor magis vigeret, apprehenderetur,



deretur, sentiretur, & augetur. Nam quanto vehementius animus per impatientiam reluctaretur, & tamen refugere non valeret: tanto maiori furia agigaretur: quod in omni aduersitate præ oculis habendum est. Tunc quoque actus charitatis erga Deum producendus esset, cuius causa mors tolleretur. Qui autem verè Deum amat, non grauatur suffert, quicquid Deus permittit, etiam difficillima, voluntati quoque illius se libenter amans conformat.

Deinde in mentem venient graua & multa peccata, quibus Deum offendimus, & pro quibus mille gehennas promeruius. Profectò talia tormenta grauitati peccatorum non corresponderent, sed multò inferiora essent. Et comparatione æternorum acerbissimorumque cruciatuum inferni, hi momentanei, tanquam picti, ac vmbra censentur.

O quam plausibilis fauorabilisque permutatio.

Præterea. Hi breui tempore durantes dolores, tandem transibunt, succedet merces in æternum duratura, voluptas, quæ

quæ obliuionem inducet omnium acerbis, replens omni consolatione, læticia ac dulcedine. Exultabunt Sancti misericordè, quòd multa passi sint pro Deo, habentes autem copiosam retributionem, lætabuntur in cubilibus suis.

Talibus meditationibus animaretur & adiuuaretur in tormentis positus.

*Septimum.* Scrupulus est, circa peccata commissa, & eorum displicentiam. Circa commissa quidem cruciantur supra modum & quasi desperando.

### Remedia.

*Primum.* Hæc vehemens tristitia, multoties ex amore sui & non Dei nasci solet, idò moderanda.

*Secundum.* Ante casum cogitare debebant Dei iustitiam & seueram punitiōnem: post lapsum, Dei contemplentur bonitatem & misericordiam, quæ tanta est, vt si quis omnium peccatorum mundi reus esset, quæ perpetrata sunt, patrantur, & perpetrabuntur: doleret autem sincerè, quod bonum Dominum offenderit, & firmiter proposuerit in po-

R

sterum

sterum non peccare: talis copiosissimam consequeretur gratiam, quod experti sunt plures electi & sancti Dei. Itaq; potius agant pœnitentiam, cum tranquillitate interna, & hilari spe veniæ.

*Tercium.* Plùs confidant in Diuina clementia, quàm in vlla sua sollicitudine, neq; tantum sibi polliceantur de sua puritate, vt existiment, se aliquando posse præstare opera, quæ ex parte sua digna sint diuina maiestate, aut se forè immunes à peccato: *Quia semper dicendum est, Plal: 142. Non intres in iudicium cum seruo tuo quia non iustificabitur in conspectu tuo omnis viuens.*

*Quartum.* Abijciendum est quoddam inordinatum desiderium, quod est hoc. Optant aliqui omnia cum summa tranquillitate facere, ac frui statu, qui non est præsentis vitæ. Vnde si minima ingestis imperfecti vncula se prodiderit, aut aliqua cogitariuncula in contrarium exorta fuerit, statim turbantur; eò quod frustrati sunt suo desiderio. Meminisse oportet, nos in statu viæ, non patriæ esse, in fluctuoso mari, in quo aliquando in tran-

in tranquillitate, aliquando in tempestate nauigamus, cadimus, & resurgimus. Lapsus tamen non semper sunt æquales: nam veniales frequentiores, mortales rariores. Et pro sanandis eis inueniuntur remedia in Ecclesia; pro his quidem Sacramentum pœnitentiæ, pro venialibus sunt plura alia, præter Sacramentum pœnitentiæ. Adest quoq; Medicus benignissimus & peritissimus, sciensq; compati infirmitatibus nostris.

*Quintum.* Obseruanda est doctrina S. Bonauen: ante confessionem præcedat diligens conscientia examen: post confessionem non cogitetur de dispositione propria, vel de peccatis, sed de mysterio Diuini Sacramenti: quod in maiore eius reuerentiam ceder.

9. Anguntur quoq; aliqui dubitantes, an tantum habeant dolorem de peccatis, quantum res ipsa exigit, & quantum habere debent: præsertim, cum videant, se magis dolere de morte, aduersitate filiorum, consanguineorum, & aliarum rerum temporalium, quàm de peccatis perpetratis.



## Remedia.

Non requiritur in contritione & dolore intensio, seu conatus summus, sed satis est, substantia contritionis, in quocunq; gradu etiam minimo. Substantia veto contritionis, consistit in detestatione seu displicentia peccati vera, per quam peccator nolle peccasse: ac proinde dolor intellectus, qui consequitur talem detestationem, est quasi tristitia vel cruciatus in appetitu intellectualem, per quē non est contentus ob peccatum admis- sum. Hinc Chrysostomus relatus c. *Talis de Pœnit. d. 3* Quantulamcunq; & quamlibet breui tempore non despiciat pœnitentiam. Et infra. Non patitur exigua etiam pœnitentiæ amitti mercedem. Dolor quoq; sensus (vt singultus, planctus, lachrimæ) non requiritur, ad remissionem peccati, quo ad culpam. Quod autem magis sentiatur dolor ob mortem parentum, filiorum, vel propriam iacturam, nihil refert: neq; enim oportet, vt is dolor sit maior quouis alio, sed sufficit, vt homo pluris faciat peccatum, & ob ipsum perdi-

perdidisse Deū, quā quoduis aliud malū Hinc quāuis magis & intensius persēciat & defleat mortem patris, quā peccatum commissum, per quod amisit Deum: satis tamen est, si malit Deum non offendere, quā patrem viuere, si quando daretur ei optio: qui dolor dicitur appetitiuus, sicut primus intensius. Contingit ista diuersitas ex hoc, quod hæc caduca sensu percipiuntur, Deus autem intellectu. Vnde ista apparentia quasi familiariora & coniunctiora, magis pungunt appetitum, sensitiuum, & propterea sensualitas maiori conatu cooperatur voluntati.

10. Scrupulus. Eodem modo torquentur aliqui, quod videntur sibi non habere tantum propositum vitandi peccata, vt malint mori, cremari, grauissima tormenta pati, honoris ac bonorum iacturam facere, quā peccare.

## Remedia.

Si quis perpenderet peccati grauitatē, damna quæ nobis infert, supplicij acerb-  
tatem, Dei bonitatem, vitæ æternæ am-  
fessionem,

sionem, certè non esset magnum, paratum esse ista omnia subire. Neq; enim hoc est impossibile, (& quod nō fecerint alij,) sed perfectum, imo ad beatitudinem necessarium. Nihilominus comparationes tales non debent fieri: sunt enim periculosa. Satis est habere, tam efficacis propositum, ut homo malit subire quoduis malum in communi, quàm Deum offendere: nec debet descendere ad varia mortis vel malorum genera: posito tamen casu in re ipsa, procedendum est, ut supra in 7. scrupulo.

II. Scrupulus. circa confessionem, quorūdam putantium, se nunquam satis perfecte & integrè confessos, eò quod aliquod peccatum aut circumstantiam omiserint, vel nō satis clarè expresserint: unde cōfessiones crebrò repetūt, & de eodē peccato sæpius cōfitentur, modò his, modò alijs verbis explicantes. Et dum clariùs se explicasse credunt, magis dubitant, & iterum conantur maiori claritate explicare, quæ eis statim post confessionem in mentem venit: atq; ita se suosq; Confessarios frustra fatigant, trepidantes.

tes timore, vbi non est timor.

### Remedia.

*Primum.* Præscribendum est eis, ut omnino cessent à reiteratione confessionis eorum peccatorum, de quibus dubitant scrupulosè (id est absq; solido fundamento) sintne vel non, sufficienter ea confessi: & similiter de quibus non habent euidèntem & certam persuasione, quòd sint mortalia. Alia ratio est de illis, qui in progressu temporis discendo, cognouerunt multa esse mortalia, quæ prius iudicabant non esse; isti enim rationabilem causam habent iterandi.

*Secundum.* Satis est in confessione, ipsum peccatum distinctè & in particulari, cum debitis ac necessarijs circumstantijs explicare, ita ut Confessor benè intelligat naturam & gravitatem peccati mortalis. Cætera parum aut nihil curet, præsertim scrupulosus.

*Tertium.* Talis repetitio non tantum non quietat conscientiam, sed etiam turbat magis, ut ipsimet experiuntur: sicut siquæ sæpius mora, aquam contentam,



non clarificat, sed turbidam facit.

*Quantum.* Talis quoq; anxietas ex reiteratione proueniens, impedit habitationem Dei in eis per gratiam, cuius locus in pace factus est: nec placet ei nimius peccati timor, & immoderata puritatis cura. Quia quamdiu Deum ita timemus, non videmur eum satis diligere, habentes eum de nimia seueritate suspectum: minuitur quoq; in nobis fiducia accedendi ad ipsum, ob talem metum: quod similiter Deo displicet, nobis autem summo pere nocet.

*Quantum.* Stultum est se fatigare in eo, quod sibi est impossibile. Nemo autem sua anxietate deuenire potest, ut certò & infallibiliter cognoscat, se verè ac sufficienter contritum, atq; confessum esse, absq; speciali Dei reuelatione. Neq; ipse Deus vult nos certò scire, an habeamus verum dolorem & alia requisita: sed hæc omnia sunt abscondita ab oculis nostris.

*Sextum.* Docet Nau: Ench: C. 21. n. 42. repetit idem Reginaldus in praxi. Quòd mortaliter peccat, qui semel benè factam peccatorum confessionem, iterat secundò, ter-

dò, tertio, & sæpius, propter scrupulos, cum periculo amentia, ob nimiam de re tristi cogitationem, aut cum scandalo notabili Confessarij, vel notabili sua infamia apud aliquem. Et si abest tale periculum ac scandalum, peccat venialiter: quia debet procurare conscientia tranquillitatem, quam talis repetitio aufert vel minuit. Ideò semel ritè confessus, iudicio docti Confessarij, quiescere debet, & non renouare vulnus suum, per has reiterationes, sed posteriorum oblitus, ad anteriora se conuertat, de misericordia Dei benignè speret, neq; eam securitatem aut certitudinem quærat, quæ in hac vita absq; speciali reuelatione haberi non potest.

*Septimum.* Si non recordantur, an hæc vel illa mortalia in confessione manifestauerint, recurrere debent ad diligentiam adhibitam in recogitatione peccatorum, ante confessionem, & ad integritatem obseruatam in ipsa confessione: inuenta q; mediocri diligentia, ac voluntate integrè confitendi, deponere debent dubitationem: præsertim si periti & pij

virī aut Confessoris iudicio, censentur diligentiam debitā posuisse in confitēdo.

*Octauum, ex Caietano & Nauar.* Spirituālis medici consilium talibus sufficere potest ad moralem certitudinem, & securam conscientiam formandam. Quia cū laborent tali infirmitate (scrupulorum) quæ in ipsis firmitatem iudicii circa talem materiam impedit, vehementiq; timoris perturbatio constantiam ipsis adimit, & tot dubitationibus opprimit, vt rectē ipsi iudicare non possint, nō eis aliud restat remedium, nisi iudicio prudentum firmiter stare, neq; se periculo grauis damni spiritualis, temerē exponere.

*Nonum.* Quando similes dubitationes occurrunt, obseruandum est, an habeant aliquam cōiecturam, quōd sint confessi, & si hanc deprehenderit, quamuis certō nesciant, credere debent, se esse illa confessos. Quia vt dictum est, credulitas scrupulosa, quando est in fauorem eius, habenda est pro certitudine.

*Nota hic.*

Quāquam nullus obligatur ad confessionem

essionem iterādā, semel benè factā, licitum tamen & sanctum est; vbi conscientia pacata est, absq; tædio Confessorum, ac impedimento aliorum bonorum operum, ex deuotione iterare; ad minuendam pœnam, tam ratione verecundiæ, quā pœnitens in confessione afficitur, quam ratione efficaciz sacramentalis absolutionis, quæ & largitur & auget gratiam, pœnam verō tollit, aut saltem diminuit.

12. Scrupulus est, nimia sollicitudo consistendi omnia venialia, nullo prætermisso.

### *Remedia.*

*Primum.* Hoc non est necessarium. Docet enim S. Conc: Trid: *Sess: 14. c. 15.* quod venialia in confessione sine culpa tacentur, & multis alijs modis extra confessionem expiantur, scilicet sumptione Eucharistiæ, asperzione aquæ benedictæ, ieiunio, elemosynā, recitatione orationis Dominicæ, tunctione pectoris, ingressu in Ecclesiam. &c. Atq; adeo non sunt necessaria materia confessionis, quamuis si aliquis velit ea confiteri, licitè fecerit.



*Secundum.* Sapiēs benè consulit, Eccl: 7. *Noli esse nimium iustus.* Nimium est hoc, quia delicta (venialia maxime) quis intelligit? quis enumerabit? Nimiū, quia hoc procedit ex inordinato desiderio puritatis. Nimiū, quia fiducia collocatur magis in diligentia propria, quàm in Dei bonitate.

Satis itaq; est in confessione explicare mortalia omnia, quæ post diligens examen succurrunt memoriæ. Et præter hæc, si libet, grauiora venialia, vt est semiebrietas &c. singillatim & in particulari: leuiora verò in communi referre, ac succinctè.

13. *Scrupulus*, eorum, qui frequenter confiteri solent, & dum se examinant, nihil prorsus deprehendere possunt, quod in confessione manifestent. Cum itaq; ex vna parte sciant se à peccatis non esse immunes, ex altera, nullum inuenire possunt, conqueruntur & torquentur in animo, putantes se aut peccata non nōsse, aut nescire ea inuestigare, & ex conscientia eruere, ac proinde neq; benè confiteri.

*Remedia.*

Turba-

Turbari non debent. Res enim hæc est difficillima propter duo. 1. Quia conscientia anguli sunt obscuri, vnde & difficilè cognoscuntur, propterea Psalmista dicit: *Delicta quis intelligit, ab occultis meis munda me Domine.* 2. Quia peccata iustorum, sunt potiùs omissionis, quàm commissionis. Commissionis quidem, vt furta, adulteria, percussiones. &c. quæ in faciendo consistunt, faciliora sunt, vt quæ in rerum natura aliquando fuerunt: & tamen, non rarò è memoria excidunt. Peccata verò omissionis, quæ non in faciendo, sed in omittendo facere, consistunt: eo ipso quod nunquam fuerunt, non comparuerunt, non se manifestarunt, non sunt visa, non audita, nullo sensu percepta, cognitu & memoratu difficiliora sunt.

Deinde horum peccata sunt, vt plurimum venialia, quæ non valde sensibilia sunt, sicut mortalia, quæ animum pungunt, & vulnus renouant, ac propterea facilè memoria tenentur.

Non est ergo cur tristentur.

14. *Scrupulus* adhuc circa confessionem.

R 7

nam. In-

nem. Inueniuntur aliqui qui tristes à confessione discedunt: eò quòd Confessor eos, neque monuerit neque spiritua-lem doctrinam dederit,

### Remedia.

*Primum.* Sotto 4 d. 18 q. 2. a. 4. Offici-um per se Confessoris non est, interro-gare pœnitentem, sed audire eum, ve-rum supposito aliquo defectu, necessita-te, vel vtilitate, omninò interrogare debet. Ita etiam de monitione, consilio, vbi, quando, & cui, necessaria sunt hæc: Alioquin vbi necessarium non est: fru-stra fatigari, tempus terrere, alijs impedi-mento esse, imprudentiæ est: vbi autem adsunt omnia requisita, dolor proposi-tus, &c. nulla necessitas est.

*Secundum.* Procedit hæc exactio aut ex profunda humilitate: aut aliquando ex occulta superbia, vt videlicet collau-dentur, ac propterea in vanam gloriam, aut fiduciam incauti incidunt.

15. Scrupulus circa communionem: Non enim desunt, qui etiam post confes-sionem, quanta potuerunt diligentia, factam,

factam non audent accedere ad sanctâ Communionem, eò quòd se indignos existimant, metuentes illud seuerum D. Apostoli Cor: 11. dictum: Qui inquit, sumit indignè, iudicium sibi manducat & bibit, non diiudicans corpus Domini.

### Remedia.

*Primum.* Ad hoc Sacramentum fru-ctuosè sumendum, non requiritur eui-dens certitudo, quod sis in gratia Dei: hoc enim absq; speciali reuelatione Di-uina sciri non potest vt iam dictum est.

*Secundum.* Si talem euidentiam habe-res, adhuc deberes iudicare, te esse tali sùptione indignum dicendo cum Centu-rione: Domine non sum dignus, vt intres sub tectum meum.

*Tertium.* Sufficit ergo coniectura, quæ certitudo moralis dicitur. Quæ inde co-gnosci potest, quod accedens ad sumen-dum tantum Sacramentum, tantam dili-gentiam in purganda conscientia posu-eris, quantam adhibuisses ad opus magni momenti, vel ex quo maximum lucrum expectares.

Quartum.



*Quartum.* Dignitas est duplex Naturalis & Moralis. Naturalis non requiritur: neque enim dignitas Angelica, huius Sacramenti dignitatem exæquaret. Sufficit itaq; moralis, ita vt nullius peccati mortalis ( quod nondum sit expiatum ) conscius sis, & quodcunq; à te commissum sic detesteris, vt firmissimè proponas, te amplius Diuina ope non admissurum. Ad quod exequendum, vel maximè iuuabit ipsa Eucharistiæ sumptio, roburq; addet ad fortiter resistendum tentationibus.

*Quintum.* Non mouearis, quòd te sentias aridum, carne repugnante spiritui, dummodo tu sincerè deuotionem desideres, & ad eam seriò, moderate tamen coneris. Deus enim, qui audit desiderium pauperum, nostra verò omnia taxat, secundum quod procedunt à voluntate, & non secundum ea, quæ nobis inuitis, caro sensualitasq; obtrudit, qualia sunt imaginationes volubiles, phantasiæ variæ, carnis illecebræ, stimuli, appetitiones vindictæ, inconstantia circa agenda: quibus dum non consentimus, non culpa-

culpamur, quin potius meremur.

*Sextum.* Qui liber est à mortali, licitè ex humilitate, poterit abstinere à sancta Communione, excusando se cum centurione: *Domine non sum dignus, vt intres sub tectum meum.* Idem licitè ex feruore deuotionis & charitatis, atque ex confidentia, alacriter ad sanctam Sumptionem se accinget, imitatione Zachari, qui Dominum in domum suam suscepit gaudens. Longèque melius est suscipere, quàm abstinere, tum propter motiuum excellentius, tum propter immensos fructus, quos talis sancta Communio profert, virtute passionis Christi, cuius est memoriale. Inter alia verò quæ confert, est pinguedo deuotionis, corroboratio in charitate, auxilium ad superandas frangendasq; difficultates, quas caro spiritui affert in via salutis.

16. Scrupulus circa deuotionem. Affliguntur aliqui, propterea quòd in suis orationibus, alijsq; spiritualibus exercitijs videntur sibi habere cor aridum, & carere deuotione erga Deum, nullam spirituale consolationem, suauitatem, ténacitatem.

teneritudinem sentire, dulces illachrimationes, quæ talibus coniungi solent, non experiri. Vnde suspicantur se peccatis aliquibus occultis inquinatos, à Deo non diligì, & reprobos esse.

### Remedia.

*Primum.* Neque suauitas consolationis in pijs exercitijs est certum aut sufficiens signum gratiæ Dei inhabitantis: sicut neque ariditas, peccati: Nam vt Gerson testatur: etiam flagitiosissimi consolationem quandam sentire possunt, non veram sed falsam ac simulatam, non à Deo immissam, sed à dæmone subministratam, non ad vtilitatem habentis, sed ad subuersionem decepti. Potest enim diabolus vires corporis quadam tranquillitate fouere, voluptatem fingere, atq; incautos eò perducere, vt etiam secundum spirituales vires, multum inde gaudeant, magnaq; dulcedine fruantur, adeò, vt putetur esse vera, quæ tamen falsa fuisse postea ex effectu deprehendetur. Ex eis enim vel se erigunt in superbiam, vt imperfecti; aut in errore confirman-

tur &

tur & crescunt, vt hæretici: aut per indiscretas mortificationes in morbum incidunt, vel in bono deficiunt: ac in contraria virtutibus vitia præcipites ruunt, vt superbi & incauti.

*Secundum.* Vera & bona deuotio consistit in bona ac sincera voluntate, qua homo paratus est, se suaq; impendere, ad Dei obsequium, illiusq; beneplacitum in omnibus sequi. Præterà benè interpretari, & æquo animo suscipere, quicquid Deo disponit quod videlicet hoc facit ad maius nostrum bonum. Nam subtrahit consolationem, facit ne sit occasio præsumptionis, aut negligentia, vanæ iactantia, aut alterius periculi peccandi, & adsit exercitium virtutis, instrumentum maioris meriti, dum seruitur militaturq; Deo quasi proprijs impensis.

Itaq; totum Diuinæ misericordiæ committendum est & humiliter de eius auxilio confidendum, faciendo, quod in se est & simul petendo conseruationem & augmentum bonæ voluntatis concessæ, ac demum sentiendo de ipso tanquã de Patre amantissimo, & nostræ vtilitatis studiosissimo.

Terti-



*Tertium.* Considerandum est, hoc tempus non esse metendi, sed serendi. *Aderit tempus retributionis bonorum operum, in quo inebriabuntur eius dilecti ab vbertate domus eius.* Psal: 35.

*Quartum.* Hoc quoq; sciendum, quod in maiori periculo versantur, qui fruuntur dulcedine deuotionis: quam illi quibus hæc negatur. Si enim illi confidentes in illa consolatione negligant considerare imperfectum suum, periculum est, ne natura corrupta, arripiat sibi ex ea occasionem superbiæ, negligentæ, &c. Illi verò cernentes suam imperfectionem, si in humilitate se exerceant, & pro virili suo ad perfectionem aspirent, assurgereq; contendât, acceptiores Deo erûnt.

17. *Scrupulus, in recitatione officij, & aliarum orationum.* Nam aliqui solent iterare & reiterare omnia vel aliqua, putantes, se aut non attentè, aut non plenè protulisse verba, versus, aut etiam omisisse, vel integrâ horâ nō persoluisse.

### *Remedia.*

Tales scrupulosi, meritò debent abstinere

stinere, à tali iteratione propter multa.

1. Quia hæc iteratio, non facit animum tranquillum, imò potius inquietum. Nam post iterationem, deprehenduntur eadem vel maiores imperfectiones: ac propterea multiplicantur iterationes.

2. Quia per eam ipsa quoq; attentio difficilius retinetur, & facilius amittitur. Siquidem attentio comes esse debet orationis, absque conatu vehementi, non autem obiectum vel scopus orantis. Qui autem adeo importunè per tot repetitiones extorquere attentionem nititur: de ea magis cogitat, ne effugiat, quam de his, quæ profert: Ac proinde elabitur attentio ad verba, & versatur cogitatio circa retentionem attentionis.

3. Descendamus ad causas repetitionis, quæ possunt esse Sex.

Nam vel ideò fit, quia non benè meminuit, quod recitauerit. Sed ad hoc sufficit, cum crudelitas scrupulosi, quod recitauerit: hæc enim apud eum debet æquipollere certitudini, pacatæ consciëntiæ: tum probabilitas, quòd sit scrupulosus,

losus, sæpius ex leuibus coniecturis dubitans. Et propterea non repetens, nihil peccabit. Aut quia credit se omisisse aliquod verbum, vel etiam aliquos versus. Sed horum omissio non inducit peccatum mortale, etiamsi sit voluntaria: eò quòd non sit omissio notabilis partis officij, quamuis scrupulosus reuera non omiserit. Quòd si certum sit eum omisisse, suppleat post officium, & non iteret. Scrupuloso tamen, neq; supplementum concedendum est, etiamsi dubitaret de Psalmo vel psalmis omisis. Aut quia credidit se attentionem ad sensum verborum non habuisse. Sed ista non exigitur, etiam in doctis, quamuis vtilis sit. Satis enim est, quòd habeat attentionem ad verba, vt rectè ac integrè proferat, referendo ea ad Deum: hoc est offerendo ea Deo secundum sensum, quem in Ecclesia Catholica, pij doctiq; intelligunt, animo laudandi Deum & petendi ea, quæ in illis verbis petuntur. Vel tandem cogitando aliquod pium de Deo, aut diuinis.

Aut quia existimant, se neq; ad verba  
attenti-

attentionem habuisse, & Dei memoriam è mente excidisse. Sed satis est, quod in principio habuerint attentionem orandi attentè, saltem ex consuetudine. Nec requiritur, quòd tale propositum actu duret per totam orationem, sed satis est, quòd non sit retractatum; aut per negligentiam euagatio animaduersa non sit retenta. Sic enim durat illius intentionis virtus per totam orationem. Aut quia existimant se detrimentum vel iacturam perpercosse esse: quo ad impetrationem, meritum, & satisfactionem. Sed ad ista tria obtinenda, sufficit ista virtualis attentio. Aut quia putant se aliquo modo peccasse, vt puta, per vanas aut turpes cogitationes. Sed hoc peccatum, quod fortè ad breue tempus incidit, vt puta, delectatio morosa, vel consensus in vindictam, non per repetitionem, sed per pœnitentiam diluitur. Si veniale, multis alijs modis deletur, absq; eo quod per repetitiones contrahatur habitus scrupulorum. Aut quia dubitat, an impleuerit, satisfeceritne præcepto Ecclesiæ de recitandis horis. Sed si habuit solam atten-



attentionem ad verba, & simul cogitationem deuotam seu reuerentialem de Deo, certè satisfecit. Vel si saltem in principio horarum habuit propositum, attentè recitandi, quamvis postea inuoluntariè euagationem passus sit, nihil refert. Hoc enim etiam sanctissimis evenit, & moraliter quasi impossibile est diuagationes in oratione non pati.

Verum quidem est, si autè principio non haberet intentionem orandi; aut in progressu, habitam retractaret; aut emergentem & animaduersam euagationem, per negligentiam, & complacentiam retineret, seq; ad attentionem reuocare non curaret; non satisfaceret præcepto, sed teneretur reiterare officiū. Atqui hoc, locum non videtur habere in scrupuloso morigerato. Qui ergo bona fide, & cum proposito attendendi, ad recitandum accedunt, etiamsi in fine Psalmi aduertant, se fuisse distractos, nihil curent, nec repetant: sed iterum atque iterum ad attendendum mentem applicent, & prosequantur; etiamsi non recordentur, se omnia dixisse. Quod seruandum

uandum est non tantum in horis, sed etiam in Missa, etiam quo ad verba consecrationis. Quamdiu enim eis non constiterit euidenter, se aut verba aliqua non protulisse, aut quo ad attentionem, propositum mutasse, vel aduertendo voluntariè circa alia vagatos fuisse, credere debent, se suæ obligationi satisfecisse.

18. Scrupulus curiosæ indagationis, vel dubitationis de sua salute.

### Remedia.

Impossibile, nedum difficile est, certè nōsse, citra diuinam reuelationem, statum suæ animæ, an, videlicet sis in gratia vel in statu salutis, aut in statu damnationis, aut sis saluandus vel condemnandus. Sunt ista abscondita ab oculis nostris, & nemo scit, amorene an odio sit dignus. Nihilominus confidens bonitati Dei volentis omnes saluos facere, cura per bona opera, vocationem, tuam certam facere. Ille quicquid facit circa te & omnia, benè & iustè facit, ordinatq; & nemini facit iniuriam, imò etiam iniustis benè facit, & facit oriri solem super

bonos & malos. Tu fac, quod tuarum partium est, Deus autem tibi non deerit.

19. Scrupulus procedit ex eo, quod quis ignorat se scrupulosum esse, sed potius peccata conscientia. Vnde credite se verè, & non scrupulosè iudicare, rationabiliterq; in omnibus procedere.

### *Remedia.*

Ita Phreneticus, tantò magis ægrotat, quantò se liberum ab infirmitate firmius credit. Non tamen difficile est etiam hanc existimationem auferre, nam sapius dubitare in vna vel pluribus materiis, vt in votis, excommunicationibus, peccatis, confessionibus. &c. & ex leui causa, euident argumentum est conscientia scrupulosa.

Præterea, neq; hic quærenda est certitudo: satis enim est verisimiliter credere, se esse scrupulosum, siue suo iudicio, siue aliorum censura. Et ita liberè vtilicebit omnibus prædictis remedijs.

20. Scrupulus. Interdum homines solet subire talis dubitatio: Sumnè ego baptisatus, &c.

*Reme-*

### *Remedia.*

In tali tentatione perpendendæ sunt circumstantiæ. 1. Si extant vel extabant Patrini, qui vulgò patres baptismi appellantur. 2. Si parentes fuerunt Catholici & diligentes in rebus fidei ac salutis: Nā si hæretici fuerint, præsertim verò Arriani, facilè est coniectare, quid fecerint, ex his quæ facere solent. 3. Consideretur locus, in quo quis sit natus, si in sylua, ciuitate, villa, vbi Ecclesia, vel propè, aut longè. 4. Tempus, si tempore belli vel pestis, quo Sacerdotes aut trucidati, aut mortui sunt. 5. Qui tempore natiuitatis adesse potuerunt. 6. Si obstetrix fuit perita, & solita in casu necessitatis, legitimè baptizare. 7. Si aliquando auditum est à fide dignis, hoc asseueratibus. 2. Si post talem discussionem, & examen, notitia certa haberi non possit: solida verò argumenta pro parte negatiua fuerint omnino, baptismus saltem sub conditione adhibendus esset, absq; solennitatibus, & priuatim, eò quòd ab alijs habetur & censetur baptisatus.

S 2

Verum,



Verum, si levis existimatio esset de parte negativa, credendum est, quod sis baptisatus, neque aliqua turbatio admitenda.

Ad extremum autem, ita posses intra te discurre.

Iterare baptismum non licet. Quod si scirem me non esse baptisatum, certe vellem & desiderarem, imò & susceperem, libentissimè: & nunc, si & quatenus necesse est, volo & cupio, & pro peccatis à me patris, sincerè ob amorem Dei, doleo. Tale propositum habens, etiamsi re ipsa non esset baptisatus, saluaretur: quia tale desiderium seu votum, dicitur baptismus flaminis.

### § VII.

*Quomodo se Confessarius gerere debeat cum scrupulosis.*

Hic adnotanda sunt quædam animadversiones pro Confessoribus.

1. In primis autem curare debet, ut in diiudicandis his difficultatibus sit peritus atque discretus. Nam scrupulosi solent seuerè se accusare de cogitationibus blasphemiarum,

sphemiarum, & aliorum nefandorum criminum: qui si inciderint in Confessarium imperitum & indiscretum, is multo magis eorum conscientiam conturbaret, illi verò affligerentur vehementius, & in desperationem conicerentur. Discretus erat ille de quo Gerlon refert: Fuit, inquit, quidam pater in his rebus versatus, multaque experientia præditus, cui cum Monachus agitatus molestissima blasphemiarum tentatione, quam ob rerum foeditatem explicare erubescere, tandem aperuisset, is subrisit & dixit: Impone manum tuam capiti meo. Quo facto, subiunxit pater. Omnia illa peccata, eorumque totum pondus suscipio in me, dummodo tu in posterum non excrucieris. Cum autem ille Monachus vehementer miraretur, interrogauit eum, pater, si aliquando ei tales cogitationes placuissent. Quo respondente, se magnopere ab illis abhorruisse, subintulit. Ergo tu non eas agis, sed pateris. Ac ita te fatigatum, vult dæmon in extremam desperationem inducere. Et sic Monachus diuturna qua vexabatur molestia, liberatus est.

S ;

2. Caue.

2. Cauere Confessarius debet, ne curando scrupulosum, aliquam vacillationem in se demonstret; quin potius fidenter ac intrepidè remedia adhibeat. Nam si quando Medicus medendo hæsitauerit, & remedia timidè applicauerit, in ægroto non poterit sequi securitas.

3. Non agat Confessor cum scrupuloso multitudine rationū (sic enim suppediaretur occasio scrupulorum) nisi ad persuadendum obedientiam, vt sine discursu captiuè intellectum: de scrupulis nō cogitet, non examinet, non discurrat. Ita enim infirmitas est instar doloris capitis, quod vt sanetur, somnum & quietem requirit.

4. Stabiliat in eo obedientiam quàm promptissimam, vt abiecto suo iudicio, submittat se omni iudicio superioris, Confessoris, viri pij ac prudentis: ita vt eorum iudicium in omnibus sequatur, suo abiecto. Hoc enim traditur Tob: 4. *Consilium semper à sapiente perquire.* Et Prou: 3. *Non imitaris prudentiæ tuæ.* Alioquin nullo modo curari poterit.

5. Extra confessionem, raro aut nunquam

quam eum admittat, adeuntem se ob interrogationes faciendas de dubijs. *Hinc Vasquez ait:* Si semper scrupulosus Confessarius, aliumuè doctum, circa scrupulos consulat, nunquam exhauriet fontem scrupulorum. Vnde & verbis aliquando tales grauiter obiurgare debet: dicendo, tales scrupulos esse amentias, & quod deberet eos pudere, tales stultitias fouere in pectore, cum sint homines rationis capaces, & cauere debent, tales ineptias alijs manifestare, ne ab eis vilipendantur, & pro fatuis habeantur.

6. Monere, vt piorum pacatas conscientias habentium, exempla aspiciant, & imitentur, qui in magna tranquillitate in terrena vitâ ducunt. Nec de eis sinistrè opinentur, quasi illi laxiùs viuant, scrupulosi verò cautiùs: alioquin nullum habebunt vitæ exemplar.

7. Instruat, quod omittens aliqua legis humanæ præcepta, bono animo seu fide, videlicet, putans, quod in tali casu lex non obliget, non erit mortale, etiam si allucinetur scrupulosus, & lex obligaret. *Anton. Caiet. Rodriq.*



8. Generales confessiones & repetitiones confessionum, seu reiterationem peccatorum, non facile admittat, nisi magna & euidentis necessitas accesserit. Et si dubitet de diligentia in examine, sciat sufficere mediocrem, suo vel Confessarii iudicio taxandam.

9. In confessione, non permittat ad particularia nimis descendere, quia eorum explicatione magis inquietarentur: sed summarie peccata tangantur, dummodo Confessor intelligat mentem confitentis, animæ statum, & peccati speciem. Scrupulosi namq; multiplicant verba, ad inueniunt exaggerationes cum magno suo pudore, & sine Sacramenti necessitate, imò aliquando cum contaminatione Sacramenti. *Gran. Exempli gratia.* Si quis peccauit cogitatione, sufficit dicere: Toties rursus cogitavi, ter, quater, & in eis consensi, seu delectatus sum. Nec requiritur, vt addatur cogitavi tale vel tale quid. *Gran. de Pœnitent.*

10. Scrupulosi cogitationes semper in mitiorem partem & fauorem scrupulosi Confessarius interpretetur.

II. CREG

11. Credulitatem verò eius pro certitudine habeat, quando est in eius fauore.

12. Non permittat confiteri dubia & scrupulos quos habet, sed tantum ea, quæ manifestè cognoscit esse peccata, aliàs perpetuò manebit, causa, occasio, & origo scrupulorum.

13. Imò si nimium vexatur scrupulis, non debet confiteri, nisi ea, quæ sunt euidenter peccata mortalia, & de quibus ita certus est, vt possit iurare ipsa esse mortalia, vel (si dubitat an ea sit confessus) se non fuisse illa confessum. *Sanchez, Sa, & alij.*

Nec debet aliquid putare esse peccatum mortale, nisi tale esse certò nouerit, absq; vlla hæsitatione: vt etiam superius adnotatum est. Hoc autem ex qualitate hominis scrupulosi iudicandum est.

14. Comprimat nimiam sollicitudine confitendi & enumerandi peccata venialia, quæ inquietudinem generat, & multis periculis exponit, Deo autem minus grata est. Nam ea interdum procedit ex amore sui, & inordinato desiderio puritatis (vt nihil remaneat in conscientia

S s

etiam

etiam minutissimi pulueris) nec raro ex confidentia in viribus naturalibus. Vnde Eccl. 7. vetatur nimia iustitia, hoc est per excessum inordinatum.

15. Eruditus quoq; ac bonæ conscientia vir, admonendus est, quod ipsemet nollet in simili casu alteri dare consilium illud, quod pro se capit. Vnde colligere potest, se non ex recta ratione, sed inordinata passione ita opinari, quæ si abesset, aliter etiam de seipso iudicaret. Caiet. 7. Scrupulus. Qui etiam debet alios viros pios ac prudentes aspicere, & in hoc æmulari, vt leuibus non moueatur, sicut nec illi.

Nec potest se illis præponere, credens se doctiorem aut meliorem, ipsos autem laxiores; eo enim ipso suspectus sibi esse deberet.

16. Doceat, vt aliquando sine confessione ad S. Communionem accedant, quamuis scrupulos sentiant. Si tamen in confessione vel minimum peccatum expresserint, debent absolui, si volunt.

## § VIII.

## De libertinis seu dissolutis.

Scrupulosi per aliud extremum oppositi sunt, libertini, laxi, & perditii dici possunt, qui post concupiscentias carnis euntes, & conscientiam cauteriatam habentes, non modo scrupulis non agitantur, sed neq; mediocri Dei timore mouentur, & in sua vita dissoluti sunt.

Remedium pro his, aliud post Dei auxilium, per orationem implorandum, esse non poterit, quàm timoris Domini incussio. Introducetur autem.

1. Ex propositione penarum, quæ sceleratis infliguntur, post mortem in inferno: adeo certò, vt qua fide credimus esse vnum Deum, creatorem cæli & terræ, & ipsius vnigenitum pro nobis hominem factum, & in cruce mortuum, debemus etiam credere eiusdem Christi veri Dei & hominis aduentum ad iudicium, in quo resumptis corporibus, sine fine victuri, omnes homines, sententiam sunt excepturi, qua iustis æterna gloria, & iniquis



& iniquis æterna supplicia decernentur.

2. Ex suasionē, ne talis velit esse in seipsum crudelis, animam suam (quam post Deum maximi facere debet, ut pote nihil eā intimius habens) exponendo æternis supplicijs, à quibus ut nos liberaret Christus, acerbissimum ignominiosissimumq; crucis supplicium subiit.

3. Ex aggravatione periculi: siquidē contemnens misericordiam sentiet iustitiæ rigorem, in illa terra miseriæ & tenebrarum in qua sceleratis est finis sine fine, mors sine morte, defectus sine deficientia: ibi enim & mors vivit, & finis semper incipit, & defectus deficere nescit. Ibi damnati vivunt ut moriantur, sæpe moriuntur, & extingui non possunt.

4. Adijci potest, quod obstinatum esse in malo, diaboli est non hominis, qui in hac vita cadit & resurgit, semperque aditum habet ad Christum, benignum. Et quidem mutari de bono in malum, ignominiosum est; de malo verò in bonum, gloriosum coram Deo & Angelis eius atq; coram hominibus qui sicut mala vita offendebantur, ita bona ædificantur.

5. Etiam-

5. Etiam si nulla expectaretur remuneratio pro vita bona vel mala, ipsa tamen obligatio exigit, ut Deo obediamus ac serviamus, tum propter eius summam excellentiam & maiestatem, tum propter tot beneficia creationis, conseruationis, redemptionis, à malis præseruationis, & alia particularia in nos collata.

6. Imò si per impossibile, neq; beneficia ab eo accepta nos ad id obligarent, obligat tamen sufficienter humanæ naturæ conditio, quæ requirit, ut homo vivat, secundum rectam rationem. Hæc autem dicitur, bona sequenda esse mala verò vitanda. Verum dæmon detinet quosdam in sua obstinatione, suggerens eis fallacissimum stultissimumq; præsidium. Quod videlicet incertum sit, an post spreta commoda & iucunditates huius vitæ, & post toleratos multos labores sint habituri felicem exitum: hoc enim pendet ex vnius Dei beneplacito immutabili.

Itaque argumentantur sic. Aut sumus ad salutem destinatus aut non: si sum,

S 7

etiam si

etiam si fuero pessimus, saluabor: si non, sed ad damnationem præcitus, quamvis fuero optimus, damnabor. Auferat Deus talem cogitationem: tum quia falsissima, tum quia stultissima, tum quia periculosissima Deoq; iniuriosissima. Falsa quidem in hoc: si fuero pessimus, saluabor, & optimus condemnabor. Nam, si saluaberis, non eris pessimus: quia in articulo mortis emendaberis, & sincerā pœnitentiam ages, & ita finaliter non eris malus, neque in malicia saluaberis, sed in iusticia: & ita illi qui in peccato mortali moriuntur, peiores sunt. Similiter, si fuero optimus condemnabor; condemnaberis, quia ante mortem mutaberis, deferens bonitatem, & assumēs malitiam, ac propterea non eris optimus. Meliores enim sunt illi, quos, cum venerit Dominus (hora mortis) inuenierit in bono opere vigilantes, ac perseuerantes. Stulta verò talis cogitatio: quia non perpendit, quod etiam damnatus tantò minorem pœnam patietur, quanto pauciora & minora peccata habebit. Sicut & saluandi, tantò maius præmium conse-

consequentur, quanto diutius bonis operibus insudarūt. Vnde neq; saluad; neq; dānād; frustra abstinēt à peccatis, & bona opera non negligunt, sed habet quisq; suum commodum, quod non aduertere, stultū est, Periculosū quoque, quia videtur hæresim sapere, Deo, eiusq; præscientiæ imputare, quod aliquis sit damnandus: hoc autem nullo modo stare potest, si vel ipsum hominem consideremus vel Dei præscientiæ conditionem perspectam habeamus.

Et homo quidem liberum habet arbitrium ad bonum & malum, vtiturq; hac sua libertate in eligendo: postquam autem elegerit quod ei placuit, non nisi vnum exequi poterit, siue illud sit bonum siue malum. Vnde homo eligens malum, est causa peccati, ac proinde suæ damnationis. Porro Dei præscientia duo continet, scilicet finem & media. Deus enim ab æterno præsciuit finem cuiuscūque & media, quibus sit quisq; vlturus: Sed hæc præscientia voluntatem non cogit, necessitetem libertati nullam imponit, nam ita libere quemcunq; libere agere:



gere finit, ac si non esset. Si aliquis sagacissimi iudicij conijcit quempiam ex iudicijs alterum interfecturum, à quo ipsū abducit (tantū a best, quod adiuvet, aut consentiat) hic propter talem solertiam vel industriam, qua prauider & prædicat, culpabilisne est? Minimè.

Deus autem, adeonè curti visus est, vt à longè præsciuisse non valuerit, qui ab æterno in sua æternitate, omnia præterita & futura, tanquam præsentia intuetur? Et tamen admonet dicens, *Declina à malo & fac bonum.*

Non ineptum in hac materia exemplum aut simile adduci potest, de quodam infirmo & medico. Infirmus in corpore languebat, simul in mente, hoc læpis dilemate vtens: si Deus sic vel sic præsciuit, &c. Vocatus medicus dixit Domine, si Deus præsciuit, te fore sanum, absq; meis remedijs sanaberis. Si moriturum, etiamsi omnia pharmaca præberem, non te iuuarem. Conuictus prudentis medici dicto, pœnitentiam egit.

Non desunt alij mixti (vt ita dicam) fori, ac planè monstruosi, qui perditè viuunt, & tamen quibusdam scrupulis laborant, vt circa res fidei, circa blasphemias, quæ ipsi maximè abhorrent, circa vota, cōfessiones, &c.

Remedium pro his quoq; in Ecclesia Dei inueniri potest.

Inprimis enim deterrendi sunt à pessima vita. 1. Per orationem illis imponendam. 2. Nouissimorum meditationem ab eis faciendam. 3. eleemosynæ largitionem. 4. Frequentem confessionem & Communionem. 5. Ieiunium. 6. Status periculosi considerationem. 7. Per constans propositum deponendum, & vitam emendandi.

Postea recollecti, & aliquantulū cautiōres, ac conscientie timorata effecti, poterunt eis eadem præscribi remedia, quæ iam posita sunt pro scrupulosis.

De pijs autem, qui & cautè viuunt, & serenam conscientiam habent, nihil occurrit dicere: nisi quod Confessarij prudenter cum eis procedant, & ne turbent conscientiam monitionibus ac inquisitionibus minus necessarijs, caueant.

Plura poterit confessarius iudiciosus ex hac doctrina elicere, & ea scrupulosis applicare, prout Deus dederit, & occasio, necessitas expostulauerit.

*Ne aliquot Paginae vacuae remaneant, eas implendas censui, quibusdam doctrinæ, nouellæ præsertim ac scrupulosis Sacerdotibus apprimè necessarijs.*

1. Si Sacerdos sumpta Hostia deprehendat in calice loco vini ministratam esse aquam, etiam si ipsam totam vel illius partem hauserit non turbetur, sed statim dolorem concipiat de negligentia admissa: Ne autem Sacrificium imperfectum remaneat, incontinenti suppleat, aliquo horum duorum modorum.

*Primus*

*Primus est ex D. T. 4 d. 13.* qui Missalibus insertus & præfixus est, regulariterq; est obseruandus, quando nullum imminer scandalum, vt puta cum Sacerdos celebrat, præsentè suo ministro tantum, aut coram paucis prudentibus. Est autè iste:

Accipiat nouam Hostiã, & (si aliquid aquæ remansit) alium calicem: vel extracta particula Hostiæ, (si nondum deglutita est) effundat residuum aquæ in ampullam: aut si modicum aquæ remansit in calice, superinfundat vinum consecrandum. Tunc præmissa oblatione incipiat consecrationem vtriusque speciei, ab illis verbis. *Qui pridie quam patetur: prosequaturq; Missam more solito, (etiam eleuando) vsque ad finem.* Et post sumptionem Corporis & Sanguinis Christi, sumat & illam aquam, quæ reuerenter tractanda est propter contactum Corporis Christi.

*Secundus modus est ex Scoto, qui Nauar. c. 25. n. 91 placet: possetq; obseruari, in frequentia populi promiscui, ad euitandam admirationem & scandalum. Sufficit inquit solum calicem consecrare, & statim sumere,*



mere, omnibus alijs omiſſis. Sciendum tamen eſt, neceſſarium eſſe oblationem præmittere, ſaltem mentetenus, hoc eſt cogitatione concipere, oblationem illius vini, quod ſine ſacerdos, ſine etiã miniſter (loco primæ ablutionis) intudit, ſuper reliquũ aquæ. Nã ſi nihil aquæ remanſit apponenda eſt alia. Deinde in medio Altaris conſecret ſacerdos, incipiens ab illis verbis, *Simili modo poſteaquã cenatũ eſt, vique ad illa verba incluſiue. Hæc quoti-eſcunq; feceritis, in meam commemorationem facietis.* Tandem ſumat cum reuerentia, abſque aliqua mora, prætermiſſis alijs, ne populus errorem intelligat. Poſtmodum illam quoque aquam ebibat. Quod ſi ſacerdos turbatus, neſciens quid factu opus ſit, Communionem & poſtcommunionem, atq; adeo Miſſam abſq; tali ſupplemento, compleuerit, caueat ne iterum tunc celebret, neque enim poteſt.

2. Aliqui conſecrantes, nimis propè Hoſtiã & calicem, oſtenent, quaſi eum deglutire volentes, cùm aſtantium offendi-culo ſeu ſcandalo, vt auribus proprijs audiui. Hoc itaque non eſt neceſſarium

ſarium: quia etiã ſi per cubitum diſtaret oſ à calice, adhuc præſentia materiæ non impediretur.

3. Alij ( *vi Nauar. c. 16. de attentione aſſerit* ) verba conſecrationis tantò conatu & aſpiratione ab imò pectore tracta proferunt, vt ſcandalo ſint auditoribus: Alij nimis moroſè. Alij volunt, vt halitus aut verba tangant materiam conſecrandam, ideo & nimis ad materiã inclinantur, & halitu illam contingere curant, quod non eſſe neceſſarium ſed neq; decens *Azor* ( ni fallor ) monet.

4. Alij diſcrutiantur: credẽtes ſe non rectè proferre verba conſecrationis. Sed ſatis eſt ea proferre bene moraliter: hoc eſt humano more, ita videlicet, vt ſi cum hominibus loquerer, intelligerer: & ſermo haberetur pro intelligibili atque claro.

5. Repetitio quoque in conſecratione non eſt facienda, quia indecens eſt, nihilominus ſi quis ſcrupuloſus id faceret, forma conſecrationis non vitiaretur: ac proinde valida eſſet conſecratio.

6. Reprehendit etiã Nauar. *vbi ſupra.*  
& pecca-

& peccare dicit eos qui Missam tam sub-  
missè recitant, vt circumstantes non pos-  
sint audire. Reprehensibiles quoq; sunt,  
qui adeò clamorose recitant, vt & aures  
aliorum offendant, & alijs celebrantibus  
impedimento sint. Vnde bene in rubricis  
Missalium docetur, vt nec nimis altè di-  
catur, ne cõturbetur alij: nec nimis sub-  
misser, nec nimis celeriter vel tarde, sed  
mediocriter, vt à propè circumstan-  
tibus possint audiri. Illi quoq; qui  
in eleuatione diutius hostiam  
vel calicem tenent ele-  
uatam, corrigendi sunt.



# INDEX CONTEN- TORVM.

## In Prima Parte.

### De Pœnitentia. Fol: 1.

Pœnitentia quid significat,	n. 1.
Partes eius due: Materia & Forma,	2.
Materia duplex,	3.
De Materia proxima	f. 1.
Contritio in quo consistit,	n. 4.
Dolor duplex,	n. 5.
Proposuit quale exigitur,	n. 6.
Contritio triplex,	n. 7.
Attritio quid,	n. 8.
Periculum attriti quando,	n. 9.
Vitiosa contritio que,	n. 10.
De Confessione,	f. 5.
Quot modis accipitur, & præsens describitur,	(n. 11.
Conditiones confessionis.	n. 12. & deinceps
De Satisfactione,	f. 12.
Satisfactio quid,	n. 14.
Tres ordines eius,	15.
Conditiones eiusdem,	16.
De per.	



# INDEX.

De permutatione illius,	n. 17. f. 17.
De Materia remota Pœnitentiæ.	
Quid sit peccatum,	n. 18.
Quotuplex,	19.
Quomodo veniale à mortali differt in ordine ad confessionem,	n. 20.
Quomodo inter se distinguuntur,	21.
Quomodo ex suo genere mortale, fiat veniale, aut nullum,	22.
De modis peccandi,	n. 25. f. 26.
De peccatis mentalibus mortalibus,	24.
De circumstantiis peccatorum,	25.
vsq. ad n. 47. inclusiue.	
De Forma Pœnitentiæ,	f. 51.
Circa formam 12. animaduersiones	n. 48.
In Secunda Parte.	
De Pœnitente, Sex Capita. f. 59.	
1. Quomodo se iuuare possit ad contritionem, f. 59.	
2. Quomodo se parare ad confessionem debeat,	f. 61.
3. Quod speculum inspicere,	f. 64.
4. Quomodo se in actu Confessionis gerere,	f. 263.
5. Quid peractâ confessione facere, f. 267.	
6. Quomodo circa sumptionem Eucharistie se habere,	f. 267.
Specu-	

# INDEX.

Speculum commune habet § Octo.	
De peccatis contra virtutes Theologicas, f. 64.	
De peccatis contra Decalogum, f. 66.	
De peccatis contra Præcepta Ecclesiæ, f. 75.	
De peccatis circa Sacramenta, f. 110.	
De peccatis capitalibus, f. 132.	
De peccatis quinq. sensuum exteriorum, f. 216.	
De peccatis in cœlum clamantibus, f. 221.	
De peccatis contra opera misericordie, f. 223.	
Speculum particulare, secundum conditiones personarum,	240.
Habet numeros triginta duos.	
1. De Ecclesiasticis, f. 240.	
2. De Religiosis, 242.	
3. De Nobilibus, 243.	
4. De Militibus, ibidem,	
5. De Ciuibus, 244.	
6. De Mercatoribus, ibidem.	
7. De Medicis, 245.	
8. De Pharmacopoliis, ibidem.	
9. De Chirurgis, ibid.	
10. De Execucoribus testamentorum, 246.	
11. De Hospitalariis, ibid.	
12. De Aruspiciis, 247.	
13. De Iudicibus, ibid.	
14. De Cansidicis, 249.	
15. De	

# INDEX.

15.	De Notarijs,	251.
16.	De Testibus.	252.
17.	De Accusatoribus,	ibid.
18.	De Reu,	253.
19.	De Simplicibus,	ibid.
20.	De Diuitibus,	254.
21.	De Rusticis,	ibid.
22.	De Iuuenclis,	255.
23.	De Viduis,	Ibid.
24.	De Vetulis,	256.
25.	De Coniugatis,	ibid.
26.	De Filijsfamilias,	259.
	De Famulis specialiter,	ibid.
27.	De Patribusfamilias.	260.
28.	De Parentibus,	ibid.
29.	De Magistris,	261.
30.	De Studentibus,	ibid.
31.	De Telonarijs,	ibid.
32.	De Cauponibus,	f. 262.

## In Tertia Parte.

	De Pœnitentiaro. 7. Capita. f. 276.
1.	Cur Sacerdotum alij prompti, alij difficiles ad excipiendas confessiones, f. 275.
2.	Stante diuersitate opinionum, in casibus conscientia, qua eligenda, f. 278.
3.	De Dubio, f. 284.
4.	De con.

# INDEX.

4.	De conditionibus Confessarj,	f. 286.
5.	De Partibus Confessorij,	288.
	Ante Confessionem,	ibid.
	In Confessione,	299.
	Post Confessionem,	305.
5.	De Pœnitentiaro, quatenus iudex,	308.
7.	De eodem, quatenus Medicus,	f. 310.
	De Scrupulis § decem,	f. 321.
1.	Quid nomine scrupuli intelligatur,	f. 322.
2.	Scrupulus quanta mala operatur,	f. 223.
3.	Vnde generatur,	f. 325.
4.	Quomodo scrupulorum cause auferri possunt,	329.
5.	Generalia remedia pro scrupulosis,	332.
	proponuntur.	
6.	Specialia quoq; pro scrupulorum varie- tate,	f. 344.
7.	Quomodo Confessarius cum scrupulosis procedere debeat,	398.
8.	De libertini seu dissoluti,	405.
9.	De Mixtu,	411.
	De pacata conscientia	ibid.
	Scrupuli in particulari numerantur viginti, sed reduci possunt ad no- uem capita,	f. 349.
1.	Ad Cogitationes.	ibid. ad f. 360.



# INDEX,

1. Ad subitos motus. f. 361.
2. Ad gesta & gerenda. f. 362. ad f. 370.
3. Ad Confessiones. f. 371. ad f. 384.
4. Ad Communionem. ibid. ad 387.
5. Ad Deuotiones. f. 390.
6. Ad Curiositatem sciendi de sua salute. 391.
7. Ad non esse consciū scrupulorum. f. 396.
8. Circa baptismum. ibidem.
- Appendix pro sacerdotibus  
nouellis. f. 412.

Soli Deo honor &  
gloria

BIBLIOTHECA  
MAGELLONICA



Sanchus. hominum.



O. PAWLOWSKI

PL. A. IN KOSCIOL